



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

THE

ALPHEUS FELCH HISTORICAL LIBRARY

—
BEQUEATHED

TO THE

UNIVERSITY OF MICHIGAN

BY THE


HON. ALPHEUS FELCH.

1896.

A Helod

D
18
.T7
162

Wst
C



R. P.

HORATII TVRSELLINI

ESOCIETATE

IESV,

69135

EPITOMÆ

HISTORIARVM

LIBRI X.

EDITIO DILIGENTER RECO-
*gnita collatione MSS. multum mendis, qua
etiam in Historiam irrepsert, sublati.*

IN GRATIAM STUDIOSE IV-

uentutis noniter excusa.

Sa. h. J. H. V. 1722



COLONIÆ AGRIPPINÆ,

In Officina Birckmannica, sumptibus
Hermanni Mylij,

ANNO M. DC. XXII.





P R A E F A T I O
Auctoris ad Lectorem.



Anta historiarum multitudo est, atq;
varietas, cui usui ut hominis non sit aut
perlegere omnes, aut in ordinem re-
digere, aut memoriâ custodire. quo
fit, ut complures ab historiarum lecti-
one abhorreant, multi epitomam aliquam, ac sum-
mam historiarum desiderent, ubi res maximè me-
morabiles breuiter, atque ordine comprehendan-
tur. nam Chronicorum scriptores fere ita ieiunio
exilesq; esse dicunt, ut non sedent famem, sed auge-
ant; si qui autem pleniores existât, vel inquinatam
orationem adhibere, vel historiarum auctores o-
mittere, ut quæ fastidium afferant lectoribus, quæ
rebus abrogent fidem. Quare ego ab adolescentia
cum non negligerem in historiarum monumentis
aliquândiu versatus essem: appositum mihi aliquod
memoriolæ subsidium parandum putavi, feci quæ
non inuitus tum aliòrû causa, tum mea, ut hæc qua-
lemcumq; historiarum epitomen paulatim cõtex-
erem, sæculorumq; omnium memoriâ, obserua-
tis notatisq; temporibus, per breui, hec inuiti, ut
spero, volumine complecterer. Eius olim epitomæ
pars prior cum mihi fortè excidisset, descriptaque
esset.

Prefatio ad Lectorem.

esset à pluribus: multi viri, & prudentia, & auctoritate præstantes, qui meas aliquid putabât nugas, me denique perpulerunt, vt quod priuatum bonum esse volueram, paterer esse commune; & quod rude, & inchoatum circumferri dolebam, perfectum, atque absolutum ipse vulgarem. Ceterum in notandis Hebraicæ historiæ temporibus, Hebræorum auctoritatem, quæ certior habetur, secuti sumus. Et quoniam inter annalium historiarumque scriptores sæpè de vno alterove anno, aut etiam de pluribus est controuersia: optimum factu existimaui, vt hæc, quæ memoriæ causa breuiter cursimque perstringuntur, non aurificis statera, vt dicitur, sed populari trutina examinarem. Scitum est enim ex opinabilibus & incertis, certa & explorata excerpere. Itaque integris potius, ac solidis, quàm fractis numeris, & imminutis iusta per intervalla (accommodatè videlicet ad memoriam) rerum memorabilium tempora notanda duximus, quo & memoriæ imbecillitati, & temporum veritati, quàm maximè seruiremus.



HORATII
TVRSELLINI,
E SOCIETATE
IESV,

EPITOMAE
HISTORIARVM
à Mundo condito
LIBER I.

A D A M V S.

Primum igitur omnium constat, con-
dito ornatoque Mundo Adamum hu-
mani generis principem à Deo esse præ-
positum, & in amoenissimis hortis di-
uina manu consitis, vbi vitalis poma
arboris suppeterent, collocatum. Ceterum huic
Euam sociam, & adiutricem datam, ruinæ causam
exitisse. Adamus quippe diuinam legem neglexit
non tam vetiti pomi specie, quàm illecebra indu-
ctus vxoris. Ergo vnà cum noxæ socia, beatis
hortis in perpetuum expulsus morti, ceterisque
miserijs, quæ mortalem conditionem comi-
tantur, obijcitur, repentè ex beato miser. &
auctor hominum generis ruens, secum in eun-
dem

dem casum posteritatem traxit omnē. Exilij initio Adamus Caimū, & Abelem genuit, quorum ille agricola, hic pastor fuit. Sed citò domesticum malum interuenit inuidia. Abelis sacrificia Deus igni è cēlo demisso probauit; Caimi non item. Itaq; homo inuidus fratrem interfecit. Ob eam cēdē parētes diu in luctu fuerunt. ipse vltrice parricidij conscientia, profugus errauit. Et tamen homo demens urbem condidit. eius posterī musicam, ferrariam, aliasq; artes vel ad vitæ cōmoditatem, vel ad delectationē inuenere. Impia Caimi, pia Sethi, qui postea Adamo natus est, progenies extitit.

ENOCHVS.

Anno à Mundo cond. propè M.

ENochus Sethi trinepos anno post Mūdum cōditum propè millesimo, ob summam Dei familiaritatem diuinitus est ex hominum coetu, atq; oculis raptus. Huius filius Mathusales cū annos ferè mille vixisset, nihilo faciliore, quàm ceteri, expertus est mortem. Vulgo autē mortales mortis obliuī, vitę longitudine (plerique enim annum explebant nongentesimum) abuti cœperunt.

Sethi porrò gens cōnubijs cum Caimi gente iūctis, Gigantes progeniuit; & in externos lapsa mōres, omnia pudoris atque officij repagula perfregit. Itaque anno post Mundum conditū MDCLVI. flagrans vbique libido perpetuis quadraginta dierum imbribus, terrarumq; omnium eluione restinguitur. Animantium nihil vsq̃ iam reliquum sit

pra-

præter id, quod Noes vir bonus Dei monitu in arca, seu naui quadam ingenti asseruarat ad sobolē. Sub eluuiōem vis, & vita hominum imminuta est. Ad subsidiū imbecillitatis carnes concessæ. Vinum quoq; à Noe inuentum; sed haustū vberius ne ipsi quidem pepercit auctori. Ebrium, ac nudatū parentem Chamus ludibrio habere, alijs demonstrare cœpit. at Semus, & Iaphetus auersi iniecto pallio contegunt. Ergo pater re postea cognita Chami progeniem execratus, ceteris liberis bene precatur. A tribus hisce Noe filijs gentes omnes toto terrarum Orbepaulatim sunt propagatæ. Iapheto Scythia & Europa; Chamo Syria, Aegyptus, & Africa; Semo Assyria, India, & reliqua Asia obtulerunt.

NEMBROTHVS.

Anno à Mundo cond. MDCCC.

N Embrothus Chami nepos, anno post diluuium circiter centesimo, auctor ceteris fuit, vt ante digressum, summæ altitudinis turrim communiter excitarent siue inundationis perfugium, siue conueniendi monumentū. Ceterum superbis mortalium conatibus diuinum obstitit numen. repente vna, qua tum utebantur omnes, lingua in duas & septuaginta, quot erant familiæ, diuinitus dispersitur. Sublato igitur sermonis cōmercio, ædificatio abiecta est. ex eo terrarū Orbis frequentari cæptus. lingua, quæ communis antea fuerat, in Heberi (à Semo originē ducebat) familia, ac gēte mansit. inde Hebræa dicta. Turris inchoata, ex lingua-

in confusione, Babel primum, deinde Babylon appellata. In ea Nembrothus (qui fortassis idem us fuit) imperitavit. Constat Belum in Assyria nasse primum anno circiter MDCCCL. à mudo condito; regnum obtinuisse annos LXV. nil memoria dignum gessisse.

Ninus autem Beli filius, impia pietate adductus ventis sui monumentum, ac simulacrum coli iussit pro Deo. Ea idolorum, Deorumque origo natus. Aequè verò in homines iniuriosus Ninus cecidit, atque impius in Deum. Imperandi studio grans, pessimo exemplo, imperiū armis propagare instituit. Ergo Asiam in suam redigit ditiorum. Zoroastre Bactrianorum Rege, eodemque regis inuictore debellato, Bactris potitur. Idem Nini seu Niniuen urbem condidit: Assyriorum imperium instituit, quod annos viguit circiter MCCC. Imperavit LIV. Nino Agialeus primus Sicyonium Rex ferè æqualis numeratur.

Semiramis virago Nini coniux, & cupiditatis imperandi socia, eluso filio, regnum prestigijs quidam interuertit, ad seque transtulit. Ne cuiam pareret, nubere omnino noluit. Ab ea Babylon magnificentissimè est extructa: Asia, Media, Persis, Aegyptus ingenti cum exercitu peragrata: magna Lybiæ, Aethiopiæque pars subacta. Ceterum bellum Indis illatum, feliciore principio, quam exitu gessit. Ad ultimum imperiosa mulier libidini impissimè seruiens à Nino filio, cuius incestos exsuperauerat amplexus, necatur anno imperij sui XLII. Ninus, seu Ninias superioris Nini filius à patre penitus

nitus degenerauit, perinde quasi luxuria cum matre certaret. Regni administratione Præfectis cōmisit: ipse delitijs effeminatus conseruit in coetu mulierū, perniciosore etiā exemplo, quā instituto. Nequitia suæ imitatores XXX. deinceps Assyriorum Reges habuit, alium alio nequiores. qui oēs perinde ac si nati nō essent, in tenebris, ac silentio iacuerunt, verbo Reges, re autē vera mancipia voluptatis.

A B R A M V S.

Anno à Mundo cond. M M.

A Bramus genere Chaldaeus ab Hebero originem trahens, extremis (vt Eusebio, & Augustino placet) Nini maioris temporibus natus est. Itaq; minore regnate Nino, à Deo euocatur, anno post Mundū conditū circiter MM. Domo igitur relicta, Deū sequitur multis sæculis ante Philosophos natos qui id præceperūt. Palæstinā sedem posteris promissā suis cūm peragraret, annonę inopia coactus, descendit in Aegyptū. Ibi raptā quidē à Pharaone Rege vxorē desiderauit. Sed breui Dei immortalis beneficio, maximis cū munerib. recepit intactā. AEgypto repentē ex inopi opulētus excedit. Lothum inde fratris filiū, peregrinationis comitē, Sodomis captiuū abductū, cæso hoste liberat. Victor Melchisedeco Sacerdoti decumas persoluit. Porro iam centenarius, cūm sibi ac suis, Dei iussu, præputia circumcidisset; è Sara coniuge sterili, diuinitus promissū genuit filiū. Ei ex risu matris Isaac nomen inditū. Nondū natus erat Isaac,

A s

cum

cūm Abrahami meritis exoratus Deus Lothum
vnā cum vxore & liberis Sodomæ incēdio exemit.
Sed Lothi vxor, quōd cōtra Angeli edūcentis prę-
ceptum respexisset, in statuam salis est versa, stulti-
tiæ documētum. Lothus ipse vino, & filiarum cal-
liditate delusus, ostendit nihil esse tam fœdū, quod
non admittat ebrietas. Iisdem temporibus Titanes
extiterunt in Creta, quorum natu maximus Satur-
nus fuit, qui pater perhibetur Iouis.

— Abrahami porrō fides (Ismaele filio cum Aga-
re ancilla eius matre ablegato) diuinitus tentata
mirē enituit, magno suo ac suorum bono. Impe-
ranti Deo, vt Isaacum vnicum filium, spem stirpis,
sua manu immolaret, parere non dubitauit. cōa-
tus pro factō fuit. Iam impositū aræ filium ferro
appetebat, cūm repenti cœlesti voce dextram co-
hibere, filio parcere iubetur. Spectata pietas, egre-
giaque obediendi voluntas, copiosissimā sobole
remuneratur, Christoque promisso.

Hebræorum parenti Abrahamo, Iouem Deo-
rum patrem, Cretæ Regem supparem facit Euse-
bius, vt multis hominibus iunior, ille Deorum pa-
ter inueniatur. Is propter paternā in populos cha-
ritatem, Deus est habitus. Eius fratres Neptunus, &
Pluto, alter regiæ classis Præfectus, alter funerum
inuentor in Græcia. quæ res illi maris, huic infero-
rum imperium, ac numen peperit apud stultam an-
tiquitatem.

I S A A C V S.

Anno à Mundo cond. M M C.

Isaacus

Isaacus primis Græciæ Diis haud multo iunior, vero exorato Deo, Esaum, & Iacobum ex Rebecca vxore genuit sterili. Geraras annonæ causa profectus, Dei numine & cōiugis pudicitiam ab Abimelechi Regis libidine intactam seruat, & rem familiarem auget vehementer. Ceterum affecta iā ætate, cum nihil cerneret, à Iacobo filio deceptus, Esaum illi non sine diuino consilio posthabuit.

Isaaci ferè æqualis Argiuorū rex primus Inachus extitit, cuius filius Phoroneus vagos homines, ac dispersos in vnum coegisse locum, ac mœnibus legibusq; sepsisse memoratur à Græcis.

IACOBVS.

Anno à Mundo cond. M M CC.

Iacobus Mesopotamiam petens, in quiete Dei speciem vidit è summis scalis Christum sibi pollicentis. Inde apud Labanum auunculum maximos greges labore, atque solertia sibi parauit. Ex Lia, Rachele, alijsque vxoribus Patriarchas progenurit, duodecim Tribuum auctores. In Palestinam rediens post nocturnam cum Angelo luctam, Israel à Deo appellatur. Hinc Israelitis nomen factum.

In Patriarcharum ætatē Apollo, Mars, Vulcanus, Venus, Minerva, Iouis filij, præcipua Græciæ numina, & superstitionum Patriarchæ inciderunt. itemq; Ogyges primus Rex Atticæ, quo regnante memorabilis illa Atticæ inundatio extitit (mortalium animis superstitione iam obrutis) annis ante Urbem conditam circiter ML.

IOSE-

I O S E P H V S.

Anno à Mundo cond. M M C C L.

Iosephus vnus ẽ Patriarchis , paulò post Ogygium diluuium, ac superstitionis, vitiorumque omnium eluuiõnem, præclara pudicitia ac moderationis documenta dedit. A fratribus in Aegyptum per inuidiam amandatus, ac venditus, tum alijs, tum suæ genti saluti fuit. quippe heræ libidine elusa, falso crimine coniectus in vincula, ob diuinam conijciendorum somniorum solertiam ẽ carcere ad imperium euocatur , annonæque & Aegypto præpositus ab ipso Rege Saluator Orbis terre appellatur. Ceterum altitudine animi, fortunæ insolentiam superans, fratribus iniuriam, vlciscendi oblata occasione, cõdonat. Patri persuadet, vti cum stirpe vniuersa demigret in Aegyptum. Erant Isrælitarum tum omninò capita LXXV. sed breui eorum soboles , mirum in modum propagata est : quamuis post Iosephi mortem, opprimente Rege, ærumnis vegetiorem, fœcundioremque fieri dices.

Iosephi pænè æqualem statuit Eusebius Spartũ Phoronei filium, qui Spartam condidit, paucis antè annis, quàm Argus, Phoronei nepos, is qui ob prudentiam incredibilẽ Centoculus dictus est, Argos conderet, quanquã Pausanias Spartam à Lacedæmonie Eurotæ Regis filio, conditã prodit, eamque Spartæ vxoris eius nomine appellatam. Iobum quoque patientia nobilitatum, Iosephi supparem facit

facit Hieronymus : alij tamen multo iuniorem. Per idem tempus Prometheus, & Atlas egregij Astrologi extiterunt, fabulosis Græcorum carminibus inclyti. Prometheus Iapeto (is vnus è Titani- bus fuit) natus, quòd rudes homines ad humanitatē informasset, hominem ex luto finxisse : quod in Caucaſo Scythiæ monte siderum cursus obseruaret assidue, Caucaſo affixus; quòd ignis eliciendi è sili- ce, alendique rationem inuenisset, ignem Dijs sub- ripuisse, dictus est à Poetis. Atlas autem eius frater, propter summam Astrologiæ scientiam, cœlum humeris sustinuisse perhibetur, & Atlanti Mauri- taniæ monti fecisse nomen.

M O S E S.

Anno à Mundo cond. M M C C C C.

Moses Iacobi abnepos, Tribu Leui, LX. cir- citer annis post Iosephi mortem, difficilli- mo Israelitarum tempore natus, à Pharaonis filia educatus est, & litteris excultus Aegyptiis. Octo- genarius, auctore Deo, adlutore Aarone fratre, Is- raelitarum gētem ab Aegyptiorum seruitute vin- dicare aggreditur. denique Rege plurimis, maxi- misq; prodigijs perculso, anno post diluuiū circi- ter DCCC. Israelitas, Aegyptiorū spolijs onustos, educit. Phase, seu Pascha, solemnesq; Azymorum ferias instituit, partæ libertatis monumentum. Censa sunt Israelitarum ad millia sexcenta, præter pueros, scēminas, ac promiscuum vulgus. Omnes

Omnes prospera videntes valetudine, Mosen secti, duce itineris Angelo, noctu ignis specie, nubis interdiu. Ceterum imminente cum omnibus copijs AEgyptiorum Rege, Moses sublata virga, viam suis inter Erythræi maris fluctus aperit, munitque mari in montis speciem vtrinque curuato. Insequentes AEgyptij, fluctibus circumuenti ad vnum obruuntur omnes, vt ne nuntius quidem tantæ cladis superesset. Israelitis porro vasta in solitudine commeatus diuinitus suppetebat. manna de cælo, aquæ è faxis defluebant. Ad Sinam montem leges Hebræis per Mosen data. Aurea arca, & tabernaculum templi instar effectum. Sacra & ceremoniæ institutæ. Aaron summus Sacerdos consecratus. Missi deinde ex Phara solitudine exploratores in Palæstinam, ea de incollarum proceritate renunciarunt, quibus cunctus populus animo consternatus est, sic prorsus, vt desperata regionis eius possessione, in solitudine mori præoptaret. proinde iratus Deus confirmat fore, vt præter Iosuem, & Cálebum, qui populum bono animo esse iusserant, ex omni multitudine, quæ censa in solitudine erat, ad promissam sedem perueniat nemo. Itaque eos Moses Dei iussu, annos XL. per solitudinem longissimo circuitu circumduxit, quoad scilicet quicumque Dei numen offenderant, interijssent. Nec verò interitus causæ defuerunt. Chores, Dathan, & Abiron, Mosi, & Aaroni obtrectantes, vnà cum familijs, vasto terre hiatu absorpti sunt. CCL. eorum sectatores, thus incendentes, cælestis ignis incendio haulti. Millia

homi-

hominum quindecim, qui illorum interitum Mosis vitio verteret, dira clade mactata. Aaron ipse summus Sacerdos, qui in elicienda aqua è silice addubitallet, extinctus, Eleazaro filio in eius locum substituto. Complures alij, viæ, ac laboris tædio de Mose questi, igneis serpentibus diuinitus immisis, inconstantia, ac temeritatis suæ poenas dederunt. Cæterum ipse Moses, propitiatus precibus Deo, eius monitu æneum in medio statuit, ac mylticum serpentem, cuius aspectu faucij sanabantur. Haud ita multo post Balaas ariolus, primo Angeli admonitu fauit Israelitis, execratione in faustam precationem versa: inde reuersus ad ingenium, indigenas puellas obiecit, vt eos in fraudè illiceret. Haud facile aliàs magis cuiusquam enituit religionis ardor, quàm tum Phineæ. is quippe libidinis auctoribus in omnium conspectu transfixis, ipsoque Balaa cum quinque Regibus indigenis, obtruncato, Israelitici nominis maculam aboleuit. XL. inde libertatis, & peregrinationis anno ad Iordanem censu habito, summa eorum, qui arma ferre possent, amplius DC. milliū fuit, in quibus nemo omnino exijs, qui antea censi fuerāt, præter Iosuem, Calebūque. nam Moses ex Abari monte promissam sedem cum prospexisset, interiit, Iosue successore designato.

Eodem ferme tempore sacra, & ceremonias Moses tradidit Hebræis, & Cecrops Athenarum conditor (diabolo videlicet Deum æmulante) simulachra, & sacrificia induxit in Græciam. Cecrope regnante Mercurius, Atlantis nepos, Iouis, & Ma-

ia fi-

læ filius, idemque eloquentiæ, & multarum rerum inuentor extitit. Deucalion, obruta eluuiione Thessalia, mortales complures in Parnassi iugis, vbi imperitabat, conseruauit, eosque Pyrrhæ coniugis opera, à dura, agrestique vita ad humanum cultum, ciuilemque traduxit. Hinc locus multiplici fabulæ datus. Eadem tempestate perinde ac si ad hominum perniciem ignis cum aqua coniurasset; Phaethonte Rege, maximum in Italia ad Eridanū flumen exarsit incēdium, Poetarum licentiæ haud parua fingendi materies. OEnotrus porrò, Lycone prognatus, quasi id detrimentum sarcire vellet, Arcadum colonia in Italiam deducta, ad mare inferum confedit, Vmbriisque indigenis repulsis, frequentauit Italiam. Hi Aborigenes primū ab incerta origine: inde ab Italo Rege Itali appellati, regioni Italiæ nomen fecere.

I O S V E S.

Anno à Mundo cond. M M D.

Iosues, alter Hebræorum Dux, paulo serius, quam OEnotrus, sed gloriolius multò ad destinatam sedem suos perduxit. Iordane flumine diuinitus paulisper siccato, traduxit exercitum. Hierichontis inde oppidi muros, Arca fœderis septies circumlata, tubarum clangore, atque exercitus clamore disturbat. Amorrhæos Gabaonem sociam Hebræis urbem obsidentes adortus, Sole ac Luna eius iussu per vnius diei spatium, tanquam spectatoribus victoriæ subsistentibus, occidione occidit.

Demum

Demum XXX. Regibus, omnibusque Palestina gentibus debellatis, Israelitas in promissa maioribus sede collocavit. Agrum, & oppida CXV. bello capta, tributim diuifit anno post Mundum conditum circiter MMD.

Iudæa Tribus inde Adonizibecum Chananatorum Regem, acie victum cepit. capto præcidit manus, ptesque. Nec dubia Dei ultoris ira fuit ipso Rege prodente, LXX. olim Reges ab se captos pari supplicio esse mactatos. Exin Hierosolyma, alięque ab alijs tribubus captę ciuitates, & vectigales factę, Deo haud quaquam id probante, qui feriri cum ijs fœdus vetuerat.

Dum Iosues Hebręos in destinata sede constituit, Danaus quinquaginta generis per totidem filias contrucidatis Aegypti regno potitur. sed à Linq genere pulsus, Argos occupat. Orcus, Molossorum Rex, Proserpinam Cereris filiam, è Sicilia abripit. Triptolemus subinde longa nauis frumentum à Cere acceptum, Elusinam (Atticę eę vrbs erat) primum inuexit. Europa ab Ioue rapta Minoem, ac Rhadamanthum, tertięque Orbis terrarum parti nomen peperit. ingens Poetis materies fabularum. Per eadem ferè tempora Athenis consilium Areopagitarum extitit, ex eo dictum, quod in ea vrbs regione, qui Areopagis appellabatur, Mars capitis causam dixisset. Busiris quoque Neptuni, & Libyę filius, ad Nilum, per speciem hospitalitatis, in hospites sauisse dicitur, sanctissimo hospitij iure violato. Haud multo humanius sub ea tempora ab Rege Mesopotamię accepti sunt domi suę Israelitę.

quippe deserta auita religione, deserti ipsi à Deo sunt, & finitimo Regi traditi in seruitutē, quod idē illis postea sapius vsu venit. nimirū, vt quē secūdis rebus ignorarent, aduersis agnoscerēt Deū, Ad eos deinceps liberandos, Iudices diuino munere concessi.

IVDICES HEBRAEORVM.

OTHONIEL.

Anno à Mundo cond. M M I. XXX.

Othoniel primus Hebræorum Iudex populum relapscentem, Mesopotamiæ Rege casso in libertatem vindicat. Othonieli Eudus ambidexter, idemque Eglonis Moabitarum Regis interfector, Eudo Debora successit, mulier virtute plusquam virili. Hæc Barachum ducē exercitus ad bellum comitata, insignem de hostibus victoriam peperit, muliebris victoriæ Iahel mulier particeps fuit, quæ Sisaram hostium imperatorem ex fuga receptum, lacte pro aqua dato, consopiiuit; dormienti tempora trabali traiecit clauo; hostiumque cladem ducis cæde cumulauit.

Dum in Palæstina etiā mulieres bellicis laudibus florent, apud ceteras nationes viri pacis ferè artibus viguerunt. Trismegestus Mercurij nepos in Aegypto doctrinæ gloria præstitit. Ianus in Latio imperitauit. Cadmus, Europæ frater, litteras à Phœnicia deportauit in Græciam; Thebas in Bœotia cōdidit. Khadamāthus in Lycia, Minos in Creta insula summa cū seueritatis laude regnarūt. Acri-

sius

frus Argiutorum Rex Amphiclyonas, grauissimum Græciæ consilium, instituit: Apollinis Delphici ædem, & oraculum excitauit. Interim Amphion, Lini æqualis, Cadmo eiecto, Thebanaq; arce per cōciliatos blāda oratione agrestes homines, extructa, magnā Poetis mentiendi licentiā fecit. Liber Dionysius, seu Bacchus Nysam urbem propter Indū flumen cōdidit. Indiam muliebri Baccharum exercitu subegit. Perseus Danæ, & Ioue natus, ingēs Poetarum argumentū, Gorgoni meretrici eximia specie caput dēpsit. exin celerrima Bellerophōtis nauī traiecit in Asiam: Barbaros domuit: victos suo nomine Persas appellauit. Pelops quoque Tantalī filius, Pisæ Rex, deductis colonis Peloponneso nomē fecit. Huius soror Niobe fuit; quæ ob amissos liberos ex mœre stupefacta, Poetarum mēdacio locum dedit. Dardanus Ioue genitus, Teucri gener Dardaniæ; eius filius ac successor Tros Troadi regioni nomen fecerunt. Iano Saturnus successit in Latio. quo Rege omnia cōmunia, omnes liberos fuisse perhibent. inde Aureum seculum appellatū. Idem Saturnos agros colere, domos ædificare, vineas ponere, fruges colligere docuit. Neque agrorum modò, sed etiam ingeniorum culturam per id tempus à Græcis accepit Italia. Pelasgi, maritima Italiæ ora, quæ Siciliæ est proxima, occupata, litteras in Italiā attulerūt. Ab his regio Magna Græcia nominata. Siculus Itali filius Italia pulsus à Pelasgis, in proximā traiecit in insulā, quam olim Cyclope tenuerāt, tū Sicani incolebāt. Ab Siculo Rege Siculi; ab his insula Sicilia dicta. Haud ita multis etatibus,

post Græcas litteras in Italiam inuectas, versatiles
in Latio litteræ extiterunt. Ab Saturno Picus, à Pi-
co Faunus quartus ab Iano, regnum per manus ac-
cepit. Fauni vxor eademque Latini Regis mater
Latinas litteras reperisse memoratur. Ita eadem
fermè ætate hæc Latinis litteras; Debora victoriâ
peperit Hebræis.

GEDEON.

Anno à Mundo cond. M M D C C.

GEdeon porrò Iudex Hebræorum IV. faci-
nus edidit omnium gentium litteris celebrân-
dum. Roris ac velleris miraculo confirmatus, Dei
monitu viros ex omni exercitu trecentos delegit.
Hostibus, ac lampadibus armavit. Tum lagenas,
quibus inclusæ lampades erant, complodi, inflari-
que tubas omnes imperat vno tempore. Insolita
pugnæ species vsque eò Madianitarum castra tur-
bavit, vt mutua se cæde conficerent. Sentires utiq;
diuina potius, quàm humana ope libertatem He-
bræis, & otium partum. Gedeonis filius patri dis-
similis Abimelechus fuit. is fratribus cæsis numero
ad L X X. tyrannidem occupauit minimè diutur-
nam. Intra triennium, memori diuini Numinis ira,
dum turri Thebeti (oppidi nomen est) ignem sub-
dit, molæ fragmine capiti incusso prostratur à fe-
mina: moribundus armigero se necandum præbet;
ne cæsus mulieris dicatur manu.

Extremam Gedeonis diuini Hebræorum Ducis
ætatem, Græcorum heroes attingere, haud exigua
mate-

materia fabularum. Hercules, Orpheus, Castor, Pollux, ceterique Myniæ siue Argonautæ, Argo naui ædificata. Iasone Duce, è Thessalia Colchos (ea Póti regio est) nauigarunt. Ibi Medææ Colchorum Regis filiæ opera, custodes feros, ac barbaros delinunt. Thesauros eò à Phryxo è Thessalia deportatos auferunt. In reditu Laomedontem, Ili filium, Troiæ Regem, ob pactam mercedem negatam, violatamque iurisiurandi religionem, obtruncant: regnum Priamo, eius filio tradunt. Theseus AËgei filius, Dædali ope, cum Taurum quemdam Minois Regis affecit in certamine superasset, grauisimo tributo Athenas, patriam suam liberauit; easdemque, compulsis Atticæ incolis è vicis, frequentauit. At Minos Dædalum fugientem classe insecutus, in Sicilia à Corcalo Rege necatur in balneo. Theseus inde cum Centauris Thessalisequitibus, benè pugnavit, seque Herculi comitem adiunxit. Bellicolis hominibus bella non defuere. Amazones mulieres è Scythia oriundæ, amissis in bello viris, cum armis animum virilem sumpserāt: occupant Asiam: Ephesum condiderant. His Hercules, ac Theseus intulere bellum, easque prælio vicerunt, maiore victarum gloria quam sua. quippe & mulieres cum talibus viris fortiter depugnarunt, & captivæ, cæsis custodibus, aufugerunt. Hercules porrò Olympicos ludos, Theseus Isthmios fertur instituisse. Foeda iisdem ferè temporibus spectacula edidit Græcia. Atreus, & Thyestes Pelope nati plusquam fraterna inter se odia exercuerunt. Thyestes enim fratris vxori stuprum

intulit: Atreus illi vicissim filios epulandos apposuit: OEdipus à Laio patre expositus, eum deinde in rixa ignarus occidit, agrumque Thebanum, Sphinx infidiosa muliere elusa occisaque pacatum reddidit. Ita paternum regnum adeptus, Iocasta matrem inscius ducit uxorem. Ceterum re omni ex Tyresia vate cognita, sibi ipse eruit oculos, regnū Etheocli, & Polonyci filiis relinquit. sed breui intellectum est, quàm infida esset regni societas. Polynices regno à fratre pulsus, ad Adrastum Argiuorum Regem confugit. Eius opibus subnixus, fratri bellum infert, comite Amphiarao vate, qui ab Eriphyla coniuge auro correpta proditus, Alcmeoni filio, matrem vt necaret imperauit, hoc sceleratior uxore, quòd fillum fecit parricidā. Eo bello Amphiaraus hiatu terræ absorptus: Polynices & frater mutuis vnlneribus periire.

IEPHTES.

IEphtes VII. Hebræorum iudex, his, atque ipso Hercule paulo minor natus, virtute ac religione, longè maior extitit, is signa cū hoste collaturus voluit, si vicisset, se Deo immolaturum quicquid reuertenti primū occurisset. configit cū hoste: victoriam refert: voti damnatur: domum redeunti, filia, quàm vnicam habebat, prima omnium obuiam venit, victoriam, quam gratulabatur, funestatura. Quare ille filia se vnica orbauit, vt suo dolore iurisiurandi religionem sanciret.

Multo

Multò grauior sub idē tempus Priamo Troiano Regi casus euenit, qui cū Helenā, à Paride filio suo raptā Græcis reddere noluisset; diuturno bello cōflictatus, liberis, regno, vita orbatur à Græcis. Troia euersa anno à Mūdo cōdito circiter MMDCCC ante primam Olympiadē CCCCVI. ante Romam conditam CCCXXXII. Labdone Hebræorū Iudice (vt Iusebio placet) qui Samsonem proximè antecessit. AEneas Troia profugus in Italiam venit. Ibi cum Latino, Latinorum Rege (ab Iano is quintus erat) fœdus affinitatemque iungit. oppidū ab se conditum, ab vxoris nomine, Lauinium appellat. Turnum Rutulorum Regem prælio fūdit, fugatque. florentes inde Hetruscorum opes fregit; Latinoque in acie mortuo, ipse omnem tulit victoriæ fructum. Ad firmādas opes, Troianis Latinorum leges ab eo, ac nomen impositum. Latino, rum ipse Rex dictus. Cū regnatum esset in Latio à Regibus quinque, annos circiter CL. paucis interiectis mēsis, AEneas aduersus Hetruscos benè pūgnans interiit. cū exanimū eius corpus nusquam appareret, Deus Indiges habitus.

SAMSON.

Samson ab heroicis recens temporibus, AEnōæ tempore suppar fuit, superior robore. Leonem inermis necauit: Philistæos domuit: sitiens ex asini maxilla, qua hostes trucidarat, fufis ad Deum precibus, fontem elicuit. Ceterū inuictam bello

virtutem, in pace mulier vicit. Dalila, quam deperibat, prodente, amissis cum coma viribus, in hostium potestatem peruenit. quibus, orbatus luminibus, diu ludibrio fuit. Demum receptis cum capillo viribus, turpis seruitutis honestum quæsiuit exitum. Domus eius, vnde Philistæi ludentem ipsum spectabant, columnas concutit: quibus confractis, ædium ruina, hostium victor opprimitur.

Quietæ interea res in Latio fuere. Ascanius AENEÆ filius, Launio nouercæ relicto, Albam longā condidit. Syluius inde AENEÆ filio posthumo regnum à populo delatum est, à quo Albani Reges, Syluij appellati. Iulo Ascanij filio sacerdotium datum, quod gens Iulia ab Iulo orta, hereditarium habuit. Turbis interim, ac bellis Palæstina non caruit.

Beniaminia Tribus, quod nefarium Gabaitarum flagitium defenderet, à ceteris Tribubus bello illato, pænè deleta est. Ciuili bello hostile successit. Hebræi aduersus Philistæos cum malè pugnasent; Arcam foederis in castra deferri iubent, sed irato Deo, diuinum præsidium detrimento magis, quàm adiumento fuit. Commisso prælio, maximā cladem accipiunt. Arca ipsa in hostiū peruenit manus, quo nuncio percussus Helis Sacerdos, ac Iudex, è sella corruit; fractisque ceruicibus expirauit. Arca apud hostes captiua, breui dissimulatum Dei numen ostendit, maximas quippe hostiū Dijs, corporibus, agris intulit clades. Itaque mense septimo, quàm capta fuerat, cum donis vltro remittitur, plaustroque imposita nouo, à bobus

bobus ipsis, nullo rectore, in Hebræos fines deuehitur. E Bethsamitis, qui Arcam curiosè introspererant, millia amplius quinquaginta, diuinitus illata clade, perierunt.

S A M V E L.

SAmuel porrò Iudex postremus, Hebræis Regē postulantibus, Saulem è Tribu Beniaminia, paternas asinas queritantem, Dei admonitu consecrat Regem, septennio antequam Aeneas Syluius, Aeneæ nepos, regnare occepit in Latio. Administrata res Hebræa est à Iudicibus annos circiter CCCC.

REGES HEBRAEORVM.

S A V L.

Anno à Mundo cond. M M D C C C C.

SA V L Israelitarum Rex primus, cum regno regium accepit animum, anno post Mundum cōditum propè M M D C C C C. Is Iabenses, Naha Rege deuicto, qui dextros illis oculos, si deditio- nem facerent, effodere constituerat, obsidione liberat. Philistæos diuina Ionathæ filij virtute perterrefactos, cædit, fugatque. Ceterùm Ionatham, qui paternæ ignarus execrationis, è summa virga mel syluestre gustasset, morti iuratus addicit. Sed recenti iuuenis merito discussum periculum, & infontis supplicium, deprecanti populo condonatum. Rex porrò re primùm benè gesta, deinde grauiter offendit. Amalecitis cæsis, eorum Regem, ac præ-

dam, contra diuinum imperium seruauit. Quocir-
 ca reijcitur à Deo, in eius locū Dauid & Iudæa Tri-
 bu, sufficitur. Hic Golia Philistæo gigante, expro-
 uocatione interfecto, regius euasit gener. Sed ma-
 gno illi Regis affinitas stetit. A socero primū clā
 insidiis petitus, deinde palām armis exagitatus est.
 Ceterum patientia, ac mansuetudine loceri furo-
 rem fregit. Bis eum interficere cū posset impu-
 nē, noluit. Proinde ipse diuini Numinis beneficio,
 ē præsētibz periculis non semel est ereptus. At
 Saul XX. regni anno aduersus Philistæos pugnans,
 clade accepta, Deo, ac Dauidi pœnas dedit. Eius
 corpus ab hostibus suspenditur mœnibus: caput in
 fano Dagonis affigitur. Dauid, inimici soceri mor-
 te deplorata, regno iam diu debito potitur, Rege
 Latinorum Latino Syluio, Aencæ Syluij filio.

D A V I D.

DAuid Rex, homo eximia erga inimicos man-
 suetudine, hostium perpetuò victor extitit.
 Hierosolymę arcem vi captam, muniuit, eamq; suo
 nomine, Dauidis urbem dixit. Ibi cū & sibi, &
 Deo sedem, ac domicilium collocasset, sacrum Ta-
 bernaculum, & Arcam fœderis, incredibili appa-
 ratu, ac lætitia statuit. Idem porrò libidine lapsus,
 documentum dedit imbecillitatis humanæ. Adul-
 terium homicidio cumulauit. Sed à Natha prophe-
 ta obiurgatus, agnouit culpam, lacrymisq; deleuit,
 propè honestiùs post casum surgens quàm antè ste-
 uisset. Culpam tamen pœna est secuta. Qui vxori
 Uriæ stuprū obtulisset, ipsumque interficiendum.

curasset, regno ab Absalone filio pellitur. In vxoribus suis id probri accipit, quod coniugi intulerat alienæ. Ceterum diuino Numine demissione placato, Absalonem acie superat, regnum amissum recipit. Illustre vel irati, vel placati Dei documentum.

Eodem fermè tempore Absalon, impietatis in patre pœnas luit; & Codrus Atheniensium Rex postremus laudem tulit egregiæ in patriam pietatis. Bello Peloponnesiaco seu Doriensi, cum ex oraculo cognouisset, superiores fore hostes, nisi Atheniensium Rex cecidisset; caput suum pro patriæ salute deuouit, atque id ipsum præcauentes ferellit hostes. Rustico vestitu indutus, gregarium militem Doriensem ex iurgio fauciat, ab eo, vt optabat, interemptus, hostiû obsidione patriam eximit, Pater patriæ; re magis, quàm nomine. Eius morte Athenarû administratio ad Magistratus deuenit, qui Archontes sunt appellati. Eorum primus Medon fuit filius Codri. Annis circiter L X. post extinctum Atheniense regnum, Hebraicum labefactatum est ab eo, à quo vel optimè constitutum oportuit.

S A L O M O N.

SAlomon Rex Hebræorum III. simul cum diuina sapientia bonorum omnium copiam acceperat. Templum à Dauide patre destinatum, magnificentissimè exædificarat, instruxeratq; anno post Mundum conditum propè MMM. Alba Syluio Rege Latinorum. In eius dedicatione boum XX. ouium Camilia, eoque amplius immolarat. Propter egregiam

giam sapiētiae famam, donis Regum, ac nationum egregie cultus, perpetuam Palæstinæ pacem, rerūque omnium pepererat copiam. Sed res nimium secundæ eum pessum dederunt. Ad extremum otij, & bonorum abundantia talem virum sui dissimilimum fecit, sapientiam in amentiam vertente luxurie. Ille omnium mortalium sapientissimus, vxoribus DCC. concubinis CCC. ijsque alienigenis, impleuit regiam. Ab his iam senex perducitur ad cultum Deorum, aris quidem, ac templis dicatis. Usque eò difficile est amare, ac sapere etiam sapienti. Ergo iratus Deus per vatem præsignificauit fore, eius vt regnum distraheretur. Itaque anno regni sui XL. moriens, Roboam filium reliquit regni labantis heredem. Salomone, senior aliquāto Homerus fuit, siquidem extitit (vt Herodotus perhibet) anno CLXVIII. post bellum Troianum.

R O B O A S.

Roboas, nutans paterna culpa imperium, sua stultitia euertit. A populo rogabatur, vt de oneribus à patre impositis, remitteret. suadebant senes consiliarij, vt æquis populi postulatis obsequeretur: iuuenes contra dissuadebant. Ille æquallium vsus consilio, acerbè admodum respondet populo, eiusque iusta postulata reijcit. Ergo auctore Ieroboa, exorta seditione, quæ dumtaxat Tribus, Iudæa, & Benjaminia in fide manserunt: reliquæ regnum Ieroboæ detulerunt. sic duo ex vno regna

regna facta. alterum Iudæ, seu Hierosolymæ: alterum Israelis, siue Samarię dictum est. Iudæa Tribus, ac Benjaminia Roboæ, ac stirpi deinceps paruerunt Dauidicæ: ceteræ Tribus à Ieroboam primo Rege (ne Hierosolymitani templi religio eas ad Iudææ Regem reuocaret) ad Deorum simulacra traductæ, deprauatæque diuersissimarum stirpium Reges habuere. Quippe Samariæ Reges omnes ad vnum impij fuerunt, cultoresque idolorum: Hierosolymæ Reges non item. Et hæc duo regna perpetuis inter se bellis ferè contenderunt. Neutri tamen diuini vates defuerunt. Ieroboam Regem Israelitarum thus aureo vitulo incendentem, Propheta grauius accusauit. Ex templo Rex ira furens comprehendendi hominem manu porrecta, iubet. ecce tibi manus, ita vt erat, exaruit. Tum verò Rex suum scelus agnoscere, diuino supplicare vati; ita illo deprecante, manum incolumem recipit. Propheta in reditu ab alio Propheta per mendacium deceptus, apud eum cōtra Dei cœnauit imperium, non tamen impunè. Ab eo digressum leo diuinitus immisus interficit. Asinum, quo is vehebatur, dimittit incolumem. Roboas quoque Rex Hierosolymæ paulatim Ieroboæ impietatem æmulatus, auitan interim religionem neglexerat: aras, statuas, lucos in collibus instituerat. Itaq; à Sefaco Aegypti Rege Hierosolyma obsidetur. Accedit Semeiæ prophetæ denunciatio, Iudæos desertos à Deo, quòd ipsi ante Deum deseruissent. Illi respicere: pacem à Deo, ac veniam suppliciter orare. Nec spes eos decellit. Sefacus pacem, omni sacra
supel-

supellectili pactus, dedit. Execrandæ tamen illæ religiones diu in collibus hæere. Roboas XVII. regni anno excedens è vita, Abiæ filio regnum legat, Syluiæ Athy Rege Latinorum.

A B I A S.

A Bias vt paternæ impietatis labem elueret, religionis causa Ieroboæ intulit bellum. Ceterū illius copijs circumuentus, Dei fidem implorat. Ecce autem sacerdotalium tubarum clangore, & Iudæi clamore exercitus tantus repente timor incessit hostes, vt effusa fuga palantes cæderentur. Constat eo prælio L. Israelitarum millia desiderata: Ieroboam ipsum diuinitus percussum non diu fuisse superstitem. Abiæ III. regni anno Asa filius successit.

A S A.

A Sa summa Rex pietate, expiata Hierosolyma, & foedissimo Priæpi simulacro ad Cedronem torrentem exusto, templum adornauit, Zaram Aethiopem innumerabilibus copijs Hierosolymitanum agrum vastantem, diuino auxilio implorato, prælio vicit; inde cū Benadabum Damasci Regē in Baasam Regem Israelitanum magnis muneribus incitasset; ab Hanano propheta Dei verbis obiurgatur, quod Syriæ potius Regem implorasset, quā Deum, cuius nuper maiore in periculo præsentem sensisset opem. Ibi tum ille obiurgationis impatiens, diuinum vatem in vincula coniici iubet. Itaque ipse haud dubia ira diuini Numinis, pedibus æger,

per, cælesti ope neglecta, medicorum arte fretus interiit; documentoque fuit medicamenta parum prodesse corporibus eorum, qui diuinâ animo respiciant medicinâ. Regnavit annos XL. I. eius bustum nimio luxu factum, vnguentis odoribusq; exquisitissimis adhibitis. quasi vnguentorum odor arrogantiae infamiam posset obruere.

Hoc regnante, Capys regnum tenuit in Latio. Amrius Israelitarum Rex Samariam urbem regiâ condidit.

I O S A P H A T V S.

Anno à Mundo cond. M M M L.

Iosaphatus Rex VI. à Dauide, pietate David alter fuit. succisis lucis, collibusq; expiatis, assecularum primores vnâ cum Sacerdotibus ad suæ ditionis homines oppidatim erudiendos dimisit. Ea res finitimos ita fregit hostes, vt ei munera mitterent, & vectigal sponte penderent. At Achabus Samariæ Rex, Iezabele Sidoniorû Regis filia in matrimonium ducta, perinde quasi impietate cum Iosaphati pietate certaret, Baali fanû Samarie dicat, aras & lucos instituit. Huius magistra insanie cõlux Iezabel fuit, cuius furori in sacros vâtes sæuienti Helias Thesbites restitit, imbres per annos tres, & eo amplius ab eorû ditione prohibuit: cum voluit reddidit. Pseudopphetas in certamine religionis vi, ctos numero ad DCCCL. obtruncauit. Iosaphatus inde cum Achabo amicitiam & affinitatem iunxit, magno & periculo suo, & perniciæ liberorum. Bello, quod Achabus gessit contra Syros, Iosapha-

phatus belli socius à Syris circumuentus, in pugna cecidisset vtique, nisi cæleste auxilium implorasset. Dei tectus præsidio, auersisque aliò hostibus euadit incolumis. At Achabus, qui alieno vestitu inierat prælium, casu, aut diuinitus potius sagitta transfusus cadit. Iosaphatum porrò è bello reuersum Iehus propheta vehementer incusat, quòd cum homine impio societatem inierit; meruisse quidem ipsum, vt socius calamitatis foret, sed eius pietati Deum pepercisse: haud leue documentum, quàm exitialis sit societas improborum. Syris porrò, & Moabitis arma inferentibus, Iosaphatus ieiunio & supplicationibus cæleste Numen placat, diuinaque pugnandi ratione hostibus occurrens, cantores præire, diuinas laudes canentes iubet. vix cani cõptum erat, cùm repentè hostes mutuis se vulneribus concidunt. Itaque ipse, Deo pro se pugnante, spectator otiosus hostilis calamitatis fuit. Dispar Ochoziam Achabi filium, excepit exitus. E cœnaculo delapsus cùm grauitè ægrotaret, misit, qui de morbi euentu Beelzebubem consulerent. his Elias obuiam factus denunciat, Regem, qui Deos consulendos putarit, eo ipso morbo moriturum. Regios satellites ad comprehendendum missos, cælesti comburit igni. Ipse Regi eadem prædicit, & prædictionem res ipsa comprobauit. Denique Elias igneo curru sublimis cùm raperetur in cælum, Eliseo discipulo spectanti reliquit pallium. Hoc ille pallio Iordanem cùm percussisset, diuisis vndis transijt. Ex eo cognitum, Eliæ spiritum in Eliseo resedisse; quod idem postea multæ prædictiones,

& mi-

& miracula declararum, Nec ita multò post Iosaphatus XXV. regni sui anno excedēs ē vita, Ioræ filio regnum per manus tradit.

Eodem ferè tempore, quo Tiberinus Capeti filius, Capys nepos, Rex Albanorum ab Ascanio natus, in traiectu Albulæ amnis submersus, flumini nomen dedit.

IORAS.

Ioras Iudææ Rex, Achabi regis gener, impietatem socii secutus, & vxoris, à paterna pietate degenerauit: quippe dominandi instinctus rabie, fratres omnes de medio sultulit. Ergo, vltore tanti sceleris Deo, populi plerique ab eo deficiūt, & Philistæi, Arabesque Iudæam populati, Hierosolymam ipsā, domumq; regiam diripiunt. Regia stirps omnis abducitur in seruitutem yno Ochozia natu minimo relicto. Ioras ipse insanabili alui morbo miserè (vt etiā intestina egereret) cōsumptus, exequijs, & sepulchro caruit regio.

OCHOZIAS.

Ochozias Hierosolymæ Rex impius ex paterna maternaque disciplina, annum regnavit omnino vnum. Ichus à Propheta quodā, Elisei iussu Rex Samariæ consecratis ad Achabi stirpem funditus delendam, Rex à ceteris Ducibus, vniuersoq; exercitū conlaturatur. Inde Samariam infesto agmine contēdit. Iorā Samariæ Regē, simulq; Ochoziam, qui ad eum venerat, ibi occurrentes interficit. Iezabelē de fenestra, vnde spectabat, præcipitari iubet.

ea simul & præcipitata, & à canibus (vti Elias prædixerat) deuorata est. Sacerdotes Baalis, ac pseudo-prophetæ, per solennis sacrificij simulatione coacti, in ipso Baalis fano ad vnum mactantur omnes. Idolum eodem impetu comminutum est, templūque funditus euersum. Hisce rebus gestis meritis est Iehus, vt eius posterij ad quartam vsque etatē regno potirentur, etsi ipse deinde à germana religione deflexerat. Dum Iehus Samariā expiat, Athalia Ochosiæ mater nefarias religiones induxit Hierosolymam. Hęc stirpe regia interfecta, dominatū occupauerat: paternis, hoc est, impijs, & execrandis sacris urbem, templumque polluerat. Ceterum VII. anno, Ioiadas Pontifex, idemq; Ochoziæ affinis (eius quippe sororē habebat in matrimonio) Ioam Ochoziæ filium septēnem, vxoris opera à cede seruatu, atque in templo ipso altum educatumque centurionibus, ac populo adiuuantibus, producit: insignitum diademate Regē appellat: Athaliā interuenientem è tēplo abripi, necariq; imperat: Hierosolymam expiat, Agrippa Rege Latinorum.

IOAS.

Anno à Mundo cond. M M M C.

IOas decimus à Dauide Rex Iudæorum gazophylacium pro templi valuis statuit. Templū ab Athalia spoliatum, collectitia pecunia instauratū decorauit. Sed eum bonum magister faciebat. Ioiada mortuo, Principum adulationibus deprauatur; dosertaque auita religione, lucos, ac Deos sequitur.

Zacha-

Zachariam prophetam, eundemq; Ioiadæ filium nefarijs religionibus aduersantē, æquè ingratus atque impius in ipso templi vestibulo lapidibus obruit. Ergo vertente anno, Iudæa regio à non magna Syrorum manu direpta est. Regni primores ad vnum occisi. Rex ipse ignominiose tractatus, auro omni, tū sacro, tum profano sese redemit. Nec ita multò post à suis in ipso lectulo necatus anno regni XL. regis sepulturæ expers fuit. Eius morte regnum ad Amasiam filium peruenit.

Miseriorem etià exitum Romulus Syluius XII. Albanorum Rex habuit, quòd esset arrogàtia maiore: is supra humanum saltigium elatus, pro Deo se gerens, tonitrua, ac fulgura imitabatur. Quare cum cæleste Numen irritasset; vero ipse fulmine ictus deflagrauit. Auentinus deinde obtinuit regnum, qui colli, vbi sepultus est, cognomen dedit.

AMASIAS.

A Masias Rex Iudææ, vt Idumæam omnibus viribus adoriretur; delectu habito, centum Israelitarū millia conduxerat. Repentè à Propheta, Dei verbis monetur, vti stipédiarios dimittat milites, diuināq; magis ope, quàm militū multitudine confidat. Paret ille vel vati, vel Deo, nulla habita persoluti iam stipédij ratione. Cōfligit cum hoste; victoriamq; prædam ingentem reportat. Sed prædæ ipse suæ præda fuit. Captiua ac prædatitia Deorum simulacra demens colere, venerariq; cæpit. Quocirca obiurgantis Prophetæ

vocem surdis respuens auribus, ab Ioa Rege Samariæ, quem temerè laceſſierat, amiſſo exercitu, capitur: muri Hieroſolymitani diruuntur: templum auro, argentoq; ſpoliatur: gaza regia, atq; obſides aſportantur. Rex ipſe paulo poſt necatur à ſuis. At Ioas Rex Samariæ Eliſeū morientē, cū inuiſſet, ex eius vaticinatione, Benadabū Syriæ Regē trib' attriuit cladibus. Eliſeus porrò morte obita, publico funere celebratus eſt: & virtus etiam ſepulti diuinitus honorata. In eius ſepulchrū mortuus quidā fortè coniectus, ſanctorum oſſium contactu reuixit.

Eliſei ferè æqualem Eufebius Lycurgū perhibet, qui Lacedæmoniorum regnū à fratre relictum, cū aliquādiu adminiſtraſſet, nato fratris filio poſthumo Charilao, ſua ſponte regno ſe abdicauit, nō minore laude fidei, quàm prudentiæ. Inde Optimatibus auctoriſus, ipſoq; Charilao, rempubl. cōſtituit: agrum Laconicum viritim æqualiter diuiſit: auri argentiq; uſum ſuſtulit, ferreo numo inducto: leges non litteris, ſed diſciplinæ mādauit. In legibus, quas ille Rhetras appellauit, fuit, ne leges ſcriberentur, nimirū vt moribus cuſtodirētur. Alcandrum, qui ei oculū in turba effoderat, ad ſupplicium ſibi à populo datum, clementia ac facilitate ex inimico amiſiſſimum reddidit. Ciues inde ſacramento cū ad egreſſet, nihil de legibus immutatu-
 ros, quoad ipſe à conſulendo Delphico reuertifſet oraculo, exul voluntarius in Creta obiit ſub necem Iudæorum Regis Amariæ.

OZIAS.

Ozias, qui etiam Azarias dictus est, Amasis filius
 ac successor fuit, XII. Rex Hierosolymæ. Is Za-
 charia propheta est vsus ita, vt Ieroboamus Rex Sa-
 mariæ Iona. Ozias igitur Deo ob singularem reli-
 gionem charus, Philistæos domuit; deuicit Arabas;
 Moabitas stipendiarios fecit. Ceterum victorē ho-
 stium vicit superbia. Victoria elatus sacerdotale
 munus inuadit. Sacerdotibus nequicquam recla-
 mantibus, thus incendit in tēplo. nec impune: mox
 lepra diuinitus affectus, à Sacerdotibus eiicitur. I-
 taque à coetu hominum submotus, Ioathæ filio re-
 gni administrationē reliquit is, qui per arrogantiam
 sacerdotale sibi munus adsciuerat.

Nihilo honestior per eadem tempora aut Amu-
 lij Latinorum Regis causa, aut Sardanapli, postre-
 mi Assyriorum Regis, exitus fuit. Amulius, Nuni-
 tore maiore fratre pulso, regnum occupauit. id tu-
 tò vt teneret, scelus scelere cumulat: virilem fratris
 stirpem interficit: Rheā Syluiā filiam eius vnicā,
 Vestalem virginem legit, quò spem sobolis ei præ-
 cidat omnem.

Sardanapalus autem à Nino XXXV. (per tot
 enim Reges posteritati suæ Ninus imperium pro-
 pagauit) homo planè effeminatus, cū feminis mu-
 liebri viuebat ritu: parietibus, ac tectis nequi-
 tiam occultabat, quasi quicquā tā tectū esse possit,
 quod non dies proferat in lucem. Hunc igitur Ar-
 baces Medorum præfectus purpuram in puellarum
 choro nentem conspiciens, populis persuadet, vt

minæ sibi non ferendum imperium putent. Ar-
a contra Regem capit, minime paratum ad resi-
ndum, iamq; luxurie victum sua. Itaq; Rex præ-
superatus, se, concubinasque suas, & quicquid in
ta carum fuerat, coniicit in rogam, idoneo fanè
idinis supplicio quæsito.

Arbaces annis ante primam Olympiadē propè
Post Mundum conditū propè MCMCL. regno
cupato, imperium ab Assyrijs transtulit ad Me-
s, cum itetisset imperium annos circiter M. & C-
C. auctore Iustino. Mansit tamen apud Assyrios
ecies quædam imperij: neque enim regnum; neq;
eges omnino defecerunt.

Paucis annis interiectis Elisa, quæ etiā Dido ap-
llabatur, Pygmalionem fratrem, Sichæi viri sui
terfectorem exosa, omnem viri gazam clam im-
onit in naues: cum multis primarijs ciuibus confi-
, ac viæ socijs Tyro soluit. Ad Libyā appulsā, vr-
em condit, quæ Byrsa primū, inde opibus aucta,
arthago dicta est. Hæc non minus vrbe condita,
iam conseruata pudicitia illustris fuit. Cū e-
m à multis expeteretur procis, ne Hyarbe Mauri-
orum Regi finitimo nubere cogeretur, sibi ma-
is attulit. Ob egregium pudicitie studium, quā-
u stetit Carthago, Dea numerata. Condita Car-
ago est, vt Dionysio placet, annis ante primā O-
mpiadem XXXVIII. ante Romam conditā cir-
ter LXX. post captam Troiā circiter CCCLXX.
ib idē tempus Bocchorus, seu Bocchorides Rex
Egypti, leges Agyptijs, & iura constituit, haud
ultis annis ante primam Olympiadem, & regnū
Ioahe

Ioathæ Regis Iudæorum.

IOATHAS.

Ioathas Ozîæ filius, vir pius, & Deo charus, Ammonitis debellatistributum imposuit. Hoc Rege primam Olympiadem actam, scribit Africanus, quæ ab Iphîto Elæo magistratu instituta est, quinquennali Olympicorû ludorû celebritate apud Olympiam Peloponnese vrbem inducta. Ex eo tēpore Græci ad tempora distinguenda, Olympiadas, Romanis lustris pares, adhibere ceperunt. Ante id tempus fabulæ viguere. Ex eo Græcorum initium ducit historia. In auspicijs primæ Olympiadis, si Herodoto credimus, Hesiodus obiit. Homero iunior annis circiter CXL. Ioathas autem XVI. regni anno moriens, regnum Achæ filio legat.

ACHAS.

Achas parenti dissimillimus ab auita religione abhorruit: aras, ac statuas Baali posuit: liberos lustravit igni. Itaq; ab Regibus Samariæ ac Syriæ magnam cladem accepit; ab Idumæis, Philistæisq; vexatus est, maximè verò ab Rege Assyriorum: eodem dementiæ venit, vt Damascenos sibi placandos censeret Deos, & clauso templo aras Dijs passim excitaret.

Eadem tēpestate Theopompus Lacedæmoniorû Rex, quò regnû, cōmunicata cū populo potesta-

te, efficeret diuturnius; Ephoros quinque (hi Tribunis plebis apud Romanos per similes fuerunt) creauit, annis post Lycurgum CXXX.

In Latio autem Romulus, & Remus Ilia Vestæ Numitoris filia nati, ab Amulio maiore auunculo expositi, à Faustulo, Pastore regio educati sunt. Confirmata inde ætate, Numitorem auum agnoscunt, eumque Amulio obtruncato, restitunt in regnum. Ipsi coacta pastorum, & conuenarum manu, nouam in Palatio, vbi educati fuerant, condunt urbem, cui destinabatur imperium Orbis terræ.



H O R A T I I

T V R S E L L I N I,

E S O C I E T A T E

I E S V,

E P I T O M Æ

H I S T O R I A R V M

à Mundo condito

L I B E R I I.

R O M V L V S.

Anno à Mundo cond. MMMCCXXV.

Roma condita est (vt Dionysio placet) Olympiadé VII ineunte, anno post Troiam euer-

euerſam CCCCXXXII. poſt Mund. cond. circiter MMMCCXXV. Vrbi Romulus augurio ſuperior nomen dedit, muros circumdedit. Remum fratrem verbo quòd per contumeliã muros nouos tranſiſſet, re vera quòd regni ſocium habere nollet, morte multauit. Aſylum deinde in Capitolio aperuit, magnamque perfugarum multitudinẽ coegit. Ex tam paruis initijs tanta Vrbis extitit. Ne viribus conſilium deeſſet, centum Senatores legit. Patres ab honore, atque ætate, Patritijque eorum progenies appellati. Connubia nouo populo cum à finitimis non impetraret, extorſit. Conſualibus ludis Sabinas, aliasque Virgines, quæ Romam ſpectandi ſtudio confluxerant, rapi iubet. Itaque finitimi populi Romanis inferunt bellum. Romulus Cæninis fugatis, eorumque Rege obruncato, Ioui Feretrio, cui tum ædem in Capitolio dicauit, optima ſpolia tulit. De Antemnatibus triumphauit. Inde à Tatius Sabinorum Rege aciem ſuam fugari videns; Ioui Statori templum vouet in ſoro. mox redintegrato bello victores viciffim fundit, fugatque. Ibi tum Sabinæ in aciem ex tranſuerſo irrum-pentes, prælium ſua cauſa commiſſum precibus dirimunt. Percutitur inter Duces ſœdus; & regno conſociato, Sabini commigrant Romam. Romulus ciuitate in curias XXX. diuiſa, curijs nomina impoſuit Sabinarum. Populum in tres diſtribuit partes, quas Tribus appellauit. Tenuiorum clientela patrociniò commiſit locupletum. Ita plebem Patribus deuinxit. Bello à Fidenatibus, & Veientibus illato, Fidenas cepit. Veientes victos agri parte mul-

te multauit. Denique exercitum extra pomerium ad Capreae paludem cum recenseret, subita coorta tempestate nusquam apparuit. Regnavit annos XXXVIII.

. Dum Romana res efflorescit, Hebræa afflicta magna ex parte concidit. Paucis annis post Urbem cōditam, Samaria à Salmanassare Assyriorum Rege capta & eversa est Olympiade VIII. Tribus decem cum Osea Rege in Assyrios abductæ. vnus è captiuis Tobias fuit, cui libertatem in ipsa seruitute pietas conseruauit. Hierosolyma quoq; deinde à Sennacheribo Salmanassar's filio obsessa. Rex tum erat Hierosolymæ Ezechias Acha Rege natus, homo singulari pietate. Is urbem paternis superstitionibus expiarat: sustulerat lucos: templum ornarat: ceremonias restituerat. Quare insultante hoste, & prædicante Hierosolymitanos à Deo suo liberari non posse, confirmatur Ezechias oratione Esaie vaticinantis fore, vt breui hostis obidionem solueret. Insecuta igitur nocte contrucidantur ab Angelo millia hostium CLXXXV. Rex summo cum dedecore Niniuem reuersus in captiuos Israelitas furorem conuertit suum. Eam procellam Tobia benignitas fecit leuiorem. is quippe mortuos sepultura, viuos omni ope iuuat. Ceterum satis iam in alienis malis spectata, in suo casu longè magis enituit virtus. Nidificantis hirundinis stercore obcæcatus, singularis patientiæ documentum dedit. Tandem Raphaelis Archangeli beneficio peropportuno, vt filium reducem inueretur, lumen recepit. At Ezechias hostium me-

tu liberatus, grauem in morbum incidit. quo morbo cum eum Esaias denuntiasset moriturum, ille Deum cum lacrymis orauit pariter, exorauitque. Valetudinis signum umbram decem in horologio lineas regredientem accepit. Tertio die valens templum adiit, annis XV. ad vitam additis.

NUMA POMPILIUS.

Anno ab Vrbe cond. XXXIX.

Olymp. XV l.

Numa Pompilius Romanorum Rex II. extrema Ezechiae tempora attigit. Is propter sapientiae famam, ad regnum c. Curibus Sabinorum oppido vocatus, eo admirabilior Rex fuit, quod recusauit diu regnum. Romam armis ferocem religione, vel potius superstitione mansuesecit. Sacra Sacerdotesque instituit: simulatis cum Dea Aegeria nocturnis congressibus, eius se monitu sacra, ac cetera instituere praeferebat. Iani dein templum extruxit, eiusque valuas pacis belliq; indices clausit: annum qui mensibus Martio, & Decembri, Romuli instituto clauderetur; Ianuario ac Februario additis, expleuit. Anni initium Ianuarium esse voluit. fastos nefastosque dies notauit. Regnavit annos XLIII.

Haud minus Manasses ab Ezechia patre, quam Numa à Romulo, diuersus fuit. Lucos arasque Baal restituit; liberos igni expiauit; somnia, auguriaque obseruauit; magicis artibus inferuiuit;

Hiero-

Hierosolymam innocentium sanguine impleuit. Accessit in scelerum cumulum cædes Esaïæ, quem exitium, & iram diuini Numinis denunciantem lignea ferra dissecari imperauit. Itaque Assyrijs armis opprimitur; amissoq; regno, Babylonem catenis vinctus abstrahitur. Ibi ærumnis quasi expergefactus, cum scelerum suorum veniam suppliciter petisset à Deo; etiam ab hoste impetrauit. Proinde diuini Numinis magis, quam barbari hostis beneficio, in regnum restituitur. Mutata inde vitæ ratione, Deorum simulacra, lucos, arasque sustulit; Deum piè, sanctèque coluit.

Sunt qui sub id tempus Iuditham extitisse velint, eā à qua Holofernes Assyriorum dux sit obrutatus. Ac sanè illa historia cum his temporibus planè congruere videtur. Gyges quoque (vt tradit Eusebius) in eadem tempora incidit. qui intimus Candaulis Lydorum Regis fuisse assecla dicitur, ab eoque coactus, vt clam nudæ Reginae speciem contemplaretur. Re deinde patefacta, Reginae iussu Regem obtruncasse, ipse regnum inuasisse.

TVLLVS HOSTILIVS.

Anno ab Vrbe cond. propè C.

TVllus Hostilius interea post Numam Rex creatus, neglecta religione, ipsum Romulum ferocia superauit. Bellum Albanis intulit. eo bello placuit vtrisque paucorum certamine decerni, vtri vtris imperarent. Tres Horatij Romani cum Tribus Curiatij Albanis compositi. Victoria penes Roma-

Romanos fuit. Albani in Populi Romani ditionem redacti. Cum rebellassent, Tullus, Metium Suffetium Albanorum Dictatorem, qui defectionis auctor fuerat, quadrigis illigatum distrahit. Albanos, Albæ eversâ, Romam demigrare iubet. Diruta Alba est anno propè D. postquam fuerat ab Ascanio condita. Roma Albæ ruinis aucta. Duplicato ciuium numero, Cælius mons Vrbi additus. Primores Albanorum in Patres lecti. Ordine aucto, curia exstructa, quæ Hostilia dicta est. Ad vltimum Rex diuturno implicatus morbo, nullam non suscepit superstitionem. Sed dum valetudinem malis artibus recuperare studet, vitam amittit. Sacra Ioui Elicio cum non ritè fecisset (vt profanæ historiæ produnt) fulmine ictus cum domo conflagrauit, anno regni sui XXXII.

Nihilo lætior Amonis Hierosolymorum Regis exitus. is cum primos illos Manassæ parentis furores superasset, II. regni anno domi à famulis suis interficitur.

ANCVS MARTIVS.

ANcus Martius Numæ aui instituta studiosè retinens, religionem ac pacem coluit. Sed Latinorum armis lace situs per Feciales (quos Sacerdotes iusti belli arbitros fecerat) eis bellum indicit. Multis Latinorum oppidis expugnatis, multa Latinorum millia in ciuitatem asciscit. Auentinum nouis ciuibus datum. Ianiculum inde munitum, & vrbi sublicio ponte coniunctum. Carcer in media

dia vrbe imminens foro ædificatus. Exin Sylva Mæsia Veientibus adempta, vsque ad mare Romanum imperium propagauit. Ostiam urbem in ore Tiberis condidit. Anno regni XXIII. moriens, Tarquinius Priscus liberorum suorum tutorem reliquit. apud quem plus imperandi cupiditas, quàm fides valuit. Ablegatis venatum regiis pueris, cum comitia haberentur, Priscus effecit, vt ipse Rex crearetur.

Anci æqualis Iosias numeratur Ezechia nepos. is à puero religionem amplexus Hierosolymâ explatâ, populares ad auitam pietatem reuocauit. Verùm egregiam eius virtutem parum consulta quædam fiducia afflixit, perdiditque. Nechaoni Aegyptiorum Regi in Assyrios exercitum ducenti cum infestis copiis occurrit. Dei verbis ab illo admonitus, vti prælio abstineret; nihilominus acie decernit. Itaq; re malè gesta, in prælio sauciatur: ex eo vulnere paucis diebus moritur anno regni sui XX-XIII. Eum cunctus populus luit: Ieremias lamentationibus prosecutus est eiusmodi, quæ deinceps canerentur.

TARQUINIUS PRISCUS.

TArquinius Priscus regnum fraude partum vt firmaret, centum in Patres legit, qui minorum gentium sunt appellati. Circo, qui postea Maximus dictus est, inter Palatinum, & Auentinum locum designauit. Solemnes inde annuique mansere ludi, Circenses à Circo appellati. Hetruf-

Hetruscorum deinde opes cùm fregisset, ab his principatum vltro deferentibus, coronam auream, sellam eburneam, togam purpuream pictam, sceptrum, regia insignia accepit, quibus vsi sunt deinceps Reges Romani. Latinorum nomen, omnibus propè eorum oppidis captis, domat. Sabinis deuictis Collatiam adimit. Infima vrbis loca cloacis è fastigio in Tiberim ductis, regio planè opere siccatur. Ad eum Sibylla Cumana carminum libros attulisse dicitur, quì libri Sibyllini dicti, & XV. viris commissi. Demum Tarquinius inchoata Iouis Capitolini æde filiorum Ancii opera grauitè vulneratus, excessit è vita, cùm annos regnasset XXXVII. & urbem muro lapideo cingere instituisset.

Dispar omnino fuit Romanorum conditio & Iudæorum, qui deserta auita religione patriam, templum, regnum, libertatem iisdem temporibus amiserunt. Ioachas, Iosia natus, patri dissimillimus, tertio in mense regno spoliatus, Nechaoni Aegyptiorum Regi diuinitus traditur in seruitutem. Eliacimus inde Ioachæ frater, cui versum nomen Ioacimus; postea & Ioachimus, (qui & Iechonias dictus est) Eleacimo genitus, regni, atque impietatis successores, à Nabuchodonosore Chaldæorū Rege, pari ratione cùm Daniele, omniq; nobilitate in seruitutem abducuntur. Ex captiuorum numero Mardocheus fuit, seu potius Cis, ataus Mardochei, de quo postè dicturi sumus.

Grauiore cōditione Athenę liberæ vsæ sunt, quã Hierosolyma captiua. Dracon atrocissimas Athenien-

nienſibus leges impoſuit, quibus æquè minima peccata (vt pomorum, atque olerum furta) ac maxima ſcelera, capitalia erant. Breui tamen cùm Iudei diuina patientia abuterentur, exitialis Hieroſolymę exitus eſt conſecutus.

Sèdechias Rex Iudæorum, poſtremus ob defectionem ab Rege Babylonis filijs atque oculis orbatus eſt, & in catenas, ac ſeruitutem redactus. Tēplum quoq; ac Hieroſolyma incenſa. Ciues Babylonem traducti Olympiade XLVII. anno poſt tēplum conditum circiter CCCCXL. Regnatum eſt Hieroſolymis à Regibus XXII. annos circiter D.

Eadem verò ætate Nabuchodonosor Hieroſolymam Syriæ, & Cyaxares Ninium Aſyrię lumen extinxit. Cyaxares Medorum Rex Phraortem patrem vt vlciſceretur, qui ad Niniū cum exercitu ceciderat, Niniū obſidione captam ſolo æquauit.

Dum Paleſtina, & Syria barbarorum armis euāſtantur, Græcia ſapientum inſtitutis excolitur. Septem illi Græciæ ſapientes vno tempore extitere. ex quorum numero Solon, abrogatis Draconis legibus, commodiores Athenienſibus leges tulit.

SERVIUS TULLIVS.

Anno ab Vrbe cond. propè CC.

Seruius Tullius VI. Romanorum Rex, Sapientū ſuppar ætati, vir prudens ac ſapiēs in primis fuit.

lsHe-

Is Hetruscis, ac Veientibus debellatis, cēsum instituit: lustrum induxit, vt quinto quoque anno Populus Romanus censeretur. Populum ex censu in classes quinque, classes in centūrias ex ætate descripsit. Senatum deinde supplet. Vrbi Quirinalem, Viminalē, Exquilinum montem adiungit. Urbē septem impositam montibus aggere, fossis, muroque circumdat, paucis annis post Hierosolymā euerfam. Ipse à L. Tarquinio genero ante Curiam ipsam regno, vitæque spoliatur anno regni sui XLIV. Quo cæso Tarquinius Romę tyrannidem occupauit.

Id malum multo etiā ante senserat Græcia, vbi Tyranni complures per eadem ferè tempora extitere. Nam velut ex cōposito, Periander (is qui supplicium de nautis sumpsit, à quibus Ariomethymnæus coactus fuerat in mare desilire) principatum occupauit Corinthi. Pisistratus Athenis, nequicquam obfistente Solone. Thrasylbulus Mileti. Polycrates homo fortunatissimus in Samo insula. Agrigentinus Phalaris Tyrannorum immanissimus in Sicilia.

Eadem ætas & Tyrannorum feracissima fuit, & Sapientum. Nam præter septem illos Græcię sapientes, & AEsopum sapientissimum, fabularū architectum, Pythagoras, qui se primus Philosophum nominauit, in ea ora Italiæ, quæ Magna Græcia dicebatur, discipulus floruit Rege Seruio. Huic Tyrannorum, ac Sapientum ætati vberimus Lyricorum poetarum scetus successit in Græcia. Sappho enim, Alcæus, Stesichorus, Simonides, Anacreon,

creon, Pindarus, eodem omnes seculo illustres fuisse.

Cyrus Persa interea Seruio Regi Rom. ætate suppar, virtute superior Harpago Ducis copiis auctus, Astyagem auum, postremum Medorum Regem, à quo ipse infans fuerat expositus, bello petijt, debellatum in honore habuit. Imperium Medorum transijt ad Persas, cum itetisset annos circiter CCCX.

Cyrus inde Astyria, Cappadocia, Arabia, ac tota propè Asia potitus, capit Babylonē, ibi Danielem cōplexus est. Iudæos anno seruitutis LXX. liberat. Cræsum opulentissimū Lydorum Regē bello lacescentem prælio superat: expugnatique Sardibus, vrbe regia, viuum capit, & quòd sine causa contra se arma sumpsisset, ardētem in pyram iniici iubet. Tum verò ille, Solonis paulò antè demortui vocem, *Mortal in ante mortem beatum dicendū neminem*, veram esse intelligere, Solonē magna voce inclamare. Itaq; Cyrus de rerū humanarū vicissitudine admonitus, hominem supplicio liberatum, apud se liberaliter habuit.

Ipse porrò infinito propagandi imperij studio longius prouectus, in scedā calamitatē incidit. Bactrianis, Cilicibus, Paphlagonibus subactis, bellum Scythis intulit principio lætiore, quā exitu. Tomyris Reginae filiū fugę simulatione, & vini, epularūque illecebra deceptū cū exercitu cædit. Breuis & fallax fuit fructus victoriæ. Victoria elatus Cyrus in iniquum locum progreditur, vbi insidijs hostiū, locorumq; angustijs circumuentus cū omnibus copijs

pijs conciditur. Fertur Tomyris Cyri caput in v-
trem humano plenū sanguine coniecisse cū expro-
bratione crudelitatis: *Satia te sanguine, quē sistsi.* O-
bijt Cyrus, cū regnassēt annos XXX. Cambyse fi-
lio herede imperij relicto.

Is paterno regno Aegyptū adiecit. Smerdē fra-
trem, quē post se regnaturū ex oraculo cognorat,
clam per Magum familiarem necandū curavit. Sed
breui necis fraternæ poenas dedit. Nam cū equū
ascenderet, gladio ē vagina delapso, grauit̃er vul-
neratus interiit. Magus igitur ille, priusquam de
Smerdis nece famā emanaret, pro eo fratrem sup-
posuit suum, qui Smerden oris similitudine, & a-
mictu regio fretus, se similans, regno potitur. Sed
nulla simulatio diuturna. Fraude patefacta, pseu-
dorex cum fratre à Persarum Principibus cōfodi-
tur. Eodem ferē tempore Tyrannus à Persis inter-
fectus est, & à Romanis eiectus.

TARQUINIUS SUPERBUS.

TArquinius Superbus, cognomē traxit ex factis;
Senatus auctoritatem in administranda Repub-
lica negligebat. Senatores per calumniam morte,
exiliove multabat. Latomias, compedes, catenas,
Romæ primus vsurpabat. Idem quasi caligine ab-
sterfa fanum Iouis Latialis in Albano monte con-
didit; Ferias Latinas instituit; Iouis Capitolini tē-
plum à patre inchoatum extruxit; Volscos ar-
mis domuit; Gabios cum vi non posset, Sex-
ti filij dolo cepit. Ceterum eiusdem flagitio re-

gnum amisit anno XXXV. Ardeam Rex obli-
debat, cum ab eodem Sèxto stuprum Lucretiæ fe-
minæ nobilissimæ illatum est. Itaque Populus Ro-
manus rei indignitate, & L. Bruti, qui Regis metu
adeam diem insaniam simularat, oratione per-
motus, Reges exigit, seseque in libertatem vindic-
cat. Regnatum est Romæ à septem Regibus annos
propè CCXLV. Roma liberata Olymp. L XVIII.
Inde bini quotannis Consules creari cœpti. Primi
Consules L. Iunius Brutus, & Tarquinius Collati-
nus creati. Sed Collatino propter Tarquiniæ gē-
tis invidiam abdicare coacto, in eius locum P. Va-
lerius Publicola subrogatus est, qui legem de Pro-
vocatione ad populum tulit, fasces populo submit-
tere instituit. Brutus, coniuratione contra liber-
tatem patefacta, de coniuratis, in quibus erant filij
eius duo, supplicium sumpsit: ipse in prælio, quod cū
Tarquinijs commissum est, fortissime pugnās ceci-
dit. Vir planè amantissimus patriæ, cui & libe-
rorum charitatem, & vitæ amorem posthabue-
rit.

Athenienses per idem tempus par causâ tyran-
nide liberauit, pari liberatoris gloria. Hipparchus,
seu Diocles Pisistrato natus Harmodij sororem
violarat. Itaq; Harmodius Aristogitone adiuto-
re Tyrannum obtruncat. Ab Hippia Tyranni fra-
tre nominare cædis conscios tormentis coactus,
omnes Tyranni amicos nominat, quibus interfe-
ctis, quærēti Tyranno ecquis superesset? Nemo, in-
quit, superest, quem mori cupiam, præter Tyran-
num. Hac virtute excitata ciuitas, Hippia pulso, se
in li-

in libertatem asserit. Harmodio, & Aristogitoni statuas ponit. Præclarius ex simili facinore Dario Hytaspis filio præmium in Perside obuenit. Is vnus è coniuratis erat, qui Magum illum Tyrannum necauerat. huius equus cum ante Solis ortum primus hinnitû edidisset, regnum Domino (sic enim inter Persarum Principes conuenerat) peperit.

Darius ergo Rex Persarum creatus potestatem Iudæis facit templi absoluendi. Babylonem, quæ à Persis descuerat, Zopyri amici dolo recepit. quip, pe is naso sibi, & auribus defectis, fidem fecerat Babylonij, se à Dario crudeliter tractatum ad eos confugisse. Itaq; urbem suæ fidei ab illis creditam Regi prodit. Darius tamē malle se dixit Zopyrum illius fœditatis expertem esse, quàm centum Babylonias habere. Ad huius Darij opes Hippias Atheniensis Tyrannide eiectus confugit eadem ferè tempestate, qua Tarquinius Superbus Porſenæ Hetruſcorum Regis auxilium implorauit.

Porſena igitur bello, vt Tarquinius reſtitueret, Romanis illato, Ianiculum occupat. Hetruſci subito ad Urbem decurrunt. Hostium impetum Horatius Cocles tam diu ſuſtinet in ſublicio ponte ſolus, quoad pons à tergo reſcindatur. Inde in Tiberim deſilit, atque inter hoſtium tela incolumis tranat ad ſuos. Mutius porro, qui Scæuola poſtea dictuſeſt (quod dextra exuſta, ſiniſtra vteretur) vt patriam obſidione hoſtium eximeret, in eorū caſtra ſe inſinuat. deceptuſ ſimilitudine,

dine, Scribam pro Rege obtruncat : ad tribunal Regis retractus, dextram fuculo inijcit, atque exurit inspectante Rege, simulque illi trecentos iuuentutis Romanæ principes eadem ratione in caput eius coniurasse denunciat. Itaque Porfena, ne capitis discrimen in horas singulas adiret; pacis conditiones ultro Romanis tulit.

Nec virorum eo bello propria virtus fuit. Clælia virgo Romana vna ex obsidibus, dux agminis Virginum, elosis custodibus, Tiberim inter Hetruscorum tela tranauit. Tarquinius Hetrusca spe frustratus, Tusculum se ad Manilium Octauium generum suum contulit. Cum triginta populos cōiurasse Manilio concitante constaret, T. Largius primus Dictator dicitur. is Sp. Melium Magistrum equitum sibi adsciscit. hoc metu bellum sopitur. Aurelio inde Posthumio Dictatore, in agro Tusculano ad lacum Regillum aduersus Tarquiniorum copias benè pugnatum est. In ea pugna Tarquinij spes omnis cum Manilio concidit.

Haud ablimili euentu Darius Persarum Rex Hippiam in pristinum Regem armis restituere est conatus. Athenis bellum maximis copijs intulit. Venienti Miltiades Athenienium Dux, ad Marathonem cum parua manu celeriter occurrit, cū sexcentis Persarum millibus, decem Atheniensium millia ita dimicarunt, vt hos viros, illos pecudes diceres. Constat CC. hostium millia eo prælio cæsa. Regem cum reliquo exercitu fugatum. In ea pugna Themistocles adolescens suæ virtutis specimen dedit. Cynegitus miraculo fuit, qui

qui onustam hostium nauim manibus primùm, denique his præcis, mordicus retinuisse dicitur. Miltiades, patria præsentì periculo liberata, de Persis trophæa constituit. Maioribus inde periculis, minori cum gloria Romani perfuncti sunt.

Liberata vrbs externis hostibus, intestinis discordijs panè concidit. Plebs à Patribus, ac foeneratoribus vexata, in Sacrum montem trans Anienem fecessit Olymp. LXXI. Sed Menenij Agrippæ oratione delinitur, & Tribunorum plebis, ac sacratæ legis præsidio aduersus Patres accepto, in Vrbem remigrat. Mox aliud ex alio periculum. Martius Coriolanus Tribunorum inuidia ab Vrbe pulsus, Volscorum armis omnem pænè ditio- nem Romanis ademit, eorumque opes adeò fre- git, vt Vetula matre ad eum allegata, pacem pe- tere cogerentur. ita ille non armis, sed pietate vi- ctus recessit.

Disimili animo, & euentu Aristides cogno- mento Iustus Athenis exulauit. breui enim restitu- tus, Themistoclem, cuius opera eiectus fuerat, bel- lo Persico adiuuit, priuatis iniurijs patriæ condo- natis.

Nec minor ciuium Romanorum, quàm Græco- rum extitit amor in patriam. Sp. Melium largitio- ne periculosas libertati opes quærentem, pater ipse pro patriæ salute, morte multauit. Fabia gens, vt pa- triam molestia liberaret, bellum sibi Veientinū ip- sa depoposcit. Veientes sæpè vicit. Iâ victrix ab ho- stibus per insidias pænè deleta est. amplius CCC. Fabij vna die ceciderunt.

Longè grauior Persarum clades fuit in Græcia. Xerxes Darij Hytaspis filius paterni regni, atque odij in Græcos hæres, iuncto nanibus Hellesponto, Athoquæ monte perfosso, Græciam cum M. armatorum millibus inuaserat. Ei Leonidas Rex Spartiatarum parua manu ad Thermopylarum angustias primùm, deinde in ipsis castris maximam intulit cladem, donec cædendi defatigatione super stragem hostium corrueret victor. Athenienses interim relictâ Vrbe, classem CC. nauium adornarant. Xerxes igitur Athenas vacuas nactus incendit. Ceterùm Themistoclis Athenientium Ducis dolo ac virtute ad Salamina victus, fugatusque discessit. In fuga solum tempestate pontem, quem ad Abidum fecerat, offendit: piscatoriaque scapha trepidus traiecit, qui tanto saltu Hellespontum nauibus iunxerat.

Hoc Rege floruit historiæ pater Herodotus, annis prope DC. iunior Homero. Compertum est eodem tempore Græcos de Xerxe, & Gelonem in Sicilia de Carthaginienfibus victoriam reportasse. Himerenses ab Amilcare Pœnorum Duce cum premerentur, legatos ad Gelonem Syracusarum Regem, rogatum auxilium miserant. at ille interceptis Amilcaris ad Seleucios litteris, in quibus erat, vt certa die equitatum mitterent; equites suos Seleuciorum mittit ornatu. qui vbi in hostium castra venerunt, pro socijs accepti, Amilcaré sacrificantē obtruncant: classem incendunt. Gelon perturbatos Ducis & classis interitu hostes,
excom-

ex composito adortus concidit. eo prælio amplius C. L. Pœnorum millia cæsa traduntur.

Haud melior Persarum conditio fuit in Græcia. Mardonius cum C. C. armatorum millibus à Xerxe ad persequendum bellum relictus, magnam ad Plateas calamitatem accepit à Græcis, Aristide Atheniensium, & Pausania Laconum Ducibus. At Themistocles elusa Lacedæmoniorum, penes quos Græciæ imperium erat, insolentia, Athenas reficiendas, &, Pyræo nauali addito, amplificandas curauit. Denique ille defensor, atque amplificator patriæ, primo per Ostracismum ob nimiam potentiam amandatus: deinde tanquam Pausaniæ proditionis conscius fuisset, damnatus ad Xerxem se confert. Ab eo honorificè exceptus, ad bellum Atheniensibus inferendum incitatur. At ille, ne aut in Regem ingratus, aut in patriam impius esset, mori statuit. Atque ut moriens patriæ, quamuis ingratæ consulere, Regem obstringit iure iurando bellum Græcis non illaturum sine Themistocle: inde taurino cruore hausto excedit è vita.

Quinctius Cincinnatus Themistocli ut ætate, sic virtute suppar perhibetur; qui ab aratro ad Dictaturam vocatus Q. Minutium Consulem ad Algidum obsessum ab Aequis, circumuento vicissim, circumfessoque hoste, liberauit. Par virtus in dispari bello, eodem propè tempore, Hieronis extitit. Is Gelonis frater, & Syracusani regni heres Cumanis auxilium petentibus salutem attulit. Tyrreni tum mari potiebantur. Cumas ingenti classe

cinctas tenebant. cum his Hieronis classis ita conflavit, ut victrix Cumanos ex belli eriperet faucibus. Cimon quoque Miltiadis filius, Xerxis copijs ad Cyprum pari virtute devictis, ac Persarum opibus accisis, Græcas Asiæ vrbes in libertatem afferuit. Crotoniatæ verò, Duce Milone athleta nobili, Sybaritas prælio victos deleuerunt. Sybarim solo æquarunt. Eius loco Thuria condita est.

Nec verò Imperatoribus modò, sed etiam Philosophis Græcia floruit. eadem ætas Heraclitum, Democritum, Anaxagoram, aliosque complures effudit in ipsa Græcia. In Italia autem Charondam, qui Thurijs; & Zaleucum Pythagoræ discipulum, qui Locrensisibus leges ac iura descripsit. Roma quoque per id tempus leges adsciuit è Græcia.

Romæ anno post Urbem conditam circiter CCC. pro duobus consulibus Decemviri sine prouocatione, legum ferendarum causa creati. Hi leges è Græcia, ac potissimum Athenis per legatos petitas conscripsere. hæ, quoniam tabulis duodecim mandatæ sunt, leges XII. tabularum appellatæ. Paucis annis, propter Appij Claudij libidinem, Collegarumque impotentiam, res ad Consules redijt.

Iam Roma legibus erat constituta, cum Hierosolyma denuo cingi mœnibus coepta est. Artaxerxes Longimanus Artabano regni insidiatore per insidias interfecto, receptaque Aegypto, Neemia pincernæ suo potestate muros Hierosolymæ reficiendi fecit Olymp. LXXXIII. paucis post annis,

nis,quàm Esdras Sacerdos sacros Libros,qui inter-
ciderant,immutatis Hebræis litteris,in lucem pro-
tulit.

Artaxerxe regnâte Empedocles,& Parmenides
physici,Hippocrates medicus,Polycletus,Phidias,
statuarij;Zeuxis,Parrhasius,Timantes pictores cla-
ri fuerunt.Romæ autem sub novas leges,noui Ma-
gistratus extitere.

Decennio ferè post Decemuviros creatos,ne cõ-
sulatus cum plebe communicaretur,Tribuni mili-
tum cõsulari potestate Romæ creari cœpti:primũ
terni, deinde quaterni, vsque ad senos, idque per
annos circiter LXX. binis Consulibus non rarò
interiectis.Censores quoque tum primũ ad cen-
sum agendum creati. Sp. Cassius, qui in suspicio-
nẽ venisset regni appetendi,à C. Seruilio Ala Ma-
gistro equitũ L. Quinctij Dictatoris iussu interfe-
ctus est. At Cornelius Cossus Tribunus militum
Tolumnio Veientium Rege necato,spolia opima
Ioui Feretrio alter ab Romulo tulit.

Eodem anno quo primũ Tribuni militũ Ro-
mæ creati sunt,bellum Peloponnesiacum exarsit in
Græcia, quod Periclis opera excitatum, tota que
peruiagatum Græcia annos durauit XXVII. cum
communi perniciẽ Græcorum. Id bellum Thucy-
dides à Pericle eiectus in exilium, historiæ manda-
uit. Eo bello Brasidæ Spartani virtus, & Periclis
prudẽtia maximẽ spectata est. Lacedæmonijs Atti-
cã populatibus Pericles cũ herentẽ agris hostẽ nul-
lo posset modo depellere, classẽ ad Peloponnesios
agros

agros vicissim vastandos immittit. Sic hostes domestico periculo domum auocantur. Denique multis vtrò citroque cladibus illatis, cum belli vtroque tæderet, pax inter Athenienses & Lacedæmonios facta est, vt belli vulneribus mederentur.

Paucis interiectis annis bellum in Siciliam transijt. Athenienses, Catanensibus opem implorantibus, bellum aduersus Syracusanos susceperunt Olymp. XC. Dario Notho Rege Persarum, annis post Troiam captam DCCC. cuius belli præclara initia, exitus calamitosissimus fuit. Lamachus, & Nicias Atheniensium Duces primò aliquot aduersus Syracusanos prælia secunda fecerunt. Sed Gylippus Lacedæmoniorum Dux Syracusanis subsidio missus, exploratam eis victoriam ademit. In Syracusarum portum cum penetrassent Athenienses, primam eadem à Gylippo acceperunt, Lamachumque alterum ducem amittere. deinde portus aditu ab hostibus intercluso, Ducibus Nicia, & Demosthenè circumueniuntur. ita maxima classe, atque exercitu amisso, Atheniensium opes conciderunt. Sed armis cessantibus Athenis, bonarum artium studia viguere. Aristophanes, Cratinus, & Eupolis comici Poetæ: Sophocles, & Euripides trágici: Praxiteles statuarius insignis: Gorgias, alijque sophistæ quamplurimi, & Sócrates Philosophorum parens tum vel maximè floruerunt. Diagoras autè Deos esse negans Athenis exulauit, præmio publice proposito, si quis eum occidisset. Dum Athenienses amissis opibus ingenia excolunt, Romanorum bellica

bellica gloria, opesque creuere.

M. Furius Camillus Dictator Veios decimum iam annum obsessos actis cuniculis capit diripitque. Faliscos inde circumfœdens, magistrum qui è Faliscis principum liberos in castra deduxerat, nudatum, ac vinctum cum pueris eum verberantibus in Urbem remisit. Hac fide iustitiaque victi hostes, qui armis restiterant, deditiorem faciunt. Sed minus Camilli fides apud ciues, quàm apud hostes valuit. Ob prædam Veientanam, quam in votiuo Apollinis dono consumpsisse arguebatur, damnatus, Ardeam exulatum abiit, damno patriæ maiore, quàm suo.

Galli Senones Tarquinio Prisco regnante, Italiæ partem, quæ Gallia Cisalpina postea dicta est, Tuicis expulsi occupant. Hi in oppugnatione Clusij, (Etruscorum id oppidum est) à Q. Fabio legato Populi Rom. irritati, in Romanos arma verterunt. eorum copijs ad Alliam flumen cæsis, Urbem Brenno Duce inuadunt: captam ferro, flammaque populantur. Roma incensa anno postquam condita est CCCLXV. Capitolium, quod se flos ciuitatis receperat, obsident. Nec defuerunt insidiæ, sed parum processere. Nocturna eorum irruptio ab anseribus patefacta, à M. Manlio, qui postea Capitolinus dictus est, manu repulsa. In angusto Romana res erat: nec vlla auxilij spes ostendebatur. Ibi tum Camillus exul, vt gratia cum ingrata patria certaret, Dictator absens creatus, exercitum comparat. Gallos pactum pro soluenda obsidione aurum ad iniqua pondera exigentes ferro domat.

Hostes

Hostes primo concursu fusi, inde iusto prælio omnes ad vnum cæsi, vt ne testis quidem cladis relinqueretur. Ergo Camillus triumphans Vrbem init. Romulus, ac Pater patriæ appellatur. Populum Romanum Veios demigrare cogitantem Roma retinet, atque ad urbem recreandam quibuscunque rebus potest, iuuat.

Consimilis per ea tempora Athenas casus excepit. Lyfander Lacedæmoniorum Dux opibus Persicis adiutus, Cononem Atheniensis exercitus Duce[m] cum fregisset, omnem Atheniensium ditio[n]em, ipsasque Athenas cepit, muros diruit. Tringenta ex ipsis Reip. imposuit, qui breui tyrannidem occuparunt, Dionysio Tyranno dudum Syraculis dominante. Sed Thrasylbulus exul, Tyrannis acie victis, ac de medio sublati[s], legem obliuiscendarum iniuriarum tulit, Remque publicam constituit. Paucis interiectis annis Conon item exul, Artaxerxis Mnemonis Persarum Regis classe instructus, Lyfandrum nauali prælio vincit. Et Epaminonda Thebanorum Duce belli socio in Spartam mouet. Actum erat de Sparta, nisi Agesilaus Rex Lacedæmoniorum reuocatus ab Asia interuenisset. is certam hostibus exploratamque victoriam eripuit. Per opportunè etiam Artaxerxes cognomento Mnemon Rex Persarum, Cyro fratre acie victo, interfectoque, A Egyptio bello implicitus omnes in Græcia discedere ab armis iussit. Hic Artaxerxes Mnemon (vt Eusebio videtur) Affuerus ab Hebræis dicitur, is qui Estherem captiuam duxit vxorem. quæ consilio via Mardochei natura-

rapa-

ra patruī, adoptione patris, perniciem ab Amāno
Satrapa Iudæis comparatam in ipsius machinatoris
caput, exorato Rege, conuertit. Mardocheus au-
tem pro suis erga Regem meritis, regis ornatus
honoribus secundus ab Rege numeratus est. Huius
æqualis Ctesias Gnidius fuit, qui bello Cyri contra
Artaxerxem captus, propter medendi scientiam
magno in honore ab Rege est habitus, & Persa-
rum scripsit historiam. Conon igitur Lacedæmo-
niorum agros populatus Athenas reuertitur. Urbis
muros eorundem, qui diruerant, manubijs reficit.
Eadem tempestate Architas Tarentinus, item-
que Antilthenes, Aristippus, Xenophon, Plato,
& Isocrates Socratis discipuli floruerunt, Græ-
ciæ imperio à Lacedæmonijs ad A-
thenienses reuocato,
Olymp. circi-
ter C.





H O R A T I I

T V R S E L L I N I,

E S O C I E T A T E

I E S V,

E P I T O M Æ

H I S T O R I A R V M

à Mundo condito

L I B E R I I I.

ROMA pari vicissitudine rerum perfuncta intra annum Camilli beneficio noua vrbs stetit. Breui etiam opibus, atque animis aucta. Capitolium saxo quadrato substructum, opus vel in magnificentia Urbis suspiciendum. M. Manlius, qui plebem in Patres concitaret, ex Capitolij arce, quã à nocturno Gallorum impetu defenderat, deturbatus, adiecta nota, ne quis M. Manlius vocaretur. L. Sextius post longum certamen primus è plebe Consul factus, finem Tribunis militum creandis attulit. Prætor Urbanus, qui ius diceret; A Ediles curules duo, qui ludos facerent, creati cœpti. M. Curtius, vt ex oraculo patriæ consuleret, in fori hiatum equo insidens, & armatus insiluit.

Gloriosior Epaminondæ mors obtigit. is Lacedæmoniorum Rege Cleombroto cum exercitu ad Leuctram cæso, ad Mantinzæam cum Agelilao for-

fortiter pugnans cecidit, saluo scuto, partaque victoria. Cum eo Thebanorum virtus occidit, amisso Duce, itemque Atheniensium gloriæ æmulo extincto. Lacedæmoniorum quoque disciplina, & laus bellica concidit. inuicta à Lyfandro Duce cū auro auaritia.

A Græcis ad Carthaginienes bellica virtus trāsijt, qui Sardiniam armis domuerunt; & Dionysio Syracusarum Tyranno superato, multa Siculis oppida ademerunt. Haud ita multo post Dionysius interfectus à suis, tyrannidem Dionysio reliquit. Is ob singularem nequitiam, demum à Dione Syracusano Platonis auditore eiectus Syracusis, ludū aperuit Corinthi, docente etiam tū Athenis Rhetoricam Isocrate Magistro Demosthenis.

Dum studia optimarum artium Athenis vigēt, Romæ artes bellicæ enituere. T. Manlius, is qui patrem à vexatione Tribunitia vindicarat, bello Gallico, Gallum eximæ proceritatis in oculis vtriusque exercitus, ex prouocatione occidit, torquem sibi, & cognomen induit. ex eo Torquatus dictus. M. item Valerius Gallum pari magnitudine, item ex prouocatione pbruncavit, corui præsidio, qui in eius galea insidens, hostem alis, rostroque terruerat. Inde cognomen illi Coruini factum anno post Urbem cond. propè CCCC. Olymp. CVI. quo tempore Alexander Magnus natus est. cuius pater Philippus Rex Macedonum phalange confertis scutis instituta, Illyrios subegit; multas de Atheniensibus, alijsque Græcis vrbes cepit: totaque Græcia potitus esset, nisi Demosthenē Oratorem
E aduer-

aduersarium habuisset. Numosaureos suo nomine Philippòs appellauit. Denique ad bellum Persicum administrandum Græciæ Dux creatus, à Pausania sui corporis satellite, cuius iniuriâ vindicare neglexerat, interficitur, Artaxerxe Ocho Rege Persarum, qui AEgypto recepta, Memphim, certasque vrbes muris nudauit, templa diripuit, cum Artemisia Carum Regina Mausolo viro mortuo magnificentissimum sepulchrum conderet, quod Mausoleum est nominatum.

Nec verò per id tempus dum AEgyptij. & Græci bellis exercerentur, otium Romanis fuit. Sāniticum interim bellum extitit sanè graue, ac diuturnum. Pro Campanis, qui se, suaq; populo Rom. tradiderant, bellum Samnitibus indictum, ac variè gestum est. Latinum bellum accessit, quo bello T. Manlius Torquatus consul filium, quod cōtra edictum cum hoste pugnasset, quamuis victorem securi percussit, ac militarem disciplinam suo dolore fanciuit. Eodem bello P. Decius Mus inclinata acie Romana se pro exercitu deuouit. Naues Atriatū bello captæ partim Romam in naualia subductæ, partim incensæ. Earum rostris suggestum in foro extructū adornari placuit; Rostraq; id templum appellatum. Verum T. Venturius, & Sp. Posthumus Coss. magnam nomini Rom. labē aspersere. Apud Caudinas furcas deducto in locum iniquū exercitu sub iugum à Samnitibus missi sunt cū omnibus copijs. Sed breuī Per Papyrium Cursorem Samnitibus victis, & vicissim sub iugum vnā cum Pontio ipso eorum Imperatore, & dedecoris auctore

ctore missis, eam Romani maculam eluerunt, Diogene Cynico Aristhenis, Aristotele, Xenocrate, Speusippo Platonis auditoribus docetibus in Grecia.

Multò felicius interea bella gessit Alexander Magnus Philippi filius. Is cum puer Aristoteli operam dedisset; adolescentulus Illyricos, Thracisque perdomuit. Thebas evertit. Athenas in ditionem accepit. Inde Thessalorum, Græcorumque; superiorum armis adiutus ad Persicum bellum traiecit in Asiam. Parua sed firma manu (veteranorum milia XXX. equitum quatuor millia in eius exercitu erant) innumerabilem hostium multitudinem delet. Dario Persarum Rege tribus præliis debellato, Asiam subigit. Regnum à Persis ad Macedonas traducit anno circiter CCCXXX. Olymp. CXII.

Alexander porro capta Tyro, Iudæam inuadit. Sed Hierosolymis ab Iacido summo Sacerdote amice acceptus in templo victimas immolat. Aegypto potitus Alexandriam urbem ab se conditam ex suo nomine appellat. Denique Indis subactis Babylonem reuertitur. Ibi omnium ferè nationum pacem petentium legati preesto fuere, præterquàm Romanorum. Hi delerant iam Caudinam maculam, aut inibi reserat. Samniticum bellum magna ex parte confecerant. Habebant maximas, ac firmissimas copias, T. Manlium Torquatum, Valerium Corvinum Cursores egregios Imperatores, quos Alexandro opponerent, si in Italiâ arma vertisset. Itaque Alexan-

der intacta Italia, annos XX XIII. natus (cùm XII. annos imperasset) excessit è vita, Perpica parui filij curatore relicto. eo regnante Theopompus Chius, & Megasthenes Persa, & Hecatæus Abderita historici floruerunt.

Alexandro mortuo multi pro vno Reges extitere. Ptolemæus Lagi filius in Aegypto, Eumenes in Cappadocia, Antigonus in Asia, Lyfimachus in Thracia, Seleucus Babylone regnarunt. Cassander, Alexandri filio, ac matre Olympiade interfectis, regnum Macedoniæ occupauit. Eadem tempestate Menander comicus Poeta, Crantor Xenocratis, Crates Thebanus Diogenis Cynici discipulus, Epicurus, Zeno Citticus, Cratis auditor, idèq; Stoicorum parens, itemq; Theophrastus Aristotelis auditor nomen habuerunt.

Romæ sub Alexandri mortē Appius, qui postea cæcus factus est, censor Appiam viam muniuit. Collegium Augurum quinque additis, ad nouem peruenit. Fabius Max. Etruscorum opes multis prælijs fregit. Decius filius Patris exemplum XL. anno post secutus, bello Samnitico se pro exercitu Populi Romani deuouit. L. Papyrius Cursor Sannitum copias iureiurando obstrictas fudit, ac fugauit sic, vt religione absolutas diceret.

Nondum erat Samniticum bellum extinctum, cū Tarentinum ob legatos Populi Romani violatos, excitatum est anno post urbem cond. circiter CC. CCL. Quo bello aduersus Pyrrhum Epirotarum Regem, qui Tarentinis auxilio venerat, Curij & Fabrij Coss. integritas, ac virtus enituit. Papyrius
deni

denique Pyrrhum deuictum Italia expulit. Tarentinos ad deditionem compulit. Samnites, qui cum Tarentinis bella coniunxerāt, debellauit. Samniū deleuit, sic vt ne appareret quidem materia XXX. triumphorum. Appuli, Brutij, Lucani eius belli cōtagione subacti sunt.

Longè dissimiliratione Iudæi in Ptolemæi Regis ditionem venerunt. Dum Alexandri Magni successores inter se de Imperio decertant, Ptolemæus Lagi filius, amicitia simulatione Iudæam occupatis captiuos in Aegyptum quamplurimos abducit. At Agathocles Syracusarum Tyrannus à Pœnis obsessus, occultè cum classe traijcit in Africam. Ita hostes ad defendendam patriam auocat. Pacem cum Carthaginiensibus facta, Siciliæ imperio potitur. Huic Hieron successit, qui propter summam moderationem Rex à Syracusanis appellatus est. Hic primi belli Punici occasionem Romanis dedit.

Populus Romanus anno post Vrbem cōditam circiter CCCCLXXX. Olymp. CXVI. domita, subactaque tota pæne Italia, vt Mamertinis socijs contra Hieronem, & Carthaginienses auxilium ferret, transmisit in Siciliam. Vnde gradum fecit ad Imperium Orbis terræ. Sed cum annos propè D. in Italia subigenda laborasset; annorum CC. spatio totum pæne terrarum Orbem in suam ditionem redegit. Romani igitur Appio Claudio Duce Hieronem vincunt: victo pacem petenti dant. Pœnis profligatis, oppida Siciliæ complura

in deditionem accipiunt. C. inde Duilius victoriam, triumphumque naualem de Pœnis primus reportauit. Mox Attilio Regulo Imperatore bellum in Africam transit. Is Tuneto, alijsque Pœnorum oppidis vi captis Carthaginem obsidet. Verum à Xantippo Lacédæmoniorum Duce, qui Pœnis subsidio venet, victus in potestatem hostiū venit. Eius virtus egregia in calamitate magis quam in victoria enituit. Romā missus de redimendis captiuis, rem sibi, ac suis salutarem, inutile patriæ dissuasit. Ipse ne datam hosti fidē falleret, Carthaginem reuersus omni cruciatu necatur nō minore fortitudinis laude, quam fidei. Lucatius denique Consul nauali prælio Carthaginensium opes fregit. Pacem his conditionibus dedit, vt Sicilia, Sardinia, ceterisq; insulis excederent, certum tributum per annos XX. Populo Romano pēderent. Ita bellum primum Punicum vigesimo anno confectum. Ianus iterum clausus anno post Urbem conditam circiter D. Liguribus, & Illyricis, & Insuſtribus Gallis bellum mouentibus paulò post apertus. Omnes debellati, & subacti. M. Marcellinus Consul Viſodomaro Insuſtrum Rege interfecto, tertius à Romulo spolia Ioui Feretrio opima tulit. C. Flaminius Cenſor viam Flaminiam muniuit, & circumextruxit.

At in Græcia Aratus, Cleanthes, & Chrysippus Zenonis auditores; Arceſilas mediæ Academiæ auctor; Demetrius Phalereus Theophrasti discipulus præclara ingeniorum ac doctrinæ monumenta reliquerūt, regnāte in AËgypto Ptolemæo Philadel-

Iadelfho, qui pace cum Antiocho Sothere Seleuci filio facta, celeberrimam Alexandriae Bibliothecam instruxit opera Demetrii Phalerei. Quæ ut esset cumulatior, Iudæis captiuis gratis Hierosolymam remissis, ab Eleazarō summo Pont. sacros libros, & seniores LXX. qui eos Græcè interpretarentur, impetrauit. Hinc septuaginta Interpretum monumenta manarunt. Interea dum in Aegypto Bibliotheca instruitur, primumq; bellū Punicum in Africa geritur, Parthiā Macedonum imperio defecerunt, primusq; in Parthia regnavit Arsaces, vnde ceteri Parthorum Reges Arsacidæ dicti. Regnare coepit Arsaces efflorescente Annibale, qui bellum Punicum secundum constituit.

Romæ post primum bellum Punicum vix XIV. annorum requies. Saguntus, vrbs amica Populo Rom. ab Annibale Punicorum Duce deleta, secundi belli Punici principium fuit. Annibal, Asdrubale fratre cum exercitus parte relicto in Hispania, per Alpes viam sibi primus muniuit, atq; in Italiam descendit. Ei P. Cornelius Scipio Cos. ad Ticinū occurrit. Sed amisso exercitu, ipse à Scipione filio adolescentulo, cui Africani cognomen debebatur, agrè seruatus euadit. C. Flaminius deteriore exitū ab Annibale ad lacū Thrasymenum cū exercitu cæditur. Itaque Q. Fabius Maximus dictator hostem victorijs exultantem cunctando reprimere institit. Quippe ita eius tergo hærebat, ut neque pugnandi potestatem faceret, & populādi adimeret facultatem. Ex eo Cunctator appellatus. Sed C.

Terentij Varronis Cos. temeritate, nobilis ad Cannas Apuliæ vicum, clades accepta. Amplius XL V. ciuium Romanorum millia cæsa. In his AEmilius Paulus Cos. & Senatores LXXX. Equitum multitudo tanta, vt aureorum annulorum modius Carthaginem mitteretur. Actum erat de vrbe, si Annibal scisset vti victoria. Romæ quidē etiam prætextatos, ac seruos necessitas armauit. Capua, & magna Italiæ pars ad Annibalem defecit. Sed Capuæ ille Cannas inuenit. Itaque vbi Annibalis virtus Campanis delicijs emollita est; M. Claudius Marcellus ad Nolam secundo prælio facto docuit Annibalem posse superari.

Nouum inde bellum è bello exortum. Hierone Syracusarum Rege mortuo, Hieronymus regni, non fidei heres ad Annibalem desciiuerat. Quare Marcellus Cos. Syracusanis bellum infert. Vrbem Syracusas non minus Archimedis ingenio, quàm ciuium armis defensam, cùm frustra oppugnasset, tandem securitate, & luxuria victam, noctu de improviso capit. Victoriæ gloriam auxit moderatio victoris. Vrbi, & ciuitati pepercit. Archimedi, qui in prima militum irruptione ceciderat, quoniam viuo non potuit, honorem habuit mortuo, propinquis eius pecunia adiutis. Læuius deinde Siculis pacatis, Siciliam primam Poli Romani Prouinciā fecit.

Sed Romanæ res non vbique lætæ. In Hispania duo Scipiones, sæpè re benè gesta, denique ab Asdrubale Annibalis fratre cæsi sunt. Nunquam tamen Populus Roman. fortior. Annibal propè ad portas

portas Urbis erat, cum P. Cornelius Scipio adhuc adolescentulus patris, ac patruus ultor in Hispaniam mittitur. Is Carthaginem nouam, ubi totius Hispaniæ obsides afferuabantur, Magonem item Poenorum Ducem capit. Plus tamen temperantia profecit, quam victoria. Egregia forma puellam nobilem sibi adductam sponso reddidit intactam. Tantæ virtutis & integritatis fama Hispanos illi mirè conciliauit. Ergo Asdrubalem fugat ex Hispania. eam primam in continenti Prouinciā facit. foedus cum Masinissa Masæfulorum Rege ferit.

Nec minus lætæ res in Italia. Q. Fuluius Flaccus Præcos. interim repulso ab Urbe Annibale, Capuam in deditiōem accepit. De Senatu supplicium sumptum. Capua præfectura facta. Fabius quoque Max. complures Italiæ vrbes, atque in his Tarentum recepit. Lætis rebus tristes interuenire. Marcellus Cos. ad Venusiam speculandi causa egressus è castris, ab hostibus circumuenitur. eius corpus ab Annibale humatur, vincente hostile odium humanitate, ac virtute viri.

At M. Claudius Nero Asdrubalem in Italiam ad coniungendas cum Annibale fratre vires, & copias venientem ad Metaurum flumen oppressit, clade tanta, vt Cannensis hosti reddita videretur. Asdrubalis caput ante stationes Annibalis proiecit. qua ille specie percussus, in Italiæ angulum ad Bruttios se recepit. P. autem Scipio vt hærentem Italiæ hostem abstraheret, transmittit in Africam: Annonem Poenorum Ducem cum exercitu cedit:

Syphacem Numidiæ Regem, eorundem socium acie victum capit. Quare Annibal à Carthaginienſibus XVI. belli anno in Africam reuocatur. Signa cum Scipione confert. Victus è prælio fugit. Rebus desperatis profugit in Aſiam. Carthago domita, & ſubacta anno poſt Urbem cond. propè DL. Scipio ex Africa cum triumpho, Africani cognomen deportauit, primus nomine deuictæ ab ſe gentis nobilitatus. Idem Ennium Poetam Epicum in honore habuit, cui Næuius, Cæcilius, Plautus comici ſerè æquales numerantur.

Pacem Punicam belli Macedonicum excepit, quod pro Athenienſibus amicis paulò antè ſuſceptum, renouatum, & per decem annos variè geſtum eſt. Denique à T. Quinctio Flaminio conſectum, Philippo Macedoniæ Rege debellato. Ei pax ita data, vt Græciæ ciuitatibus excederet. Nabidi quoque Lacedæmoniorum Tyranno deuicto, eadem conditione pax data: Græciæ vniuerſæ libertas reſtituta. ſola Sparta ſerua relictæ.

Sed pacata Græcia pax & otium Romanis iſſis non fuit. Antiochus cognomento Magnus, Rex Aſiæ ac Syriæ, Annibalis impulſu bellum Romanis intulit. verùm L. Scipione Africani Germano Imperatore, & Africani eiſdem legati cōſilio ac virtute, terra marique ſuperatus pacem petijt. His cōditionibus data, vt Aſia excederet, Annibalem dederet. qui ne in potestatem hoſtium veniret, denique hauſto veneno interijt. In ſummis vtique Imperatoribus numerandus, niſi fidei violator, bellique in pace concitator fuiſſet. L. Scipio ex Aſia

cognomen Asiatici retulit. - Ceterum cum triumpho Asiaticam deportauit luxuriam, quæ breui bellicosam gentem effeminauit.

Nec ita multo post in Scipionum familia, magnarum est facta conuersio. Asiaticus enim peculatus crimine damnatus, excessit à vita. Africanus, qui eo bello fratris legatus, ac magna victoriæ pars extiterat, à Tribuno pleb. eodem crimine accersitus, Linternum concessit, ibique exulauit, humanæ vicissitudinis documentum, cum quidem illis temporibus Liuius Tragœdiarum scriptor clarus haberetur. Nec verò clarissimis hisce Imperatoribus amissis, Imperatores egregij Romanis defuere. M. Fuluius capta Ambracia Pyrrhi Regis Epirotarum sede, Aetolos domuit. Cephallenia, Zacynthus, ceteræque adiacentes insulæ in victoriæ cumulum accessere. L. Posthumius Albinus Procos. Lusitanos, Appius Pulcher Istros subegit. L. AEmilius Paulus Persen Macedonum Regem rebellantem debellauit, atque in triumpho duxit. Q. porro Metellus Pseudo-Philippum, qui Macedonia regnum inuaserat, vicit, ac cepit. Ita Macedonia tribus bellis perdomita, sub imperiū Populi Romani redacta est anno post Urbem cond. circiter DLXXX.

Dum floret res Romana, Iudæa vehemèter afflictæ est. Seleucus Philometor Magni Antiochi filius Rex Syriæ Olymp. CXL. Hierosolymitanum templum spoliare cum statuisset, re conatur per Heliodorum. is in ipso sacrilegij conatu ab Angelis malè acceptus, Regem à consilio deterret.

ret. Iudæorum calamitatem paulisper dilatam effecit mora grauiorem. Seleuco mortuo, Antiochus Epiphanes fraterno regno potitur. Is Aegypto, quam occupare conabatur, repulsus Hierosolymam inuadit. Summum Sacerdotium Oniæ viro sanctissimo adimit, Iasoni homini nefario tradit. Hierosolymam, ac templum euertit Olympiade CXLIII. Sede religionis euerfa, religiosos viros infectatur. Magna eorum cædes facta. In tormentis, cruciatibusque pro religione perferendis Eleazari principis viri, & septem Machabæorum virtus enituit. Impij Regis furori sese Mathathias opposuit collecta piorum manu. Mathathias Iudas Machabæus filius successit; qui inter duorum Africanorum ætates interiectus, bellica gloria cum utroque certauit. Is parua manu regios exercitus maximos diuina ope fretus sæpe deleuit. Tandem hostibus Palæstina pulsas, templum, Hierosolymaque restituit. Societatem cum Populo Rom. inijt. Itaque Antiochus ex mœrore, malus male perijt, inulitatis viscerum torminibus, vermibusque consumptus. Eius tamen regni, ac furoris heres Demetrius Seleuci filius, qui Romæ obses fuerat, successit. Huius ducem Nicanorem cum exercitu Iudas diuino Numine inuocato, ad internecionem cædit. Ceterum cum Bacchide regio item Duce pugnaturus, Dei opem implorare oblitus, suis pugnavit viribus. Itaque multitudine hostium obrutus, in acie cadit. Eius mortem Ionathas frater, ac successor vltus est, Bacchide magnis cladibus affecto. Idem summo sacerdotio præfuit, & Demetrii Regis

Regis concessu purpura vti cœpit: societatem cum Romanis renouauit: paulò post à Tryphone regio Duce per insidias circumuentus occiditur. Eius locum Simon frater occupat, ac tertio amicitia cum Romanis renouata, otio fruitur. Sed opportunum insidjs securitas fecit. Amicorum fraude interfectus, heredem Ioannem filium reliquit. Paucis antè annis Hierosolyma à Machabæo resecta, quàm Carthago à Scipione minore deleta est.

Carthaginenses neglectis fœderibus, bello quæ Massinissæ illato, tertij belli Punici occasionem dedere. Itaque eis suatore M. Catone Censorio, bellum infertur. Quarto demum anno à P. Scipione AEmiliano (qui Paulo AEmilio genitus, ab Africani filio fuerat adoptatus) de bellati deditio- nem faciunt. Carthago solo æquatur. Scipio ex ea Africani nomen, quod hereditarium habebat, per se partum reportat anno post Urb. cond. circiter DCVII. Olymp. CLVIII. Idem Scipio Panætium Philosophum, Polybium historicum, Terentium Comicum poetam, familiares habuit. His senibus succedere Pacuuius, & Accius Tragici poetæ, & Aristarchus Grammaticus.

Corinthum sub ea tempora idem, qui Carthaginem, exitu excepit. Corinthij legatos Populi Rom. pulsauerant, & Achæos sibi belli socios adiunxerant. Itaque L. Mummius Cos. Achaia in deditio- nem accepta, Corinthum deleuit. Aeris variij, quod incendio confluxerat, massa vasorum Corinthiorum materiam dedit. Liu idem belli contagione Thessalia, Epirus Imperio Rom. adiuncta. Q.

Fabius

Fabius Lusitaniam à Viriato latrone occupatam, & aduersus Romanos exercitus egregiè defensam, magna ex parte recepit, pacem æquis conditionibus cum Viriato fecit. Scipio Africanus X.IV. anno post Carthaginem euersam, Numantiam in Hispania evertit eodem exercitu, qui propter luxuriam à Numantinis sæpius fugatus antea fuerat. tantum valuit Dux, & disciplina.

Dum foris bella Romanus feliciter gerit, domi turbis non vacauit. Tib. Sempronius Gracchus Agraria lege lata Rempublicam turbauit. Itaq; à Scipione Nafica in Capitolio cæditur cum suis. Eum iure cæsū cum indicasset Africanus, ipse domi suæ repertus est mortuus. Nec multo post C. Gracchus Tiberij frater, idem eodem euentu conatus, à L. Opimio Consule in Auentino obtruncatur, vigente Satyrico poeta Lucilio.

Neque à liberis modò, sed etiam à seruis periculum fuit. Ennus quidam Syrus, effractis in Sicilia ergastulis, contractaq; agrestium seruitiorum manu, iustum exercitum effecit. Clades Imperatoribus Populi Rom. multas, & magnas intulit. Ad vltimum à P. Rupilio Cos. ad Ennam obsessus, latronum supplicio, fame, & eruce multatur. Seruile tamè bellū paucis interiectis annis ab Athenione pastore maioribus opibus, atq; animis instauratum, Is interfecto Domino, familiaq; ergastulo liberata, purpurā, argenteumq; baculu Rex voluntarius assumit. Conflato exercitu, vicos, castella, oppida diripit. Ab eo Prætorij exercitus duo cæsi, totidem castra capta. Sed eū Aquilius Imperator ita com-

meatibus interclusit, vt supplicium sumerent; Dux ipse comprehendentium manibus discerperetur, dum rapitur ad supplicium.

Bella ijsdem temporibus cum seruis, cum socijs, cum hostibus gesta sunt. Iugurtha Numidiæ Rex, Malsinissæ nepos, Micipsæ per adoptionē filius, ex eodem genitos fratres regno eiecerat. Hi Populi Rom. tutoris fidem implorāt. Itaq; Iugurthæ bellū infertur, qui deniq; accisis opibus, a regno pulsus à C. Mario, ad Bocchum Mauritaniae Regem, belli socium confugit, parū commodum nactus per-fugium. ab eo L. Syllæ Quæstori Marij vinctus traditur. Itaque à Mario in triumpho ductus necatur in carcere, eodem ferè tempore, quo natus est Cicerō, anno post Urb. cond. circiter DCL. Marius cōtinuato ob Cimbrorum metum, per complures annos Cōsulatu, Cimbro, Teutones, aliasque barbaras nationes in Italiam irrumpentes deleuit.

Dum res militiæ benè geritur, turbæ sunt exortę domi. L. Appuleius Saturninus Trib. plebis, homo turbulentus agraria lege per vim lata, Optimatibus aliquot exilio, ad mortē multatis, Senatum in se concitauit. Igitur concursu in eum Optimatum facto, vnà cum Glaucia Prætore furoris socio necatur. Eadē paulò post M. Liuius Drusus Trib. plebis maioribus opibus conatus est. Senatus enim auctoritate, & Italia consensu fretus, Metello, & Rutilio, qui legibus aduersarētur, exilio multatis, Philippo Cof. perterritō, lēges agrarias per vim pertulit, quib. nihil vīquā ad largitiōē relinquebat, nisi si quis aut cōnū diuidere vellet, aut cēlum.

Verū

Verum cum Italicis populis promissa persolvere non posset; Italia tumultuante, domi suæ occisus est.

Seditione domestica sedata, sociali bello ardere coepit Italia. Marfi, Picentes, Pefigni, Samnites, Lucani, alijque populi Italiæ cum ciuitatem à M. Druso Tribuno plebis ostentatam non impetrassent, armis extorquere conati sunt. Denique à Cn. Pompeio Strabone, L. Sylla, alijsq; Populi Rom. Imperatoribus domiti, pacem petierunt. Ciuitas ultro cum pace data. Id bellum Marficum, Italicum, & Sociale dictum. Pax, & otium per id tempus in Iudæa fuit. Aristobulus Ioannis Hircani filius, Simonis eius, qui Iudæ Machabæi germanus fuit, nepos Pontifex Maximus regia insignia recepit Olymp. CLXV. anno post Sedeciam ultimum Iudææ Regem propè D.

Romæ autem à Sociali bello ad Ciuile ventum est, cuius occasio Mithridaticum bellum fuit. Mithridates Rex Ponti Ariobarzanem Cappadociæ, & Nicomedem Bithyniæ Reges, amicos Populi Rom. regnis suis exturbauerat. Ei bellum indictum Duce L. Sylla. Ex eo ciuile bellum inuidiæ facibus excitatum est. C. Marius tantam gloriæ segetem Syllæ, legato olim suo inuidens, egit per Sulpitium Trib. plebis, ut id bellum sibi mandaretur. Eam ob rem vrbe pulsus ab Sylla, secedit in Africam. Sylla in Asiam profectus aduersus Mithridatem bene pugnavit. Bithyniam, Cappadociam, Asiam recepit. Interea Marius L. Cinna Consule adiuuante, Romam cum copiis irrumpit. Cn. Octauium

Con.

Consulem, M. Antonium Oratorem, aliosque Syllanos obtruncat. Septimum consulatum occupat. Ecce tibi Sylla victorem exercitum transportat ex Asia, & profligatis Marianis, Urbem & Italiam stragibus cōplet, proscriptione ciuiū tū primū inducta. Constat præter innumerabilem aliorum ciuium multitudinē, ex ipso Equestris ordinis flore, ac Senatu, ad duo millia proscripta. Et tamen homo infelix Felicis nomen optauit: Cn. Pompeio Strabonis filio, qui Carbonem Marianum Consulem in Sicilia oppressum necauerat, Hiabam Mauritaniae Regem Marianarum partium suo Marte debellarat; Magni cognomen dedit: permisitque ut de Africa nouo exemplo Eques Roman. ac priuatus triumpharet. Ipse Dictator factus (cuius honoris usurpatio amplius annos C. intermissa fuerat) cum fascibus XXIV. processit, Rempubl. præclaris legibus constituit. Sed nihil tam mirum, quàm quòd tot tantisque stragibus editis ciuulum, Dictatura sponte se abdicauit, priuatusque vixit incolumis. Sed pœnas à mortalibus condonatas, cælesti Numine repetente, Felix ille pediculari morbo confectus interiit. Ceterum moderatio animi in summo imperio deponendo, haud exiguum gloriæ fructum tulit. Abdicatio Dictaturæ ita grata Populo Rom. accidit, ut eius funus incredibile pompa ac frequentia celebraret.

Ciuilis belli scintilla nō paruū in Hispania excitauit incendiū. Sertorius Marianarū partiū Dux, ex fuga Hispanias occupat; societatemq; cū Mithri-

date coierat. Cōtra hunc Q. Metellus, & Cn. Pōpeius vario euentu pugnarunt. Quippe Sertorius Dux nulli secundus, Imperatoribus duobus Populi Rō. sæpe par, interdum etiā superior extitit. Sed homo magis aduersus externos hostes paratus, quā contra domesticos cautus, Perpenna coniurationis auctore, à suis occiditur. Breui Perpenna interfecto, Hispaniæ recipiuntur. Non cū exulibus modò, sed etiā cum seruis, ac piratis eadē tempestate dimicandum fuit.

Spartacus cū ampliùs LXX. gladiatoribus Capua ex ludo elapsus magnis copijs contractis, mirificos Populo Rom. ludos, & clades reddidit. Ad extremum cū de inuadenda Vrbe cogitasset, à M. Crasso repellitur, & in angulo Bruttio opprimitur. P. autem Seruilius Cilices piratas in latebras vsque Ciliciæ persecutus, Ciliciam domuit, & ab Isauro Ciliciæ arce, Isaurici cognomen adamauit. Rursus cym piratæ toto mari impunè prædarentur, à Cn. Pompeio quadraginta diebus deleti sunt. Neque interea otium à iustis hostibus fuit. Mithridates nouis copijs instructus bellum in Asia renouarat. Eum L. Lucullus multis prælijs fractum in Pontum compulit. Eodem tempore Q. Metellus, Creta insula vastata, & in ditionem Populi Rom. redacta, Creticus appellatus est.

Cn. inde Pompeius Mithridatem debellatū regno spoliavit. Tigranem belli socium in ditionem accepit, eique Syriam, ac Phœnicem ademit. Pontum in Prouinciæ formam redegit. Mithri-

thridentes XL. regni anno à Pharnace filio obfessus, frustrà tentatam veneno animam gladio expulit. At Pompeius Aristobulo, & Hyrcano Alexandri Regis Iudæorum filijs de regno dissidentibus, in Iudæam ad eorum controuersias tollendas arbiter venit, Sed ab Aristobulo irritatus, Hiérosolymam vi capit, muros diruit, in templi àdya cum paucis ingressus, sacri nihil attigit. Hyrcano sacerdotium à parentibus legatum reddidit. Ceterum Iudæam stipendiariam Populo Rom. facit. Aristobulum Romam ad triumphum ducit. Antipatrum Procuratorem Iudææ relinquit, qui deinde Pompeio mortuo, Cæsaris permissu, muros Hierosolymæ refecit.

Dum imperium Rom. tota Asia propagatur, Roma ipsa intestino bello pæne deleta est. L. Catilina Senator Populi Rom. exercitum in Etruria comparato, cum Lentulo Prætore, Cethego, alijsque Senatoribus, de cæde Consulum, ac Senatus, deque inflammanda vrbe coniurauerat. Ea coniuratio à M. Tullio Cicerone Cos. patefacta, & oppressa est. Catilina vrbe eiectus, de reliquis coniuratis supplicium sumptum. Catilina à C. Antonio Procos. cum exercitu cæsus. Cicero *Pater patriæ* à Catone Trib. plebis appellatus. Præclarum tamen ac salutare factum fraudi M. Tullio, ac pesti fuit. Triennio post à P. Clodio Trib. plebis ob supplicium coniuratorum, eiicitur in exilium. Sed mense XVI. summa cum gloria reducitur. Idem eloquentiæ gloria floruit, cum M. Varro Philosophus,

phus, Sallustius Historicus, Lucretius, & Catullus Poetæ Romæ in honore essent. Liberata M. Tullij consilio Vrbe, noua semina iacta sunt opprimendę Reipubl.

C. Iulius Cæsar Cos. inuito Senatu, & M. Bibulo Collega, leges Agrarias cū pertulisset, Capuam-
que coloniā deduxisset; Cn. Pompeium, Iulia fi-
lia in matrimonium data, affinitate sibi deuinxit.
M. Crassum cognomento Diuitem & Pompeio,
& sibi conciliauit. ita trium Principum ciuita-
tis conspiratio facta, vti omnia illorum arbitratu
gererentur. Ergo Cæsari vtraque Gallia, Cisal-
pina videlicet, & Narbonensis in quinquennium;
Pōpeio Hispania item in quinquennium decerni-
tur. Crasso bellum Parthicum mandatur. Cæsar in
Prouinciā profectus, Heluetios, qui exustis op-
pidis suis iter per Prouinciā facere conarentur,
victos domum compulit. Ariouistum Germano-
rum Regem, vexatorem Gallię profligauit. Aqu-
itanos, Gallos, Belgas bellum faciētes subegit. Craf-
sus Hierosolymitano templo sacra pecunia spolia-
to, non impune sacrilegium tulit. Aduersus Par-
thos malè pugnavit. Exercitum cum filio amisit.
Demum ipse per speciē Colloquij ab hoste circū-
uentus occiditur. Cn. Pompeius ad seditiones vr-
banas comprimendas, Consul sine Collega (quod
nunquam antea factum erat) creatus cum Dicta-
toria potestate, mot^{us} vrbis sedauit; iudicio præsuit,
quo Milo propter cædem Clodij exilio damnatus
est. Cæsar porrò, Prouinciā in alterum quinquē-
niū prorogata, Galliā pacauit: Britannia domuit,
Ger-

Germaniam magnis cladibus attriuit. Itaq; haud egre à Populo Rom. vt in petitione cōsulatus absentistatiō haberetur, impetrauit. Antequam è Prouincia decederet, Iuliæ eius filiæ mors affinitatē, quæ illi cū Pompeio intercesserat, amicitiaq; dissoluit. Quare Pōpeio, & Coss. aduersatibus, quod nimia Cæsaris potētia videretur periculosa Reipublicæ, Senatus neq; rationem eius absentis proximis comitijs haberi sinit, & ipse ante certam diem exercitum dimittere iubetur. Aduersus M. Antoniū Tribunū pleb. Senatus auctoritati pertinaciter intercedentem, extremo illo S C. Consules arman-
tur.

Ex hisce initijs coortum est bellum ciuile anno post Vrbem cond. circiter DCC. Cæsar Reip. opprimendæ causam nactus, Romam infesto agmine contendit. Flaminia, Piceno, Marsis, Pelignis, Samnitibus potitus, in Vrbem nobilitate vacuā ingressus, se Dictatorem dicendum curat: AErarium sanctius compilat. Inde Pompeianis, ipsoque Pōpeio Italia pulso, Afranium, & Petreii eius legatos expellit Hispania: Massiliam per Decimum Brutum legatum in deditionem recipit. Dictator absens à M. Lepido Prætore factus Romā reuertitur, ac Dictaturam init. mox Pompeium bello persequens transmisit in Græciam. Sed ad Dyrrhachiū eundem Pompeium obsidens, magnā accepit cladem. Debellatus fuisset (vt ipse fassus est) si Pompeius scisset vti victoria. Bello ad Pharsaliam delato Pompeius interclusum commeatu hostem fame potius, quàm ferro vincere statuerat, Sed nobilitatis

tatis vocibus coactus cum hoste confligit, amissoque exercitu victus aufugit. In Aegyptum ex fuga profectus, Ptolemæi Regis, ad quem confugiebat, iussu necatur.

Cæsar victor Ciceroni, qui Imperator è Cilicia decedens, Pompeij, ac Reip. partes secutus erat, itemque Pompeianis, quicunque permiserant se potestati victoris, ignovit maiore clementiæ laude, quam victoriæ. Is Alexandriam quoque cum appulisset, & Ptolemæi, atque Cleopatæ eius sororis controuersias componere conaretur, ab eodem Rege pæne oppressus est. Sed classem suam; ne veniret in hostium potestatem, incendit. quo incendio nobilissima illa Alexandriæ Bibliotheca à Philadelpho Ptolemæo instructa conflagrauit. At victo tandem, extinctoque Ptolemæo, regnū Cleopatæ tradit. Pharnacem inde Mithridatis filium, qui in Populi Rom. fines irruperat, primo impetu debellauit, prope vt ante vicissè hostem, quam vidissè videretur. Iubam etiam Mauritanie Regem L. Scipione, & Catone auctoribus ciuile bellum in Africa instaurantē deuicit. Afraniū, aliosque ad CCC. Senatores interfici iussit. At Cato ne in potestatem Cæsaris veniret, Vticæ mortem sibi ipse consciiuit, ex quo Vticensis est appellatus.

Dum Cæsar ex Gallia, ex Aegypto, ex Ponto, & Africa quatuor vno tempore triumphos ageret; à Cn. & Sexto Pompeij Magni filijs, bellum in Hispania apparabatur, vt quintus ex Hispania triumphus accederet. Eò Cæsar cum exercitu contendit;

tendit: acie decernit: Pompeios ad Mundam Hispaniæ urbem Sextus vincit. Cohortes enim quædam Pompeianæ prætereuntes cum fugæ forte speciem præbuisſent, fecerunt, vt victores dum fugere putant suos, ipsi quoque fugerent; victi dum se vincere arbitrantur, vincerent. tantum in bellis valet opinio. Cneius ex fuga retractus occiditur. Sextus fuga elapsus ad alia bella reſeruatur. Civile bellum pariter cum Reip. ruinâ reſtinctum eſt.

Oppreſſa Rep. pacatoque Populi Rom. imperio, Cæſar Dictator perpetuus nouo more appellatus à Senatu, ſalutares tulit leges, ſed Curiam obſcuris ac barbaris Senatoribus inquinauit. Pomoerium protulit. Carthaginem, & Corinthum colonias deduxit. Anni deſcriptionem à Numa introductam de Mathematicorum ſententia intercalatis diebus ſex & ſexaginta, atque intercalari die poſt quartum quemque annum, inſtituto correxit. Ei ampliſſimi, ac diuini honores à Senatu decreti. In his vt Quinctilem menſem ſuo nomine Iulium appellaret; vt ſaſtigium, templum, flaminem tamquam Deus haberet. Proinde inſolentia elatus Senatum contemnere, ac regnum affectare cœpit. Ergo quinto Dictaturæ anno à Bruto, Caſſio, ceteriſque coniuratis in Curia apud Cn. Pompeij theatrum vulneribus confectus interiit, C. Octauio ſororis nepote adoptato, atque herede inſtituto. Ceterum Tyranno ſublato, tyrannis manſit. M. Antonius Conſul repentinus Tyrannus exortus eſt. is in funere Cæſaris,

plebe in patriæ liberatores concitata, turbavit omnia: armis Senatum oppressit; nefarias leges per vim tulit; Galliam Cisalpinam inuasit: D. Brutum Galliæ Prætorem obsedit. Itaque bellum contra eum à Senatu, Cicerone auctore decernitur. Hircius, & Pansa Coss. itemque C. Octavius cum exercitibus ad Mutinam proficiscuntur: signis cum Antonio collatis, victoriam referunt. magno ea victoria Pop. Romano stetit. Consulibus mortuis, exercitus tres vni Octavio paruerunt, qui, copijs Romanam adductis, consulatum à Senatu adolescens annos XX. natus extorsit. Antonius in Galliam Transalpinam ad M. Lepidum magistrum equitum, magnis instructum copijs, confugit: equitatum, in quo erant ad XXX. equitum millia, incolumem ex acie deducit. ita cum Lepido societatem init. At Octavius bello contra Lepidum, & Antonium à Senatu præpositus, fidem, ac patriam prodit: amicitiam cum utroque iungit.

Triumviratu igitur instituto, CXXX. Senatores à Triumviris proscripti. Ex horum numero M. Cicero fuit, qui ab Antonianis obtruncatus cum Rep. pariter concidit. eius caput, ac manus pro rostris affixæ spectaculo fuerunt, ubi miraculo fuerat eloquentia. Orbis terrarum quasi patrimonium à Triumviris diuisus. Oriens, & Græcia Antonio; Africa Lepido; Italia, & Occidens Octavio obuenit. Sexto Pompeio Magni filio, qui classe plurimum valebat, Sicilia assignata, Diodoro Siculo iam dudum vigente.

Octavius lege curiata in familiam Cæsaris adopta-

ptatus, more Romano C. Julius Cæsar Octavianus dictus est. Cæsar inde interfectores, die dicta, damnandos curavit. Ea novi belli civilis origo fuit. Cæsar Octavianus, & Antonius cum se Iulij Cæsaris Dictatoris vitores profiterentur, M. Brutum, & C. Cassium bello persequi cœperunt. Ad Philippos Thessaliæ urbem vario Marte pugnatum est. Cassius ab Antonio, Cæsar vicissim à Bruto fractus, castris exiit. Parem cladem error imparem fecit. Cassius victus Brutum quoque eadem usum fortuna ratus, sibi necem conscivit. Brutus tamen vnus duobus Imperatoribus egregiè restitit. is laborantibus rerum inopia hostibus, exploratam habebat victoriam, si bellum duceret, sed (vti olim Pompeius) ducum efflagitatu coactus prælio dimicauit. iam victor ob Cassianarum copiarum fugam vincitur. clade accepta, vt manus hostium vitaret, sibi met manus attulit. cum eo omnis Reip. spes occidit. Breui vniuersum Imperium Rom. ad vnum peruenit, quod tres Soles per id temporis exorti, qui paulatim vnū in orbem coierunt, portendisse putati sunt.

Sext. Pompeius cum Cæsare contendens, à M. Agrippa eius ducē denique nauali prælio superatus, in Asiam profugit, vbi paulo post mortem obiit, Herode Iudææ Rege, qui Antipatre Ascalonita natus, Antonij, & Cæsaris opera primus alienigena Iudææ Rex appellatus est.

De Sicilia Sexto adempta inter Triumuiros certamen exortum. M. Lepidus XX. legionum

fiducia bellum in Sicilia mouens sine armis opprimitur. eius copiae sollicitatae, signa ad Caesarem transferunt. Lepidus ipse à Caesare in ordinem cogitur. M. Antonius Octavia Caesaris sorore repudiata, Cleopatram Aegypti Reginam in matrimonium duxerat. quam ut Orbis terrae Dominam constitueret, Caesari bellum intulit. Commisso apud Actium praelio nautali, cum aequo Marte pugnaretur, subito refugientem temere Cleopatram homo uxorius prosequitur, pugna deserta, in qua de Orbis terrae imperio dimicabat. usque eo amor animum obcecarat. Itaque Caesar, parta victoria, hostem insecutus Alexandriam obsidet. Antonius rebus desperatis, sibi manus affert. eum imitata Cleopatra, ne videlicet in triumpho duceretur à Caesare, mammae aspidem admouet. Ita demum ad vnum Imperii Roman. summa peruenit, paucis annis postquam Ventidius Bassus Antonij legatus de Parthis primus victoriam reportauit.


CAESAR OCTAVIANVS.

CAESAR Octavianus anno post Triumviratum institutum XII. rerum potitus est. ob sanctitatem, siue ob auctum imperium Augustus à Senatu primus appellatus, Augusto mense, qui antea Sextilis dicebatur, nomen dedit. Aegyptum prouinciam fecit. Cantabriam, Dalmatiam, Pannoniam, Illyricum, Rhœtiam, Vindelicos per Drusum, & Tiberium priuignos Rom. imperio adiunxit. Armeniam à Parthis, & signa Crassi recepit. Scythas etiam,

etiam, & Indos fama dumtaxat cognitos ad suam, Populique Rom. amicitiam per legatos ultro petendam allexit. Pomœrium protulit. Ianum tertio clausit, pace terra marique parta. Virgilium, & Horatium poetas complexus est. T. Liuium, & Strabonem historicos (quo tempore & Pompeius Trogus vixit) in honore habuit. Ouidium in Pontum relegauit. Horum æquales Q. Curtius historicus, Tibullus, ac Propertius poetæ fuerunt, itemque M. Agrippa Augusti gener, qui Romæ Pantheon condidit: Aquam virginem duxit.

Nec verò vsquequaque felix ille Augustus fuit, stirpem virilem, cui tantum imperium legaret, nullam habuit. Marcellum etiam sororis filium, Lucium, & Caium ex Iulia filia nepotes propè continuatis funeribus extulit. Iuliam filiam probris, ac flagitijs infamem, Agrippam Posthumum nepotem, ingenio præferocem relegare coactus est. Itaque Druso priuigno mortuo, Tiberium Neronem item priuignum adoptat, ei que Liuiæ vxoris impulsu imperium legat. Germanicum Cæsarem Druso ortum octo apud Rhenum legionibus præposuit, adsciri que per adoptionem à Tiberio iussit. Annos regnauit cum Triumuiris XII. solus XLIV. Mortem obiit Nolæ, Romam (vt ipse gloriabatur) è lateritiâ marmoream relinquens.

Mortuo diuini honores decreti à Senatu, Christo Dei filio iam XV.
annos nato.



H O R A T I I
T V R S E L L I N I,
 E S O C I E T A T E
 I E S V,
 E P I T O M Æ
 H I S T O R I A R V M
 à Mundo condito
 L I B E R I V.

I E S V S C H R I S T V S E X M A R I A V I R -
 G I N E G E N I T V S .



ANNO ante excessum Augusti XV.
 I E S V S C H R I S T V S , æternus Dei
 Filius ex M A R I A Virgine genitus
 est, e cœlo missus piaculum cœlestis i-
 ræ, magister ac vindex generis huma-
 ni. Itaque XXXII. annos natus à Iudæis in cru-
 cem actus suo sanguine scelus humanum luit. Ac
 Petro in terris vicario relicto, suis sectatoribus vi-
 am muniuit in cælum anno imperij Tiberij Cæsa-
 ris XVIII.

T I B E R I V S N E R O .

Tiberius Nero prinignus idem, ac gener, hèresq;
 Augusti, totus ab illo diuersus fuit ingenio nō
 solum

solum arrogant, truci que, sed etiam occulto, fingendi que virtutibus subdolo. Principia eius imperij moderata Germanici Cæsaris metu. Consulibus assurgere solitus, ac decedere de via. Quorundam illustrium virorum exequias ad rogam usque celebravit. Præsidibus Prouinciæ suadentibus, ut tributa Prouinciæ augeret, rescripsit, *Boni pastoris esse tondere pecus, non deglubere.* Nec superbos titulos à Senatu accepit, nec templa aut aras aut simulacra à ciuitatibus sibi statui facile permisit, quanto plus adeptus foret, tanto magis se in lubrico versari dictitans. Asyris, templorum que perfugijs, quibus plerique ad licentiam abutebantur, præscriptus ab eo modus. Duodecim Asiæ urbibus, in quibus Ephesus fuit, nocturno terræ motu collapsis ex ærario subuentum, & tributa in quinquennium remissa. Compluribus Romæ in monte Cælio, ac rursus in Auentino, incendio absumptis ædibus, ad eas reficiendas pecuniæ dominis pro damni modo ex publico attributa. Ita citium calamitas in gloriam Principis versa. Germaniæ motus per Germanicum composuit, Variam cladem vltus. Et Pilati admonitu ad Senatum retulit, ut Iesus Christus miraculis clarus in Diuos referretur. Ceterum Germanico beneficijs extincto, metu solutus mores soluit. sed eius petulantia, à Liuiæ matre, quam reuerbatur, non nihil obstitit. Rege Cappadociæ per speciem amicitiaë euocato, retento que, eius regnum in prouinciam redegit. Herodem Agrippam Ascalonitæ Herodis nepotem, qui Romam Herodis Anti-

pæ accusator venerat, in custodiam tradidit, quia publicè precatus erat, vt Caium Germanici filium videret Augustum. Inter hæc Liuia matre demortua, in omne ruit crudelitatis genus. Drusum Cæsarem ex se genitum affectati regni suspectū veneno sustulit. Neronē, ac Drusum, Germanici filios, nepotes suos, fame necauit. Seiani Præfecti prætorij instinctu Romā primorum ciuitatis cædibus poluit. Sed tandem ira Principis in ipsum vertit crudelitatis auctorem. In Capream insulam cū secessisset, eam infamem reddidit sua nequitia, luxuq; Dumq; oblitus imperij, Veneri intemperanter indulget, Armenia à Parthis, Moesia à Dacis, Pannonia à Sarmatis, à Germanis Gallia est depopulata. Ad vltimum delitijs cōfectus, ad Misenum extinguitur principatus sui anno XXIII. Reliquit in ærario vicies ac septies millies HS, ab se illatum, ingentem successoris luxui materiam.

Eo imperāte, Velleius Paterculus, Valerius Maximus, Columella, Pōponius Mela floruerunt. Io. Baptista capite multatus. Stephan⁹ saxi obrutus. Paulus Christo se adiuxit. Petrus Antiochenā fundauit Ecclesiam, vbi septem annos obtinuit sedem.

CAIUS CALIGULA.

A Chri^{sti} nato anno XXXIX.

CAius Caligula Germanico, & Agrippina genitus, in castris militari habitu educatus, ex eoq; Caligula dictus est. Is primò quidem haud indignū se Germanico patre, ac Populi Rom. fauore præbuit. Sed breui tyrānus extitit Tiberio immanior.

Om-

Omniū primum Agrippam Herodem Ascaloni-
tæ nepotē à Tiberio vinctum soluit; eiq; Herodis
Antipæ tetrarchiā cum regni titulo cōcessit ultro.
Antipā porrò Lugdunū in Galliā relegauit. qui in-
de fugitās in Hispaniā vnā cum Herodiade incesta
cōiuge, & parricidio sacri vatis infami, tandē periit
mœrore cōsumptus. Hic exitus illū Io. Baptiste car-
nificē, Christi q; illusorē excepit. Nec melior Pilati
fuit, qui item à Caio relegatus in Galliā, ærūnarum
finē voluntaria morte quæsiuit. Caius porrò in sa-
uitiam, ac luxuriam præcepit, neq; proximorū cede,
neque amicorū cōiugibus, nec (dictū nefas) ger-
manis sororibus fuisse perauit. Insigne eius in Ro-
mahos odiū vgcors illa vox satis ostēdit, *ut nā Pop.*
Romanus vnā ceruicem haberet. In extructionibus
nihil magis efficere moliebatur, quā quod nega-
retur effici posse. Ergo in montium, valliumque
æquitationes, atque eiusmodi opera immensas o-
pes, totūque illud vices ac septies millics H S.
quod Tiberius Cæsar reliquerat, non toto vertē-
te anno absumpsit. inde in rapinam versā profusio.
Ad extremum eò processit dementiæ, vt diuinos li-
bi honores arrogaret, Romæ totoq; Orbe terra-
rū tēpiis dicatis. Ceterū nouus Deus I V. imperij
anno necatur à suis, ferro quidem per obscœna ad-
actō, vt causā cædis extaret.

CLAVDIVS NERO.

A Christo nato anno XLIII.

Claudius Nero Caligulæ patruus, ab eo ad ludi-
corium reseruatus, imperij succēssor fuit; bo-
nus

nus Princeps magis, quàm sapiens. Publicis operibus immortalitatem nominis quæsiuit. Auentinum vrbi inclusit. Aquam Claudiam duxit. Fucinum siccauit lacum. Romanum portum extruxit. Britanniam, & Orcades insulas sine prælio, ac sanguine subegit. In amicos adeò effusus, vt A. Plautium ob res in Britannia prosperè gestas, triumphatam Cæsar ipse prosequeretur, eique Capitolium conscendenti laeum tegeret latus. Illud dementer, quod præterito Britannico filio, Neronem priuignum heredem imperij fecit. Itaque priuigni fraude pater cum filio extinguitur. Tenet fama venenum Claudio ab Agrippina coniuge in boleto datum. Annos imperauit XIV.

Inter principatus eius initia Herodes Agrippa Rex Iacobum Apostolum, Ioannis Euangelistæ germanum fratrem morte multauit. Petro Apostolorum principi ad supplicium catenas iniecit. at ille diuinitus Herodiana custodia elapsus, altero Claudij Imperatoris anno Romam Deo ducente venit, ibique Christi vicario æternam posuit sedem. Subinde Herodes Agrippa Rex, cum pro concione verba faceret ad populum, quâ splendore vestis insolito, quâ adulatione multitudinis Deum succlamantis, supra humanum fastigium elatus, manifesta ira diuini Numinis, foeda vermium conficitur tabe. illustre non inultæ superbiæ documentum. Ei Agrippa filius à Claudio subrogatus.

Per eadem tempora Philo Iudæus, Dionysius Areopagita, Dionysius item Halicarnassæus, & Persius poeta viguerunt. Deipara quoque Virgo cum

cum rediit in corpore in cœlum migravit , cœlestium Regina pariter , ac p̄trona mortalium constituta.

NERO.

A Christo nato anno LVII.

Nero Germanici ex filia nepos, Caligulae auunculo magis, quàm auo se similem prębuit. Quādiu eodem, quo erectus erat, adminiculo, Seneca magistro, stetit, optimus Princeps habitus: illo sublato in omnia probra, ac dedecora ruit. quippe maiestatis immemor in scenam non tragœdus modò, sed etiam citharœdus prodijt. Luxus eius incredibilis. nullam vestem bis induit: piscabatur rete aureo: nunquam carrucis minus mille iter fecit, soleis quidem mulorum argenteis. Auiditas luxui par. Argumento est illa plusquam tyrannica vox: *Hoc agamus, ne quis quicquam habiat.* Neroniana porrò crudelitas etiam prouerbio celebratur. Etenim Agrippinam matrem, Octauiam coniugem, Antoniam amitam, aliosque cognatione proximos, Senecam quoque præceptorē, Lucani poetę patruum, ipsumque Lucanum necauit. Ad hæc magnam vrbis partem obscuris adibus informem per ludum incendit, vt Troię repræsenteret incēdium. Aream à Palatio ad Exquilias immenso ædificio occupauit. Incendij culpam, poëtamq; in Christianos transtulit, quos Romæ infectatus est primus; vt Christianorum causam satis probaret infectatoris improbitas. Itaq; Petrum, & Paulum Apostolorū principes, Simeonis Magi in-

teritu accensus, morte multauit. Nec ita multo post ipse mortalibus iuxta, caelestibusque ob immanem crudelitatem inuisus, cum à Senatu Populoque Rom. ad necem quæreretur; in semet carnificis officiū occupauit. Obijt anno post initū imperium XIV. tanta ciuium lætitia, vt plebs pileata, velut festiuitio exempta triumpharet. Exin ab eius Ducibus de principatu disceptatum est armis.

S E R G I V S G A L B A .

O T H O S Y L V I V S .

V I T E L L I V S .

A Christo nato anno LXXI.

Sergius Galba Cæsar ab exercitu creatus, Neroni successit. Sed nimia seueritas breue eius imperium fecit. Othonis insidijs mense septimo iugulatur.

Otho Syluius, inuaso imperio, haud diuturnior eo, quem sustulerat, Cæsar fuit. quippe à Vitellio, qui à Germanicis legionibus imperium acceperat, ad Cremōnam leui pralio victus, voluntariā mortem oppetiit mense imperij quarto.

Vitellius à Vespasiani Ducibus multo cum dedecore captus, per urbem raptatur nudus, tandem iugulatus præcipitatur in Tiberim mense principatus octauo. Vix alia ætas magis ostendit in summo Orbis terrarū imperio fragilitatem felicitatis humanæ. Quatuor Imperato-

res

res Populi Rom. intra biennium per ludibrium pere-
rere.

FLAVIVS VESPASIANVS.

A Christo nato anno LXXII.

Flavius Vespasianus à Nerone ad pacandos Iudæ-
motus cum valida manu missus, multa Iudæo-
rum oppida, vrbesque, quæ armis, quæ consilio ce-
perat. Nerone mortuo, Imperator ab exercitu sa-
lutatus, bellum copiasque Tito filio tradit. Ro-
mam profectus rerum potitur, vir obscuro qui-
dem loco natus, sed bellicis operibus clarus. Al-
tero eius principatus anno qui annus à Christi mor-
te XL. fuit, Hierosoly ma à Tito eius filio capta,
ac deleta est. Auctor est Iosephus ipsis feriis Pas-
chatis, in summa hominum celebritate urbem re-
pentè obsessam, atque exitiali illa obsidione am-
plius quingenos captiuorum Iudæorum quotidie
crucibus affixos ab hostibus, vt iam spatium cruci-
bus deesset, corporibus cruces: vndecies centena
millia quæ fame, quæ ferro absumpta: ac demum vr-
be iam capta, centum millia sub corona vedita, &
in seruitutem abducta. Ita Dei filio eorum, ad quos
tanti parricidij contagio pertinebat, sanguine pa-
rentatū est. Per idem tempus Achaia, Thracia, Ly-
cia, Samus, Rhodus, quæ regiones antea liberæ, aut
amicis Regibus subiectæ erant, in ditionem Popu-
li Rō. redactæ. Colossus erectus in altitudinem pe-
dum CVIII. Vespasianus porrò pace parta, tem-
plum Pacis condidit, ornauitque. Amphitea-

trum ab Augusto destinatū inchoauit. Sed ex omnibus eius monumentis facilitas in audiēdo maximè memoranda, quæ tanta fuit, vt quamuis graui ac difficili morbo implicitus, vsq̃ ad euntes audiret cubans. Tandem aluo ad defectionem soluta, conlurgens ait, *Imperatorē stantem mori oportere.* Extinctus est anno, quā imperare cœperat, X.

Ab eo Asconius Pædianus, & Plinius senior in honore habiti, quorum ferè æquales extitere Fabius Quintilianus à Galba Romam ex Hispania deductus, & Iosephus Iudæus Iudaici belli non narrator solum, sed etiam adiutor. Per idem tempus Silius Italicus poeta vixit. Apollonius Tyanaus Magus vnicus Romā venit, qui fictis miraculis à Philostrato nobilitatus, pro Deo coli cœptus est.

TITVS.

A Christo nato anno LXXXI.

Titus vltæ Christi necis titulo inclytus in optimis Imperatoribus numeratur. Amphitheatrum velut hereditarium monumentum perfecit, dicauitque. Præcipuè facilitas eius, ac liberalitas commendantur. Nihil cuiquam, quod concedi fas esset, abnuebat, negans *oportere quenquam à Principe tristem discedere*. Cū verò aliquando inter cenā eum diem beneficio vacuum abiisse meminisset; conuersus ad amicos, *Hunc, inquit, diem sodales perdidisti.* Adeo vitam Principibus ad benè de mortalibus merendum datam putabat. Proinde vsque eò charus sumis æquè, atq; infimis fuit, vt humani gene-

generis delitiæ diceretur. Sed breuitas tantū bonum illustrius fecit. Anno principatus III. decessit, miro sui desiderio omnibus relicto.

Eo imperante exortū Vesuuij montis incendiū, cuius cinis affatim effusus Plinium seniore, improuidum nouæ rei spectatorem obruit, vrbesque duas Herculaneum, & Pompeios pumicibus oppressit.

DOMITIANVS.

Anno à Christo nato LXXXIV.

Domitianus Titi frater Imperator varius virtutibus, vitijſque ad extremum Neroni similior, quàm Tito fuit. Inter principatus rudimenta parum memor maiestatis, sepositum quotidie habebat tempus, quo mustas captans, stylo configeret. Ceterum fraternæ laudis æmulator popularem se, & iustitiæ tenacem præbuit. Spectacula assidue sumptuosa dedit siue in Circo Maximo, siue in Amphitheatro, vbi etiam certamen nauale commisit. Edidit quoque nauales pugnas iustarum pæne classium, effosso, & circumducto circa Tiberim lacu, vbi & Naumachiam fecit. Verum in ludos effusus, bella parum prosperè gessit. De Dacis tamen, Catijſque duplicem egit triumpum, magnis vtrumque emptum cladibus. Magistratus vrbanoſ, & prouinciarum Præsides adeo in officio continuit, vt neque modestiores vnquam, neque iustiores extiterint. Calumniatores maximis represent pœnis, ferebaturque eius vox, *Princeps delatores non castigans irritat*. Probrosis feminis lecticæ vsum,

& capiendi legata ius ademit. Senatorem, qui sal-
tandi studio teneretur, Senatum mouit. Martiale af-
sentatorem verius, quàm Poetam in delicijs ha-
buit. cuius equales Statius, & Iuuenalis fuere. Ad vl-
timū humano fastigio non contentus ruit. Primus
Imperatorum Dominum se, Deumq; appellari ius-
sit. Inde in rabiem, crudelitatemq; versus, tū Sena-
torum complures leuissimis de causis interemit, tū
Christianum nomen afflixit. Qua tempestate Io-
annes Euangelista in Pathmon insulam relegatus.
Cletus, & Anacleus Romani Pontifices pro reli-
gione extincti. At Cæsar XV. principatus anno à
iuis interemptus, etiam humanis caruit honori-
bus, qui arrogauerat diuinos.

NERVA CÔCCEIVS,

A Christo nato anno XCI X.

Nerva Cocceius affecta iā ætate à Domitiani
intersectoribus delatum accepit imperiū. Bo-
nus, sed brevis Imperator extitit. Actis Domitiani
rescissis, adempta per iniuriam bona restituit. Tā-
ta porrò eius ab integritate vitæ fiducia, palàm vt
dictitaret, ita se imperasse, vt abrogato imperio,
priuatam securus vitam esset acturus. Extinctus est
altero anno, quàm ad principatus fastigium ascen-
derat. Nulla re memorabilior, quàm quod Traia-
num adoptione ad imperium adsciuit, virum non
alienum modò, sed alienigenam ob eximiam vir-
tutem proximis præferens.

VLPIVS TRAIANVS.

A Christiano anno C.

VLpius Traianus natus in Hispania, ipso anno à Virginis partu centesimo est adeptus imperiū. quod ita gessit, vt omnibus propè Romanis Imperatoribus præferatur. Iræ potens adeò, vt nunquā ab ea vinceretur. Militaris disciplinæ cultos comiter seuerus: benignitate in milites singulari. Cum fasciæ ad obliganda militum vulnera deessent, ne subuculæ quidem suæ parcebat. Pedibus plerumque præibat exercitum, vt pedites alacrius sequerentur. Itaque miles Imperatori non defuit. Daciā subegit, Armeniam recepit de Parthis: Persidem, Seleuciam, Babyloniam, maximamque Asiæ partem Rom. adiunxit imperio. Exin ad Indiæ fines progressus tres nouas in itinere prouincias fecit, Armeniam, Assyriam, Mesopotamiā. His Arabiā adiecit. Et bellicam gloriam vrbanijs artibus vicit, comitate, modératione, liberalitate inter omnes eminens. Omnino, vt ipse dicere solitus erat, talē se præbebat Imperatorem priuatis, qualem erga se esse Imperatorem priuatus optasset. Doctorū hominum consuetudine delectabatur. Cornelii Tacitum, L. Florum, Solinum, & scilicet Plinium iuniorem complexus est. à quo de Christianorū moribus edoctus, cōquiri eos vetuit, puniri iussit oblatos. Tandē ingens rerū gestarū fama ad urbē remigrans apud Seleuciam Isauriæ alui profluuio extinguitur. Imperium obtinuit. annos XX.

Vni ex omnibus & triūphus mortuo & sepulchrū intra urbem datum. Eius cineres Romam triūphali pompa inuecti, & in foro Troiano conditi. columna ingens pedum CXL. in altitudinem emiciens monumento est. egregium sanè, nec altitudine magis, quàm cælatis rebus à Traiano gestis visendum opus.

Hoc imperante Clemens Rō. Pōtifex pro Christi fide mortē appetijt. Lucianus deserto Christo, factus est athletus. Ignatius Antiochen^{us} Episcop^{us} pro religione discerptus à leonibus, sub cuius necē Antiochia horribili terræ motu corruit cum ingenti ciuium, asseclarumq; Imperatoris clade, ipso tantæ ruinæ spectatore Traiano, qui egrè periculū euasit.

AELIUS ADRIANVS.

A Christo nato anno CXX.

Alius Adrianus in Hispania quoq; natus, Traiani propinquus, vir fuit litteris, bonisq; artibus, maximè verò mathematicis eruditus: idemque doctorum hominum irrisor pariter, fautorque. Plutarchum familiarem, Suetonium ab epistolis habuit. Comis in amicos adeo, vt & inuiferet ægrotantes, & conuiuas supra se iuberet accubere. A egrè patiebatur à se quicquam peti, obuia benignitate preces anteuertere gestiens. Admoneri se etiā ab infimæ sortis hominibus, æquo ferebat animo. Obuia mulier cū eū rogaret, vt se audiret; neganti Cæsari, sibi vacare, succlamauit, *Noli igitur regnare*. ea vox ita Principem mouit, vt eam aniculam audiret statim, seduloq; . Pacis audi-

dustres prouincias, quas in Asia Traianus Rom. imperio adiecerat, dimisit. Bellum nullum mouit, & motum ab alijs, extemplo composuit. Romanum orbem ferme pedibus obiit, arces muniens, & populorum commodis seruiens. Patriam tamen, quamuis multis auctam muneribus, nunquam reuisit. In solos Iudæos arma cepit, quos tota Palæstina rebellantes, maximis obtruit cladibus. Hierosolymam ab se instauratam suo nomine Acliam appellauit. Caluarie montem moribus inclusit, Iudæis non modò accessu vrbs, sed etiam prospectu prohibitis. Christianæ rei illum fauisse credas, nisi Christianorum còplures extremo supplicio affecisset. Ad vltimum graui, diutinoq; implicitus morbo, expertus est, quàm miserum esset, cupientem mori non posse. Tandem moriens tritum illud Græcorum prouerbiū vsurpauit, *Multis medici Regem perdidere*. Imperitauit annos XX. sepultus propter Tiberim; & sepulcro ab Antonino adoptiuo filio, qui ex eo Pius appellatus est, moles imposita, quæ Adriani dicitur.

Per id tempus Pausanias historicus floruit. Sabina Romana, Symphorosa Tiburtina cum filiis septem, Faustinus, & Iouita Brixiani pro religionē cæsi. Alexander Rom. Pontifex lustralem induxit aquam. Carpocrates Gnosticorum (hi Epicureis ipsis nequiores erant) auctor, & **Prodicus**

Adamitarum parens extiterunt, quorum probra, ac dedecora Christianum nomen traxere.

M. A N T O N I N V S P I V S .

A Chrīsto nato anno CXL.

M. Antoninus Pius ab Adriano adoptatus, alter Numa, imperium pace refouere, quàm bello proferre maluit. Aequissimos viros ad Reip. administrationē deligebat, bonis honorem habens, improbos sine acerbitate castigans. Quæ res illi Pij cognomen, quod ei pietas in Adrianū patrem & egit, & mortuum fecerat, adfirmavit. Amicis Regibus venerabilem magis se præbebat, quàm formidabilem. Ergo iustitiæ eius fama Bactrianos, Hyrcanos, Indos, aliasq; barbaras nationes compulit, ut depositis armis, eum arbitrum sumerent. Huius illa vox Imperatore digna, *Malo vnum ciuem seruare, quàm mille hostes perdere.* Huic Iustinus Philosophus Christianorum Apologiam scripsit. Itaq; Pius suæ huius oratione motus, seu magnis quibusdā Rom. Imperij cladibus, legem tulit, ut si quis hoc solo nomine, quod Christianus esset, postularetur, in accusatorem supplicii verteretur. Rei Romanæ imperium tenuit annos XXIII. Quo regnante Telephorus Pontifex Quadragenarij ieiunij morem, ab Apostolis introductum, lege sanxit. Hyginus item Pontifex, is qui sacrosancto Paschati Dominicum sanxerat diem, mortem pro Christo (enimvero ne Pius quidem Augusto satis tuta fuit ab improbis Christiana religio) oppetiit.

Eadem ætas ingeniorū ferax Iustinum cōpilatorem verius, quàm historicum, L. Apuleiū Magū pariter, ac Philosophū, Ptolemæū Astrologū, A. Gellium Grammaticum, Galenum Medicum fudit.

M. AV-

**M. AVRELIVS ANTONINVS
VERVS.**

LVCIVS VERVS.

A Christo nato anno CLXIII.

M Aurelius Antoninus Verus, cognomento Philosophus, à puero disciplinæ stoicæ deditus, nunquam vultum gaudio, aut mœrore mutasse dicitur, nullamque ad insolentiam imperij fastigio extulisse sese. A Pio adoptatus L. Verum fratrem in societatem adsciuit imperij. rarum ad posteros moderationis exemplum. Et concordibus quidem imperarunt animis, & communibus consilijs Parthicum bellum prosperè gesserunt. Ceterum Lucius triumpho de Parthis acto, subita apoplexia extinguitur anno principatus XI. Marcus porrò fratre, & collega amissio, Marcomannicum bellum, Vandalis, Sarmatis, Sueuis, alijsque barbaris nationibus perdomitis, feliciter confecit. Quo bello Romanis copijs siti enectis, Christianæ legionis pietas salutem, & victoriam peperit. Quippe Christianarum cohortium preces; coactis repentè nubibus, imbrem suis, fulmina in hostes excussere. Ex quo legioni Fulminatrici nomen inditum. Ergo Philosophus Imperator Christianorum beneficio de hostibus triumphavit. Ad eius belli sumptus exhausto ærario, ne cuiquam grauis foret, instrumentum omne imperatorij cultus vendidit, idque parta victoria ex manubijs redemit. Ad ultimum anno post

post susceptum imperium XVIII. decessit, ingenti vel rerum gestarum, vel moderationis, ac sapientiæ fama. Dicas comprobata ab eo vocem illam Platonis: *Tum demum beatæ fore Resp. si aut Philosophi regerent, aut Reges philosopharentur.* Extat Romæ propter viam latam Antoniniana columna Traianæ æmula, Antonini huius monumentum.

Philosophia non aliàs magis Romæ, quàm Philosopho imperante floruit. Præter alios plures Epictetus, & Alexander Aphrodisiensis, Philosophi floruerunt. Quorum æquales Iulius Pollux, Aphthonius, Philostratus, Egesippus, Appianus Alexandrinus, Athenæus, Macrobius numerantur.

Verùm dum litteris, armisquæ Romana res floret moderatione, ac sapientia Principis; Christiana res Prætorum improbitate non leuiter obtrita est. quippe multi Christianorum greges tum alibi, tum maximè in Gallia mactati. Romæ verò Iustinus ex Philosopho Christianus cum alteram Senatui, ac Cæsaribus Christianorum Apologiam tradidisset; martyrij palmam, defensæ religionis præmium tulit. Pius, Anicetus, Soter Rom. Pontifices (quorum postremus instituto de consecrâdis à Sacerdote nuptijs memorabilis) pro Christo interfecti. Felicitas Romana, illustris illa septem filiorum martyrum mater, pro eodem interempta. Polycarpus, Smyrnenfis Episcopus, carnificis ferro transfixus, quod eius sanctitati flamma parcebat. Sed lata tristibus intermissa. Eleutherius

Pon-

Pontifex certis hominibus Lucij Regis rogatu in Britanniam missis, Regem ipsum, bonamque populi partem ad Christi aggregauit fidem.

C O M M O D V S.

A Christo nato anno CLXXXII.

COMMODO Philosopho genitus, nondum matura imperio etate, imperare occepit. Itaque ab assentatoribus corruptus Domitiano extitit finitior, quàm patri. libidine, sæuitia, ac præcipuè leuitate insignis. Cognomina, ac titulos coaceruans subinde mutabat. Depugnabat in Amphitheatro cum gladiatoribus, bestiisque. Et sui principatus seculum aureum appellari iussit. ad eò stultitiæ fauebat suæ. Porro simulacra Herculis habitu, sibi poni voluit. Colosso, què Romanis venerabilis erat, Solis imaginem gerens, capite dempto, suam effigiem indidit. Tandem igitur ob crudeles, & indignos Augusto mores, suis inuisus æquè infestusque strangulatur anno principatus XIII. Quæ tempestate templum Pacis à Vespasiano conditum (incertum quo casu) deflagrauit. Irenæus, Lugdunensis Episcopus, itemque Dio Cassius, historicus haud ignobilis extitere.

Æ L I V S P E R T I N A X.

A Christo nato anno CXCIV.

ÆLius Pertinax ex eo cognomen traxit, quòd mandatum ex S. C. imperium accepit inuitus.

& mo-

Simodestia, qua imperium acceperat, imperantem secuta est. Nec uxorem Augustam, nec filium Cæsarem ab Senatu appellari est passus. Ceterum dum agræ ciuitatis morbos, qui consilio egebant, & tēpore, simul cunctos curare aggreditur; incurrit, vt sit, in odia multorum. Ergo inter initia principatus, Iuliani Iuris periti fraude; à Prætorianis militibus obtruncatur, haud leue documentum, quanto tutius sit detrectare, quàm accipere imperium.

IVLIANVS DIDIVS.

A Christo nato anno eodem CXC.

Iulianus Didius principatum malè partum malè perdidit. Quinto mense, Senatus abrogatum illi imperium Septimio Seueri detulit. Cuius iussu Didius occiditur, hoc tantum adeptus, vt ingenio celebris, tyrannide infamis moreretur.

SEPTIMIVS SEVERVS.

A Christo nato anno CXCVI.

Septimius Seuerus oriundus ex Africa Imperij Rom. olim æmula, in Aelij Pertinacis gratiam, cuius vltor fuerat, Pertinax dici voluit. Prudens maximè armis, felixque adeò, vt nullo congressu non discesserit victor. Arabas interjores, Adiabenos, aliosque barbaros debellauit, deque ijs triumphum egit. Extat triumphij monumentum, *Fornix Triumphalis*; Romæ in cliuo Capitolino. Dein bellum in Britanniam perduxit. Ibi Seuerus cum pedibus

dibus æger belli cursum moraretur, cumque Rastanum ab se genitum, Cæsarem ab exercitu salutatum intellexisset: extemplo lectica deferri se in tribunal, simulque nouum Cæsarem cum Tribunis, & Centurionibus citari iubet. quibus Augusti maiestate perterritis, veniamque poscentibus, *Senitis ne, inquit Seuerus, caput imperare, non potes?* Britanniaë prouincijs receptis, aduersus finitimorum hostium incursiones, vallum ingens perpetua fossa, castellisque communitum per CCC. fere millia passuum (quàm lata est insula) memorabili opere perduxit. Ad vltimum cum sentiret adesse supremam horam, velut testis idem & contemptor humanæ felicitatis, exclamasse fertur, *Cuncta fui, sed nihil prodest.* Decessit Eboraci anno imperij sui XVIII. incipiti fama. Quippe idem & rerum gestarum gloria inclytus, & illustrium virorum cæde infamis fuit. Itaque illud vulgo iactatum, *Seuerum aut nunquam nasci oportuisse, aut nunquam mori.*

Haud alia ætas Iurisperitorum fecundior. Papinianum, Cassium, Ulpianum, Paulum, compluresque alios præter Iulianum Cæsarem effudit. Per idem tempus Ammonius Philosophus, Clemens Alexandrinus magister Origenis, & Tertullianus Afer libris editis, Victor Rom. Pontifex decreto de Paschate post XIV.

Lunam celebrando, illustres
fuerunt.

ANTONINVS CARACALLA.

A Christo nato anno CCXIII.

Antoninus Caracalla magicis artibus additus, bonas contempsit artes. Ergo asperior Seuero patre, Senatorum principes fortunis exuit, vitaque. Inde Geta fratre consorte imperij, in sinu matris occiso, documentum dedit, quam infida sit regni societas. Idem Alexandri Magni admirator nihil eius, nisi ceruicem in leuum humerum inflexam æmulabatur. Iræ aded impotens, vt Alexandrinorum dicacitatem ingenti eorum strage vindicarit. Itaque omnibus inuisus à domesticis obtruncatur, sex annis imperio potitus, in quibus nihil pæne memoria dignum fecit præter Thermas, quæ Antoninianæ vocantur.

Eadem tempestate Zephyrinus Pontifex decreto de anniuersaria sacrosanctæ Eucharistiæ cõmunione circa ferias Paschatis, Christianam pietatem accendit.

M. AVRELIVS ANTONINVS HELIOGABALVS.

A Christo nato anno CCXX.

M. Aurelius Antoninus Heliogabalus, Macrino cum Diadumeno filio interfectis, imperium inuasit. Caracalla se genitum ferebat. Nihil illo corruptius. Accurata facie cum muliebri stola mores

res quoque muliebres sumplit. & homo effeminatus femina quia fieri non poterat, haberi volebat. Omnino Assyriorum Regibus, quàm Romanis Augustis similior. Itaque illi haud ex vano Sardapali cognomen factum. At Populus Rom. non diutantum dedecus tulit. Quarto Imperij anno per tumultum militarem interfectus, & per vias, cloacasque in Tiberim raptus purgamentum ac fex Populi Rom.

ALEXANDER SEVERVS.

A Christiana anno CCXXIV.

Alexander Seuerus Mammææ filius, et si Helio-
gabali consobrinus, ac puer imperitare occu-
pit: optimistamen Principibus æquatus est omni
genere virtutum. tantum vel rara eius indoles, vel
materna institutio valuit. Mirus in eo & litterarum
amor, & litteratorum, quorum calamos vereri præ-
ferebat, ne quid suo nomini labis adipergerent. E-
gregia in militari disciplina tum seueritas, tum co-
mitas. Summa in iure dicendo diligentia. Iuris con-
sultissimos viros in consilium adhibebat, ex quo
numero Papiniani discipuli, Ulpianus, & Paulus
fuere. Idem adulatorum irrisor simplicitatem etiã
in salutationibus, titulisque adamabat, Dominum se
appellari, aut positis genibus adorari vetuit. Chri-
stum in Deorum numero reponere frustra cona-
tus, in larario suo coluit. Illam vocem, *quod tibi fieri
non vis, alteri ne feceris*, adeo amplexatus est, vt & in
regia, & in publicis operibus inscribi iusserit, ean-

Que in vindicandis iniurijs identidem vsurparit. Cohortem imperatoriam scurrarum, eunuchorū, desidioforum missione purgatā habuit. Præcipuū eius odiū in iudices iniquos, ac sordidos. fertur intentum, paratumq; digitum habuisse, vi ei, si quem istiusmodi iudicem nactus esset, oculum erueret. Turinum asseclam suum, qui fauorē Principis vendiderat, fumo, quem ē stipula lignisq; humidis fieri iusserat, necauit, clarnante præcone, *Fumo puni-
tur, qui fumū vendidit*. Prætoribus in prouincias proficiscentibus, prisco more repetito, necessariū instrumentum præbebat ex publico, ne populis oneri, ac sumptui forent. Magistratus nullos venales esse voluit, dictitans fieri non posse, quin vendat, qui emerit; nec posse à Principe animaduerti in eū, qui vendat quod emerit. Nec domi fuit, quàm militiæ clarior. Insignem de Persis victoriam retulit; ac versis in Germaniā armis, per seditionem Gallicarum legionum disciplinam aspernantium necatur anno post initum principatum XIII. Cæsa est cū filio Mammæa mater celebris mulier, & ab Origene de Christianis rebus edocta.

Haud tamen Christianæ res Alexandro impetrante vsquequaq; lætæ. Christianorū nō pauci pro religione interempti. inter quos insigne Romanorum Pōtificum par, Callistus, & Vrbanus. ille cōfirmatione ieiunij, quod quater in anno Apostolorum traditione celebrabatur: hic decreto de bonis ecclesiasticis in pios vsus cōferendis, memorabilis. Eadem tempellate Julius Africanus historicus, & Censorinus viguere.

MAXIMINVS.

A Christo nato anno C CXXV I I.

Maximinus genere Trax, vasta corporis mole, ac præualido robore insignis, obtruncato Alexandro, primus sine Senatus auctoritate inuasit imperium, quod scelere quæsitum, sæuitia tueri statuit; perinde quasi vis, moleſque inuſtata corporis (vt credebatur) eum faceret immortalē. Ne ignobilitas maiestati officeret, generis sui conscios, ac nobilitatem delere institit. tandem promiscuè in omnes, maximè in Christianos sæuire cœpit. Itaque à Senatu hostis Reip. iudicatus. Aduersus eum Maximus Pupienus, Clodiusq; Balbinus Augusti, Gordianus Cæsar creati. Ipse ad Aquileiam à suis interemptus, nondum triennio tyrannidis suæ exacto. Eius caput per Italiam circumlatum, & Romæ pilo infixum, spectaculo, documentoq; fuit, quid timendum sit Principi, qui ob crudelitatem timeri velit. Subinde Pupieno, & Balbino per consternationem militum occisis, ad Gordianum summa rerum peruenit.

Maximino imperante, tum multi Christianorū ingulati greges, tum præcipuè Pontianus Pontifex primùm deportatus in Sardiniam, mox pro religione occubuit. Anterus item Pontifex, qui res Martyrum impensius conscribi iusserat, martyrio affectus.

GORDIANVS.

A Christo nato anno CCXLI.

Gordianus patre, & auo Imperatoribus clarus, nondum maturus imperio, imperare cœpit, egregia puer indole, & omnibus corporis, animiq; dotibus præditus. Ceterum inter primum imperij rudimentum ab assentatoribus deceptus, multa in magistratibus, muneribusq; mandandis fecit, quæ deinde facta nollet. Misitheus focer non tam genere, quàm virtute inclytus ei salutis fuit. Ab hoc igitur de omnibus rebus edoctus exclamauit, *Miserum esse Principem, apud quem vera filzantur*. Inde quâdiu focer vixit, eius consilio innixus præclare itit. Gothos, Sarmatas, Germanosq;ne Thraciâ incursantes acie deleuit. Deuictis Persis, Antiochiâ, Carras, Nilibim recepit. Socero subinde vita functo, ipse à Philippo, quem in soceri locum substituerat, extinguitur anno Imperij V.

PHILIPPI, PATER ET FILIVS.

A Christo nato anno CCXLVI.

Philippi Pater, & Filius, genere Arabes, Gordiano interfecto, imperioque occupato, millesimū ab Vrbe condita annum, ingenti ludorum apparatu celebrarunt. Multi auctores sunt, hos primos Romanorum Imperatorum Christianis initiatos sacris. Ceterum Philippi VL ferme anno Decij dolore

lo necati, principatum scelere partum pari scelere amiserunt.

DECIVS.

A Christo nato annó CCLIII.

Decius ex inferiore Pannonia Augustus ab exercitu appellatus, Christianum cruorem sitiens, quem in Philippis gustauerat, ingentem piorum edidit stragem. Ergo altero principatus anno, clade à Gothis accepta, fugientem obuia palus hausit. Eodem tempore Porphyrius Plotini discipulus, & Herodianus historicus extitere,

GALLVS.

VOLVSIA NVS.

A Christo nato anno CCLIV.

Gallus, & Volusianus eius filius, in Moesiam ad AEmilianum res novas molientem profecti, vix circumacto biennio, à militibus, à quibus imperium acceperant, exitium habuerunt.

AEMILIANVS.

AMILIANVS genere Maurus (ne quae barbaries Rom. Imperij expers foret) intra mensem tertium cum principatu vitam amisit. Tanti ei brevis imperij vsura stetit.

VALERIANVS.

GALLIENVS.

A Christo nato anno CCLVI

Valerianus, Augustus ab Senatu appellatus, cū Gallieno filio, imperium gessit insigni Christianorum clade, quæ tum alijs plurimis peperit martyrij decus, tum maximè Cypriano Episcopo Carthaginienſi, & Xysto II. Pontifici, qui Laurentium etiam Diaconum ad idem mortis genus accendit exemplo suo. Itaque Pater VII. anno sensit ultorem Deum. Bello Persico à Sapore Persarū Rege victus, captusq; cū ingenti filij probro, apud hostes miserabili seruitute consenuit. Quippe Rex barbarus nimia fortuna vecors equum conscensurus Valeriani Augusti dorso utebatur pro scabello. Adeò nulla maiestas est ab ultimo etiam ludibrio tuta.

Gallienus porrò paterno doctus exemplo, pacē otiumq; Christianis reddidit. Patrī tamen nō prius memor extitit, quā fama mortuū tulit. Illum tū demum in Deos retulit, quem infra homines esse sustinuerat. Ceterum in luxuriam effusus, Ducibus cupidis rerum nouarum, barbarisque nationibus audaciam fecit. Et vis vndique coorta Romanum concussit imperiū. Illyricum, Aegyptum, Africam Tyranni occupant, Germani in Hispaniā, Alemanni exhaustis Gallijs, in Italiam irrumpunt. Dacia, quā Traianus vltra Danubiū adiccērat, in perpetuū amissa. Græcia, Macedonia, Pōtus, Asia à Gothis

Gothis: Pannonia à Sarmatis, Quadisq; populata. Mesopotamia à Parthis subacta, Syria tentata. Sedente Imperatore, priuati homines imperatoria munera obierunt. Posthumius in Gallijs purpura sumpta, afflictas prouincias recreauit. Odenatus, defessa Syria, Mesopotamia recepta, tutatus est Orientem: captos præterea Persarum Satrapas Gallieno Augusto exprobrandę ignauix gratia misit. At desiderem illū de captiuis alienis triumphare non puidit. Tādē fama Tyrannorū qui varijs locis XXX. exorti erant, Gallienum luxu sopitum excitauit. Igitur Aureolum tyrannum bello persequens, eiusedō dolo ad Mediolanū interficitur. Imperauit omnino annos XV.

CLAVDIUS II

A Christo nato anno CCLXXI.

Claudius II. ab Senatu appellatus Augustus, virtute ac rebus gestis tantum nomen impleuit. In Senatu Barbaros prius, quàm Tyrannos opprimēdos censuit: illos enim Reip. hostes esse, hos Principis. Itaque Gothos Illyricum, Macedoniamque vastantes ingenti clade prostrauit. Cæsa dicuntur pluribus prælijs Gothorū millia CCCXX. duo millia nauium mersa. Perdomitis Barbaris,

Aureolum, aliosque Tyrannos pari virtute, ac felicitate sustulit. Ceterum intra alterum principatus annum morbo decessit.

AVRELIANVS.

Anno à Christo nato CCLXXIII.

Avrelianus è Dacia, siue Mœsia oriundus, de-
 uictis acie Gothis, apud Placentiam, apud Fa-
 num, apud Ticinum, ter tribus prælijs seruauit I-
 talias. Barbaris domitis, in Tyrānos arma vertit.
 Tetricum in Gallia ad deditionem compulit. Ze-
 nobiam virilis animi feminam, quæ Odenato vi-
 ro suo interfecto, Orientem occuparat, victam
 duxit in triumpho. Urbem, campo Martio incluso,
 laxioribus, validioribusque mœnibus sepsit. Cete-
 rum belli decora, & insignia, nimius pacis luxus, &
 crudelitas deformarunt. Igitur Christianorum ce-
 de imbutus, V. principatus anno, serui sui fraude
 occiditur ab amicis. Eodem tempore Gregorius
 Taumathurgus, & Dionysius Alexandrinus Epif-
 copus clari fuerunt.

TACITVS.

À Christo nato anno CCLXXVIII.

Tacitus Imperator ab Senatu appellatus, nulla
 re magis, quàm moderatione memorandus fuit.
 Togis, & tunicis iisdem Augustus vtebatur, qui-
 bus priuatus. Gemmas, aurum, & clauatas vestes in-
 terdixit vxori. Filios, fratremque in societatem
 imperij assumere noluit, ratus ingentem esse
 gloriam Principis Remp. magis amare,
 quàm suos. Obijt exacto sexto
 imperij mense.

FLO-

AVRELIANVS.

Anno à Christo nato CCLXXIII.

AVrelianus è Dacia, siue Mœsia oriundus, de-
 uictis acie Gothis, apud Placentiam, apud Fa-
 num, apud Ticinum, ter tribus prælijs seruauit I-
 taliam. Barbaris domitis, in Tyrānos arma vertit.
 Tetricum in Gallia ad deditionem compulit. Ze-
 nobiam virilis animi feminam, quæ Odenato vi-
 ro suo interfecto, Orientem occuparat, victam
 duxit in triumpho. Urbem, campo Martio incluso,
 laxioribus, validioribusque moenibus sepsit. Cete-
 rum belli decora, & insignia, nimius pacis luxus, &
 crudelitas deformarunt. Igitur Christianorum cē-
 de imbutus, V. principatus anno, serui sui fraude
 occiditur ab amicis. Eodem tempore Gregorius
 Taumathurgus, & Dionysius Alexandrinus Epif-
 copus clari fuerunt.

TACITVS.

À Christo nato anno CCLXXVIII.

TAcitus Imperator ab Senatu appellatus, nulla
 re magis, quàm moderatione memorandus fuit.
 Togis, & tunicis iisdem Augustus utebatur, qui-
 bus priuatus. Gemmas, aurum, & clauatas vestes in-
 terdixit vxori. Filios, fratremque in societatem
 imperij assumere noluit, ratus ingentem esse
 gloriam Principis Remp. magis amare,
 quàm suos. Obijt exacto sexto
 imperij mense.

FLO-

F L O R I A N V S.

FLorianus germanus Taciti frater nullo Senatus arbitrio, sed hereditario quasi iure sibi debitum inuasit imperium. Ei Probi metus voluntaria morte, imperium fraterno breuius fecit.

P R O B V S.

A Christo nato anno CCLXXIX.

PRobus belli pacisque artibus longè clarissimus adeò probatus est omnibus, vt ex humili genere (Dalmatico quippe sanguine, & agresti patre genitus) ad Imperij Rom. fastigium ascenderit. Delatum ab exercitu principatum inuitus accepit, ac subinde clamitans, *Nec mihi, nec vobis expedit milites, ego enim vobis blandiri non queo.* Gallias à Germanis, Illyricum à Sarmatis recepit. Thraciam, Gothis quàm domitis, quàm in fidem acceptis; Asiam, Persarum Rege ad pacem petendam compulso, pacauit. Itaque non dubitauit affirmare, breui opus non fore militibus, pacato Orbe terrarum. Ceterùm debellatis hostibus, ipse à militibus disciplinam in pace non ferentibus interficitur, anno circiter VI. documentum quàm difficile sit Duci, probi nomen, & vitam tueri.

C A R V S.
 N V M E R I A N V S.
 C A R I N V S.

A Christo nato anno ECLXXXV.

Carus Romæ natus ex parētibus Illyricis, charus Imperator fuit, commendatior ad posteros futurus, nisi Carinum filium imperij socium adsciuisset. etenim dum cœptam à Probo in Persas expeditionem prosequitur, Carinus in Occidente imperat. Carus igitur bello Persico fufis hostibus, Seleuciam, Mesopotamiamque vniuersam recepit, sed castris ad Tigrim positis, ictus fulmine deflagruit anno imperij II. Caro in Oriente extincto, capeſſunt imperium Cæsares filij duo, Carinus, & Numerianus.

Numerianus bonæ indolis adolescens in Oriente, vbi cum patre in expeditione agebat, imperiū inuit. Sed paterni obitus mœrore ægrotans paulò post Apri fœderi regnare cupientis occiditur dolo. Ré comperta, ab exercitu Diocletianus Imperator appellatur.

Carinus interim imperium in Occidente viuo patre inchoatum persequitur, sæuitia, & libidine insignis, Illyricum, Galliam, Italiam suis flagitijs, ac sceleribus polluit, vt Carus eius pater, filij probra audiens exclamaret, *Non est meus*. Ergo Carinus Tribuni sui manu, cuius coniugem contrectarat, interfectus, meritam poenam habuit anno principatus III.

DIO-

DIOCLETIANVS.

MAXIMIANVS.

A Christo nato anno CCLXXXVII.

Dioclerianus Dalmata, Imperator appellatus ab exercitu, superbia & sequitia nobilis fuit. Quippe à rebus secundis tumens vestes, calceosque auro, gemmis, margaritis adornauit. Inde supra humanū fastigium elatus diuinos sibi honores haberi iubet. Christianis toto terrarum Orbe internecinum bellum indicit. Non alia grauior procella in Christianum nomen incubuit, vt appareret vltimos inferni Tyrāni esse conatus. Ea tempestate Caius Rom. Pontifex, decreto de septem Ordinibus, quibus veluti gradibus ad Episcopatum ascenditur, nobilis Marcellinus item Pontifex, religionis, quam per metum deseruerat, acerrimus assertor, pro Christo interempti. Eadem tempestate Marcus, & Marcellianus fratres Rom. nobiles, Cosmas, & Damianus germani quoque fratres, Antimus Nicomediæ Episcopus, Euthymius, Vincentius, Sebastianus, Agnes, Lucia, alijque innumerabiles martyrij palmam adepti. Eadem temporis procella Christianorum militum, Thebæorum legio cædem pro Christo perpeffa. ac tantus tādē fuit Martyrum numerus, vt vna natali Christi nocte permulta Christianorū millia fuerint vno in templo concremata. Ceterū Diocletianus hoc vno moderatus est habitus, quod multis subinde prouincijs rebellatibus,

Maxi.

Maximianum Herculeum collegam imperij, Constantium Chlorum, & Galerium Maximianum, Cæsares fecit.

Maximianus igitur Hercules Occidenti præpositus, motibus Galliæ sedatis, Africam quoque pacavit. Et Galerius aduersus Persas, & Constantius aduersus Alemannos rem bene gesserunt. Ipse autem Diocletianus Archileo tyranno debellato, Alexandriam recepit. Romam inde regressus de Persis cum Maximiano Herculeo collega triumphauit. In triumpho Narses Persarum Rex ductus cum coniugibus, liberisque, Memorabilis deinde res traditur. Diocletianus X X. principatus anno, siue curarum tædio, seu potiùs rei Christianæ successu, pariter cum collega imperium deposuit. Sed non æquè vterque tenax propositi fuit. Maximianus, mutato consilio, haud ita multo post principatum repetens, Constantini Augusti iussu, cui insidiabatur, Massiliæ occiditur. At Diocletianus Salonis in vrbe Dalmatiæ hortorum culturæ addictus hæsit. Et quamuis à Maximiano Herculeo ad recuperandum imperium sollicitaretur: nunquam tamen à quieta illa vita abduci potuit, rus imperio præferendum ratus. Ceterum cum argueretur fauuisse Maxentio Maximiani Herculei filio: X. rusticationis anno, minacibus Constantini Augusti litteris territus, veneno hausto, subduxit se iræ mortalium, immortales apud inferos poenas superis daturus.

Eadem ætas non Martyrum tantum, sed historicorum quoque fecunda fuit. Iulius Capitolinus, Aelius

Ælius Lampridius, Flavius Vopiscus, Pollio Trebellius Romæ floruerunt.

**FLAVIVS CONSTANTIVS
CHLORVS.**

GALERIVS MAXIMIANVS.

A Christo nato anno circ. CCC.

FL. Constantius inter hæc Occidentis, Galerius Maximianus Orientis imperium tenuere, dispari ingenio, euentuque. Galerius quippe homo sæuus, ac truculentus toto Oriente, maximè verò Alexandriæ in Christianos est debacchatus. Itaque scædo, atrociq̃ue morbo consumptus, genitalibus putrescentibus moritur, diuinam expertus iram.

Exinde Licinius, & Maximinus, Galerij Maximiani ex sorore nepos, ab eodem, antequam moreretur, Galerio creati Cæsares, in Oriente imperitarunt. Inter quos haud diuturna pax. Maximinus crudelitate in Christianos auunculo similis, similis, prælio à Licinio victus, eodem quo auunculus morbo perijt sub initia imperij Constantini. Sunt qui velint ab hoc Catharinam virginem Alexandrinam ob Christi cultum interemptam, quod propius vero videtur, quàm quod fama tenet à Maxentio interfectam. satis liquidem constat, Maxentium Romæ tantum tyrannidem exercuisse, Maximinum in Oriente, ac præcipue Alexandriæ.

Constātius porrò Augustus ab eximia benignitate immortalibus iuxtā, & mortalibus charus, atq; acceptus fuit. quippe haud dubius Christianæ religionis fautor, ac pius adeò, ut numerari posset Christianus. itaq; perpetua floruit pace. Ad ultimū XVI. imperij anno Eboraci in Britannia decessit & moderationis fama, & aulę disciplina, & scilicet Constantino filio clarus.

Per idem tempus Maxentius velut crudelitate cum Maximino certaret, Romanos tyrannica vexavit rabie: compluresq; Christianorum supplicijs mactavit: Marcellum præcipuè Pontificē itabulo addictum, ærumnis, ac tetro odore confecit.



H O R A T I I

T V R S E L L I N I,

E S O C I E T A T E

I E S V,

E P I T O M Æ

H I S T O R I A R V M

à Mundo condito

L I B E R V.

FLAVIUS CONSTANTINVS MAGNVS.
LICINIVS.

A Christo nato anno CCCIX.

FL. Constantinus Magnus, XXXIV. Romanorū
Impe

Imperator superiores omnes virtute pariter, & gloria vicit. is ceteris fratribus alia matre genitis, Constantij patris testamento prælatus, in Italiam cum exercitu venit. Romam Imperij caput à Maxentio Tyranno occupatam diuinitus liberauit. nam cælestis crucis ostento erectus, & eius effigiem pro signo præferens, ad pontem Miluium prosperè cum hoste confligit; Maxentioq; in trāsitu c nauis in Tiberim prolapsa, & gurgitibus hausto, triumphans urbem tyrannide ereptam init. Cuius triūphi monumentum apud amphitheatrum arcus triumphalis extat. Eius quoq; statua crucem manu prætendens, in foro posita victoriæ crucis beneficio partæ argumentum. Inde Ss. Petri, & Pauli Apostolorū admonitu, à Syluestro Pontifice baptizatus, absterfa lepra, Christianam religionem non minus impensè fouit, quàm superstitionē Ethnicorum afflixit. Itaque dubium reliquit, plura ne templa, arasque Deorum euerterit, an Christo, sanctisque Martyribus excitarit.

Licinius interim à Galerio Maximiano Cæsar creatus, Orientis obtinebat imperium, homo ingenio asper, & ineptus litteris, quas propter summam incitiā, pestē publicam nominabat. Igitur, etsi Constantino affinitate iunctus, (Constantiam quippe eius sororem duxerat) Christianos hostilē in modum vexare cœpit. Sed Constantino affinitate potior religio fuit. nam Licinio frustra monito, vt ab impio consilio desisteret, pium bellum intulit; debellato vitam cum imperio ademit. Ita vique quaque pax Ecclesiæ, & otium partum.

Con-

Constantinus porrò rerum potitus, Gothos Thraciam populantes perdomuit, egregiasque vi-
 ctorias, crucis, quam in vexillo præferebat, bene-
 ficio de barbaris reportauit. Pace parta, etiam ab
 Indis legatos cum muneribus accepit. Nec maior
 illi Romanæ rei, quàm Christianæ pacandæ cura
 fuit. Discordes inter se Episcopos reconciliare stu-
 duit, Nicæno Concilio amplius CCC. Episcopo-
 rum, cui ipse interfuit, coacto. Quo Concilio Ar-
 riana hæresis, diuinitatem Christo adimens, dam-
 nata est. Præcipua inibi Constantini mōderatio,
 ac pietas enituit. Tanto quippe honore Episcopos
 coluit, vt postremus sederet Augustus. Criminosos
 dissidentium Episcoporum libellos in ignem con-
 iecit, dictitans, *Ego verò Episcopum delinqu-
 ntem si vi-
 derem, vel hac purpura operirem.* Spiridioni Episcopo
 Trimituntis in Cyprio effossum ob Christi confes-
 sionem oculum exosculatus est, beatos prædicans
 talia pro Christo perpessos. Exin Pontificis Rom.
 verecundia, sedem Imperij aliò transferendam ra-
 tus, Bizantij in Thracia nouam Romam, transcrip-
 ta magna Romanæ nobilitatis parte, condidit:
 eamque Constantinopolim suo nomine appella-
 uit. Ceterum credulitas, alienissimum à grauitate
 Principis vitium, magnam eius nomini imposuit
 labem. namque Crispum Cæsarem filium suum,
 falso Faustæ nouercæ crimine circumuentum sup-
 plicio affecit. quanquam Augustæ libidine ac frau-
 de deinde perspecta, iustas ex ea expetijt pœnas.
 Verisimile autem est, quod nonnulli tradunt, Cri-
 spi cædem Constantini baptismo priorem fuisse.

Ad

Ad ultimum XXXI. imperij anno decessit, optimus
vtiq; Princeps, nisi eius gloriâ extrema tépora de-
formassent.

Huius principatus & doctis, & sanctis viris insi-
gnis fuit. Per ea tempora Arnobius, Lactâtius Fir-
mianus Crispî Cæsaris magister, Donatus Gram-
maticus, & Victorinus Rhetor, præceptores Hie-
ronymi viguere. Eusebius item Cæsariensis, Iuuen-
cus poeta, S. Nicolaus Mireæ Episcopus, S. Paulus
Eremita, & S. Antonius Magnus, cuius precibus
Constantinus se, ac liberos impensè per litteras cõ-
mendauit,

CONSTANTINVS,

CONSTANTIUS,

CONSTANS,

A Christo nato anno CCXXXI.

Constantinus, Constantius, & Constans Magno
Constantino geniti, diuisum à patre acceperunt
imperium. Sed latius imperandi cupido fratres in
mutuam perniciem armauit.

Constantinus natu maximus Constanti fratri
impium bellum intulit. Igitur ad Aquileiam à fra-
tris ducibus per insidias necatur nondum expleto
triennio.

Constans victor Transalpinis inde gentibus do-
mitis, Magnentij Comitibus dolo extinguitur, cū im-
perasset annos X III. Ita Rom. Imperium ad vnum
reuoluitur.

Constantius ergo, Magnentio debellato, vt solus ac securus imperaret, Gallum Cæsarem patruelem interemit. Cuius parricidij furij sagitatus, eò dementiæ venit, vt fieret Arrianus. Itaque ab eo Athanasius Alexandrinus Episcopus, idemq; Arrij exagitator in exilium eiectus, vir utiq; virtute, fideque longè clarissimus, quo pænè vno ea tempestate res catholica stetit. Liberius quoque Rom. Pontifex Arrianæ hæresis oppugnator, & Athanasij fautor, Vrbe pulsus. Ariana pestis toto pænè terrarum Orbe propagata. Nec impunè. Quippe & à Persis magnas Constantius Cæsar Galli frater germanus ad Alemannos comprimendos ab ipso missus in Galliam, re bene gesta, Augustus ab exercitu est appellatus. Quæ fama Constantium ad eò perculit, vt versis ad bellum ciuile armis, extinguere-
tur in via, anno quàm imperare occeperat XX-
IV.

Hoc imperante Liberius Pontifex B. Mariæ templum æstius niuis miraculo inclytum in colle Exquilino condidit. Macedonius Hæresiarcha diuinitatem Spiritui sancto adimens extitit. Hilarius Pictauorum Antistes Arrianis cum Athanasio sese obiecit.

IVLIANVS.

A Christo nato anno CCLXIV.

Iulianus imperio potitus Christianam religionem deseruit. ex quo Apostatæ ei cognomen fuit. Is

Deo-

Deorum cultum restituens non crudelius, quàm callidiùs Christianum nomen afflixit. Christianorum animos illecebris magis, quàm cruciatibus extabat, hoc perniciosior hostis, quò lenior. Si quos ob religionem morte multabat, alias supplicij causas præferebat. Studia bonarum artium, Ethnicis libris, Cristianisque magistris ademptis, adimere conabatur Christianæ iuventutij. Quæ res Gregorium Nazianzenum impulit ad condenda carmina; ne tenera ætas poeticæ facultatis expers foret. Sed non diu occultum rei Christianæ vexatorem Deus tulit, quì apertos tulerat. Altero anno cùm bellum Persis intulisset, ducis fraude perductus, in insidias cecidit, non sine magna suorum strage. Sūt qui sagitta de celo missa transfixum exclamasse ferant, *Vicisti Galilee*. sic enim Christum per ludibrium appellabat. Ita impius impiè occubuit.

IOVIANVS.

A Christo nato anno CCC LXVI.

Iouianus seu Iouinianus ab exercitu creatus Augustus, imperiū suscipere noluit prius, quàm duces militesque omnes Christianos se fore professi sunt. Pacem, cum Sapore Persarum Rege turpibus quidem, sed necessarijs conditionibus fecit. Magna Mesopotamiæ pars hosti concessa: legionesq; Rom. sub iugum missæ. Inde Constantinopolim petens, seu cruditate, seu recenti tectorio, grauique prunarum vapore exanimatur, mense

VII. Imperator adepto imperio clarior, quàm gesto.

VALENTINIANVS.

VALENS.

A Christo nato anno CCCLXVII.

Valentinianus ab Iuliano ob religionem Tribunatu motus Iouiano successit, Deo probrum in decus vertente. Is Valentem fratrem in imperij societatem adscitum Orienti preposuit: Gratianum filium egregia indole puerum creauit Cæsarem. Princeps fuit non pace solùm, sed etiam bello clarus. Precipua eius laus amor iustitię. In magistratus iniurię conuictos grauitè animaduertebat, primam Principi iustitię curam esse oportere dictitans. Procopium Tyrannum oppressit: Saxones Romanis finibus imminentes arcuit. Firmum Africę Tyrannum debellauit. Ceterum in Pannoniam ad Sarmatarum arma coercenda profectus, subita sanguinis profusione exanimatur. Annos imperauit XI. Princeps, vel factis egregijs, vel Gratiano filio memorandus.

Valens interim haud pari laude in Oriente imperauit. Hic ab Eudoxio Arriano Episcopo baptizatus, Arrianaque contactus peste, catholicum nomen in Oriente vexauit fœdum in modum. Basilio Magno infensus monachos à pijs meditationibus abductos militaribus addixit ministerijs. Itaque etsi feras, non leues tamen Numini pœnas dedit. Gothos sedibus suis ab Hunnis pulso excep-

rat,

rat, quos baptismo expiatis, Arrianis Episcopis, & Sacerdotib' datis, Arriana interfecerat peste. Hos ipsos expertus est cælestis iræ ministros. Nam subinde Maximi Præfecti, sub quo merebant, iniurijs vexati arma capiunt, fusisq̃ue imperatorijs copijs, Thraciam ferro, flammaq̃ue populantur. Ibi Valens, sera subeunte animum poenitentia, Episcopos, ceterosq̃ue Catholicos ab exilio reuocat. Inde cum barbaris acie decernit. Ceterum, amisso exercitu, sagitta saucius in desertam cum refugisset casam, à barbaris deprehensus, subiecto igni, cum tugurio vius exurit, insigne memoris diuinæ iræ in impium Principem documentum. Imperum tenuit annos XIV. Qua tempestate Themistius vigit Philosophus Valēti charus, Ausonius Gallus Gratiani Cæsaris, & Paulini, qui postea Nolanus Episcopus fuit, magister, itemq̃; Eutropius, Vegetius, Iamblicus Procli doctor, Libanius sophista, Ammianus Marcellinus historicus, & Martinus Turonensis Antistes, vir sanctitate insignis ex Hilarij disciplina.

GRATIANVS.

VALENTINIANVS II.

GRatianus interea Valentiniano Patre mortuo, Occidentis adeptus imperium, consortem adsciuit Valentinianum fratrem. In bonis utique Principibus numerandus, parcus cibi, somniq̃; , ac libidinis victor, domiq̃; ac militiæ clarus. Apud Argentarium Galliæ oppidum Christo fretus XXX.

Alemannorum millia deleuit. Valente patruo Africano auxilium aduersus barbaros petēte negauit, paternæ videlicet pietatis æmulus, rectè cū Dei hoste belli societatem iniri. Post Valentis cladem, rerum potitus maiorem curarum subiit molem. Itaque Theodosium genere Hispanum, eximium belli Ducem, per quem Thraciam, Hunnis, Alanis, Gothis domitis, pacauerat, cooptat Oriētis Augustū, mira omnino opportunitate. Haud ita multo post Maximum Britannæ, & Galliæ Tyrannum bello petens Andragasij Ducis dolo iinterficitur, aīno post Valentis casum V L. Cædis auctor haud dubius Maximus fuit. Igitur Ambrosius Mediolanensis Episcopus, depulsæ ex Italia Arrianæ pestis titulo inclytus, ei sacris interdixit.

Non facile alia ē tas viris doctrina pariter ac sanctitate clavis illustrior notatur. Præter Basiliū Magnum, Gregorium Nazianzenum, & Ambrosium, Gregorius Nyssenus, Cæsarius Nazianzeni frater, Cyrillus Antistes Hierosolymitanus, Dydimus cæcus oculatissimus, Ephremus Eremita, Damasus Pontifex, Hieronymus, August. Orosius, Seuerus Sulpitius Martini Turonēis discipulus, Cassianus, & alij enituerē.

THEODOSIVS.

VALENTINIANVS IDEM IL.

A Christo nato anno CCCLXX XII.

Theodosius Imperator, non virtute bellica,
quā

quàm pietate clarior Valentinianum II. Augustum Gratiani fratrem à Maximo Tyranno eiectum excepit, Maximoque diuina magis, quàm humana ope debellato, restituit in Occidentis imperium. Inde de insigni Thessalonicensium (magistratus quippe aliquot iniuriose tractatos saxis obruerat (insolentia commonefactus, adeo exarsit ira, ut ciues pene omnes in theatrum coactos contrucidaret immixtis legionibus. Sed mox Mediolani, ob cædem Thessalonicæ factam, ab Ambrosio Episcopo templi aditu prohibitus paruit, & publicam poenam ab illo impositam ritè persoluit, admirabilior poenitentiae cõmendatione post lapsum, quàm antea innocentiae. Nec tamen ab Ambrosio in sacram aedem admissus est prius, quàm lege cauit, ne capitales sententiae ante trigesimum diem ratae haberentur, nimirum ut iracundo Principi facultas foret eas reuocandi, spatio iræ dato. Quæ deinde lex Antiochiæ saluti fuit, eam etenim urbem Theodosius obraptatam Placillæ Augustæ in ciuium seditione statuatam, cæcis seditiosis omnibus, euerti quidem iusserat; sed mox intra trigesimum diem placatus Macedonij sancti Eremitæ voce monentis, ne propter mulieris imaginem tot homines imagines Dei perderet, ciuibus pariter, & vrbi perpercit.

Inter hæc Valentinianus Augustus Arbogastis Comitæ fraude strangulatus est, atque ut voluntaria mors videretur, laqueo suspensus. Itaque Theodosius Eugenium & Arbogastem Tyrannos, celo ac tempestate fauente, victor oppressit.

fit. Inde Arcadium, & Honorium filios, Cæsares creauit, quos adhuc pueros Arsenio præceptori cōmendans, eos non vt Cæsares, sed vt discipulos tractari; &, si quid deliquissent, etiam verberibus excipi iussit. itaque cū fortē scholam aliquando ingressus, præceptorem stantem, filios in sellis cōfidentes conspexisset, rei indignitate motus, Arsenium sedentem docere, Cæsares stantes audire voluit. tantum magistro auctoritatis tribuebat. Ceterū Arsenius subinde aulæ prætulit solitudinem. Theodosius porro Arcadio, & Honorio, heredibus imperij relictis, moritur nulli Imperatorum secundus, si tam potens iræ fuisset, quā pius, ac felix fuit. Principatum tenuit annos XVII. hoc est, cum Gratiano, & Valētiniano annos IV. cum Valentiniano tantū annos X. solus annos ferē tres.

A R C A D I V S.

H O N O R I V S.

A Christo nato anno CCCXCV.

ARcadius, & Honorius adhuc pueri ita à Theodosio patre acceperunt imperium, vt Arcadius in Oriente, in Occidente Honorius imperaret. Ceterū vtrumque pueritiā opportunum tutorum perfidiæ fecit non sine graui discrimine imperij. Gildo Arcadij tutor Africam, regniq̃ue fastigium occupare conatus est. Sed per Mascelzerem Ducem, eundemq̃ue fratrem suum, perit manu

hu oppressus, debitas perfidiæ poenas luit, Deo pro pupillo fratrem in fratrem armante. Subinde Stilio tutor idem, ac socer Honorij per tutelæ speciem, principatum affectare cœpit. etenim Rhadagastum Gothorum Regem cum CC. millibus, Fesulanis angustijs in Hetruria conclusum, ac fame domitum sine ferro nuper cùm oppressisset; opibus ac factis ingens, turbarum omnium semina iecit in Occidente. Itaque Vandalos, vnde ipse erat, Sueuos, Alanos, Burgundiones, omnemque barbariam exciuit in Gallias, ea quidem mente, vt turbata re Romana, ex turbis Eucherio filio imperium quæreret. Ad hæc, Alaricum Gothorum Regem concessas ab Honorio in Gallia sedes petentem irritauit, vt aliquid hinc quoq; turbarum oriretur.

Inter hæc Arcadius Ioannem Chrysostomum Constantinopolitanum Antistitem, Eudociæ uxoris instinctu, cùm eiecisset in exilium; breui ipse cum Augusta cessit è vita, anno principatus sui XIII. Moriens Theodosio filio imperium per manus tradit. Sed cùm probè nōssset Honorium fratrem sibi perinfectum esse, timens ne quid insidiarum post suum obitum Theodosio puero (erat siquidem annorum octo) esset moliturus; Isdergerdi Persarum Regi, quo cum foedus pridem inierat, eius tutelam permisit. ita felici magis, quam prudenti consilio, quem pupillo Imperatori hostem metuebat, tutorem fauto. remque fecit.

H O N O R I V S.

THEODOSIVS II.

A Christo nato anno CCCCVIII.

Theodosius inde iunior cum Honorio patruo imperitavit etiam dum puer. Sed puero imperium non tam Regis Persarum, quam Pulcheriæ sororis memorabili tutela stetit. Quippe Pulcheria virgo sanctissima diuinitus edocta tenerum Imperatorem ad omnia imperatoria munera instituit, & tantisper dum ille adulesceret, Orientem cum laude rexit. Hæc inter, Stiliconis Eucherio filio ambiētis imperium, detecta fraus, & ipse cum filio, iussu Honorij interfectus. Nec tamen periculum omnino discussum. Alaricus vel recenti Stiliconis iniuria, vel cæsi ab eodem Rhadagalisij Regis memoria commotus, Romam ex improviso adortus capit, diripitq; . Valere tamen apud barbarum, & Arrianum Regem humanitas, & religio. Ciuibus temperatum, in tecta servitum est, templis, & sacris vasis intactis. Capta Vrbs à Gothis anno post Christum natum CCCCX. qui mox Romana veluti non contenti præda, Campaniam, Lucaniam, Brutios populati, Alaricum Regem ad Consentiam amittere, cui subiectus Athaulphus Romam cum remigrasset, corradit, quod prior cladēs reliquum fecerat: Placidiam Honorij sororem in Hispanias abducit, quæ hosti nuptijs iuncta efferatum barbari Regis ingenium adeo mitigavit, ut rem Romanam, quam delere moliebatur, fulcire niteretur, fautor ex hoste factus. Itaque de pa-

de pace agitans cum Romanis, apud Barcinonem a suis interficitur. Sigericus inde Rex creatus, cuius quia idem animus, idem etiam exitus fuit. Huic subrogatus Vallia Rex & sibi, & Romanis felicior. Is pace cum Honorio facta, Placidiam ei sororem reddidit, quæ Constantio clarissimo Duci exinde nupsit. Pax ita Gothis data, vt Aquitaniam omnē, & certas quasdam prouinciæ Narbonensis vrbes obtinerent. Hi, quod in occasum Solis vergerent, Visigothi ipsorum lingua appellati. Nam Ostrogothi dicti, qui deinde Italiā tenere, quod spectarent Solem orientem. Porro Vandali, Sueui, Alanique Gallias depopulati, Visigothorum metu, transierunt in Hispaniam. Hos subinde Vallias Rex bello persecutus magnis affecit cladibus. Soli Burgundiones ex barbaris, quos Stilico excitauerat, Christianam religionem per id tempus amplexi, in Gallia ad Rhenum confederunt: mox versus Occidentem solem progressi regioni Burgundiæ nomen fecerunt. Placidia interim viro orbata, & ab Honorio fratre pulsa, cum Valentiniano filio Constantinopolim ad Theodosium confugit. Nec ita multo post Honorius, nulla relicta stirpe, Romæ decessit anno imperij sui XXVIII. eius corpus porphyretico Mausoleo illatum, quod in basilicæ S. Petri atrio visitur. Imperauit cum Arcadio fratre annos XIII. cum Theodosio Iuniore, fratris filio annos X V. Bienio antequam decederet, scuitum in Perside in Christianum nomen, siue ab Isdegerde Rege Persarum, siue ab eius filio Bararane.

Eius principatus illustribus Poetis floruit, Claudiano, Prudentio, Sedulio, & Paulino, qui etiam Nolanus Episcopus sanctimonia insignis, & mirus caritate aduersus captiuos extitit.

THEODOSIVS II. VALENTINIANVS III.

A Christo nato anno CCCCXXIII.

Valentinianus III. Theodosij II. consobrinus, adhuc puer, Occidentis Augustus à Theodosio cooptatus, principatum gessit multiplici clade, ac demum occasu imperij infamem. Meroueus quippe Rex Fræcorum, Rheno traiecto, Galliæ partem occupauit. Attila Hunnorum Rex cum CCC. armatorum millibus, inuasit Gallias. Ceterum Aëtius Patricij titulo insignis, singulari consilio, ac virtute barbari Regis impetum repressit, auertitque. Subinde Bonifacius Dux bellicis laudibus clarus, à Castino Cæsaris Duce grauiter læsus, & in suspicionem defectionis apud Valentinianum adductus, ab eo defecit; Africaque occupata, aduersus Valentiniani classem externa auxilia parans, Vandalos, Alanosque euocauit ex Hispania. Barbari auxilio acciti exitio fuere. Quippe Africam populationibus vexatam Arriana insuper labe polluerunt. Ita Africa Vandalorum ditionis facta. Ea tempestate Augustinus Hippone à Vandalis obsessus excessit è vita.

Haud meliore euentu Britannia militibus, ac
Duci-

Ducibus à Valentiniano exhausta, barbarorū auxilia exciuit. Angli gens Saxonum à Britannis aduersus Scotos, Pictosque è Scythia oriundos acciti, fracta horum audaci, ipsi affluentibus subinde nouis è Saxonia copijs, Britanniam subegerunt. Itaque Britannorum plerique iniurijs Anglorū coacti, vexatique in eam Galliæ partem, quæ peninsulæ modo in Oceanum excurrit, commigrarunt, cui deinde Britannia nomen inditum. exin Anglia fuit, quæ olim Britannia fuerat, nisi quod insulæ partem Scoti obtinuerunt, à quibus Scotia est appellata. Ceterum subinde & Africa, & Britannia damna, Scotiæ, & Hybernici ad Christi fidem accessio facta. Itaque à Cælestino Rom. Pontifice Palladius Episcopus ad Scotos, Patritius ad Hybernos delinatus, Africa quoque ex fœdere inter Valentinianum, & Gensericum diuisa. Sed tamen Catholica religio ab Arriano Rege Genserico vexata est. Eadem tempestate cum promissa mortuorum anastasis in dubium venisset: mira opportunitate huic malo obuiam itum est. Septem Martyres Ephesi in spelunca à Decio Imperatore olim obstructa, ac tum forte patefacta, reperti, qui continuato per CC. propè annos somno excitati, reuocandorum ad vitam mortuorum adfirmarunt fidem. Theodosius porro Bononiensi Academia instituta, XLIII. quàm imperare cœperat anno, sine vlla stirpe moriens, vacuum herede Orientis imperium reliquit, Imperauit cum Honorio patruo annos XV. cum Valentiniano consobрино, annos XXVIII.

Eius ætas ingeniorum satis ferax Theodoretum,
Socra-

Socratem, Sozomenum historicos nobiles, Proclum, Prosperum Aquitanicum, Euodium, Maximum Taurinensem Episcopum, & alios viros doctos effudit.

VALENTINIANVS III. MARTIANVS.

A Christo nato anno CCCCLI.

Martianus inde ob insignem probitatem, ac prudentiam, ex gregario milite Augustus Orientis est creatus. Huic haud maior fuit imperij cura, quàm pacis. Quippe solitus erat dicere, *Imperatori abstinendum bello, quamdiu honesta pace frui liceret.* Ceterum dum Oriens longa pace floret, Occidentis imperium, Valentiniani Principis inertia, varijs concussum cladibus ruit. Attila Hunnorum Rex recens ab excidio Aquileiæ, Patauium, Veronam, Vicetiam, Brixiam, magnamq; Galliæ Cisalpinæ partem vastauit impune. Quæ tempestate Venetæ regionis incolæ in paludes sinus Adriatici confugientes nobilissimæ Venetiarum vrbis ignobilia fundamenta iecere. Porro Attila victorijs ferox, iam infesto exercitu Romam petebat imperij caput; cû Leo Pontifex cognomento Magnus barbaro Regi ad Mincium amnem occurrit: diuinaque eloquentia persuadet, vt conuersis repente signis abiret. Ceterum haud multò post inuadere denuo Italiam moliens, in nuptiali conuiuio cû se vino onerasset, ingentem vim sanguinis profudit. ita homo cruoris humani sitientissimus suo cruore suffo-

suffocatus extinguitur. Subinde Valentinianus Aetij fortunam suspectam habens, virum egregium, quo Galliae, & Occidentis salus nitebatur, interficiendum curavit. nec impunè. Aetij milesiue ira stimulante, seu Maximi tyranni promissis oneratus, ipsum obtruncat Augustum anno eius principatus XXX. & cum Imperatore imperium concidit Occidentis. Barbari namque omni metu liberi, ac soluti, passim volitare, imperiumque Romanum discerpere coeperunt. Franci Meroueo Rege, Parisios, eamque Galliae partem, quæ deinde Francia dicta est, occuparunt. Visigothi Euricij Regis ductu, Hispaniam subegerunt. Maximus Tyrannus, Roma armis occupata, Eudociam Valentiniani Imperatoris coniugem connubio sibi iunxit inuitam. Illa igitur amens ira, & vlciscendæ iniuriæ auida Gensericum Vandalorum Regem accersit ex Africa, tyrannum oppressura patriæ ruina. Sed unde mali remedium petebatur, maius exitit malum. Rex barbarus, Maximo interfecto, Romam capit, hostilem in modum direpturus, nisi Leo Pontifex victoris lenisset iram. Ceterum ille Romanis spoliis onustus ipsam Eudociam Augustam, Theodosij filiam, yna cum liberis Carthaginem abducit. Vandali Neapolim, Nolam, Campaniamque omnem populati asportarunt in Africam ingentem numerum captiuorum.

At Martianus Augustus VII. imperij sui anno, suorum fraude periit cum ingenti fama probitatis.

L E O I.

A Christo nato anno CCCCLVII,

Leo I. Thrax genere, Martiano succedit in orientali Imperio. Imperator infelix est habitus. eius quippe principatum multi, & atroces casus infamē fecerunt. Regia vrbs fortuito incendio deformata. Classis amplius M C. nauium, quę aduersus Gessericum Africę tyrannum destinata erat, inertia Basilisci Ducis amissa. Super hac Occidentis imperium extinctum est. Namque Auitus, Maiorianus, Seuerus, Anthemius, Olybrius, Glycerius, Iulius Nepos in Occidente partim Tyranni, partim Imperatores extitere. Quorum plerosque Ricimer patritius, genere Gothus ad imperium elatos necauit. Idem Anthemio Cęsari socero suo infensus urbem obsessam vi cepit, captam magna diruit ex parte: vt vrbs illa omnium gentium domitrix quater vno seculo cōculcaretur à barbaris, semel à Vandalis, ter à Gothis. Alij deinceps sub Occasum Imperij Romani, seu Tyranni, seu Imperatores, Orestes, & Augustulus exorti. Ceterum Odoacer Herulorū Rex ē Pannonia profectus in Italiam, Oreste acie victo, etiam Augustulum metu exterritum imperio exuit. ita Romanum Imperium ab Augusto ortū, cum Augustulo extinctum est, cū stetisset annos circiter D. Exinde Leo Orientis Imperator, XVL quā imperare cōeperat, anno moriens, præterito Zenone genero, quod nec animum regium haberet, nec speciem imperio dignam, Leoni nepoti ex filia

filia imperium legat. Is tamen, Zenone patre in societatem principatus assumpto, X. imperij mense cessit è vita.



H O R A T I I

T V R S E L L I N I,

E S O C I E T A T E

I E S V,

E P I T O M Æ

H I S T O R I A R V M

à Mundo condito

L I B E R V I.

Z E N O.

A Christo nato anno CCCCLXXV.



ENO Orientis Imperator, genere Isaurus, truculentus idem, & effeminatus fuit, insignique vel corporis, vel animi deformitate. Is Odoacrem Italiæ tyrannum Theodorici Ostrogothorum Regis ope, atque opera ad Rauennam oppressit. Theodorico præmium victoriæ Italia fuit. Ita Roma omnium gentiû olim Domina iugum accepit Gothorum anno à Virginis partu CCCCLXXXV. Ceterum per idem tempus Michael Archangelus templum in
K monte

monte Gargano diuina excavatū manu, illustri miraculo sibi adsciuit, inde velut ex arce præsidium oppressæ laturus Italiæ. Et Zeno tantotim auctor malorū breui poenas exoluit. Nā cū siue intestino dolore, siue nimio vino exanimatus corruisset, ab ipsa cōiuge vt maturè extingueretur, sepulchro illatus est viuis, anno, postquam imperare cœperat XVII. Nec letior Honorici Vandalorū Regis exitus fuit. Is quippe Genferico patre immanior, dū Ariannæ sectæ impensius faueret in Africa, miserandum in modum rem catholicam afflixit. Episcopis amplius CCCC. mutilatis, quorum aliqui vel capti linguis diuina mysteria eloquebantur, & in exiliū ex Africa eiectis, ipse ultore Deo periit à vermibus miserabili morte consumptus. At Clodoueus Rex Francorum à Clotilde vxore Christiana ad Christi cultum illectus, in bello aduersus Alemanos diuinam expertus est opem. Igitur voti reus à Remigio Rhemenſi Episcopo baptizatur. Ludouico inde nomen fuit. Et Francorum gens pij Regis exemplum secuta, Christianæ religioni se aggregauit anno post Christum natum circiter D. Ita-que Ludouicus Rex, Deo fauente, Burgūdia, Aquitania, alijsque regionibus subactis, Francici regni fines longè, lateque propagauit, ac regiam sedē Parisijs statuit. Eodem regnante Genouefa virgo in Francia, Brigitta vidua in Scotia sanctitatis laude floruerunt. Theodoricus porro ad firmandas opes, stabiliendumque sibi nouum Italiæ regnum, affinitate cum Ludouico Franciæ Rege iuncta (eius quippe filiam in matrimonium duxerat)

Sici-

Siciliam, aliasque adjacentes Italiae insulas, & Dalmatiam suae ditionis fecit. Ac primò Rex barbarus & Arrianus vix cuiquam Romanorum Caesarum moderatione, prudentia, liberalitate, iustitia cessit. itaque summa populorum beneuolentia, ac fide pacatam rexit Italiam.

ANASTASIUS DICORVS.

A Christo nato anno CCCCXCII.

A Anastasius Dicorus interim Orientis imperium tenuit ancipiti fama. Primò populos tributis oppressos leuando, venales antea magistratus gratis mandando, optimos Principes equauit. Proclum mathematicis insignem in honore habuit; qui Archimedis æmulator inclytus, æreis speculis classem Vitaliani Thracis Bizantium obsidentis incendit. Porro Anastasius Eutychiana infectus peste Theodoricum ipsum barbarum Regem sciere & immanitate vicit. Quippe Catholicis infestus Constantinopolitanum Antistitem exegit. Hormisdæ Rō. Pontificis legatos, ex quorum numero Euodius fuit Ticinensis Episcopus sanctimoniae laude præclarus, in conspectum venire vetuit, quin etiam labefactae impolitae naui, vt naufragio interirent, omni Græcia interdixit, tantum vel Christianae religionis, vel Rom. Pontificis odium animo imbiberat. Ergo haud ita multo post fulmine ictus interijt, inter pauca caelestis iræ exempla memorandus. Imperitauit annos XXVIII. Fama est ei sub mortem horribilis viri speciem in

somnis oblatam librum tenentis manu, & simul increpantis, *En ob tuam improbitatem X. l. v. tibi vitæ annos delet; vt appareret improborum vitâ, Dei nutu, sæpe fieri breuiorem.*

IVSTINVS.

A Christo nato anno D XVIII.

Iustinus exinde è subulco Augustus (vt in omni hominum genere virtus esset honorata) Orientem gubernauit, vir pietate clarus, & acerrimus religionis catholicæ propugnator. Quippe Arrianis, alijsque hæreticis templa; ac publicos ademit cætus. quamquam ea Ioannis Rom. Pontificis rogatu deinde restituit. Ioannes namque Pontifex cum Symmacho, Boetio, alijsque Romanis senatoribus Theodoric Regis missu Constantinopolim ad eum venit, à quo honorificè exceptus est, expositisque mandatis, ac minis barbari Regis, nisi Arrianis ius pristinum redderetur, Iustinum exorauit, ne efferatum Regem in Romanæ vrbis exitium irritaret. Ita vetus licentia Arrianis reddita. Iustinus verò primus Græcorum Imperatorum à Rom. Pontifice imperatorijs insignibus decoratur. At Theodoricus domesticorum instigantium vobus plenus, & iam ad deteriora credenda pronus, legatorum gratiam apud Græcum Imperatorem primò suspectam habere, deinde scire vehementer coepit. Itaque Symmachum, & Boetium consulares

lares viros, ac sapientiæ fama illustres, vt alios ob-
scuriôres taceam, primùm exilio, inde morte mul-
tauit. Ioannem Pontificem perpetuo carcere ma-
ceratum extinxit. Verùm nec sera, nec obscura
cælestis ira Numinis fuit. Cœnanti impio Regi,
fortè caput piscis ingentis appositum erat, id Sym-
machi ab se nuper occisi caput visum est, toruis o-
culis, exertisque dentibus exitium minitantis. Et
horrenda hæc species tantum illi terroris incussit,
vt insolito iactatus horrore moreretur, suam in re-
præsentandis supplicijs præcipitem crudelitatem
incusans. Theodorico Amalasuintha filia vidua,
femina insigniter litteris exulta cum suo filio A-
thalarico successit. Sed breui filius luxu, mater The-
odoti Amitini fratris, quem in Regis nomen adsci-
uerat, fraude interijt. At Ildericus ex captiua Va-
lentiniani Augusti filia genitus Vandalorum reg-
num à Thrasimundo patre legatum maternis con-
filijs rexit, Episcopisq; ab exilio reuocatis, catho-
licam religionem impensè fouit in Africa. tantum
etiam inter barbaros materna disciplina valuit ad
pietatem.

Per eadem tempora Fulgentius Ruspensis, &
Germanus Parisiensis, Episcopi sanctimo-
nia inclyti. Cassiodorus, &
Arator poeta vige-
runt.

IVSTINIANVS.

A Christo nato anno DXXXVII.

IVstinianus Iustini gener, heresque in Oriente imperauit ingenti vel felicitatis, vel sapientiæ fama. Auxit Augusti gloriam Belisarius Dux bello clarissimus, superum dono rei Romanæ datus. Is quippe Persis domitis, amissa recuperauit. Gelimere Vandalorum Rege capto, Africam recepit. Inde victorijs nitens, in Italiam ducit exercitum. Recepta Sicilia de Gothis, Neapolim ingenti aq̃e ductu aditum præbente, capit, diripitque. Protinus Roma, ciuibz dedentibus, potitur. ex in Urbē mœnibus circumdatā, Vitige Gothorū Rege oppugnante, defendit. Subinde Vitigem Mediolani euersorem bello persecutus, accisis Gothorum viribus, vniuersam Italiā in Iustiniani ditionem redegit. Nec maior eius virtus bello Italico, quā fides extitit. Vrgentibus Gothis, vt ipso, & Italię regnum acciperet, obfirmato restitit animo. adeo illi fides regno potior fuit. Itaque Vitigem Rauennæ captum, Constantinopolim abduxit. Vbi maius etiam dedit fidei, moderationisq̃ documentum. Quippe falsis æmulorum criminibus affectati imperij suspectus Augusto, simul honore, atque opibus exutus est. Et paulo post Augustus Belisarij præsidio nudatus, coniuratione procerum in ordinem cogitur. ad Florianum senatorem insignia imperij deferuntur. Hic Belisarius stipatus fortissimorum iuuenum globo in forum venit, & nouo Cæsare per speciem salutationis occiso, cæsisq̃ coniuratis,

ratis, tyranni caput cum insignibus ad Iustinianum protinus defert, atq; in pristinum fastigium restituit eum, à quo ipse detractus fuerat per summam iniuriam de suo. Ita & factis crimen diluit, & Augustum spectata fide sibi deuinxit, vt nemo apud illum honore, aut gratia prior foret. Felix, si plus apud illum Dei, quàm Principis gratia valuisset. Nam Romam inde reuersus, cùm Theodoræ Augustæ iussu, Syluerium Pontificem vi captum in Pontiam insulam relegasset, ipse haud ita multo, post ruit. Byzantij Iustiniano suspectus insidiarum, honoris fastigio deijcitur, & in custodia habitus, mœrore, atque ærumnis consumitur, gloriosæ vitæ exitum sortitus in glorium.

Inter hæc Totila Gothorum Rex, vir regijs virtutibus clarus, Florentia non paucis tentata, Campaniam petens, Casinum diuertit. Ibi Benedicti Abbatis vaticinatione erectus, mitigatusq; Neapolim fame domitam in fidem accepit. Ceterum & ciuium saluti, & mulierum pudori graui edicto, exemploque consuluit. Armigerum suum charum in patricis, qui ingenuæ puellæ vim attulisset, Ducibus nequicquam reclamantibus, supplicio affecit, negans regna stare posse, si disciplina labaret. Veritus ne ciuib; fame enectis, copia ex inopia, vt fit, exitio foret, vetuit quemquam urbem egredi, & cibariorum, quod satis esset, importare, donec modico cibo deliniretur fames. Romam inde vi capit, & urbem quidem incendit, sed ciuib; pepercit, monitorum Benedicti memor. tota siquidem vrbe præ-

cones promunciare iussit, vt ciues à victorū ira templorum sese religione defenderent. Ita Roma quartū à Gothis capta, direptaque. Sed breue, ac pestiferum Totila inde gaudium abstulit. Namque haud multo pōst à Narsete eunuchō, Iustiniani dūce, acie victus vnā cum exercitū cēditur. Cum Totila regnum, ac nomen Gothorum in Italia deletū, anno quā ortum erat, circiter LXX. Italia imperio Orientis adiuncta. Iustinianus porrō, animo ad constituendum Ius ciuile verso, ex immenso librorum aliorum super alios cumulo rem ad pauca redegit volumina, quibus fontes continentur omnis publici, priuatique iuris. Acres quoque leges in impudicos tulit. Puerorum amatoribus in flagitio deprehensis virilitatem exsecabat, dictitans & sacrilegis præcidi manus. Tandem sapientiæ famam religionis inconstantia deformauit. Namque in Eutychianam lapsus hæresim, Agapetum Rom. Pontificem, qui ad eum venerat de pace Italiæ acturus, summa vi in suū errorem pertrahere est conatus. at ille ad minas interritus, *Enimpro, inquit credebam me ad Iustinianum, nō ad Diocletianum venisse.* Libera vox ad eō obstinatū emolliit pectus, vt resipiscens prauam respueret opinionem. Ceterū vir vxorius Syluerium, & Vigiliū Rom. Pontifices à Theodora Augusta multari exilio est passus. Ergo ad vltimum sapiens ille Imperator redactus est ad insaniam. ita magnificentissimo S. Sophiæ (Dei Patris sapientia designabatur) templo Byzantij condito, ipse è vita decessit insanus, documentum quā parum humanæ fidendum sit sapientiæ.

Principatum obtinuit annos XL. vno minus, felici-
or futurus, si breuiore vsus esset imperio.

Iustiniano imperante Fortunatus Poeta, Pro-
copius Historicus, Priscianus Grammaticus clari
fuere. Duo monachi ex India Byzantium profecti
bombycum oua ab Seribus attulerunt, sericiq̃ue
conficiendi rationem Græcos docuerunt, præcla-
rum inuentum, nisi ad materiam luxus mortales a-
baterentur.

IUSTINVS IUNIOR.

A Christo nato anno DLXVI.

Iustinus Iunior à Iustiniano auunculo adeò de-
generauit, vt non minus ipse sua stultitia afflixerit
Romanum Imperium, quàm ille sapientia cre-
xerat? Narsetis quippe gloriæ inuidens, inchy-
tum belli, pacisq̃ue artibus virum Italię administratio-
ne amouit, Longino Patritio in eius locum suffe-
cto, qui primus Italię Exarchus est appellatus.
Narfes igitur simul atroci Imperatoris iniuria, si-
mul Sophiæ Augustæ eunuchum ad pensum reuo-
cantis contumelia accensus, iram in rabiem ver-
tit. Et minatus Augustæ dicitur, telam se eiusmodi
texturum, quam nec ipsa, nec vir eius retexe-
ret. Nec leuiora facta dictis fuere. Longobardos
gentem è Scandia oriundam, quorum forti, fide-
liq̃ue opera vsus erat in Gothis Italia pellendis, è
Pannonia reuocat in Italiam. Ceterùm ipse tem-
pestatis concitor haud multo post rabie, ac mor-

rore confectus, interijt, præclaro liberata Italia titulo æterna macula deformato.

Hæc inter Longobardi relicta Hunnis sociis Pannonia, Alboinum Regem secuti Galliam Cisalpinam primo belli impetu occuparunt anno à partu Virginis circiter DLXX. Ab his regio Longobardia primùm, inde corrupto vocabulo Lombardia appellata. Eodem ferimè tempore Cantabria à Visigothis Leouigildi Regis ductu subacta; Suevisque debellatis, Gothicum regnum longè, ac latè in Hispanijs propagatum; ac Toletis sedes regia constituta. At Rex Alboinus Venetia regione, Vmbria, Hetruriaque ferme vniversa in suam ditionem redacta, Ducibusq; impositis, ducatus tres instituit, Foroiuliensem, Spoletanum, Tuscumque. quibus deinde Beneuentanus adiectus à Rege Agilulpho. Subinde Ticino potitus Alboinus, ibi sedem statuit regni. quæ vrbs deinde dicta est Papia. Ceterùm breue malè parti regni gaudium fuit. Nondum vertente anno, in conuiuio factus hilarior, cum Rosimundæ coniugi poculum expatris eius calua Rex barbarus porrexisset, iustam illi concitauit iram. Itaque vino, somnoque grauis ab ea obtruncatur. Eius loco Clepho Imolæ conditor, inde XXX. simul Duces cooptati, qui totam pænè Italiam subegerunt. Per idem tempus Iustinus Augustus decessit anno imperij sui

XVI.

TIBERIVS II.

A Christo nato anno DLXXXII.

Tiberius II. Iustini gener, atque heres imperium deinceps tenuit munificentia iuxta, ac felicitate inclytus. Quippe thesauros ab Iustina Augusta conditos nactus erogavit in pauperes. Inde marmoream tabulam cruce insignem è pavimento, ubi inambulabat, religionis causa tolli cū iussisset, ingentem inibi auri vim defossam reperit. Quo ad benignitatem haud malignè vsus, Narsētis eunuchi gazam ab sene quodam monstratam indeptus est. Deum cum Augusto largitate certare dicerēs. Nec pacē fuit, quam bello felicior. Armenios, Persasque multis, magnisque cladibus per Duces domuit suos, ingenti præda ex hostibus capta. Ceterum hostibus quoque benignitatem suam imperiendam ratus, captiuos splendide ornatos domum remisit gratis. Roma quoque ab Authari Longobardorum Rege obsessa, submisso à Tiberio Imperatore magni frumenti numero, depulsa fame, obsidionem elusit barbarorum. Exin S. Gregorius Diaconus Cardinalis Byzantium Pelagij II. Pontificis missu ad Tiberium venit, consecrationem noui Pontificis in vrbe obsessa, purgaturus. qua in legatione & commentarios in Iobum aggressus est, & Eutychium Constantinopolitanum Episcopum de corporum anastasi malè sentientem coram Imperatore conuicit, adeo ut paulò post moriens suum damnaret errorem.

rem. Tiberius porrò IV. principatus anno moriens
Mauritio genero imperium per manus tradit.

M A V R I T I V S.

A Ch. isto nato. anno DLXXXVI.

MAuritus ex Cappadocum genere ad imperij
fastigium euectus, per Philippicum Ducē in-
gentes Persis intulit clades. Quibus debellatis, Cos-
droam profugum, ac supplicem in paternum re-
gnum restituit. Roma interim memorabili Tibe-
ris inundatione obruta: & diluuium excepit lues
atrox adeò, vt complures alioqui valentes sternu-
tando, aut oscitando efflarent animam. itaque
Gregorius in tanta patriæ clade Romam reuersus,
Pelagio Pontifice pestilentia extincto, Pontifex
creatur inuitus. cuius Pontificatus ex tristibus pri-
mordijs lætissimus exitit. Nam Litaniis, supplica-
tionibusque institutis depulit morbum, & testis
placati Numinis in summa Adriani mole gladium
vagina condens conspectus est Angelus, qui cele-
bre deinde arci nomē ad posteros dedit. Inde Gre-
gorius velut communis parens omnes pæne Orbis
terræ pauperes aluit; diuinum cultum ceremonijs,
stationibusque auxit; afflixit commenta hæretico-
rū; Christianā religionē propagauit. Ab eo quippe
Anglia per Augustinum, aliosque monachos ad
Christi fidem adducta anno post Christum na-
tum circiter DC. Et eodem ferme tempore Her-
migildi martyris frater Ricaredus Visigothorum
Rex,

Rex, Leandro Episcopo Hispalensi auctore, Arrianam pestem discussit in Hispania. Agelulphus quoque Longobardorum Theodolindæ vxoris impulsu, Longobardiam, Arriana hæresi damnata, ad catholicam religionem reuocauit. Gregorius porrò Mauritio Augusto, qui lege lata vetuisset, quemquam nisi bello inutilem, è milite fieri monachum, acriter resistit. Itaque ille horrendis exterritus visis, optauit delictorum suorum pœnas luere in hac vita. Proinde, annuente Deo, à Phoca centurione Imperator coniuge, ac liberis ante oculos eius trucidatis, iugulatur. Non alius Augustus aut maiorem cadē, aut fortius tulit. In suorum, ac sua cæde, vna illa vox eius audita, *iussus es Domine, & rectum iudicium tuum.* Imperauit annos XVII. nulla re magis, quàm fortis ac pio vitæ exitu memorandus.

Subinde Gregorius, vbe à Longobardorū armis egregiè defensa, facta quinter Romanos barbarosque pace, excessit è vita, & imium posteris Romani Pontificis exemplum relinquens. Huius æquales Gregorius Turonensis Episcopus, & Ioannes Patriarcha Alexandrinus cognomento Eleemona-
rius numerantur.

PHOCAS.

A Christo nato anno D CIII.

PHocas Tyrannus verius, quàm Imperator male partum pessimè gessit imperium, homo crudelitate, ebrietate, nequitia infamis. Itaque eo sedente, Armenia, Cappadocia, Paphlagonia, Galatia, Syria, Phœnice, Palæstina à Cōdroa Persarum Rege populata: Hierosolyma diæpta: sacra Crux, velut opimum spoliū, in Peridem ablata. Sed ea mutato loco, etiam apud barbarum hostem religionem tenuit. Cōdroas qui se argentea ad id ædicula excitata, sacram thecam velut collegam sibi adscitam, ad dexteram, in aureo statuit folio. Ceterum idem vecors ab rebus secundis Christianum nomen varijs suppliis afflictauit. Super hæc omnia ipse pestis humani generis Phocas immemor hostium, libidine ac furore præceps ciues vexabat hostilem in nodum. Ergo Heraclius Africæ Præfectus procerum rogatu, tyranno bellum mouet. Acie vicin capit. capto, & superbiam in miseria retinent, collum pedibus calcit. Tandem illud virilitate adempta, vt libido hominis notaretur, obtruncat, tyrannidis anno VIII.

Hoc impetrante, & approbante controuersia inter Romam, Cōstantinopolitanamque sedem compolita Romæ, vt semper, obtinuit principatum.

HE.

HERACLIVS.

A Christo nato anno D C X.

Heraclynus quàm clarus initio imperij, tam turpis exitu fuit. Inter primum regni rudimentum Cosdroa Persarum Rege diuinitus debellato, Syriam, ac Hierosolymam recepit: augustissimamque Christi Domini crucem ex hoste recuperatam summa religione, maxima hominum celebritate suum in locum restituit. Ceterum Monothelitarum deinde errore implicitus, Imperator nullus fuit. Itaque Mahometes genere Arabs, seu Saracenus, fatale portentum Christianæ religionis, Romanum subinde concutere coepit imperium. Is quippe patre Ethnico, matre Iudæa genitus, idemque Christianis imbutus feris, simulato Archangeli Gabriëlis congressu, auctore Sergio Monacho, monstrosam sectam ex diversis conflauit disciplinis, Christiana, Iudæa, Ethnicaq;. Ac primò vates, deinde dux exercitus nefarii disciplinam in Arabiam inducit armis; quæ Saraceni regni origo fuit. Et cessante Heraclio, blanda simul, ac violèta secta paulatim serpens, nō minus licet, et dulcedine, quā armorū viribus breui in immentem creuit. Et hæresis visa est Mahometanam tyrannidem accersisse. Quippe aliquot antè annis, Armenorum, Iacobitarum, Georgianorum hæreses inuaserant Asiam. Igitur Haomarus Arabiæ Rex, Mahomete III. Armeniam, Mesopotamiam, Aegyptum, Syriam, Palæstinam, Hierosolymamque ipsam tubegit.

git. Inde Persarum Rege Ormisda debellato, Persis quoque imperitauit. Ac tot, tantasq; res sexennio gessit. Ceterum hoc Orientis dānum ipse, qui damni causam dederat, Heraclius nequaquam sarcire conatus est. Namque in Oriente Iudæos omnes baptizari iussit aut exulare. Idemq; in Hispania à Sisebuto, in Francia à Dagoberto Regibus edicendum curauit. Ita plerique Iudæorum terrore exilij sunt ad baptismum compulsi, consilio pio magis, quàm salubri; vt postea docuit eventus. Subinde Heraclius diem expleuit extremum, cum annos imperasset XXXI. hoc perniciosior obignauit Imperator, quò diuturnior.

Eadem tempestate S. Isidorus iunior Hispalensis Episcopus, & S. Columbanus Abbas extitere. Bonifacius V. Rom. Pontifex in templis, arisq; a-syla reis aperuit.

• CONSTANTINVS III.

A Christo n. anno D C X L I.

Constantinus III. Heraclij filius, Martinæ no-
uercæ insidijs prijs, veneno extinctus, cum
vix vnum regnasset annum, nulla re, nisi nouercali
odio, ac supplicij memorabilis. Quippe Martinæ,
ob priuigni fricidium, à proceribus lingua
execrata. Heracleoni eius filio defectus
usus; vterque ex S. C.
in exilium pul-
si.

CON-

CONSTANS II.

A Christo nato anno D C XLII.

Constans II. qui & Constantius, Heraclij nepos, auiti erroris æmulus, tyrannicos spiritus sumpsit. Itaque Martinum Rom. Pontificem, qui coacto Romæ Concilio Monothelitas damnasset, in Ponti insulam relegauit. inde exercitu in Italiâ transmissa, cum Longobardis in agro Beneuentano variè pugnavit. Tandem pace facta, Romam inter intendit. Venienti Vitalianus Pont. cum Sacerdotum agmine, Populoque Rom. ad quincrum ab Vrbe lapidem procedit obuiam. At ille velut vrbe per vim capta, omnia aërea ornamenta (vt ne tegulis quidem, quibus Pantheon opertum erat, parceret) Byzantium destinauit. Diceres illum non pietatis, sed prædæ causa venisse Romam. Ceterum prouectus in Siciliam, à suis propter insolentiam, balnei vapore extinguitur anno Imperij sui XXVII. Romana prædæ magna ex parte in Sicilia relicta.

Eadem tempestate S. Eligius Flandriam ad Christi cultum adduxit. Regina Persarum Constantinopolim profecta Christianis se aggregauit; & virum suum ad baptismum suo pellexit exemplo. Romæ autem Vitalianus Pont. organa, aliaq; musica instrumenta in templis ad sacrorum cultus adhibuit primus

Porro Halys à Mahomete Quinctus, rerum successu elatus dedignari cepit Calyphe nomen. Reges quippe, qui Mahometi successerant, Calyphe, idest, Mahometis successores, ac velut vicarij appellabantur. Itaque ipse Propheta eximius Mahomete ipso maior dici, credique voluit, scitam ad id commentus fabulam. Aiebat Gabrielem Angelum nouæ legis latorem ad se missum à Deo, sed errore deceptum isse ad Mahometem. Ita Saracena secta diuisa, alijs Mahometem alijs Halym sequentibus.

CONSTANTINVS IV. POGONATVS.

A Christo nato anno DCLXIX.

Constantinus IV. Pogonatus, seu Barbatus Constante genitus, paternæ vitæ, ac mortis euentu exterritus oculos aperuit. Itaque missis ad Donum Rom. Pontificem literis, auctor fuit, vt Concilium Constantinopolitanum de duabus Christi voluntatibus aduersus Monothelitas celebraretur. Per idem quoque tempus Rauennas Ecclesia, quæ Exarchorum opibus nixa à Pont. Romano descieuerat, Theodori Archiepiscopi Rauennatis opera, ad Ecclesiæ Rom. auctoritatem reuocata. Sigebertus Rex Austrasiorum in Gallijs expers prolis, monasterijs aliquot conditis, monasticam vitam ipse met amplexus est. ita copiosam Deo, cœloque sobolem peperit. Ceterum Constantini principatus non tam successibus, quàm cladibus insignis fuit.

An-

Anno eius seculi circiter LXXX. atrox pestilentia totam ferme funeribus exhausit Italiam, Papiam præcipuè, urbemque Romam, portentoque similis clades erat. Visus à multis diabolus cum hasta urbem obiens ad Angeli imperium, cuspidè domorum ferire ianuas. & postero die mortuorum numerus hastæ ictus æquabat. Ceterum ara Sebastiano martyri in æde S. Petri ad vincula ex oraculo consecrata, ex templo absterfit luem. Cōstantinus porrò Imperator antiquam Pontificiorum comitiorum libertatē, inde vsque ab Iustiniano intermissam Ecclesiæ Rom. restituit, rogatu Benedicti II. Rom. Pontificis, anno huius seculi LXXXIV. Saraceni interim, Rhodo capta, colossū æneum fama nobilem euerterunt, cuius ære non gētos camelos oneratos ferunt. Exinde in Siciliam delati, expugnatis Syracusis, totam ferme depopulati sūt insulam. Hinc transgressi in Africam pæne diruere Carthaginem. Ad hæc Bulgari, gens Scythica, Pannoniam, & Thraciam inuaserunt. Nec sedes Imperij, aut ipse Imperator expers periculi fuit. Constantinus quippe cū duos fratres suos imperij consortium affectantes, amputato naso, deformasset, ab Saracenis Byzantijs obsessus, ægrè regiam tutatus est urbem. Qui deinde, illato Bulgaris bello, per imprudentiā, iā victor ignominiosā cladē accepit. Circumsessis hostibus, ipse pedibus æger ad aquas salubres cum comitatu regio tendēs, & suis & hostibus speciem præbuit timoris. Igitur exercitus nullo sequēte capessit fugam. effusè fugientes hostis à tergo adortus occidione

occidit. Et ea clades necessitatem imposuit Augusto, Bulgaris tributa pēdendi, dedecore etiam maiore, quādam damno, Nec diu ipse cladi superstes fuit decessit anno principatus XVII.

Per eadem tempora Abdimelechus in Aegypto extitit, qui primus post Halym atauum suum, Calypa Halys est appellatus. hic Mahometicæ disciplinæ infestus nouam sectam, nouasq; ceremonias condidit. Porro S. Alphonfus, siue Idelphonfus, B. Isidori discipulus, idemque Archiepiscopus Toletanus in Hispania floruit, qui à Deipara Virgine cæleste amiculum desensq; ab Heluidij infania eius virginitatis pretium accepit. Sub id tempus Bamba Gothorum Rex, vir regijs animi, & corporis dotibus clarus in Hispania regnare cæpit, hoc maximè admirandus, quod omnium consensu delatum regnum, non nisi minis ac terroribus coactus accepit. ac deinde multis bellicis operibus inclitus, depositis regijs insignibus, monachum induit, vt expeditam sibi vitam ad regnum cæleste muniret.

IUSTINIANVS II. RHINOTMETVS.

A Christo nato anno DCLXXXVI.

Iustinianus II. cognomento Rhinotmetus, in magna morum, ac fortunæ varietate, intermissum exilio gessit imperium. Primò pius Imperator iusto pariter, ac felici bello Iberos, Albanos, aliasque

que Orientis nationes in suam redegit ditionem. Inde ubi deprauatus ab assentatoribus Sergium Rō. Pontificē suo aduersantē errori appetiuit insidijs, aduerso vsus est diuino Numine. Namque Sclauicis legionibus elatus, rupto perperam fœdere Arabibus bellum intulit. At illi Deo fœderis teste inuocato, tabulasq; fœderis ex alta suspensas præferentes, Cæsari occurrunt; initioq; fugæ à Sclauicis copijs factō, ingentem inferunt cladem. Ergo seu calamitatis magnitudine, seu Præfectorum iniurijs inuisus ciuitati, à Leontio Duce, quem in uinculis habuerat, comprehenditur, nasoque mutilatus (ex quo illi Rhinotmeto cognomen inditum) in Chersonesum relegatur.

Leontius porrò imperium, scelere quæsitū triennio pōst pari scelere amisit. Per tumultum à Tiberio Absimaro captus, naso defecto, in custodiam traditur.

Tiberius Absimarus deinde regnare occepit ipso anno post Christum natū D C C. Inter hæc Abdimelechus Aegypti Calypha, Cōstantinopolitanae turbas suam occasionem ratus, Africam, & Siciliam suæ ditionis fecit. Et Romoaldus Beneuentanus Dux Tarentum, Brundisium, omnemq; circumiectam regionem Græcis ademit. Per idē tempus Aripertus II. Longobardorum Rex Alpes Cottias (regnum olim Cottij Regis in Alpibus fuerat, XII. vrbes continens) Ecclesiæ Rom. donauit, eamque donationem aureis consignatam literis Ioanni VI. Pont. misit.

Iustinianus porrò decennali perfunctus exilio,

Bulgaricis armis recipit imperium, Leontio, Tiberioque iugulatis. Exin illatas ab se Pontifici Rō. iniurias meritis compensare statuit. Igitur Constantinum Pontificem Constantinopolim inuitatum omni honore coluit, ut etiam humi procumbens Augustus oscularetur Pontificis Rōm. pedes. Ceterum Cherſonēſes, Boſphorani quo iniulto bello à Iuſtiniano vexati, Philippi cū exulem ſalutant Imperatorē, qui ipſorum armis Byzantio potitus, ac Iuſtiniano obtrūcato, inuadit Imperiū. Imperauit Iuſtinianus annos omnino XVI. Nec melior in pari cauſa Aritperti Longobardorum Regis exitus fuit. Quippe ingenti ab hoſtibus clade accepta, onuſtus auro in Franciā ad cōtrahenda auxilia properans, in traiectu amnis auro deſtrauatus mergitur. Rex cetero qui prudentia, ſolertiaque inſignis. De nocte urbē regiam mutato luſtrās habitu, quid de ipſo, quid de magiſtratibus, iudicibusque ſentiret populus, explorabat, ſatis gnarus ad Regum aures aditū haudquaquam patere veritati. Ea tēpeſtate, Franciæ Regibus luxui deditis, Pipinus Dux Auſtraſiæ, regio ſāguine ortus, idēq; Magiſter auſe, regiis virtutibus regnum adminiſtrabat.

qui maiores in dies parando opes,
poſteris ſuis ad regni faſtigium
viam fecit, Beda floreſcente
in Britannia.

PHILIPPICVS BAR-
DANES.

A Christo nato anno DC CXI.

Philippicus Bardanes sextam Synodum orthodoxam, quantum in ipso fuit, abrogauit. sed nõ impunè. tertio Imperij anno oppressus, à suis in cõ-
uiuio, & oculis captus exilio multatur.

ANASTASIUS II.

A Christo nato anno DCC XIII.

Anastasius II. siue Arthemius, vt erat vir egregie doctus, piusq; sacra simulachra impensè fouit. Ceterum pio, proboq; Principi Ducum improbitas obfuit. Milites iniuriosius tractati, Theodosio Adramytteno imperium deferunt. Igitur Anastasius perditis rebus, deponit principatus insignia; ac sibi met imperare assuescit monastico habitu sumpto. Par Adramytteni conditio. Primo imperij anno nondum exacto, à Leone Isauro eius Duce captus, & initiatus sacris, quietiorem, quam in imperio vitam egit.

LEO ISAVRVS ICONOMACHVS.

A Christo nato anno DCC XVI.

Leo Isaurus Iconomachus otio ab hostib⁹ fruens cum Deo, Diuisque bellum impium gessit. nam sacrarum cultum imaginum velut ex Ethnicorum errore natum primus adanifus est to-

lere ex orbe Christiano. quæ res ei cognomen Iconomachi dedit. Igitur Christi, Deiparæq; effigies, Iudæis auctoribus, concremauit in foro, minaci edicto proposito in eos, qui sacras asseruarent imagines. Gregorius ergo II. Rom. Pontifex in Concilio Romano decreuit imagines sacras ad iuuandâ imperitæ multitudinis memoriam esse retinendas: ipsum autem Leonem anathemate perculit, popularibus eius sacramento solutis. Cuius decreti fama Romanos, Campanos, Rauennates, & Pentapolitanos à Leonis imperio abruptit. Haud leuiore poena Deus schisma in Hispania vindicauit, quàm Dei Vicarius hæresim in Italia vindicarat. Viciza Visigothorum Rex libidine ardens vxoribus ac pellicibus impleuerat regiam. Igitur, vt liberiore licentia frueretur, Episcopos ac Sacerdotes suo exemplo, edictoquæ primum coniugibus, aut pellicibus irretiuit; inde à Rom. Pontificis, qui talia flagitia laturus non erat, auctoritate semouit. Ergo gens omnis in luxuriam effusa, breui sensit iram vltoris Dei. Saraceni ab Iuliano Comite filiæ ab Rege violatæ probrum vlturo ex Africa accersiti, in Hispaniam traiciunt, ac Roderico Rege acie victo, regionem subigunt anno à Virginis partu ferme DCCXL. Hic Gothici regni exitus in Hispania fuit CCC. circiter anno, quàm cæperat. Alij deinceps Sacramentorum Duces ex Mauritanâ transuecti in Hispanias, Visigothis oppressis rem Gothicam in plura distraxere regna. Astures tamen, Cantabri, ceteræque montanæ gentes communis cladis immu-

munes, etiam alijs perfugium præbuere. Subinde Sardinia quoque à Saracenis subacta. Ceterum hanc iacturam, Germanis ad Christi fidem aggregatis, Gregor. III. Pont. sacris. Qua tempestate Bartholdus Dux Frisonum insigne stultitiæ documentum dedit. Cùm ad Vilfrandum Episcopum baptizandus accederet, sciscitatus ab eo esset apud inferosne, an apud superos, plures essent maiorum suorum. Vbi plures apud inferos cruciatus accepit, *Satius est, inquit, ut plures sequar.* Itaque expers baptismi triduo moriens damnatorum numerum auxit. Insigne dein Rom. Pontificis factum traditur. Gregorius Luitprandum Longobardorum Regem, Vrbe obsessa, suum petentis caput ultro adiit, infestumque hostem adeò dicti & submissione placavit, ut ille supplicis Pontificis Rom. verecundia, sese ad eius prosterneret pedes. Itaque Apostolorum corpora veneratus sine ulli maleficio reducit exercitum. Per eadem tempora Carolus Martellus Pipini Magistri aulae filius paterno titulo non contentus Franciæ Princeps et appellatus. & nouum titulum nobilis subinde victoria decorauit. Ingentem Saracenorum manu ex Hispania in Aquitaniam Eudonis Ducis accessu transgressam incredibili cede prostrauit. Fama est vno prælio ad CCCLXX. hostium millia caesa. Hæc inter Gregorius III. tertio Romæ Concilio pro sacris imaginibus habito, Leoni Iconomacho abrogauit imperium. Ergo Luitprandus à vacui spem imperij erectus, urbem obsidet, Romæ Imperij titulos à Pontifice expressurus. Sed inca-

sum spes visque omnis cecidit. Carolus Martellus à Gregorio est imploratus. Luitprandus Martelli denunciatione ab incepto deterritus. Inde Martellus liberatæ obsidione Urbis titulo nitens Athimū, & Amorrheum Saracenorum Reges, Franciæ fines ingressos, ingenti clade illata repulit. Et Pelagius Comitis Cantabri filius, vir impiger iuxta, ac pius, vnicum afflictæ Hispaniæ auxilium, ex Cantabriæ latebris emersus, Astures ad spem libertatis erexit. Collecta igitur Asturum manu, diuino fauente Numine, ingentes Saracenorum edidit strages; Rex appellatus Asturiæ regnum instituit. Huius deinde gener, heresque Alfonsus cognomento Catholicus, fuit eximia religione, cultuque templorum, qui à Recaredo Gothorum Rege prognatus. hic, prolatis finibus, Galleciæ regno initium fecit: in Asturia Legionem urbem de barbaris recepit. quæ urbs regia deinde fuit, ac sedes Regum, qui ex eo Legionenses sunt appellati. At Abathamini Calypa Abdimelechi nepos, Aegypto subacta, Cærem urbem regiam (Cayrum vocamus) ubi Memphis olim fuerat, condidit: Idemque primus Aegypti Calypa est appellatus. ex quo tempore Calyphe duo, alter Baldacensis, alter Aegyptius esse coeperunt. Subinde Leo Iconomachus mortalibus iuxta, & immortalibus, infestus, inuisusque XXV. tyrannidis suæ anno, ex intestinorum dolore deperiit. Qui hoc perniciosior fuit, quod Cōstantinum filium patre deteriore reliquit heredem. Dispari omnino euenit Carolus Martellus eodem anno decedens, Caroloma-

• Iornano, & Pipino filijs legauit regimen Franciæ.

CONSTANTINVS V. CO-
PRONYMVS.

A Christo nato anno DCCXLI.

Constantinus V. Copronymus ex eo dictus, quod infans dum sacra ablueretur aqua, lauarum stercore inquinaret, sacra omnia (quod Patriarcha prædixerat) polluit. Is bimus coronatus (qua etiam ex causa Porphyrogeniti nomen, quod primus tulit, ei conuenit) & in societatem imperij impietatisque adscitus à patre, non Diuorum templis, non sacris reliquijs, non B. Mariæ virginitati pepercit. Horret animus ea prodere litteris, quæ de illius nefaria improbitate Græci scriptores memoriæ prodidere. Eadem tempestate Zachariæ Pontificis eximia virtus enituit. Rachis Longobardorum Rex Perusiam oppugnabat. Ad eum Zacharias in castra venit, cælestis Numinis, si pergat, intentans iram. Itaque ille subita religione perfusus obsidionem soluit, ac protinus Romam progressus se cum vxore, ac filia consecrat Deo. Ipse Benedictino habitu ab ipso Pontifice indutus Cassinum recipit se, clarior spreto regno, quam gesto. Valuit fortassis apud Rachim recens Carolomani exemplum. Is quippe Caroli Martelli filius atque heres, paterni exitij (vt ferunt) denunciatione, ostentoque commotus Cassinati disciplinæ se addixerat, magnarumque dabat documenta virtutum. Zacharias porrò, Chilperici Franciæ Regis ignauia damnata, Pipinum Martelli

telli filium, Francis proceribus approbantibus, Regem appellat. Chilpericus regno exutus quietam in cœnobio vitam egit. Per idem tempus Aistulphus, cui Rachis frater Longobardiæ regnum legauerat, Rauenna potitus, cetera Exarchatus oppida, ac Pentapolim in suam ditionem redegit. Hic finis instituti ab Narsete Exarchatus fuit. Aistulphus ergo successu elatus, in Pontificiam ditionem populabundus irrumpit, extrema minitans Romanis, nisi se, suaque dedant. Itaque Stephanus III. Pontifex (secundum vulgo numerant, ob breuitatem Pontificatus præterito, qui verè secundus fuit) ad Pipinum Regem contendit in Galliam, petiturus auxilium. Nunquam aliàs ante maior Romani Pontificis maiestas visa. Venienti Pontifici ad tripassuum millia processit obuiam Rex. Repentè ad Pontificis conspectum desiluit equo, cumque procumbens cum coniuge, liberis, ac regni proceribus excipit, cuncto populo cum canticis occurrente, & ipse Rex equi Pontificij frenum tenens, cum deducit ad regiam. Subinde Pipinus transgressus Alpes Aistulphum bello petit: acie victum, Papięque circumfessum tandem perpulit, vt Exarchatum (nunc Romanā dicitur) & Pentapolim, quę Anconam, & quatuor alias Piceni vrbes continebat, Pontifici traderet. Inde in Galliam regressus Aquitaniam, & Vasconiam subigit: auctum Francię regnum Carolo filio legat. Aistulpho interim extincto, Desiderius Dux Tuscię successerat. qui regni proferendi auidus Romanam ditionem inuasit. Adrianus tum Rom. Pontifex erat. Qui exper-

tam

tam Franci Regis implorauit fidem. Carolus ergo Desiderium res ablatas Pontifici restituere abnuentem commisso prælio fundit, fugatque. Papiæ deinde obsessum, malisque domitum in deditio- nem accipit. Ita Rex dominandi auidus, regnum augere moliens amisit, nobilior ad posteros Longobardico regno perdit, quàm Alboinus inchoato. Stetit id regnum annos circiter CCXX. Carolus victoria ingens Romam profectus, cunctis Romanorum Ordinibus obuiam effusis, cum ingenti significatione lætitiæ excipitur. Ingressus urbem pedibus ad Apostoli Petri ædem venit, ubi eum Pontifex præstolabatur cum Patribus sedens. Congressus eorum ingentem speciem Pontificiæ maiestatis apud Romanos, Gallosque fecit. Quippe Rex dum complexu à Pontifice excipitur, venerabundus eius osculatus est pedes. Inde Pipini patris donationem sanxisse non contentus, eam munificè cumulat, Corsica, Sardinia, Sicilia, ducatu Spoletano, Tuscoque adiectis. Ceterùm Italiæ partem, quam Longobardi tenuerant, retinet sibi id Regnum Italiæ appellatum. Eodem tempore & Pontificia maiestas in Occidente, & in Oriente catholica religio illustrata. Dum Copronymus, quasi indicto bello, Diuos, Catholicosque persequitur, còplures Martyres fecit. Est Berythi (vrbs est Syriæ haud ignobilis) Christi crucifixi effigies ab Iudæis per ludibrium acta in crucem, effuso salubri cruore, tanti sceleris conuertit auctores. Copronymus porro cum de Bulgaris triumphasset, adeò ardenti correptus est feбри, vt se viuum coniectum

iectum in flammās clāmitaret. Deceſſit, cū imperaſſet poſt obitum patris annos XXXV. Idcirco illi prorogatum imperium credas, vt ſanctarum honor imaginum, plurimorum teſtium, ſanguine ſanciretur. Tradit quippe plures ab eo Catholicos martyrio affectos, quā ab vllō ethnico tyranno Chriſtianos.

LEO IV. PORPHYRO- GENITVS.

A Chriſto nato anno DCCCLXXVI.

Leo IV. Porphyrogenitus & ipſe dictus, vel à natali cubiculo, cui nomen eſſet purpura, vel quòd ipſe quoq; à patre adhuc infantulus aſcitus eſſet in ſocietatem Imperij. Itaq; à puero cum patre, inde ſolus, demum cum filio imperitauit, mali corui, vt dicitur, malum ouum. Quippe patris exemplo ſanctarum imaginum cultores indignis vexauit modis. Ceterum V. tyrannidis ſux anno, manifeſtas diuino Numini pœnas dedit. Nam cū coronam auream gemmis inſignem ex æde S. Sophiæ ſublatam capiti impoſuiſſet ſuo, ſtatim peſtifera correptus febris miſerè abſumitur. Ac ne dubia morbi cauſa foret, in eius capite carbunculi extiterunt. At Carolus Rex Franciæ proferendæ religionis auidus Saxones ſubinde rebellantes armis domitos ad Chriſti ouile compellere inſtitit.

IRE.

IRENE.

CONSTANTINVS PORPHYRO-
GENITVS.*A Christo nato anno D C C L X X I.*

IRene Augusta Leonis vxor virili animo, & consilio mulier, primò cum Constantino Porphyrogenito filio suo imperauit: inde regimine amota, cum filij flagitia ferre non posset, adnitentibus legionibus, imperio potitur. Constantinus in oculos procerum sæuiens, orbatus est oculis, & in custodiam traditus. Atque vt manifesta esset Dei ultoris ira, ille ipse dies fuit anni vertentis, quo ipse oculos effoderat patruo. Ex eo tempore religio in Oriente tollere oculos visa, Irene sacra refovente. Hæc inter Carolus bello in Hispaniam translato, Saracenos magnis afflixit cladibus. Inde Germaniam, Daciam, ipsamque Angliam (si Reginoni, & alijs credimus) subegit. Inde ad opera pacis versus magnificentissimum Aquisgranæ templum condidit, ornauitque, & Adriani Pontificis per id tempus demortui sepulchrum carminibus decorauit. Exin Leo III. Pontifex à primoribus Rom. ciuitatis iniuriosè tractatus ad Carolum, vnicum auxilium, contendit in Galliàm. Solènni Francorum ritu exceptus, haud ægrè eum perpulit, vt Romam ad res componendas tenderet. Ceterùm cum Rex in concilio Episcoporum cōsedisset,

sedisset, de criminibus Leoni obiectis cogniturus, confurgentes Episcopi succlamarunt, *Rom. Pontificem à nullo mortalium iudicari.* Quæ vox ad eod regium perculit pectus, ut protinus incepto desisteret. Leo tamen non suprema magis potestate, quam innocentia tutus egregiè purgavit sese, superos, Deumque contestans. Itaque Rex violatores Pontificis, ipso extremum supplicium deprecante, multat exilio. Pontifex ergo illustra in Ecclesiam Rom. Caroli merita remunerans ipso anno DCCC. natali Christi die, cum Imperatorem appellat, tutela Ecclesiæ eidem tradita.

Ita Rom. Imperium, ob destitutum à Græco Imperatore Ecclesiæ patrocini-
um, peruenit ad Fran-
cos.





HORATII
TVRSELLINI,
E SOCIETATE
IESV,

EPITOMÆ
HISTORIARVM
à Mundo condito

LIBER VII.

CAROLVS MAGNVS.

A Christo nato anno DCCC.

CArolus Magnus primus è gente Fræcorum ingenti vel sua, vel gentis laude Imperium Occidentis obtinuit. Ac primum Irenes Augustæ nuptias ambire cœpit, vires Orientis Rom. Imperio adiecturus. Ceterum cum, foedere icto, de connubio per legatos ageretur, Nicephorus Patritius indignû ratus omnia ad Latinurn Augustum vergere, rem turbauit; tumultuque per eam occasionem Byzantij concitato, Irenem comprehendit; eaque in Lesbum relegata, ipse vacuum inuadit imperiû. Mox legatis ad Carolum destinatis, pacé cum eo, foedusq; renouat, vt alter Orientis, alter Occidentis, Augusti, fratresq; inter se eissent. Quicquid Italiæ hinc à Neapoli, inde à Siponto in mare procurrat, cum

M

suis

suis è regione insulis, ad Græcum, reliqua pars ad
 Latinum Imperatorem pertineret. Foederis con-
 ditionibus adiectum, vt Venetiæ liberæ ab utroq;
 imperio, & immunes forent. Ea vrbs ante annum
 ferme CCCL. in Adriatici sinus paludibus incho-
 ata, paulatim ingentibus auctibus creuerat inco-
 larum, opumque. Ceterum eodem anno intestina
 Venetorum discordia, Ioanne Duce exacto, tur-
 bavit Remp. & Francica irritauit arma. Ioannē Ni-
 cephorus Græcus Imperator per vim restitue-
 parabatur. Itaque Obelerio Tribuno, ac Venetis,
 Caroli iussu, Pipinus subsidio venit. Qui vt O-
 belerium, quod Francis studeret, ab vrbe exactum
 vidit; in ipsos Venetos arma conuertit. Ergo terra,
 marique Venetias aggressus Metamaucum, quæ tu-
 Ducum sedes erat, occupat. Inde Riuum altum,
 quò ciues cum Beato Duce confugerant, in tribus
 ac ratibus haud sanè feliciter tentauit. ita multis
 Francorum millibus, quæ locorum iniquitate,
 quæ vadorum fraude amissis, Rauennam re-
 migravit inglorius. Nec ita multo post, Romo-
 aldo Beneuenti Duce domito, cessit è vita Bernar-
 do filio superstite. Hæc inter Carolus Floren-
 tiam restituit. exin duodecim Pares Franciæ in-
 stituit. Parisiense excitauit Gymnasium. Huius
 Papiensem Academiam adiecit, Bononiensem
 quasi vetustate prolapsam restituit, non min-
 Musarum, quàm Martis alumnus, fautorque. Ce-
 terum noua res maturæ iam eius gloriæ aliquid in-
 posuit labis. Alphonso Galliciæ Regis (cui Casti-
 lia

haud ex falso cognomen fuit Jrogatu , in Hispa-
 niam traduxerat copias . Ibi aduersus Massillum
 Maurorum Regem recentem ex Africa bellum fe-
 liciter gesserat. Victorem inde reducens exercitū
 in descensu Pyrenei montis Vasconum insidijs ex-
 ceptus nobilem accipit cladem. Nō alius locus Frā-
 corum strage celebratior . Roncauallis appella-
 tur Rollandi , aliorumque Francorum procerum
 cæde insignis. Sub eam expeditionem Turpinus
 Rhemenlis Episcopus decessit , Poetæ, quàm hi-
 storico propior , idemque Caroli in. bellis co-
 mes . At Carolus se viribus destitui sentiens , sa-
 crarum litterarum , sanctorumque Patrum lectio-
 ni deditus, anno imperij sui XIV. excessit rebus
 humanis , vir bello, ac pace sumus, iustitię, religio-
 nis, litterarum cultor eximius, & cum Cōstantino
 Magno utique comparāndus. cuius etiam testa-
 mentum memorabile. Quicquid in thesauris fuit,
 pauperibus, sacrisque ædibus legatum. Ludouicus
 filius Imperij heres, Bernardus nepos Italia Rex de-
 claratus. Et Caroli ætas non Ducibus solum, sed et-
 iam doctis viris floruit. Paulus Diaconus historicus,
 Haymo, Rabanus, O Ecumenius, Suidas , Theo-
 phylactus, & Alcuinus Caroli Augusti doctor per
 id tempus illustres fuere. . Quin ex Gymnasijs ab
 illo institutis magna subinde leges extitit hominū
 doctissimorum . Auxit quoque Caroli famam
 Græcorum Imperatorum infamia, Nicephorus Lo-
 potheta eius æqualis fuit, homo improbitate ac per-
 idia insignis, & hiante semper avaritia infamis.
 Nam pluribus thesauris per fraudem potitus,

nouas coaceruandæ pecuniæ excogitauit vias. Quicumq; è tenui read magnas opes peruenissent, hos thesauros inuenisse criminans, fortunis omnibus exuebat. Dum ille urbem regiam his artibus populatur, Saraceni Asiæ reliquias, Bulgari Thraciam populationibus vexare cœperunt. Itaque pace à Saracenis auro redempta in Bulgaros exercitum ducit, configit, victos exuit castris. sed victorem securitas vicit. Ab re bene gesta inflatus Augustus omnes conditiones pacis repudiabat. Igitur Crumus (Chrunnum alij vocant) Bulgarorum Dux, desperatione audaciam stimulante, noctu ex improviso castra Græcorum aggreditur, ingentique edita hostium strage, Nicephorum ipsum obtruncat IX. iam imperantem annū, & Augusti caput stipiti infixum, diu spectaculo, ludibrioq; barbaris fuit. insigne insolentis victoriæ documentum.

Nicephoro Stauratius filius annuus Imperator, huic Michael Curopalata suffectus vir penitus à Nicephoro diuersus. Principatu inito nihil prius habuit, quàm vt spoliatis à Nicephoro bona redderet. Sed pace, quàm bello melior extitit. A Leone Armenio copiarum Præfecto proditus, bello Bulgarico exercitum amisit. Itaque Leo præpollens opibus à suis legionibus Imperator salutatur. Et Michael imperij minimè tenax, insignibus vltro Leoni missis, altero imperij anno fit Monachus, vir vtique monasterio, quàm imperio aprior.

Leo Armenius exinde imperare cœpit. Is prælio

lio cum Bulgaris commisso, diis factisque inclinantem erexit aciem. Itaque victoria parta de Bulgaris triumphauit. Nec bellicis solum, sed ciuilibus etiam artibus prestitit. Magistratus omnes, delectu ex optimis viris habito, defererebat, nullo relicto loco pecuniae, gratiaeue. Ceterum Iconomachorum deinde errore implicatus, & superum, & mortalium odia incurrit.

LVDOVICVS PIVS.

A Christo nato anno D CCCXIV.

Ludouicus Pius Caroli patris æmulator nihil potius habuit, quam ut præberet se patronum Ecclesiae. Itaque Romanos Leoni Pontifici insidiantes per Bernardum Italiae Regem coercuit. Stephanum inde V. Pont. ad se in Galliam venientem quanto maximo potuit honore excepit, auitique instituti magis, quam suae Maiestatis memor insidentem equo Pontificem Augustus ipse pedes in regiam introduxit urbem. Et Stephanus eum rite inunctum coronatumque appellauit Augustum. Ludouicus porro subliciae porticus, qua transibat, subita ruina mortalitatis admonitus, Lothario filio natu maximo imperium, ac regnum Franciae legat. Pipinum Aquitaniae, Ludouicum Bauariae constituit Reges. Ius confirmandi Rom. Pontifices Carolo ab Adriano, ut quidam volunt, datum remisit, & paternam auitamque donationem explicauit, sanxitque. Extat diploma

imperatorium Ludouici . Ceterum fama de diuisione regnorum , Francorumque procerum fauor Bernardum Italiæ Regem ad regnum Franciæ sibi armis vindicandum erexit. Sed impium bellum non maiore animo , quàm consilio gessit. Nam ingenti Ludouici exercitu conterritus ante pugnam patruo tradidit se. Hunc igitur ille à iudicibus capite damnatum , luminibus orbari sat habuit, regnoque exutum Italiæ in ordinem coegit. At Arioldus Daniæ Rex cum coniuge , liberis, & Danica nobilitate Moguntia baptizatus à Pio Imperatore velut auctoramentum religionis, Frisiam accepit.

Per idem tempus Leo Armenius Græcus Imperator impius (quippe factis imaginibus bellum integrauerat) mira quadam ratione vitam cum imperio amisit. Ipso natali Christi die, de Michael Balbo Maiestatis reo sumpturus suppliciū, deprecate Augusta, distulit poenam, quæ in ipsum vertit. Nocte insequenti Balbus è carcere elapsus, custodis opera contrahit veterum coniuratorum manum. Cum his sub monachorum habitu ficas feretibus, Imperatorem in Symphonicorum choro canentem interficit imperij anno VIII.

Balbus adhuc compeditus (clauis quippe compeditum non comparebat) Imperator salutatur. Qui Constantini Copronymi æmulator Episcopos sacrarum patronos imaginum, quæ exilio, quæ morte multauit. Ceteroquin Augustus ille Græcus non balbus solum, sed etiam bardus fuit. Iuuentorum ingenia, atque indolem nosse sibi pulchrū
ratus

ratus, tardissimo ipso ingenio erat, rudisq; penitus litterarū. Proinde ne pueros se doctiores cerneret, erudiri eos literis vetuit.

Saraceni interim Cretā, & Siciliam occuparunt. Ludouicus autem Augustus Pannoniæ Rege domito Lotharium filium Italiæ Regem destinauit. Is igitur Modoetiæ ab Archiepiscopo Mediolanensi Rex Italiæ ritè appellatus, Romæ à Pascali Pont. Imperatoris ornaturs insignibus. Subinde Ludouicus Britannis Franciæ incolis debellatis Rhotomagi legatos Balbi Græci Imperatoris audiuit pacem petentes, & de sacris imaginibus consulentes. At ille pace data ad Rom. Pontificem (is tum erat Eugenius II.) eos reiecit, sed frustra. Itaque haud ita multo post Balbus incesto sacre Virginis coniugio potitus phrenesi, & intestino viscerum dolore, periit anno post inuasum imperiū IX.

Huius heres Theophilus Iconomachus impietate certans cum patre, sacras imagines pingi vetuit omnino. Earum loco pecudum, auiumque simulacra reponi iussit. quæ lex magnam pijs hominibus, pictoribusque procellam concitauit in Oriente.

Et in Occidente Pipini Aquitaniæ Regis odium aduersus Iuditham nouercam in nefarium facinus erupit. Fratrum quippe ope, operaq; Ludouicum Augustum patrem dolo comprehensum abdicare coegit imperium. Ceterum Germanorum procerum fauore dimissus Ludouicus in pristinum restituitur gradum. Haud facile aliàs magis paternæ erga impios filios clementiæ extitit. Pipinum,

Lotharium impunè vlcisci cùm posset, errati veniam petentes bona fide recepit in gratiam. Pipino ex inde mortuo, Carolum ex Iuditha genitū Aquitanię Regem dedit. Ad extremum prodigio. sa Solis defectio tantum eius animo mœroris incussit, vt consecuto mœrorem morbo, supremum obierit diem anno imperij sui XXVIII. Ludouici mortem trium filiorum de paternis regnis certamen excepit. Igitur post accisas ciuili bello Francię vires pax denique ita conuenit, vt Lothario Imperij & Italia, Carolo Francia, Ludouico Germaniæ regnum cederet.

Per eadem tempora Euechus, siue Ennicus vir bello asper, ex quo Aristæ cognomē traxit, cùm ex Pyreneis iugis in Nauarræ plana descendisset, multa aduersus Saracenos prælia secunda fecit. Itaque belli operibus ingens, primus Nauarræ Rex est appellatus. Huic Garfias Ennicus successit, non paterna gloria, quàm sua virtute clarior. cuius filius, ac successor Sanctius Garfia multis Cantabrię oppidis, ipsaque Pompelona de Barbaris recepta, Nauarræ regnum propagauit. Huius intentum proditur calcei ex crudis corijs (*Abarcas* Hispani vocant) quibus ipse adeò est delectatus, vt ex eo Abarca diceretur. Itaque eiusmodi calceis milites insignes habuit (tantum apud populum Regis exemplum valet) quorum egregia virtute Pompeionam à barbaris summa hyeme obsessam, per obsita niuibz, & concreta glacie loca transgressus, obsidione exemit. Raymirus autem Rex Legionis Iacobi Apostoli specie in somnis oblata, egre-

giam

giam de Saracenis victoriam retulit. eo prælio Apostolus ex equo candido, cum vexillo rubra cruce insigni pro Hispanis pugnans in acie conspectus est. Ex quo Ordinem militiæ S. Iacobi institutum auctor est Didacus Valera : quem Ordinem anno MCLXXX. inchoatum scribit Volaterranus. Eadem tempestate Rabanus, & Annonius seu potius Aimoinus historicus floruerunt.

LOTHARIUS.

A Christo nato anno DCCCXLI.

Lotharius Augustus Austrasiam regionem, quæ sibi in Francia reseruauit, à suo nomine Lotharingiam appellauit. Inde Ludouicum filium regem Italiæ declaratum, consortem sibi adiungit imperij. Ceterum Lotharij principatus magnis Christiani orbis cladibus insignis fuit. Saraceni oram Italiæ depopulati vexarunt Apuliam, Anconam diripuerunt, Barium occuparunt. Vnde crebris excursionibus Apuliam, Calabriam, Campaniam infestam habuere, compluribus oppidis in suam ditionem reductis.

Par Saracenorum tempestas peruasit Armeniam, & Theophilus Græcus Imp. motore delectæ à barbaris patriæ suæ consumptus interiit anno imperij XII.

Exin Michael Porphyrogenitus adhuc infans, Theophili filius, cum Theodora matre imperitauit. At Theodora Augusta tota à viro diuer-

sa sacras imagines, quas etiam illo viuo impensè collerat, ex templo restituit. Iuuit etiā imaginū causā salus Manueli tutori Imperatoris iam moribundo, si sacris imaginibus faueret, à monacho quodā promissa, & fauenti diuinitus reddita. Porro Bulgarorum Regi bellum inferenti denunciauit Augusta semet illi cum exercitu obuiam ituram. Proinde videret ipse quid ageret, cui nec feminam vincere gloriosum foret, & à femina vinci turpissimum. Ea vox barbarum Regem à belli consiliis auertit. Qui deinde morbo, ac malis domesticis afflictus sororis (hæc apud Theodoram Augustam captiua Christianè educata fuerat) admonitu Christū inuocauit; cuius ope malis repente discussis Christiana sacra cum vniuersa Bulgarorum gente suscepit. Eodem ferme tempore Marci Euangelistæ corpus ab Iustiniano Duce Venetias translatum præsidio esse cœpit vrbi iam opibus præpollenti.

At Ludouicus Cæsar Romam profectus aui exemplo osculum Sergij II. Pontificis obtulit pedi. Itaque ab eo accepit insignia, & nomen Augusti. Saraceni subinde successibus elati traiecerunt in Latium. Ab his Apostolorum Petri, & Pauli suburbanæ basilicæ spoliata. Latium omne depopulatum. Peruastata inde Campania, Tarentum direptum. Super hæc Veneta, & Constantinopolitana classis, quæ barbaris occurrerat, cum clade ingenti repulsa, vt facillè appareret illam non tam barbariæ vim esse, quàm iram diuini Numinis. Sed tandem cælestis ira recidit in iræ ministros. Onusti præda domum, repetentes, fœda tempestate co-

orta,

orta, pariter cum præda obruuntur fluctibus. Paucis interiectis annis alia Saracenorum manus in Latium transmisit ea mente, ut ipsam orbis terræ arcem diriperet Romam. Ceterum Leo IV. Rom. Pontifex tribus classibus, Neapolitana, Amalphetana, Caietanaq; quæ urbi subsidio venerat, fretus, Romanas copias nulla re magis, quam diuinis mysterijs armatas emittit in barbaros, & pij, pieq; administrati belli felix exitus fuit. Nauali pugna Saracenus ad Ostiam superatus, & insignis est relata victoria, quæ Populo Rom. antiquam naualis triumphi speciem præbuit. Inde Leo IV. Pont. S. Petri ædem, reſectis argenteis valuis, quas Saracenus abstulerat, magnificè exornat, atque ut in posterum tuta ab incursionibus foret, circumdat mœnibus. Noua vrbs Leonina conditoris nomine appellata. Fuit idem Pontifex etiam miraculis clarus, cuius sanctitatis fama Adeolphum, siue Adilulphum Angliæ Regem Romam exciuit. Is benignè exceptus à Pontifice Angliam vectigalem Rom. Ecclesiæ fecit argenteo nummo in singulas familias imposito, qui B. Petri nummus etiã nostra memoria dicebatur. Lotharius porrò Augustus controuersie tollendæ causa Beneuentanum ducatum ita diuisit, ut Adelgisus Beneuenti, Siconolphus Salerni, & Capuæ Principes essent: quæ Salernitani & Capuani principatus fuere primordia. At Lotharius ipse cum post decessum Ludouici patris, annos XV. imperasset, rerum humanarum pertæsus abdicauit se imperio, & in Prumiensi Monasterio dicauit se Deo, nobilior deposito principatu, quam

quàm administrato. Paterna hereditas ita liberis diuisa. Imperium cum regno Italiæ penes Ludouicum stirpis maximum mansit. Carolo Prouincia, & altera Burgundia; Lothario Burgundia altera cum Lotharingia celsit. Sunt qui ab Lothario Rege Lotharingiam appellatam velint. Per idem tempus Ado Episcopus Viennensis historicus floruit.

LVDOVICVS II

A Christo nato anno DCCCLVI.

LVdouicus II. Imp. auitæ in Pontificem obseruantia hæud parum memor, Nicolao Pontifici ad se in castra tendenti obuiam progressus, Pontificalem freno deduxit equum. Ab eodem Pontifice libido notata Lotharii Regis, qui cõiuge repudiata, pellicem duxerat. Et Rex cum proceribus Lotharingiæ, Romam sui purgandi causa profectus in mendacio exitium inuenit. Nam cum ipse, ac proceres apud Pontificem mentiti, ad sacram Eucharistiæ mensam accessissent; omnes intra finem vertentis anni varijs casibus sunt extincti. Inter hæc dominandi cupido turbauit Italiam. Adelgis Beneuentanus Princeps Sedoanum Saracenorum Bariensium Ducem in Capuanum Principem incitarat. Igitur Barbarus populabundo exercitu Campanum agrum ingressus, obuias Christianorum copias fundit. Inde victoria elatus magnam Campaniæ partem popularur. Venafrum etiam subi-

subigit. Et alij subinde Saraceni prædæ dulcedine illecti, Apuliam, Calabriumque occuparunt. Itaque Ludouicus Augustus exercitum in Saracenū ducit. Capuam, cuius perfidiam expertus erat, victam magna delet ex parte. Ceterum Barium Saracenorum arcem summa ope oppugnare adortus, tandem irritò incepto recessit.

Nec verò Saracenis Italiam vrentibus, Orientis imperium ab hac peste intactum fuit. Michael Porphyrogenitus, matre, ac tutoribus regimine amotis, Barda auunculo auctore, totum se ludis, ac nequitiae dederat. Tandem Saracenis proxima regiae vrbi loca populantibus, presenti tandem periculo excitus occurrit hosti. Sed delicatus Imperator sine magno certamine victus castris exiit, ludo videlicet, quàm bello aptior. Exin Bardam, proditoris compertum per Basilium Macedonum Ducem interficit. Basilium in computatione temulentus socium adsciscit imperij. Qui deinde in conuiuio imperium remigi à Michaelē delatum egrè patiens, Augusto super mensam obtruncato, sibi imperium vindicat.

Huius deinde classe subnixus Ludouicus Romanus Imp. Barium terra, marique oppugnare institit. Tandem anno quarto vrbs capta. Sedoanus ipse in Francorum potestatem redactus. Ceterum Ludouici nimia facilitas in victoria bellum instaurauit. Barbarus ab eo dimissus, accitis nouis ex Africa copijs, Capuam, aliaque finitima oppida suæ ditionis fecit. Ergo Ludouicus ira furens in perfidum hostem agmen citatum rapit. Cetera oppida

pida haud magno negotio recepta. Capua vix tandem fame domita in deditiōnem venit. Eadem tēpestate Syracusas à Saracenis captas auctor est Cedrenus. Ludouicus porrò, Saracenis Cāpania expulsi, Beneuenti ab securitate, magnum adiit vitę, famęq; discrimin. Adelgisus Beneuenti Princeps cū subdola oratione persuasisset Augusto, vt exercitum dimitteret, Prætorium à præsidio nudum armis, atq; igni oppugnare institit. Itaque Augustū sacramento adigit, nunquam se in posterum Beneuenti fines ingressurum, neque eam iniuriam vlturum. At Ludouicus Romę iureiurando à Pontifice absolutus Adelgisum bello illato exegit Italia. Paucis interiectis annis Ludouicus Mediolani moritur, anno principatus X X. nulla virili stirpe relicta. Quę fama patruos eius Carolum Caluum Frācię, & Ludouicum Germanię Reges ad imperij certamen accendit. Ceterum Ioannis VIII. Pontificis Rom. prudētia, & auctoritate oriens incendium restinctum est. Contentio ab armis ad ius reuocata, coactoq; Episcoporum concilio imperium Carolo Caluo Ludouici Augusti patruo omnium consensu datum. Per eadem tempora Sclauī Dalmatię incolę cum Sueropilo Rege ad Christum adiuncti. Hungari, Bulgariq; ad Christi fidem à Rege traducti; qui monachus factus vbi sensit à Trebellio filio regnum ad Deorum cultum reuocari, coacto exercitu filium bello victum capit, & effosis oculis in custodiam coniicit, regnūque minori filio administrandum tradit, Christiana religione salua.

CAROLVS CALVVS.

A Chrifto nato anno D. C. C. C. L. X. X. V. I.

CAROLVS Calvus Magni nepos, à Ioanne VIII. Romę Augustus ritę appellatus, Pontificem ingentibus coluit donis. Sunt qui Ioannem VIII. feminam fuisse fabulentur. Quod falſo creditum veri locum apud imperitum vulgus obtinuit, ſive maliebris Pontificis facies, ſive effeminatus interdum vigor fabulę dederit locum. Calvus porro Berengarium Forquuliensibus, Vidonem Spoletanis Duces dedit, magnarum Italię barbararum auctores futuros. Ipſe autem Augustus bello parum prudens, felixque habitus. Carolus Craſſus Ludouici Germanię Regis filius arma Franciſ inferebat, huic Calvus cum exercitu improuide occurrit: militemque vigilijs, nocturnoque itinere atque imbri fatigatum obiecit hoſti. Itaque ſine certamine victus, amiſſo exercitu fugit. Nobiliſſimus quiſque Francorum captus. ſed clementer exercitata victoria. captiui indulgenter habiti, gratiſq; dimiſi. Quę res Craſſo in præſentia decori, inde etiam emolumento fuit. Exin Calvus Normannos Franciameſuſe populantes non armis, ſed donis reſpreſſit. Ingens ſubinde Romę exitit motus. Ioannes Pont. Romanorum procerum conſpiratione comperta, Formoſum Portuenſem Episcopum, & coniuratos ſolemni ignominia notauit. Ceterũ domeſticas inſidias externa vis excepit. Saraceni, qui Tarentũ tenebant, Salernitanos, Amalphi-

phitanos, Neapolitanosque perpulere, vt Romanam inuaderent ditionem. Et aduentantis cum exercitu Imperatoris opem intempestiua mors auertit. Iam Caluus, quod præter Francorum Principum morem diademate, ceteroque habitu augustior incederet, cœperat esse proceribus inuisus. Itaque Mantuæ per morbi occasionem Sedechiæ Iudæi medici fraude extinctus, documento fuit, quàm tutò Christianorum salus. Iudæis credatur medicis. Imperauit annos II. Inter quæ Latium impune à scederatis hostibus populatum. Maius etiam in Campania damnum acceptum. Docibilis Dux Caietanus prælio victus à Saracenis, Garilianum oppidum efferatis concessit hostibus. ex quo multa, grauiaque in Romanam ditionem mala fluxere.

LVDOVICVS BALBUS.

A Christo nato anno DCCCLXXVIII.

LVdouicus Balbus Calui filius, & heres Ioannem VIII. Pont. ad se venientem Lugduni honorificè excepit more maiorum. Itaque ab eo vicissim Augusti insignibus, ac titulis decoratur. Ceterum graui diutinoque implicitus morbo, Imperator nullus fuit. Igitur regio ornata ad Ludouicum filium misso, eum Franciæ Regem appellat. ipse decessit anno imperij sui II.

Iisdem ferme temporibus insignis iustitia, ac religio Basilij Macedonis Græci Imperatoris enituit.

tuit. Is quippe magistratus integerrimis mandabat viris maximeque ab ambitione alienis. & ipse quoties vacaret, iudicijs aderat, præconibus per urbem circummissis, qui denuntiarent adesse Augustum eiusope, aut opera vti volentibus. In summa caritate annonæ apertis publicis horreis cum maximo fisci detrimento populi inopiam leuauit. Nec facile alius plura templa vel instaurauit, vel condidit. Iudæorum complures etiam pecunia ad Christi sacra pellexit. Barbarorum quoque ingentem vim, in his Russos, ad veram traduxit religionē, misso ad eos egregiæ sanctitatis Episcopo. Igitur propitio Deo bella contra Saracenos feliciter per duces gessit. Ameras Saracenorum Rex cum exercitu cæsus, Cretensium classis oppressa: Tarentum de Saraceno receptum.

CAROLVS CRASSVS.

A Christo nato anno DCCCLXXX.

Carolus Crassus Germaniæ Rex Ioannis VIII. Pontificis accersitu in Italiam venit, ab eoque imperij insignia accepit, vt vnus Pontifex (quod nemini præterea contigit) tres crearet Augustos. Nec defuit Crasso materia virtutis, & gloriæ, Normannos gentem è Scandia, Franciam populantes acie vicit, victos non tam in suam, quam in Christi redegit ditionem. Gothofredus Rex cum tota gente Christianus factus, regio in Francia Norma-

N

mannis

innis data, quæ deinde Normannia fuit. Atroces
inceps duorum Principum inter venationes ca-
produntur: Carolomanus Rex Franciæ ex apri-
ilnere obiit. Basilius Imp, Græcus cerui cornibus
insossus, effusis intestinis, efflauit animam anno
perij sui XX. Miserior etiam Craffi Augusti
itus fuit. Nam cum corpore simul, & animo
nguere cœpisset; à Germanis regio nomine ex-
us, & nouo exemplo patruus fratris filio Ar-
lpho in tutelam datus; sic vt Augustus ab eo vi-
um emendicaret. tantumquæ ex tam insigni
ntumelia mœroris hausit, vt haud ita multò
st migrarit è vita anno XII. quàm impera-
cœperat. vir tribus regnis Germaniæ, Galliæ,
aliæ, & Imperij titulis (quod præter Carolum
lagnum, & Ludouicum Pium nemini contigit)
arus, si parta regna, maiestatemque regiam æ-
iè tueri, ac parare potuisset. Exin cum impe-
toris stirpis virtus, indolesque defecisset, Fran-
cum quoque imperium defecit anno postquæ cœ-
erat LXXXIV. Itaque regnum Italiæ cum im-
erio ad Italicos Principes deuolutum est. quo-
um æmulatio imperandi auida magnis motibus
oncusit Italiam. Berengarius quippe Foroiulien-
Dux Adriani III. Pont. decreto subnixus, Rex I-
liæ appellatur anno post Christum natum DC-
CCLXXXIV. Subinde Vido Spoleti Dux Ste-
phano VI. Pont. fauente, Rex Italiæ salu-
tatus, Berengario duobus prælijs de-
bellato, viam sibi ad imperi-
um fecit.

VIDEO.

A Christo nato anno DCCCXCII.

VIdo imperatorijs insignibus, titulisq; à Formoso Pont. decoratus, primus Italicæ gentis imperavit. Ceterum nec quietum, nec diuturnum eius imperiū fuit. Haud ita multò post Arnulphus Carolomano genitus, Rex Germaniæ, Vidonem Italiæ regno exutum compulit Spoletum. Ita Berengarius Arnulphi beneficio regnū recipit. Et Vido Arnulphum infectās ad Tarū amnem subita sanguinis vomitione extinguitur anno principatus III. Ea tempestate Hispanienses Saraceni in Italiā delati, Fraxinetum arcem Cottiarum Alpium cepere, vnde in Longobardiam excurrentes Garilianum populationes propemodum æquarunt. & Romæ Formosus deformatus quidē à Ioanne Pōt. sed tamen elegantia doctrinæ, ac morum nobilis, Pontificatum obtinuit. quæ deinde res ingentium in vrbe barbarum materiæ præbuit. Berengarius porrò Lamberto Vidonis filio bellum inferente, ob iræ impotentiam desertus à suis, regnum amisit. Arnulphus subinde à Formoso Pontifice ad vrbes, Italiæque turbas sedandas euocatus, Romā obsedit, quam diu frustrā oppugnatam per occasionem leporis fortē in vrbem refugientis capit, Romanis stationibus ludicro hostium insequentium clamore, atque impetu, tanquam vero, conterritis. Hoc solū deerat vrbi victrici Orbis terræ dedecus,

à lepore capta diceretur. Arnulphus igitur cæsis factiosus, ac turbulentis ciuibus, à Formoso Pontifice insignia, titulumque extorquet Augulti. Ex eo tempore Germani proceres sibi ius imperij, etsi nondum maturum, nec iure partum, præproperè vsurparunt.

ARNVLPHVS.

A Christo nato anno DCCCXCV.

ARnulphus ex Caroli Magni stirpe sanguinem magis, quàm indolem trahens, vi partum, violenter gessit imperium. Cùm de nocte agmè duceret, libido eum cepit Berengarij laternam præferētis excacandi. Quod ille ubi sensit, trepidus abiecta laterna profugit. Hæc vecordix fama Arnulphum cunctis Italicis populis inuisum fecit. Itaque ille Lamberto Regi insensus, plerisque Italiæ vrbi- bus captis, Firmum obsedit. obtinebat eam vr- bem Vidonis coniux, eademque Lamberti Regis mater, vasa mulier in paucis. cuius fraude venenū Augulto à famulo suo datum ferunt. mox graui le- thargo oppressum soluisse, illum obsidionem, ad vl- timum phthiriasi consumptum periisse anno post partum imperium III. Ei Ludouicus filius à Germa- nis proceribus subrogatus, solo nomine Augultus. Eadem tempestate noua Hūnorum manus c Scy- thia in Pannonia consedit. Hi deinde Hungari ap- pellati. Hungariæ nomen dedere, ac Ludouico Ar- nulphi filio debellato, stipendiariam fecere Ger- maniam. Romæ interim ex contentione partium in-

infandum facinus ortum. Stephanus VII. Pontifex, pessimo exemplo, Formosi Pontificis velut vitio creati acta rescidit, irrita declarata consecratione eorum, qui ab illo initiati fuerant sacris. Indignum deinde facinus proditur. Formosi cadaver effossum, & in conspectu omnium Pontificalibus exutum insignibus, & cum profano habitu in Tiberim proiectum ferunt.

LAMBERTVS.

A Christo nato anno DCCCXCVIII.

Lambertus à Stephano Pont. appellatus Augustus, in magna Ecclesiæ Rom. perturbatione imperium gessit. Romanus Stephano subiectus, Formosi causam inde suscepit; eiusque corpus ad Tiberina ostia repertum referri in urbem iussit ad sepulturam. Id cum Vaticanæ inferretur ædi, sacræ imagines venerabundæ excipere visæ, diuino Numine eius Pontificatum approbante. Proinde Pontifex in conuentu Episcoporum Formosum, sacrisque ab eo initiatos in integrum restituit. subinde Lambertus Augustus Francorum Imperatorum donationes ratas esse iussit. Ceterum Italici Principes, vt antè Berengarij, ita deinde Lamberti seuerum imperium exosi, consilia de illo pellendo agitarunt audaci magis conatu, quàm prospero euentu. Insidiæ patefactæ, de coniuratis supplicium sumptum. Sed Lamberto vt cautio salutis, ita securitas exitio fuit. Inter venandum cursu fatigatus quietem capiebat vno Hugone custode, cuius pa-

ter in cōiuratis fuerat. Is igitur paterne cedis magis quàm Imperatoriæ largitatis memòr valido fustis sopitum somno occidit Augustum altero principatus anno.

Et Leo Græcus Augustus per id tempus simili periculo perfunctus est dissimili exitu. Accedenti ad aram templi, supplicandi gratia, fustis cernicibus à sicario incussus vitam utique ademisset, nisi pensilis lychnus fortè intercedens ruentem fregisset ictum. Quo casu admonitus Imperator Constantinum filium pæne infantem Cæsarem creat. Inde moriens Alexandro fratri paruum filium suum commendat, eidemq; imperium legat adulto tradendum Cæsari.

Exinde nouum in Italia bellum. Berengarius, Lamberto vita functo, tertium regno Italiæ potiebatur, eum Ludouicus Prouinciæ Rex Ludouici II. Augusti nepos ad auiti regni spem erectus bellum intulit Berengario. Cum res parum prospere cederet, pacem cum hoste fecit, hac lege ut nunquam in posterum in Italiam se rediturum iuraret. Sed iurisiurandi religionem regnandi cupido vicit. Itaque cum maximis copijs transgressus Alpes, summis Longobardorum studijs recipitur, ingentiq; Principum gratulatione Rex Italiæ salutatur. Romam inde progressus à Benedicto IV. ritè appellatur Augustus.

Per eadem tempora Regino Prumiensis Abbás, & Ado Viennensis, nobiles annalium scriptores extitere, quibus Simeon Metaphrastes suppar numeratur.

LVDovicVS III.

A Christo nato anno DCCC.

LVdovicus III. ob neglectam iurisiurandi religionem haud diutino est vsus imperio. Biennio post cum pulso ex Italia Berengario, Veronam quoque cepisset, victorem securitas perdidit. Berengarius ubi eum securum ab hoste copias omnes dimisisse cognouit, occulte in Italiam insinuat se, & corruptis portarum custodibus, Veronam silentio noctis ingressus cum fida necessariorum manu Ludovicum aggreditur nihil tale metuentem. Capto eum periurij exprobratione oculos effodit. cæcum in ordinem cogit. Ipse recepta Verona regnum ter amissum recipit; quod pacatè deinceps per annos tenuit XX. Ceterum Italis pacem colentibus à barbaris otium non fuit. Hungari peruastratis Bauariæ, Saxoniarq; finibus inuadunt Italiam, & omnia longè ac latè populantes ipsam regni sedem Papiam petunt. Sed Berengario cum ingentibus copijs occurrente capeffunt fugam, multisq; fuorum amissis, petunt ab Italis, ut recepta omni præda ipsos incolumes abire sinant. Superbum à victoribus responsum redditum, quod in ipsos vertit. Quippe victi desperatione ad audendum accensi Italos incautos credunt, fugantq; documentum ad posteros effugium hostibus ultro aperiendum. Hungari ergo victoria inflati Taruiliū, Vicetiā, Patauū feda populatione deformant. Exin Venetias contractis ad id lebis traiciunt,

& Clodia, ceterisque circa urbem locis perpopulatis, non Metamaucum modò, sed etiam Riualtum primi mortalium, postremique tentarunt. Tandem à Petro Venetorum Duce navalibus copijs repulsi ad Apenninum usque omnia depopulando pervadunt. Ad ultimum accepta à Berengario grandi pecunia remigrant domum auro victi, non armis. Sub id tempus Sergio III. Pontifice Cluniacensis ordo ab Odone (is ex Benedicti disciplina erat) in Burgundia institutus.

Ludouico autem Germanici Rege, qui è Caroli Magni stirpe ultimus fuit, extincto, Conradus è Franconia vir bello inclytus à Germanis proceribus Rex, & Cæsar appellatur, qui aduersus Hungaros bene pugnavit. Huic septennio post rebus humanis exempto Henricus Othonis Saxonie Regis filius subrogatus. Qui Hungaris Franciam, Alemanniam, Saxoniamque vastantibus cum exercitu occurrit, votoque nuncupato victor hostes pæne deleuit. Inde Carolum Simplicem Francie Regem aduersus rebelles tutatus, & Regem, & regnū sibi deuinxit, Lotharingia recepta. Saraceni porrò, qui Garilianum tenebant, Calabria, Apulia, Beneuento, alijsq; Romanæ ditionis urbibus potiti, vicina urbi loca incurfare cœperunt. Ceterum à Ioanne IX. Pont. per Saracenum transfugam, adiecta valida Romanorum manu, multis, magnisque afflictis cladibus, Garilianum recipiunt se. At Ioannes Pont. omnibus ferme Italiae Principibus, ipsoq; Constantino Porphyro genito Imp. Græco ad eijciendos Italia Saracenos cōcitatis, Garilia-

rilianum obsedit. Tandem Barbari, deserto oppido, fugientes intercepti, & ad vnum cæsi. Satis constat pio bello diuinam opem adfuisse. Sigebertus auctor est, in prælijs aduersus Saracenos Apostolos Petrum, & Paulum pro Romanis pugnantes esse conspectos. Pari euentu Hungari in Germania, & Saraceni in Italia oppressi. Hungari cum tributum contra fas impositum repeterent ab Henrici exercitu occisione occiduntur. tributum, quod repetebat hostis, Deo victoriæ auctori consecratum, & sacris ædibus, pauperibusque diuulsum.

BERENGARIUS.

A Christo nato anno DCCCCXV.

Berengarius interim Augustus à Ioanne X. ritè appellatus, parum quietum habuit imperium. Regni procures Rodolphum Burgundiæ Regem in Italiam euocatum, pulso eius ope Berengario, Regem Italiæ salutant. Ergo Berengarius regno exutus altero imperij sui anno, Veronensium fraude occiditur. rarum humanæ felicitatis vices variantis exemplum. Et Rodolphum præpropera cupiditate patrij regni reuifendi Italico regno spoliauit. Illo absente Hungari, Mantua, Brixia, Bergamo, direptis, Papiam ipsam populatione, incendioque fœdarunt. Igitur alienatis à Rodolpho Rege populorum animis, Hugo Arelatenfis Comes, Lotharij Lotharingiæ Regis nepos, ab Italicis Principibus

pibus euocatur, qui fauente Ioanne X. Pont. Italiæ regnum Rodolpho ademit. Ac subinde Papiensium coniuratione solerter oppressa, tantam apud Italos prudentiæ famam collegit, vt nequaquam ludibrio, vt ceteri Reges, sed admirationi omnibus foret. Nefarium inde facinus traditur à femina ortum. Vido Tusciæ Marchio Marociæ coniugis instinctu, Ioannem X. Pont. comprehendit, faucibusque cervicali occlusis necauit. Sed paulò post Deo tanti sceleris ultore diuinitus extinctus est ipse. At Marocia Romæ præpollens opibus, ne gratuitum Pontificis parricidium foret, Hugonem Italiæ Regem ad suas pellicit nuptias, vrbis Romæ imperium velut dotale promittens. ita Hugo simul cum Marociæ coniugio, Vrbis imperio potitur. Sed impotentia animi breue id gaudium fecit. Albericus Marocia natus a lapa ab Hugone percussus, quòd parum scitè manibus ministrasset aquam, stimulante ira, Romanos perpulit, vt barbarum vrbe exigerent Regem. Veteri ergo magistratu renouato, ipse Consul factus exacto Rege, urbem regit potestate consulari. Ex quo tempore Romani Regibus, Pontificibusque contemptis, veteris Reipublicæ formam reuocarunt, Consulibus, Tribunis pleb. & Præfecto vrbis ex antiquitate repetitis. Nec mirum. Pontificatum tenebat illis temporibus Ioannes XI. Alberici Consulis frater. Per eadem tempora Genuæ fons per totum diem sanguine manans imminentem ciuibus portendisse dicitur cladem. Eodem quippe anno vrbs à Mauris

ex improviso captâ: viri omnes interfecti: mulieribus, ac pueris temperatum; præda omnis in Africam deportata. At Hungari Campania depopulata, Marforum, Pelignorumque insidijs circumuenti, cæsi que. præda ingens de prædatoribus capta. Nec leuior subinde Saracenise est illata clades. Hugo Rex Italiæ Saracenorum, qui è Fraxinetò maritimam oram infestam habebant, classem Græco igni cremavit. & ea clades adeò barbarorum opes, atque animos fregit, vt Fraxinetum aliquando defererent. Exin Berengarius exul (Berengarij Augusti is nepos erat ex filia) Romanis, Italicisque proceribus conciliatis, Mediolani gerere se pro Rege cœpit. Tandem res ita conuenit, vt regium nomen penes Hugonem, & Lotharium eius filium, regimen apud Berengarium foret. Ceterum Hugo animi æger trans Alpes regressus cessit è vita.

Haud lætior Constantini Porphyrogeniti Græci Imp. exitus fuit. Is Lacapeno socero, quem consortem imperij adsciuerat, in ordinem coacto, tonderique iusso, Romanum filium Cæsarem fecit. Qui etsi adhuc puer, habere imperium, quàm expectare maluit. Itaque patrem per annos iam XL. imperantem veneno sustulit. ipse parricidio oblitus inuadit imperium. Porro Tapis Rex Hungarorum sub decessum Hugonis, ex Longobardia, Italiaque prædas agebat impunè, Lothario sedente. At Berengarius pecunia populationem redempturus, argentum vndique tanta iniquitate extorsit, vt populationem hostium æquaret.

ret. Et decem nummorum modijs Hungaro datis, ceteram summam, quæ maior erat, auertit. Rei indignitas Lotharium ex mœrore in phrenesim lapsum extinxit. Igitur Berengarius Rex ab Italis salutatus cum Adelberto filio regnū obtinuit haud sanè quictum à bellis. Adeleida Lotharij coniux Papia vrbe regia, quam dotis nomine tenebat, eiecta, Othoni Germaniæ Regi nupsit. Otho igitur Papia dotali vrbe per vim recepta, cum vxore in Germaniam remigrat, Conrado genero Lotharingiæ Duce relicto ad persequendum bello Berengarium. Qui prælio victus ad victoris clementiam vnà cum filio confugit. Nec frustra. Otho receptis in fidem supplicibus Regibus regnum restituit. Ceterum Berengarius regno recepto, deseruit fidem. Namque Othone ciuilibus Italiæ bellis implicito, ab eo desciuit. Conradus quippe Dux, Othonis gener Hungaris in focerum conductis, in Bauariam descenderat, tanta barbarorum mole, vt vulgo, nisi à terra absorberentur, aut obruerentur à cælo, negarent se posse vinci. Sed Otho cum expedita manu eis occurrens, Duce interfecto, tanta Hungaroscæde prostrauit, vt parem de exteris victoriam Germani nunquam pepere rint. Sclauos belli socios par clades excepit. Inter hæc Berengarius Pontificiam hostiliter vexans ditionem, humana iura, ac diuina miscebat. Igitur Otho Germaniæ Rex Ioannis XII. Pont. rogatur in Italiam venit, maximisque Italicorum Antistitum procerumque studijs exceptus, Italiæ regno potitur. Ergo Mediolani Rex Italiæ appellatus,

Romæ

Romæ à Ioanne XII. imperatorijs decoratur insignibus. ita demum Romanum imperium ad Germanos transijt CXL. fermè annis, quàm peruenerat ad Francos.

O T H O I

A Christo nato anno DCCCCLXII.

OTho Henrici, primi Cæsaris, filius, primus ex Germana gente legitimus Imp. animi, rerumque gestarum magnitudine Magni cognomen inuenit. Berengarium debellatum, captumque in Bauariam relegauit. Principibus Italiæ res novas molientibus partim in Franciam, partim in Saxoniam amandatis, Romam venit, & in turbatores vrbis grauitè animaduertit. Consules Italia pulsi. Tribuni plebis (Decarchontes vocabantur) suspendio necati. Præfectus vrbis, qui tumultus in Pontificem auctor fuerat, insigni ignominia notatus. Quippe nudus vtre redimitus, auersusque a sinu per urbem circumuectus, insuper virgis cæsus est, sempiternisque vinculis traditus. Insigne hoc imperatoris seueritatis exemplum nõ urbem modò, sed Italiam quoque pacauit. Exinde Otho veterem Pipini, Caroli, Ludouici donationem nouo decreto sanxit. Almaranum porrò generum suum Marchionem Montisferrati constituit: vnde illi fluxere Marchiones. Sigebertum quoque, siue Albertum Canusini Comitæ filium Marchionem Atestis fecit, quæ Atestensium, siue Estensium Marchionum origo fuit. Et Thedaldus Sigeberti frater
à Ioan-

à Ioanne XIII. Pont. deinde Dux Ferrariæ est appellatus. Exin duo in cœlo Soles visi, & eodem anno Otho filius vnà cum Othone patre Romam profectus à Ioanne XIII. Pont. ritè est coronatus. Sub id tempus Mieslaus Poloniae Dux XIV. cum tota gēte Christi fidem secutus. Haraldus Rex Danorum baptismate expiatus ad Christi fidem regnum omne pellexit.

Inter hæc Romanus Constantini Augusti filius in Oriente imperitauit cognomento Puer. Quippe luxu diffuens, ludisq̃ue, & epulis deditus Bringæ cubiculário suo regimen mandauit imperij. Igitur III. principatus anno delicijs consumptus obiit ganeo verius, quàm Princeps. Huic subrogatus Nicephorus Phocas; cuius principatum variae clades nobilitarunt. Nam Siciliensibus Saracenis tributum ex veteri pacto postulantibus tantum imperij probrum haud ferèdum ratus, instructissimam classem Manuelis Patritij ductu in Siciliam misit, honesto magis consilio, quàm felici. Classis temeritate Ducis tota periit, & Dux cum exercitu cæsus. Aliæ deinde super alias clades acceptæ, quarum illa præcipua. Theophaniam seu sororem, seu filiam (nam vtrumque traditur). Othoni Augusto filio cum despondisset, missos ab Othone in Calabriam ad sponsam deducendam cum ingenti apparatū, Græca fide trucidandos, spoliandosq̃ue curauit. Otho igitur Magnus Græcis cæsis, Saracenisq̃ue Italia pulsus, Calabriam, & Apuliam subegit. Et Nicephorus quâ inertia, quâ auaritia popularibus inuisus, Constantinopoli à plebe

be yrbana maledictis, faxisque incessitur in foro. Ad ultimum Theophanionis Augustæ iussu à Ioanne Zimisce in suo lectulo interficitur imperij sui anno XII. Interfecti Imperatoris præmium, imperium fuit. Inde à Zimisce Græco Imperatore Theophania sponsa ad Othonem filium missa, quæ Romam progressa à Ioanne XIII. Augustæ titulo insignitur.

Nec ita multo post Otho Magnus, pater extinguitur, rarum in longo principatu humanæ felicitatis exemplum. Quippe eodem semper virtutis, & gloriæ tenore annos imperavit XXX. nulli Imperatorum secundus, & translato ad Germanos imperio memorandus, apud quos iam manet annis amplius DC.

Othoni Magno ætate suppar, sanctitate prior Stephanus I. Rex Hungarorum fuit, qui, quod Geisa pater inchoarat, Hungaros ad Christi fidem adiunxit: ac demum religiosissimè vita perfunctus Sanctorum numerum auxit, Apostolico Rex titulo, quam Regino clarior. Per idem tempus Liberus Moscouiæ, & Vildominus Prussiæ Duces Christo aggregauere sese. Felix omnino nomini Christiano seculum, quò intra XC. annos Polonia, Dacia, Hungaria, Moscouia, Russia, barbaræ olim nationes, Christianis sacris mansuefactæ: & tribus Regibus, duobus potentissimis Ducibus Christiana res aucta est, sarciente Numine Orientis damnum accessione Occidentis.

Per eadem tempora Luithprandus Diaconus
Ticinenſis historicus claruit.

O T H O II.

A Chriſto nato anno DCCCCLXXIII.

OTho II. Imp. paternam virtutem nomine magis, quàm indole retulit. Cum Lothario Gallie Rege, Germaniſque Principibus bella geſit haud ſane fortiter, feliciterque. Itaque cùm eius maietas apud populares exoleſceret; Italici populi cõtempo Auguſti imperio, paſſim libertatem uſurpare cœperunt. In pleriſque ciuitatibus Conſules facti; priuatis Reſpublica conſiliis adminiſtrari cœpta. Romæ in primis tumultuatum, & tumultus plures deinceps Pontifices exercuit.

Inter hæc Zimiſces Orientis Auguſtus Baſiliũ, & Conſtantinum Romani Cæſaris liberos, imperij conſortes fecit raro ad poſteros exemplo. Bellum inde aduerſus Ruſſos, Scythicam gentem, feliciter iuxtà, ac fortiter geſit. Fama tenet Theodorum Martyrem in acie pro Græcis viſum eſſe pugnantem. Ceterùm inclyto ceteroqui Imperatori immodica lingua exitio fuit. In Baſilium eunuchum cubicularium ſuum intemperantiũs inuectus, lento veneno ab illo extinguitur, cùm nõdum VII. principatũs expleſſet annum. Baſilius inde, & Conſtantinus fratres concors imperium tenuere. Itaque Creta inſula Saracenos eiſciunt. Saraceno inde milite conducto, claſſem in Italiam deſtinant,

stinant, Barium expugnant, Apuliam, Calabriamq; recipiunt.

Otho cum ingenti exercitu in Italiam regressus Romam venit, Italicisque proceribus ad conuiuium inuitatis, inter epulas de seditiosis supplicium, ceteris inspectantibus, sumpsit, insigni ad memoriam crudelitatis exemplo. ex eo Sanguinarij cognomen Othoni factum, quippe hac cæde imbutus cum infontibus conuiuium celebrare sustinuit. Bello deinde Græcis illato, rem primò prosperè gessit, deinde odio veteris crudelitatis offendit. Namq; à Beneuentanis copijs subitò destitutus, accepta clade in hostiū venit potestaté. Quatēpestate Saracenī nullo negotio Italicā occupassent, si scissent uti victoria. Sed deserta omnia sine viribus, sine capite diuina prouidentia tutata est, quæ victoribus prædonum potius mentem, quàm hostium dedit. Ceterū Otho fuga elapsus, contractis vndique copijs, Benèuentum ex improviso capit, diruitq;, ciuium prodicionem vlturus. Tandem Romam regressus, mœrore animi absimitur anno imperij sui X.

Per idem tempus Regino Abbas monasterij Prunientis chronicon, & VVindichindus rerum Saxonicarum historiam conscripserunt.

OTHO III.

A Chi isto nato anno DCCCCLXXXIV.

O Thō III. & Othonis II. filius, Magni nepos,
auo

auo, quàm patri similior extitit. Is yppà cum Maria
 coniuge à Gregorio V. Pontifice Augustalibus in-
 signibus decoratur. Quo ferme tempore, regia
 Francorū stirpe extincta, Hugo Capetus Othonis
 Magni ex filia nepos, originem à Carolo Magno
 trahēs Franciæ regno potitus est. Othone III. ap-
 probante, Gregorius V. Pontifex septem Ger-
 maniæ proceribus ad creandum Cæsarem ius suf-
 fragij dedit. Electores imperij appellati; decretū
 que vt ab his creatus, Cæsar diceretur; vbi verò
 Rom. Pontificis auctoritas accessisset, appellare-
 tur Augustus. Egregium porrò iustitiæ documē-
 tum principatus Othonis initia nobilitauit. Maria
 Augusta Comitē Mutinensem nequicquam in
 sui amorem pellicere conata, amore, vt fit, in odi-
 um verso, infontem vltro in simulauit apud virum
 suum, eo crimine, quod in ipsam valebat. Comes
 de Augusti fama magis, quàm de vita sua sollicitus,
 vbi rem cum vxore suā femina prudentissima con-
 tulit, haud cūctanter credulū Imperatoris iussu pœ-
 nas capite luit innoxius. Inde Comitē coniux Au-
 gustum in conuentu viduis ius dicentem adit; can-
 denti que lamina impunè manibus tractata, fidem
 facit virum suum infontem morte multatum, &
 Augustam falsi criminis architectam ad suppli-
 cium vocat. ita illa igni cremata débilitas, & li-
 bidinis, & caluminæ pœnas exsoluit. Porrò O-
 thone in Germaniam reuerso, ingens turba ex-
 titit Romæ. Crescentij Consulis Rom. opera,
 Ioannes Pseudopontifex aduersus Gregorium cre-
 atus, Pontificem perpulit, vt ad Othonem con-
 fuge-

fugeret. extemplo igitur Augustus infesto agmine Romam petiit. Interim Crescentius Adriani molem omni ope communierat. ex quo Turris Crescentij est appellata. Ceterum cum Romani tandem malis victi deditiōem fecissent, vis omnis versa est in auctores malorum. Pseudopontifex igitur nominiose tractatus. Crescentius contra fidem datam maiestatis damnatus, & cum duodecim scelerum socijs suspendio extinctus. Mortuo deinde Gregorio V. Pontifice, Gerbertus Rauēnas Archiepiscopus, Magister olim Augusti, sublectus, Syluestro II. nomen factum. Ab eo Boleslaus cognomento Crobius primus Polonię Rex appellatus. Syluester Pontifex ob exquisitā reconditarum rerū scientiā, Magus falsò habitus ab imperitis. Ex quo horrēda de eius interitu manauit fabula. Ipse porro annus à Christo nato millesimus Saracenicō bello insignis fuit. Saraceni in Campaniam delati Capuam occupant. Igitur Otho valida manu barbaros aggressus haud minore virtute hostes deuicit, quā felicitate Capuam recepit. Belli cura perfunctus ad exsoluendam perfidię in Crescentio necādo religionem animum adiecit. Ergo Romoaldo Cassinensi Abbate auctore, post alia picula, Archangeli Michaelis ædem in Gargano monte sitam nudis adit pedibus maiore pœnitentiā, quā victorię gloria. Ceterum Romoaldo suadenti, vt imperium cum Monasterio commutaret, obsequi in præsentiā noluit. ita optimū cōsiliū temere dilatū mora discussit. Romā profectus insolito extinguitur casu. Crescentij olim vxor regnādi auida, suis illecebris Othonē pellexerat. Itaque

subitum Augusti ex vrbe discessū ira furens venenatas chirothecas pro munere amatorio ad eū mittit. Qua ille peste infectus VI. Imperij anno absimitur. memorandū pestiferi amoris documētum. Eodem ferme tempore Othonis III. iussu Apostoli Bartholomæi corpus Reueuento Romā asportatum, & in insula Tiberina condito ad id templo, situm.

Inter hæc Basilius Græcus Imperator, Phoca Bardatyranno armis oppresso, victoria nitens solus imperauit: inane tantū Imperatoris nomen fratri reliquit. Bulgaris inde ingenti clade domitis Bulgariam omnem subegit. Sed hostium victor ab auaritia victus nouis tributis ærarium repleuit auro.

Per eadem tempora triū in Italia populorum, Genuensium, Pisanorum, Florentinorumq; opes auctæ. Genuenses quippe Corsicam, Pisani Sardiniam Pontifice annuēte de Saracenis recipere. Florentini Fesulis pōtiti, vrbe euerſa, ciues Florentiæ deduxere. Ita Florentia creuit Fesularū ruinis. Hæricus porro Cæsar in Germania creatus Mediolanensibus opem tulit. Ergo Ardoino, qui regnum Italiæ occupauerat debellato, Romam progressus à Benedicto VIII. Pont. cōsecratur Augustus, cum Imperium occidentale vacasset annos

XII. post obitum Othonis

III. Imperatoris.

HORA-



H O R A T I I

T V R S E L L I N I,

E S O C I E T A T E

I E S V,

E P I T O M Æ

H I S T O R I A R V M

à Mundo condito.

L I B E R V I I I.

H E N R I C V S . I I .

A Christo nata anno M I I I .

Henricus Cæsar hoc nomine II. sed primus Augustus, bellicæ virtutis laudem sanctitatis gloria cumulauit. Donata Romanæ Sedi à Pipino, & aliis Imperatoribus rata esse iussit. Pandulphum inde Capuanum Principem, qui ad Basilium Græcum Imperatorem defecerat, acie victum, captumq; in Germaniam relegauit. Principatus Capuanus Pandulpho Theanensi Comitibus concessus. Exinde Græco exercitu ad Salernum fuso, fugatoque pacauit Italiam. Ceterum nulla Henrici laus admirabilior, quàm quòd Cunegundam Augustam parentibus intactam, vt acceperat, moriens reddidit. adeò

sanctus Imp. virginalem lauream imperatoriae prætulit stirpi, æterna magis imperia intuens, quam caduca. Decessit XI. principatus anno sanctimonia clarus. Itaque deinde cum Cunegunda vxore vitæ sociâ in cælestium numerum est relatus, ut nominis sui cultum propagarent, qui generis stirpē propagare neglexerant. Conradus inde Dux Franconiæ Henrico subrogatus ipsius Henrici suffragio. Henrico principe, dux egregiæ sanctorum virorum familiæ ex Benedictino instituto profectæ, altera Camaldulensis à S. Romoaldo, altera Vallis vmbrosæ à Ioanne Valberto inchoata. Eadē tēpestate Turcæ, gens ab Scythis oriunda, Syriam depopulati Hierosolymitanum templum, Christi sepulchro nobile, spoliarunt.

Basilium Orientis imperium tenebat, auaritia, & crudelitate infamis. Qui versis in Bulgarios armis victor XV. hostium captiuorum millibus effoderat oculos, vno singulis centurijs lusco ducere relicto. Huic LII. principatus anno Constantinus filius successit, qui delicijs, ac desidiiæ addictus, imperio alijs commisso, voluptatibus ipse seruiuit. Immenso thesauros per fas, ac nefas à patre collectos dissipauit. Barbarorum quippe motus non armis, sed muneribus sedandos ratus, hostes accedit ad prædam. Seruis, quibus ad verrendum cubiculum, conciliandumq; somnū utebatur, plaustra pecunijs onusta donabat. In assembleis profusus erat ultra fidem. Calumniatoribus deditus, & in supplicia pronus, complures Principum orbauit oculis. Demum III. imperij anno moriens

riens Romano Argyropolo per manus imperium tradit; hoc tantum utilis Imperator, quòd brevis fuit. Huius ferè æqualis Casimirus regia stirpe natus, Ioanne XX. annuente, ex monacho Cluniacensi Rex Poloniæ factus, regijs virtutibus floruit.

Per idem tempus Sanctius Maior Rex Nauarre, Castellæ Comitatum vxoris beneficio adeptus, Castellæ Regem se dici voluit. quod regni Castellæ initium fuit. Ferdinandus autem Magnus Castellæ Rex Legionense regnum paterno adiūxit hereditarium vxoris. sed moriens filijs tribus regna diuisit. Huius filius, atque heres Ranimirus, seu Ramirus vir bello clarus, Aragoniæ Rex dici voluit. Hæc regni Aragoniæ origo notatur, cuius vocabulum ex Tarracone constat esse corruptum.

CONRADVS.

A Christo nato anno MXXVII.

CONradus interim Augustus ab eodem Ioanne XX. Pont. creatus; armis & religione insignis extitit. Italicorum Principum coniurationem repentino oppressit aduentu. Mediolanensibus inde coniuratorum fautoribus infensus Mediolanum obsidet, vrbi exitium minitans. Ceterum S. Ambrosij minax obiecta species Augustum ab incepto deterruit. Conradus porrò domitis Hungaris, Petroque eorum Rege in regnum restituto, Hungariâ sibi vectigalē fecit. Subinde Pá-

dulpho Capuano Principe ob defectionem debellato, eius principatum Vaimaro-Salernitano Principi dedit. His rebus gestis clarus decessit anno quàm imperare occeperat XII. Conrado Imp. Robertus, & Ricardus Normanorū Principes ingentem popularium suorum manum in Italiam traduxerunt ex Francia; qui per Italicorum Principum discordias, aliquot Campaniæ oppida dispositi, in Apulia confedere.

Romanus porrò Argyropolus Græcus Augustus primò benignitate in pauperes, & captiuos inclutus fuit. Inde accepta ab Saracenis clade, ex benigno Principe acerbus factus est Quæstor. Ceterū Zoæ coniugis infœcundæ pertæsus, eius fraude periit anno Imperij sui VI. Michaeli Calephato Imperatoris interfectori, atq; adultero sceleris, ac flagitij merces imperiū fuit. Is igitur, vt erat ingenio subdolo, cognatos omnes Augustæ fecit eunuchos: Augustam ipsam paulatim imperio exutam, tonsamque relegauit. Ceterū Zoe, inuito Michaelē, à Senatu, ac populo tumultuante reuocata, recepit imperiū. At Michael suę vitę metūēs, depositis imperij insignibus, Monasterio se addixit, necessitate magis monachus, quàm voluntate. Ibi vt aliquando mentis oculos aperiret, Augustæ iussu luminibus orbatur.

Eadem tempestate Berengarius Archidiaconus Turonensis primus sacrosanctæ Eucharistiæ oppugnare veritatem cœpit: sæpiusq; postea alternās sana, ac vesana dicta, ad extremum sacrilegum deposuit errorem. Porro Maniacus Apuliæ
Præ-

Prætor : (Catapanum Græci vocabant) contractis Græcorum copijs , acceptisque ab Vaimaro Principe Normanorum auxilijs , magnam Siciliae partem de Saraceno recepit . captis Syraculis , Luciae Martyris corpus Constantinopolim missum victoriæ indicium. Sed Maniaco Byzantium reuocato , Stephani Græci Ducis inertia , auaritiaque , insula non sine Græcorum clade rursus amissa. Et Siciliensem cladem Italica excepit clades. Ardoinus genere Longobardus, Normanorum (quorum peregrina virtus inclyta iam erat in Italia) copijs fretus , Melphim , Venulium , Asculum , totamque ferme Apuliam adimit Græcis. Apulia inter Normanos diuisa: quorum Principes Ranulfus Aversa Comes , & Guilielmus, Drogoque fratres erant.

Per idem tempus in Oriente Zoë Augusta cum Theodora sorore germana imperitauit. Sed Zoë viri cupida Constantinum Monomachum virum bellicis operibus clarum in imperij societatem adsciuit.

Inter hæc Henricus Conradi Augusti filius Rex Germaniæ, Boemico Hungaricoque bello aliquando defunctus in Italiam transijt. Exules Longobardos olim à Conrado Imp. propter coniurationem eiectiones restituit . Qui humilitatem , quam præ se in exilio tulerant , retinentes, Deo reliquam dicarunt vitam. Hinc nonnulli tradunt Humiliatorum Ordinem natum, qui Mediolani maximè floruit. At Henricus cum Agnete coniuge Romæ profectus, coacto Episcoporum conuentu, schisma sustulit. Ita

taque à Clemente II. Pont. Augustalibus decoratur insignibus. Ab eodē Clemente, auctor est Blondus, suffragia Populo Rom. comitijs Pontificijs adempta, propterea quod iure suffragij abutebatur ad schismata.

HENRICVS III.

A Christo nato anno MXXXVII.

Henricus III. Imperator vita, fama que egregius fuit. Capuanum principatum Pandulfo reddidit. Drogoni, & Ranulfo Auerſæ Comitibus partem bello ditionem ſua auctoritate ſanxit. Cardinalibus in noui Pontificis creatione diſſidentibus, ab altera factione rogatus Imperator, vt legeret ipſe Pontificem, ſibi nimium arrogauit. Brunonem quippe Trullenſem Episcopum peſſimo exemplo Romam Pontificali deſtinauit ornatu. Sed Ildebrandi Saonenſis monachi prudentia correxit temeritatem Auguſti. Is etenim Brunoni auctor fuit, vt Pontificalibus inſignibus deſiſtis, Romam peteret habitu peregrini. Itaque Romam Ildebrando comite proſectus, cum ſuam Cardinalibus cauſam probaſſet, adnitente eodem Ildebrando, Pontifex creatur. Leoni IX. nomen factum. Qui ſalubris conſilij memor Ildebrandum in Collegium Patrum cooptauit. Et ipſe pietate clarus extitit. Leproſum ante ediũ fores naſtus ſedulò curatũ in ſuo lectulo collocarat: quem cum deinde nō reperiffet, ſenſit ab ſe Chriſtum in paupere exceptum hoſpitio. Sed domi pius magis, quàm militie

tisæ felix fuit. Beneuentum cum frustra repetisset, Normanis ipsemet arma intulit cum valida Germanorum manu. Atque hostes quidem primò victi fusi que cesserunt. Sed collectis inde copiis, Pontificia castra ex improviso adorti ipsos vicere victores. Germani ad internecionem cæsi, Pontifex ipse captus est. Ceterum ab hoste hospitaliter habitus, & cum ingenti honore (tantum Pontificia maiestas valuit) gratis Romam reductus.

Nec minor per id tempus maiestas absentis Pontificis apud Græcos fuit, quàm præsentis apud Romanos fuerat. Constantinus Monomachus Constantinopolitano Patriarchæ primas deferebat, legatos super ea re à Pontifice missos reuerenter magis quàm obedienter audiebat. Igitur posteaquam Patriarcha & Augustus ad Concilium ex Pontificis auctoritate indictum venire recusabant, legati Vrbe egressi sandalia sua (vtri Apostolis Christus præceperat) in eos cum cælestibus minis excutiit. Ea res ciuitatem vniuersam, ipsumque Cæsarem, & Patriarcham tanta religione perfudit, vt cuncti postridie faccis induti, & cinere conspersi legatos adirent, Pontificis faciem in eis venerantes, & imperata facturi. ita controuersia haud magno est negotio sublata, Patriarcha discordiæ auctore damnato. Exin Zoe Augusta morbo absumpta; & Monomachus ancipiti exemplo, Alanam pellicem Augustam fecit. Sed paulò post morbo articulari miserè consumptus extinguitur principatus sui anno XIII. Constantino Monomacho imperante, Turcæ à Mahomete Persidis ac Mediæ Rege, sub

ge, sub quo meruerant, desciuere. & Seduci Sultani ductu, Saracenis debellatis, eorum sectam cum regno susceperunt anno eius seculi circiter L. Hinc exitiale nomini Christiano Turcicum regnum extitit, CCCC. ferme annis post Saraceni regni principia.

Eadem tempestate Pisani à Musacto Saracenorum Rege Sardinia possessione exuti Genuensibus Corlicæ ademere partem. Inde Sardiniam Saraceno expulso, recepere. Hæc inter Pisanos & Genuenses semina fuere bellorum. Pisani porrò in Siciliam classe delati Panormum, quod à Saracenis tenebatur, captum diripiunt, ac domum reuerti Episcopales ædes, ac basilicam egregiam ex Siciliensibus manubijs extruunt.

Porrò in Oriente Theodora Augusta tanta cù laude prudentiæ ac moderationis imperium tenuit, vt illa imperante nemo desideraret Augustum. Sed altero anno decessit, Michaelis Stratonicò adoptato.

At Henricus Romanus Augustus, Victore II. Pontifice in Saxoniam accito, in eius conspectu, complexuque efflavit animam. Regnavit annos omnino XVII. omnibus in rebus felix æquè ac pius. efflorescebat eo tempore Petri Damiani egregia indoles. Qui deinde à Stephano IX.

Ostiensis Episcopus creatus, magno
Christianæ rei præsidio fuit,
decorique.

HENRICVS IV.

A Christo nato anno MLV.

Henricus IV. filius Henrici III. adhuc puer, Cæsar appellatus, ob ingenij violentiâ, ad Augustalia decora nunquam peruenit. Præcis quippe domesticorum consilijs deprauatus, sacerdotia, ac munera Ecclesiastica Canonorum, Abbatum, Episcoporum, pessimo exemplo venalia habuit. Quæ semina ingentium certaminum fuere inter Pontificem Cæsaremque. Inter eius principatus initia Nicolaus II. Concilio Romæ habito castitatem Sacerdotum iam prolapsam seueris adstrinxit legibus. Caut etiam, ne quisquam profanus homo nec gratis, nec pretio cuiquam sacerdotia, sacrosæ redditus deferret. Eodem in Concilio Berengarius vetus Eucharistiæ oppugnator errorem suum tribus Conciliis iugulatum abiicit. Sunt qui eodem ipso Concilio creandi Rom. Pont. ius ad Cardinalium suffragia reuocatum tradant: ex eo Cardinalium auctoritatem maximis deinde incrementis auctam. Inter hæc Robertus Viscardus Drogonis frater, heresque, Apuliam, Calabriamque subegerat. Ricardus eius frater Capuam ademerat Landulpho Principi. Iamque ambo iunctis armis Pontificiæ ditioni imminebant, cum anathematis quasi fulminis vi conterriti profiterentur se in potestate Pontificis futuros. Itaque Nicolaus ad vim impar concedendum ratus, quod eripi non

non poterat, Ricardo Capuanum principatum, Roberto ducatum Apuliæ, Calabriæque confirmat. Ceterum & eorum fides sacramento obligata Pontifici Rom. & certa in singulos annos pensio constituta. Hinc Apulia, Calabria, Campania fiduciariæ possessionis (quam feudum dicimus) esse coeperunt. Viscardus porro ex hoste patronus Ecclesiæ, Pontificiam ditionem pacavit armis. Eodem tempore Petrus Damianus Mediolanensem Antistitem, ac Sacerdotes, qui pellicibus implicati à Pontifice Rom. defecerant, ad eius auctoritatem reuocauit. At Henricus Cæsar Nicolao vita functo Cadaloum seu Cadalum ex Parmensi Episcopo Pontificem ab se creatum Romanis obtrudere molitus est armis. Et ius vi victum foret, nisi pro iure diuinum Numen, & humana pietas stetisset. Mathildis Tusciæ Comes virili animo mulier pro Pontifice arma cepit: cum Giberto Longobardiæ Præfecto ad Urbem confligit: regias copias simul cum Pseudopontifice fundit, fugatque.

Inter hæc Byzantijs Michael cognomēto Stratioticus homo in togatos benignus, in milites asper, breui ab exercitu exutus imperio est, Isaaco Cōneno sublecto. Et Stratioticus abiectis imperij insignibus, haud sanè inuitus cessit regia, cœnobiumque adamauit, cœlo, vitæque tranquillitate positurus. At Comnenus avaritia captus curas omnes intendit ad referciendum ærarium. Itaque rescissis superiorum Cæsarum actis, ab eis donata eripiebat. cœnobiis sacrisque ædibus consecrata vindicabat sibi, Ceterum graui implicitus morbo, tãdem

dem resipuit. Ergo raso capillo, pro purpura asperam lacernam sumit. Constatinoq; Duca in imperij fastigium adscito, ipse in cœnobium recipit se. Et pœnitentia felix non solum vera extitit. Ibi recuperata valetudine, reliquam exegit vitam, priuatus melior, quàm Princeps.

Dispar Hèncrici Rom. Cæsaris pœnitentia in pari aut etiam maiore scelere fuit. Is quòd Abbatis, Episcopatusq; palàm nundinaretur, opima cœnobiorum, sacrarumque ædium prædia asseclis suis condonaret, decumas à Sacerdotibus exigeret; ab Alexandro II. Pont. Romam ad causam dicendam citatus non paruit. Igitur à Gregorio VII. (is Ildebrandus olim Monachus fuit) piorum cœtu prohibitus est. At ille ira furens, in conuentu Vormaciensi Pontificatum Gregorio abrogauit. Et Cincius Præfectus Urbis Hèncrici, vt creditum est, impulso Pontificè insidiis exceptum in turrim inclusit. Sed vis in violenti hominis caput vertit, domūque. Turris à Populo Rom. expugnata, ac solo æquata, Pontifex liberatus. Cincius defecto naso, non sine ignominia relegatus. Inde in Concilio Lateranensi Gregorius sacris interdixit Hèncrico turbari auctori, eius popularibus fidei solemnissq; sacramenti religione absolutis. Ergo ille Germanis proceribus eius congressum auerlantibus, populisq; certim deficientibus, consternatus animi, vtcumque resipuit. Protinus ad Canusium, vbi tum Pontifex apud Mathildem diuersabatur, venit vulgari habitu, nudis pedibus, supplex veniam petiturus. Et ad portam oppidi sub dio, per frigida tempestate, ie-

ianus

iunus expectauit ad vesperam. Quòd cum iterum, ac tertio frustra fecisset, quarto tandem dje Pontifex Mathilde, & Azone eius viro deprecantibus, eum admisit. Et iureiurando obstrictum, se in Pontificis Rom. potestate futurum, atque in Augustano Concilio obiecta crimina diluturum, absoluit sub ea conditione, vt nisi promissa fecisset, iusmitteret regni. Quæ omnia Henricus prolixè recepit Pontificis genibus aduolutus. Vix alia vnquæ poenitentis species illustrior, si vera foret. Sed perfidia Cæsaris post veniam impetratam, satis ostendit illa omnia vana fuisse, & temporis caussa simulata. Dum Cæsaris maiestas nefarijs flagitijs exolefcit, Robertus Viscardus imperatorijs officijs fugebatur. Tarento, ac Bario potitus Panormum, aliarumque complura Siciliæ oppida barbaris ademit. ita Saraceni, Græci que, Sicilia, Italiaque expulsi omnes præter Sacerdotes. Exin Viscardus Salernitano Principe debellato, Salerni etiam principatum suæ ditionis fecit. Nec in Italia solum Normanorum opes, sed in Francia quoque & Anglia creuerunt. Gulielmus Normaniæ Rex ab Eduardo Angliæ Rege, propter affinitatem heres institutus in Angliam cum ingenti classe traiecit; & Araldo adulterino Rege debellato, Anglia potitur. Ex eo Normani sanguinis Reges Anglia habere coepit.

Eadem porrò tempestate Græcorum opes magis etiam in Asia à Turcis, quam in Italia à Normanis, debilitata, fractæque. Constantinus Ducas Græcorum Imperator cetera pius, sed pecuniæ tenax,

nax, damnato belli sumptu, bellicosas nationes muneribus reprimere instituit. Itaque neglecta apud Græcos militari disciplina barbaris adeò extulit animos, vt Græci imperij prouincias impune popularentur. Et Duca intra VIII. annum extincto, Eudocia Augusta Romano Diogeni nupsit, qui collatis in Asia cum Turcarum Sultano signis, victus in potestatem Barbari hostis venit. Et iacens Augustus proculcatus ab eo pedibus fertur: Tyrius Antistes auctor est, ascensuro in soliū, descensuroq; barbaro Regi Augustum pro scabello fuisse. tanta est fragilitas maiestatis humanæ. Romano Diogeni Michael Ducas sublectus homo imbellis, & Musis plus æquo deditus Itaque dum is oblitus imperij operam dat condendis carminibus, Alphasal Turcarum Sultanus Græcas opes inuauit armis. & ab Heilesponto orsus Pontum, Bithyniam, Galatiā, Pamphiliam, Lyciam, Pisidiam, Lycaoniam, Capadociā, Asiam, Syriam, ipsamque Hierosolymam subigit, anno eius seculi circiter L. X. Igitur Ducas, tanquam impar tanto imperio, infensis proceribus saltigio deiectus in cœnobium includitur, Nicephoro Botoniata subrogato. At Ducas profugus Gregorium VII. Pontificem, Robertumque Viscardum in Botoniatam incitauit. Ergo Viscardus confestim cum ingenti classe traiecit in Græciam. Et Gregorius supplici Augusto opem Pontificijs armis tulit, Nicephoro Botoniata è priorū cœtu segregato. Qui haud ita multò post ab Alexio Comneno imperij saltigio detractus in cœnobiū compellitur, quò ipse Ducam paulò antè compulerat.

lerat. Nec melior causa, aut conditio Romani Cæsaris fuit. Gregorius quippe Pontifex Henricum Cæsiterum diuina omnia humanaque iura miscētem, iterū anathemate ictū regni iure ac titulo exiit, Viscardo patrono Ecclesię adoptato. Verū dū Viscardus fuso, fugatoq; ad Dyrachiū Alexio Cōneno, Græco Imp. Thessaliā subigit, Hēricus infesto agmine Romam petit, ea mente vt Clementem Pseudopontificem in Romana sede per vim collocaret. Ac primò ab inuicta Mathildis manu repulsus incepto destitit. Inde vrbe Leonina improuiso aduētū occupata, Clementem in Petri sede cōstituit. Eodē belli impetu Apostolorum Petri & Pauli ædes ab Henrico direptæ, & vrbs Roma per ciuium socordiā capta. Iamq; summā vi arx oppugnabatur, cū aduentanis Viscardi fama Cæsare cū suo Pontifice cōiecit in fugam. Belli vis in Romanos qui pro Cæsare arma cœperant, versa. Quibus prælio fuis, vrbs à Viscardo capta. sed de fontibus paternè magis, quàm hostiliter supplicium sump-tum. Pro corporibus tecta luerunt pœnas. A porta Flaminia ad ædem D. Laurentij in Lucina; rursus ab Amphitheatro ad Basilicam Lateranensem fontium tecta conflagrarunt, ignē subijciente Viscardo. Qui Romanos Gregorio infensos cernēs eū secum deduxit Salernum. Itaque Clemens Pseudopontifex à Romanis in vacuā sedem receptus: ab eo Henricus appellatus Augustus. Nec Impunè Romanis fuit. Itato Dei numine dira lues vrbe inuasit, famelq; atrox adeò, vt matres complures materna pietate exuta liberis suis macratis tolerare vitam sustinerent. Subinde Clemens vrbe pulsus

in

in Marfōs exulatum abiit, & Gregorius Salerni supremum expleuit diem. Pontificem Viscardus est secutus. Ducatus Apuliæ, Calabriae; Rogerio eius filio per manus traditus. Nouum deinde obtrudendi, recusandiq; summi honoris certamen traditur. Desiderius cœnobij Cassinatis Abbas ter cunctis suffragijs Pontifex creatus insignia Pontificatus non prius accepit, quàm in conuentu Capuano, Episcopis, Cardinalibus, Rogerio Duce, Iordane Principe Capuano simul ad eius pedes procidentibus, victa eius pertinacia est. Victor III. haud vano nomine appellatus. Ingenti exercitu in Africam transmissio, ingentem peperit de Saraceno victoriam. C. Barbarorum milia cæsa. oppida aliquot capta. Urbanus inde II. Pont. Rogerio ducatum paternum Pontificali auctoritate firmavit. Henricum, omnesque eius fautores ignominia notauit, vetere anathemate renouato. Henricus porrò Urbanum bello petens obuias habuit egregias Mathildis legiones, quibus prelio victus celsit. Mox à Conrado filio ex Pontificis auctoritate, Longobardiæ regno exutus excessit Italia. Quæ res non modò Italiæ otium, sed etiam Hierosolymæ libertatem peperit. Etenim Urbanus II. Pontifex Concilio in Gallia habito, Christianos Principes ad Hierosolymitanū bellū accendit. Militiæ insigne Crux purpurea dextro humero assuta, ex quo cruciatæ nomen factum. Principes expeditionis fuere ex Gallia Gothofredus, è Lotharinga gente Dux Bullionis cū duobus fratribus, Enstachio, & Balduino: Hugo Magnus Philip-

Philippi Franci Regis frater: Robertus Normaniz Dux, idemq; frater Regis Angli, & alijq; complures. Ex Italia Boëmundus Tarentinus Princeps Rogerij Ducis frater, cum Tācredo sororis filio, & Anselmus Mediolanensis Episcopus. His igitur cum ingēti exercitu Byzantium profectis primum certamen cum Alexio Conneno Græco Imp. fuit. Is quippe, vt erat ingenio subdolus, primò palàm, deinde clam conatibus obstitit Latinorum. Sed vim, fraudemque virtus experrecta vicit. Ergo transmissio Bosphoro., Nicæam, atque Antiochiam subigunt, egregia vtrobique de Alphasale Turcarum Sultano, qui primus Solymanus est appellatus, parta victoria. Ad vltimum non sine manifesta diuini Numinis ope, Hierosolyma bellicaput, vi capta est anno post Christum natum circiter MC. Exin Hierosolymæ regnum Gothofredo, cuius potissimum virtute vihem receptam esse constabat, omnium cōsensu delatum. Quamquam pius Rex nec insigne, nec nomen regium vsurpare voluit, in ea vrbe, vbi Dei filium purpura indutum, & Regem per ludibrium meminerat appellatum. Antiochia Boemundo, Edessa Balduino, Iberias, & Galilæa Tancredo cesserunt. Ceteri Duces patriam Syriacis regnis, ac Satrapijs præoptantes cū ingenti gloria domū reuerterunt, Venetis, Pitanis, Genuentibus, quorum classes magno vsui in bello fuerant, debita laborum præmia persoluta. Haud ita multo post Hierosolymam receptam, Toletum ab Alphonso Castellæ, Nauarræ, Galleciæque Rege de Saracenis receptum est: regiaque eo sedes reuoca-

uocata. Héricus porrò ab Hérico filio, Germanie-
que proceribus ex Rom. Pont. auctoritate Regno
spoliatus, acie victus, captusq; ludibrio fuit. Eò
namque mendicitatis ac miseriæ superbissimus ille
Cæsar est redactus, vt ab Episcopo Spirensi victum
sibi, ac locum clerici in choro nequicquã peteret.
Itaq; sera, legniq; subeunte animum poenitentia,
mœrore absumptus cum dedecore, & ignominia
moritur, regni aut potiùs tyrannidis suæ anno L.

Per idem tempus Henricus alius è Gallia oriū-
dus, genere ac virtute clarus ducta in matrimoniū
Therasia Alphósi VI. Castellæ Regis filia, dotis no-
mine Lusitaniæ Comitatum habuit. Is igitur Sara-
cenis magna ex parte eiectis aut domitis Lusitaniæ
obtinuit principatum anno post Christum natum
circiter MC. quæ Lusitani regni deinde primordia
fuerunt.

Eadem tempestate Carthusianus Ordo, & decē-
nio post Cisterciensis inchoatus.

HENRICVS V.

A Ch. isto nato anno MCV.

Henricus V. patre, auoq; violentior paternorum
scelerum, quorum vltor fuerat, æmulator exti-
tit. Nam Romam progressus Paschali II. Pontifice,
Cardinalibusque comprehensus, per vim imperij
titulos, & ius deferendi Episcopatus, aliaque Ec-
clesiastica munera quibuscumque vellet, extorsit.
Pōtifex ergo post Hérici discessū, in Cōcilio Late-
ranensi illa omnia, quippe per vim expressa, irrita
esse declarauit.

Et Alexius Comnenus Græcus Imp. per legatos imperij insignia petijt, quamquam nō impetrauit. Subinde Mathildis femina omni æuo memoranda editionem suam vniuersam Apostolo Petro moriens legauit, pulchrius rata Diuos heredes habere, quàm homines. Id S. Petri patrimonium hodie appellatur.

Exin Romæ turbatum est. Gelasius I. Pont. à Cincio Frangipanio ciue Rom. opibus præpollente malè acceptus Caietam profugerat: cū Henricus ad urbem profectus Mauritium Episcopum, à quo ipse imperij titulos denuo acceperat, Pontificem obtrudendum curat. Ceterum vtriq; raptum decus in dedecus vertit. Henricus cum suo Pontifice in Conuentu Capuano ignominia notatus. Et Pseudopontifex auerso camelo impositus ludibrium vrbis fuit, in qua summum fastigium inuaserat. At Henricus gliscentibus in Italia bellis velut expergefactus, aliquādo resipuit. Itaque remisso Episcoporum, Abbatumq; institutorum iure, anathematis ignominia exemptus, bona fide cum Callisto II. Pont. redit in gratiam. ita demumpax Ecclesiæ reddita. Ceterum superbia cupidoq; dominandi turbauit Italiam. Pisani & Genuenses de Episcopo Corsicæ dando cōtendebant. à certamine dignationis ad bellum venit. quod ingenti animorum armorumq; contentione multos per annos vario euētu gestum est, nō sine magna vtriusq; populi clade. At Rogerius Siciliæ Comes, Gulielmo Apuliæ Duce Byzantium nuptiarum causā profecto, contra ius fasq; eius ditio-

tionem inuasit; ac sine certamine Apuliam, Calabriamq; Siciliæ adiecit, magna conscientia, famæque iactura.

Per id tempus Romæ egregium modestiæ certamen fuit. Callisto rebus humanis exempto, diuinitatis Cardinaliū studijs, duo Pontifices creati, Honorius & Cælestinus. Sed vterq; pacem Ecclesiæ suæ prætulit dignitati. Cælestinus quippe Patrum plerosque accedere ad Honorium cernens ultro se abdicauit. Et Honorius cum non omnibus Patribus suam creationem probari sentiret, in cœtu Cardinalium ornatum Pontificium sua sponte deposuit. Tanta hæc modestia etiam alienissimis conciliatis, summum illi sacerdotium adfirmavit. Porro Henricus Cæsar, pace, quoad vixit, sanctè, pieq; culta, decessit principatus sui anno XXIV. hoc vno laudabilis quod turpis impijque regni finem quæsiuit honestum, piumque.

Henrico regnante Hierosolymis duo sacræ militiæ Ordines inchoati, Templariorum, & Hospitaliorum, seu S. Ioannis, qui peregrinorum hospitio, sacrorumque locorum tutelæ destinati & rem Christianam auxerunt in Syria, & ipsi ingentibus opibus aucti pæne Reges ipsos opulentia vicerunt.

His accessit tertius Ordo militaris Teutonorum, à Teutonis ex suæ nationis hominibus institutus, quem Paulus

AEmilius sub idè tempus, alij

multo post extitisse tra-

diderunt.

LOTHARIUS II.

A Christo nato anno M. C. X. I. X.

Lotharius II. è Duce Saxoniz Cæsar non virtute solum, sed etiam pietate insignis extitit. Nam simul regnum iniit, Pontifici Rom. deditus acerrimum Ecclesiz defensore m futurũ se professus est. Quocirca à Friderico, & Contrado, germanis fratribus, regni æmulis cum premeretur, haud ægrè ab Honorio II. Pont. impetrauit, vt intentato anathemate, vtrumque à belli consilijs absterret.

Eodem ferme tempore Alexio Comneno Ioannes Comneus filius successit. Qui multiplice de Turcis, Scythis, Seruijs, Hungaris parta victoria, Deiparæ, cuius ope vicerat, imaginẽ pro se triumphare voluit. Et illa triumpho decorata multiplicem ei reddidit materiem triumphorum.

Rogerus porrò ab Honorio II. Pontifice Dux Apuliz, Calabriq; appellatus, & beneficiarius Rõ. Pontificis factus. At Pisani terra marique à Genuensibus debellati conditiones à victoribus accipere. quarum præcipua illa fuit, vt ædes suas ad priam vsque cõtignationem demolirentur: quò ciuium elatos animos premieret humilitas tectorum. Magnus subinde motus Romæ exortus rem Christianam conculsit. Post decessum Honorij Innocentius II. à maiore, ac meliore Cardinalium parte sublectus erat, illo loco dignissimus. Huic ab alijs Petrus Petri Leonis filius obductus nobilitate, atq; opibus pollens. Anacleto nomen factum.

Fequit

Fouit in primis Anacleti audaciam Rogerij Siciliae Comititis infinita dominandi cupido. Namque is Roberto Principe Capuano Pisas ad Innocentium profecto, eius principatum occupaue-
rat, similiter vt paulò antè ducatum Apuliae, Calabriaeque. Itaque Rex Siciliae, Dux Apuliae, Calabriaeque, & Princeps Capuae ab Anacleto Pseudopont. appellatus, vicissim illi Episcopos Abbat-
esque suae ditionis aggregauit. At Ludouicus Franciae, Henricus Angliae, & Lotharius Germaniae Reges à D. Bernardo Clarauallesi Abbate cō-
ciliati Innocentio fauebant. Itaque Lotharius Cæsar Genuensium, Pisanorumque classe instru-
ctus Romam petit; & vrbe sine certamine recepta, Innocentium in Lateranensem restituit sedē.
ipse Augustuli diademate, ac titulo ab Innocentio insignitur. Exin Longobardia quæ Anacletum
sequebatur, à Lothario pacata. Protinus vis belli in Rogerium versa. Qui multis acceptis cladibus,
Campania, Apulia, Calabria exutustandem in Siciliam compellitur. Capuanus principatus Roberto veteri Domino restitutus. Ranulphus ex
Germana nobilitate Dux Apuliae datus. Ita Rogerius per scelus par-
ta cum dedecore amisit. Lotharius porrò pacata Italia sanxit, vt in Longobardia
Italici populi omnes vno iure ciuili Romano vte-
rentur. Et eodem auctore in Italiae gymnasijs, maxime verò Bōnoniae ius ciuile explicari cœptum.
Subinde Rogerius absente Augusto, Campania per vim recepta, Capuam cædibus & incendijs scædat.
Barioque expugnato, cuncta Apulia potitur. &

quidem in præsentia impunè. Nam Lotharius in Germaniam regrediens repentino, exitiali quæ morbo sub tugurio in sylva decessit. Imperavit annos XI. non bellica virtute magis quàm Christiana pietate inclutus.

Haud lætior per id tempus Ioannis Comneni Alexio geniti exitus fuit. In venatione prætereuntem aprum ferire festinans, sagitta veneno illita vulneravit manum. quo ex vulnere interiit, cum præcidi sibi manum à Medicis noluisset, negans *tantum imperium vna manu regi posse*. Moriens præterito Iuliano natu maiore filio, quod ferocem ingenio, atque impotentem iræ iuuenem minus aptum imperio iudicaret; Manuelli minori natu legavit imperium.

Atrocior subinde Fulconis Hierosolymitani Regis in venatione casus extitit. Is leporem fortè obuium insectans subita equi ruina præcipitatus terræ caput afflixit, cerebro quæ per nares, aures quæ erumpente, in Regina oculis expiravit. Eadem tempestate Bernardi æqualis Rupertus Abbas, illustris fuit.

CONRADVS III.

A Christo nato anno MCXL.

Conradus III. interim Lotharij frater à Germanis proceribus Cæsar lectus dum summa vi Hæricum Saxonie Ducem premit, & propinquos suos extollit, ingens in Germania concituit bellum. Quo ille bello districtus Romam ad capeffenda imperij insignia venire non potuit. Et Innocen-

tius II. Pont. Rogerio Siculo Regi, quòd Cassinas monasterium diripuisset, infensus, primò sacris interdixit; deinde etiam bellum ipsemet intulit, sed pari euentu, atque olim Leo Pont. Normānis. Dum Rogerium in Gallutio castro obsidet, à Gulielmo eius filio circumfessus ipse capitur. Deductus inde Neapolim, magnificeque à Rogerio cultus, tādē eum contracta solutum noxa Siciliæ Regem, Ducem Apuliæ, & Calabriæ, Capuæque Principem appellat. Ita beneficiarius Pontificis ex hoste factus. Nouum exin bellum excepit maiorum causa turbarum. Tiburtes alijque Latini populi à Pontifice Rom. iam pridem defecerant. Postquam interdicto non mouebantur, ventum est ad arma. Tiburtes igitur acriter obsessi, eruptione facta Romanos adoriuntur incautos, eosque fusos fugatosque exuunt castris. Ceterum maiore inde belli mole conterriti, facta deditione, veniam à Pontifice impetrant. Sed Romanorum ira ab hoste in Pontificem vertit. Certatim ciues ab Innocentio desciscunt, & veterem libertatem capeſſunt. Ex templo prisci magistratus reuocati: Senatus restitutus. Sola sacrorum procuratio Pontifici relicta. Quæ res & Innocentio mortem ex mœrore peperit, & ceteros deinceps Pontifices vsque ad Clemētem III. exercuit. Inter hæc Romani inexpiabili odio, bellum Tiburtibus mouent. Nec ante vr-
bis excidium, finis bellandi factus. Inde superbia inflati Conradum Cæsarem per legatos ad accipiēda ab eis Augustalia insignia inuitant. Ceterum eorū vanitas à Cæsare irrita, legatioque repudiata.

Et

Et Eugenius III. Pont. Tiburtibus, alijsque Latinis populis in Romanos concitatis vanose eorum spiritus fregit. Per idem tempus Henrico I. Anglorum Rege sine liberis mortuo, Stephanus genere Francus, Henrici sorore genitus subrogatur. ita Angliæ regnum à Normanis transijt ad Frâcos. Tristis deinde fama Edesse, cunctæque Mesopotamia à Turcis subactæ Eugenium III. Pontificem perpulit, vt sacrum bellum indiceret. Præcipua in eo D. Bernardi opera enituit. Is Conradum Cæsarem, & Ludouicum VII. Galliæ Regem sui ardoris impleuit. Moles erat belli tanta, quæ totum Orbem terrarum subigere posse videretur. sed hominum siue incuria, siue discordia ad nihilum recidit. Itaque Damasco frustra oppugnata, irritò incepto discessum est. Felicius in Occidente aduersus Saracenos gesta res. Alphonſus Henricus Dux Lusitaniæ Eboram urbem regiam, Olyſipponem, aliaque Lusitaniæ oppida de Saracenis recepit. Inde cælesti viſo, oblataque Christi crucifixi specie erectus, & ab exercitu Rex salutatus cum Ismaele, alijsque Saracenis Regibus acie confligit, diuinaque ope hostem proſtigauit. Itaque victorijs ingens ab Alphonſo Rege Castellæ, cuius beneficiarius erat, Rex Lusitaniæ appellatur. At ille Lusitaniæ regnum Romanę ſedi ſtipendiarium fecit. Rogerius porrò Rex Siciliæ Manueli Comeno (Ioanne genitus erat) Græco Imp. ob legatos contra ius gentium violatos, ingenti claſſe intulit bellum. Nuda erat ob Quæſtoris imperatorijs partitionem, Græcis claſſibus ora maritima. Itaque ſi-

ne magno certamine Corcyram, Thebas, Chalcidem capit. Ex Græcia nulla præda nobilior deportata, quàm serici artificium; quod, vt pleræque artes, ex Græcia in Italiam accersitum est, artificibus inde traductis, anno eius seculi circiter L. Porro Conradus Cæsar Appulum bellum meditans iureiurando cõfirmavit, se primo quoque tempore in Italiam transiturum. Sed repentino morbo extinctus documento fuit, quàm humana consilia à diuina prouidentia pendeant. Decessit anno sui principatus XIV. Rex omnino pius, sed fortis magis, quàm fortunatus. Illud in Conrado nouum, quòd sanus & incolumis regalia insignia Friderico fratris filio reliquit, paruum filium suum eius fidei commendans.

Eodem regnante litteræ, quæ à barbaris conculatæ iacuerant, oculos aliquando tollere cœperunt. Itaque in Græcia Eustathius interpres Homeri; in Hispania Auerroes, Auicenna, & Rabbi Moyses; in Francia Hugo, & Ricardus à S. Victore; in Germania Otho Episcop. Frisingensis, in Italia Gratianus, Petrus Lombardus, & alij extiterunt.

FRIDERICVS AENOBARBUS.

A Christo nato anno MCLIV.

FRidericus AEnobarbus (Barbarussa vulgo dicitur) è Sueuiæ Duce Cæsar, nobile sanè, piumque regni sui rudimentum posuit. Traducto in Italiam

liam exercitu, turbatam Mediolanensium armis pacavit Italiã. Inde Viterbium ad Adrianum IV. Pontificem adiens Pontificiæ maiestatis speciem renovavit. Aduentati Pontifici obuiã pedibus prodiit, & descendens ex equo stapedam tenuit manu. Porro ad urbem cum Pontifice progressus elusis Romanorum legatis Augustales titulos deferentium, ab Adriano Pont. in æde Apostoli Petri Romanus Imperator appellatur absente Populo Rom. Romanisq; deinde domitis in Germaniam remigravit. At Gulielmus Siciliae Rex Rogerio patre importunior Episcoporum suorum consecratione Pontifici ereptam vindicabat sibi. Nec anathematis fulmine ictus relipuit; sed irritatus Pontificiam ditionem inuasit armis. Tandemq; Pontifex bello fessus pace facta, Gulielmum ad pedes prouolutum in gratiam recipit. eidemq; beneficiarium Romanæ sedis se proficenti paternos titulos firmat. Inde Vrbeuetum profectus ædes inibi Pontificias condidit, desiderium Põtificis Populo Rom. facturus. Mediolanenses interim finitimas vrbes armis oppresserant. Itaque à Federico Mediolanum circumfessum, ciues ferro, fame, pestilentia domiti in fidem Augusti venerunt. Sunt qui tradunt primores vrbis ad victoris iram placandã maximè humili habitu ad Federicum in castra protessisse. illum tam insigni humilitate motum, & ciues vrbi, & urbem ciuibus conseruasse. hinc Humiliatorum Ordinem natum. Atrox inde ex parvis initiis inter Augustũ ac Pontificem orta dissensio ingentium malorum causa, & origo fuit. Federicus ab Alexandro III. Pont.

Pont. petierat, vt Rauennæ Antistitem ab se designatum consecraret. Id cū non impetrasset, totum se à Pontifice auertit. Et Gibellinorum, & Guelforum nominibus ex veteri Germaniæ discordia repetitis, pestiferas factiones tota Italia excitauit. Qui Augusti partes sequerentur, Gibellini, qui Pontificis, Guelphi appellati. Nec eo contentus Pontificatum Alexandro III. abrogat, & Reges Franciæ, Angliæ, Hispaniæ ad Victorem Pseudopontif. venerandum inuitat. Sed apud pios Reges plus religio, quàm gratia valuit. Itaque Ludouicus Franciæ, Henricusque Angliæ Reges apud Toriacum oppidum Alexandro venienti præstò fuere. Ac dextra læuaque frenum equitantis Pontificis pedites ipsi tenentes eum ad destinatum hospitium perduxere. qua specie Pontificiæ maiestatis non alia augustior visa. subinde Alexander Romanorum animis per legatum delinitis, urbem, Pontificiamque ditionem recepit. Et Gulielmus Bonus nouus Siciliæ Rex, missis ad Alexandrum legatis, se Pontificis beneficiarium professus omnibus eum rebus impensè iuuat. AEnobarbus interim Mediolano euerso, & sacris trium Regum Magorum reliquiis Coloniam deportatis, Brixianis, Placentinis, Bergomatibus, Bononiensibus domitis, Germanos Præfectos dederat. Quorum iniurijs irritatæ ciuitates ex composito ab AEnobarbo deficiunt, & Præsidibus eiectis, veteri instituto Consules creant. Ceterum Tusculani Germanis auxiliis subnixi Romanis arma inferentibus ingentem intulere cladem, & Latinis popu-

populis in prædę societatem vocatis, populabundi in vrbis mœnia peruenere. Per eam occasionem AEnobarbus Vaticana æde per vim potitus Paschalem Pseudopont. in Petri sede statuit. Nec lata victoria Germanis fuit. Fœda lues maximam exercitus partem, ac primæ nobilitatis Duces absumpsit. Deum Vicarij sui ultorem oculos aperuisse sentires. Exin cùm nihil aduersus eonspirantes Longobardiæ ciuitates proficeret, quòd aliæ aliis venirent auxilio, Aenobarbus desperata regni Italici possessione, remigrat domum. In eius contumeliam noua vrbis à fœderatis ciuitatibus condita, cui ab Alexandro Pont. Alexandriæ nomen factum. At Federicus Mediolani magnificentius instaurati fama excitus cum instructissimo exercitu ad eius excidium redit. Extemplo fœderati coniunctis armis animisque occurrunt hosti. Collatis signis, Germani diuina ope cæsi, Aquila Imperatoris capta; Imp. ipse suffosso equo pæne oppressus. Hæc Cæsaris clades finem attulit Longobardiæ cladibus, & initium otij pacisque. Tandem Federicus non cum hominibus, sed cum Deo bellare se sentiens, pacem denique cum Alexandro fecit. Et Venetias ad eum profectus pedem Pontificis venerabundus osculo contigit. Et ascensuro in equum stapedam tenuit. Augusti in colendo Pontifice submissio Romanorum tuperbiam fregit. Itaque Alexander Romam regressus non vrbis solum, sed vniuersæ Italiæ pristinum reddidit decus. Ante omnia tollendi in posterum schismatis causa sanxit, vt Pontifex creatus ratur non esset, nisi minimum

duas

duastertias suffragiorum tulisset partes.

Annus erat eius seculi LXXX. quo Manuel Græcus Imper. decessit pietate, humanitate, munificētia egregius. Deuictis Hungaris, Deiparam Virg. Ioannis patris instituto, triumphantem ipse ouans secutus est. Balduinum III. Hierosolymæ Regem, eundemq; generum suum, qui citato ad cursū equo brachium fregerat, humanissimè fouit. Quippe ipse Augustus posito genu afflictum Regis brachium sua manu curauit, nec curationem deseruit, quoad ille planè conualuit. adeo amor vicerat maiestatem. Inde Sultano Iconiensi suos thesauros ostentans iubebat eū sumere, quicquid liberet. Cum is se eo contentum fore diceret, quod Augustus dedisset; Manuel vniuersos thesauros ei dono dedit. Ceterum Chaldæorum scientiæ (si scientia potius est, quam credularum mētium ludibrium) & Astrologorum prædictionibus deditus fuit. Sed ubi XIV. annis ante præstitutum ab illis vitæ finem, adesse supremū diem scēlit, Patriarchæ admonitu chirographo suo Astrologorum damnauit artem, & moribundus pullu monachi habitū poenitentiae indicium sumpsit. Hæc inter Saladinus genere Turca, nouus Sultanus Aegypti, Calypha interfecto, inualit imperium. ita Aegyptus in Turcarum venit potestatem. Et Saladinus ab rebus secundis ferox, Syriam inualit. Itaque Balduino Hierosolymitano Rege victo captoq; bellum circumferens pleraque oppida ipsamq; Hierosolymam in deditiōē accepit, anno ferme X C. quam recepta de barbaris fuerat. Nec minor a Græcis, quam a Turcis per id tempus

edita strages est Latinorum. Alexius Cōnētus Mānuelis Imp filius, heresque Ludouici Franciæ Regis filiam sibi desponderat. At Græci Latinos ab Augusto impensius coli indignè ferentes, Andronicū exulem Alexij patruelem in spem imperij acgerferunt. Qui tyrannide occupata, Augustum interficit. Protinus in Latinos qui Byzantijs versabatur, rabies vertit. Legatus ipse Pontificis, Sacerdotes, ac pleriq; Latinorum cæsi, vt nō ægris quidem in Nosocomio cubantibus temperaretur. Ceteri Turcis in seruitutē addicti. Super hæc omnia mortuorū cadauera sepulchris eruta, & per vias tracta execrandū spectaculū præbuere. Nec impunè Andronicus Tyrannus, & ipse in crudelitatem effusus, Græcorum plurimos rerū nouarum suspectos quā vinculis, quā morte multauit. Ad vltimum per populi seditionem regni fastigio deturbatus, omniq; contumeliæ genere oneratus ludibrio fuit, quibus modò terrori fuerat. Demū in foro inter duas columnas capite in terram verso suspensus à furente populo gladijs cōfoditur. Ceterum inter tot contumelias, cruciatulq; magnitudo animi enituit inuicta. Vnā in tot malis Andronici vox audita, *Notumne misere.*

At Romę Clemens III. Pont. pacē cum Romanis facta, sacram expeditionē vrgere instituit. Nec frustra. Ex Anglia, Francia, Sicilia, Italia ingentes copię, instructissimis Danorum, Frisonum, Ollandorum, Genuensium, Pisanorum, Venetorum classibus trāsmiserunt. Et ipse Federicus Augustus iam ætate grauis cum robore Germanici exercitus in

in Syriam profectus Iconiensi Sultano acie superato, Iconium capit. Sed siue fluminis, in quod refrigerandi per æstum corporis gratia descenderat, cæcis vorticibus haustus, siue equi ruina oppressus exanimatur anno imperij sui XXXVI. egregia fanè animi indole Imperator, qui virtute, gloriaque Germanos Augustos omnes facile superasset, si Othones potius in tuenda, quàm Henricos in oppugnanda Ecclesia esset æmulatus. Philippus deinde Franciæ, & Ricardus Angliæ Reges cum suis exercitibus secuti. Et Ricardus Cyprum subegit, captæque Ptolemaidis præcipuum decus tulit. Saladinus Aegypti Calipha, prælio victus, aliquot de Turcis oppida recepta. Ceterum orta inter Reges vetera odia retractantes discordia domum utrūque reuocauit. Ricardus vanū Hierosolymitani regni titulū, Cypro insula à Vidone Rege emptū, pro præda retulit. Hic exitus tertij belli sacri fuit, Deo non tam Turcarū immanitati, quàm Christianorū Principum discordiæ infenso.

Sunt qui per id tempus Teutonicorum militum Ordinem à Germanicis in Syria institutum tradāt bellicis operibus, atque opibus insignem. Eadem ferme tempestate duo sacræ militiæ Ordines in Hispania extitere, Calatrae, & S. Iacobi, rebus gestis aduersus Mauros incliti. Itemque Historici aliquot floruerunt, Radeuicus, qui Federici AEnobardi scripsit historiā, & Conradus Abbas Yrspergensis, qui Chronicon texuit.

Hæc inter Isaacus Angelus Græcus Cæsar, qui Andronico Tyranno successerat, luxu diffluere cœpit,

pit, & ad mensæ, aulæque magnificentiam sacra è templis vasa detraxit, omnia Deo, & Cæsari licere dictans. Ergo ultore Deo magnas à Barbaris accepit clades: tantoq; eis ludibrio erat, vt diuturnū illi imperium palàm optarent. Ad ultimū ab Alexio fratre, quem à Turcis redemptum consortē imperij fecerat, regno, ac luminibus est orbatus, & in vinculis habitus, vt superioris ætatis scelera captus oculis & videret melius, & lugeret.

Porrò Constantia virgo Deo sacra, Gulielmi Siciliae Regis consobrina, atque heres, Clementis III. Pontificis permisso, Henrico Cæsari AEnobarbi filio nupsit. De quibus innuptis nuptijs Ioachimus Abbas vaticinatus dicitur, eas funestam Italiae facem parituras. Iam Tancredus Rogerij Regis expellice nepos, fauore Siculorum regnū Siciliae obtinebat, cum Henricus in Italiam ingentem traxit exercitum, regnum dotale recepturus.

HENRICVS VI.

A Christo nato anno MCXC.

Henricus VI. à Cælestino II. appellatus Augustus, AEnobarbo patre truculentior fuit. Campaniæ oppidis pluribus receptis, Neapolim frustra obsedit. Atrox lues in castris orta obsidionem soluit. Inde, Tancredo Siciliae Rege vita functo, reparat exercitum, & Genuensium, Pisanorumque classibus fultus Caietam, Neapolimque in fidē accipit.

cipit. Cetera inde proſa fuere. Meſſana, Catana, Syracuſæ vi captæ. Sibylla Regina cum nouo Rege in dedit ionem accepta. Denique Panormo expugnata, & Conſtantia in matrimoniū ducta, Rex Siciliae ſalutatur. Ceterū repentē è Rege Tyrannus extitit. Direptis per calumnias, & ſupplicia ciuium bonis, ſacras ædes per ſacrilegium expilauit. ~~ſacrilegium expilauit~~. Ex in ditionem Pontificiæ ampæne omnem in ſuam redegit poteſtatem. Alexium quoq; Comnenum Græcum Imp. ſtipendiarium fecit. Ceterū X. imperij anno nōdum expleto, mortalibus immortalibuſq; inuiſus, morbo ex venatione contracto ceſſit è vita, Tyrannus veriùs quàm Auguſtus. Meliore fama Saladinus Chriſtiani nominis terror, paulo antè deceſſerat. Quippe in eius funere, vt ipſe iuſſerat, ſignifer interiorē eius tunicam lancea ſublimem prætulit, clamitans, id vnum Saladinum domitorem Orientis ſecū ex tantis opibus auferre: ſpectaculum Chriſtiano magis Rege, quàm Barbaro dignum. Porro Innocentius III. Pont. Henrico mortuo, AEmiliam, Picenum, Vmbriam recepit armis. Inde Conſtantiam Auguſtam, & Federicum eius filium Siciliae Reges appellat, ducatu Apuliae, & principatu Capuæ adiectis. Itaque Conſtantia moriens Innocentium Federici pupilli tutorem inſtituit. Qui ſumma cum tutelæ laude pupillum Regem impenſè fouit, quàm funeſtum Eccleſiæ anguem ſinu foueret, ignarus.

Quartum ſubinde ſacrū bellum ſuſceptum, quod in Græcum imperium vertit. Balduinus Flandrie

Comes, alijque Franci proceres Innocentij hortatu sacrae militiae nomina dedere. Hi Venetorum classe, & auxilijs aucti Alexium Isaaci Angeli filium extorrem obuium habuerunt. Cuius ingentibus promissis onerati Byzantiū petunt. Ibi ingens Græcorum exercitus à non magna Francorum manu cæsus. Byzantium torpentibus Tyranni fuga, & desperatione ciuibus captum. Alexius puer paternum in regnum restitutus. Alexius Comnenus Tyranni fuga elapsus Trapezuntem se recepit, ibiq; Trapezuntij imperij fundamenta iecit. Ceterum dum Alexius puer promissum Francis, Venetisq; aurū exigit: Myrtilus vnus è Græcis proceribus, Alexio per seditionem populi, obtruncato, tyrannidē inuadit. Igitur vrbs regia à Francis denuo expugnata. Græcum imperium procerum consensu Balduino Flandriæ Comiti delatū. Redijt Orientis imperium ad Latinos anno post Christum nat. circiter MCC. Balduinus igitur beneficij memor, omnes Aegæi, atque Ionij maris insulas, ipsamq; Cretam attribuit Venetis. Ex proceribus Frâcis Gothofredum Athenarum, & Achaia Principem, Bonifaciū ex Montisferrati Marchione Thessaliae Regē constituit, & Balduino Augustalia insignia ab Innocētio missa; contraq; ab Augusto Græcia ad Romani Pontificis auctoritatem reuocari cœpta. Ceterum Balduinus Adrianopolim obsidens commisso prælio, in Myrtili Tyranni potestatem venit, à quo cruciatu necatus dicitur. Ei Henricus frater subrogatus Asiatico bello impensè fauit. Eodem ferme tempore Constantinopolis à Francis capta, &

Boetica pars ab Hispanis Alfonsi Nobilis Castulonenſium Regis ductu, recepta.

OTHO IV.

A Chriſto nato anno MCCIX.

Otho IV. Auguſti diademate & titulo ab Innocentio III. decoratus, Imperatorum determinus fuit, breuiſſimusq; Is Pontifici à quo in eo ſaſtigio poſitus fuerat, inſenſus Pontificiam ditionem inuaſit. Inde regnum Siciliæ Pontificis fidei tuteleq; commiſſum contra fas occupare inſtitit. Igitur ei vertente anno in Concilio Romæ habito imperium eſt abrogatum, atque ignominia anathematis addita. Et Germani procēres Pontificis auctoritatem ſecuti, Fridericū, ſeu, vt alij, Federicum Regem Siciliæ, Caſarē creant. Nec deſuit ira diuini Nūminis. Otho multis vel in Italia, vel in Germania attritus cladibus, in Saxoniæ latebra ſe recepit, vbi haud ita multo poſt obiit ex mœore. Inter hæc Ioannes Ricardus fratre interfecto, regnoq; Angliæ per parricidiū occupato inſatius, rem Angliā infelicitè geſſit, eius odio Normania tota in fidem Fræcorū venit, quæ res deinceps multorū fuit cauſa bellorū. At Ioannes exhausto bellis erario, opes Deo ſacras inuaſit, Pōtificio anathematis fulmine cōtēpto. Tandē bellicis cladibus, malisq; victus aperit oculos, pacē à Pōtifice orat. Nec feſellit.

Pontificis legatum prostrato humi corpore excepit: & regium insigne ad eius posuit pedes. Ad hæc priuatus quinque dies exegit. Sexto demum die didema beneficii loco recipit à legato. Ergo beneficiarium se Romani Pont. professus Angliã, Hyberniamq; Romanæ sedi stipendiarias fecit. Subinde Innocentius decessit, non minus factorum gloria, quàm pontificatus diuturnitate memorandus. Multæ religiosorum hominum familiæ illo Põtifice institutæ, restitute v. e. Almæ Trinitatis, seu redemptionis Captiuorum, Cruciferorum, Heremitarum S. Augustini, Carmelitarumq; , vt vitæ innocẽtia sub Innocentio reuixisse videatur. Innocentiũ secutus Honorius, multarum rerum, quæ illo Põtifice ortæ erant, decustulit. Instituta S. S. Dominici, & Francisci Pontificali auctoritate cõprobauit. Antisiodorensẽ tertium à Balduino, Orientis Imperatorem cum coniuge Romæ Augustalibus decorauit insignibus, parem deinde Federico Cæsari honorem habuit.

Ceterum Antisiodorensis Augustus Dyrrachij inter epulas Theodori fraude extinguitur . Cui Robertus filius successit Veneto nomini adeo deditus, vt Venetorum Ducem charissimũ imperij collegam appellaret. Qui Romæ Augustus ab Honorio Pont. appellatus haud diu superstes fuit.



H O R A T I I
T V R S E L L I N I,
E S O C I E T A T E
I E S V,

E P I T O M Æ
H I S T O R I A R V M
à Mundo condito

L I B E R I X.

F E D E R I C V S I I.

A Christo nato anno M C C X I.



Federicus II. interim AEnobarbi nepos improbitate cum auo, & Henrico patre certauit. Imperij titulis ab Honorio III. honestatus, in Pontificiam ditionem impetum fecit. Itaque ei decus & nomen Augusti idem qui dederat, aboleuit. adiectaque solemnisi ignominia nota, interdixit piorum congressu, sacrisq; Interim Andreas Hungariae Rex & paterno voto, & Honorii Pontificis hortatu cum Bauariae, & Austriae Ducibus profectus in Syriam, aduersus Turcas bene pugnavit. Ceterum omnibus in spem recipiendae Hierosolymae erectis, in ipso operum limine finē belli

quæsiuit. nam vt primùm Iordanis aqua corpus ab-
luit, veluti voti religione absolutus, belloque per-
functus, exercitum deportauit. At Brennus Cypri,
& Hierosolymæ Rex nouis Francorum, Germa-
norum, Italorum, Anglorumq; auxilijs fultus Da-
miatam celeberrimum Aegypti emporium cœpit.
Bellum inde ad Chayrum regiam urbem promo-
tum. Sed inundata Nili emissarijs castra necessitatē
imposuere victoribus, vt Damiatata relicta, ipsi in-
colums abirēt. Brēnus porrò Romā aduectus, Ho-
norio Pont. auctore, Iolen filiā suā Hierosolymę
Reginā appellatā Federico Cæsari in matrimoniū
dat, ea mente, vt ille dotali sacri regni titulo auctus
maiore animo sacrum capefferet bellū. Hinc Sici-
liæ Reges Hierosolymitani regni titulū habuere.
At Federicus tandē Gregorij IX. Pont. impulsu, cū
exercitu profectus in Syriam, urbē Hierosolymā
Sultano non armis sed auro recepit, anno eius se-
culi circiter XXX. Itaque maiore fama, quā glo-
ria reuectus ē Syria, haud ægrē veniam à Pontifice,
& imperij titulos impetrauit. Ceterū breui ad
ingenium redijt, & Pontifici infensus Guelphorū,
Gibellinorumq; factionibus longo interuallo re-
uocatis, scēdum in modum lacerauit Italiā. Ad hæc
Beneuento, Cassinatiq; cœnobio direpto, Rauē-
nam in suam redigit potestatem. Saracenis, quorū
opera, aui instituto, vsus erat in bellis, Nuceriam
attribuit, quæ deinde Saracenorū est appellata.
Cardinaliū cōplures, qui Gregorio Pont. extincto
Romā ad comitia tendebant, fortē in itinere in-
terceptos in custodiā tradit. Inde Ecclesiæ orbita-
tem

tem suam occasionem ratus Flaminiam, & AEmilianam occupat. Bononiaq; expugnata, Gymnasium trāsfert Patauiū. In vltimum venerat discrimē Romana res; nisi Balduinus Cæsar Orientis, opportunitate mira venisset in Italiā. Huius rogatu dimissi à Federico Cardinales. Innoc. IV. Pont. creatus. Qui comperto Federicum sibi domi forisque insidias struere, in Franciā tendit. Ibi in Conc. Lugdunēsi, Federico ius imperij, ac titulum abrogat. Cardinalibus deinde, vt eum Ordinē augustiorem faceret, rubri galcri insigne dat, anno eius seculi circiter XLV. Inter hac Federicus Parmā obstinata obsidione cinxit, haud dubia spe victoriæ. Tenuit obsidio biennium. Tandem eruptione à Parmensibus facta, Cæsar funditur, castrisque omnis opulentiae plenis exuitur. At ille velut re bene gesta, inter spadonum, & pellicum greges vitam egit, bellicum dedecus domestico probro cumulans.

Eadem tēpestate Tartari, gēs Scythica, Hoccoræ Regis ductu, maximis agminibus inundarant Asiam, Europamq;. Iamq; Perside subacta, victores cum litteris superstitionem victæ gentis hauserāt, ac totam ferme Asiam vsque ad Tanaim amnem, qui Asiā, Europamq; medius interfluit, victoriis emensi, per Poloniā, Hungariamq; populabundi ad Austriam vsque peruenerant. Igitur Innocentius tantæ pesti obuiā cundū existimās egregios viros e Franciscana, Dominicanaque familia ad efferatas barbarorū mētes Euāgelio mitigādas destinat. Nec spes fefellit. Mago, seu Meto nouus eorū Rex Christianis

anis initiatus est sacris. Subinde affertur Paros patria sede à Tartaris pulsos in Syriam pene-
 isse; & Hierosolyma capta, dirutaque augultif-
 num Christi sepulchrum indignis modis polluif-
 . Hæc fama Ludouicum IX. Franciæ Regem
 ictitate inclytum ad maturandum iter in Syriam
 cendit. Extemplo igitur ingenti classe claustra
 Egypti aggreditur. Et Satrapa debellato, Da-
 iata potitur. Protinus ad Chayrum belli moles
 insijt. Iamque accisæ erant cladibus Aegypti
 alyphæ vires, cùm castra Francorum ex locis pa-
 ltribus lues inuasit, quæ ipsum quoque corripuit
 egem. Itaque malis victus, captusque cōditiones
 cepit, vt tradita Damietta, incolumem deporta-
 : exercitum. Inter quæ Federicus Cæsar è lon-
 quo luxu velut alto excitus somno impium Pō-
 ci intulit bellum. Et Pontificiæ opes ad vlti-
 m periculi venerant, cùm Federicus, haud du-
 superûm ira, atroci morbo, seu potius Man-
 li filii dolo extinguitur. Imperauit annos XX-
 I. Imperatoris nomine, quo bis iure exutus
 ororsus indignus.

Federico II. Imperante Gregorius IX. Decre-
 ma auctor, & Innocentius IV. earundem inter-
 & Vincentius Belluacensis Theologus, & hi-
 cus copiosior, quàm elegantior, Alexander
 sis egregius Theologus, Albertus Magnus non
 octrina, quàm Thoma Aquinate discipulo
 r, Alphonſus Castellæ Rex celeberrimus A-
 ngus extiterunt.

liore fama Theodorus Lascarus, qui Au-
 gusti

gusti titulo assumpto, Græci imperij reliquias tatabatur in Asia, quàm Federicus Cæsar, decessit. Diuino quippe fretus Numine aduersùs ingentes Turcarum copias exigua manu pugnauit ingenti periculo, sed prospero euentu. Sultano ipso, à quo ex equo præcipitatus fuerat, obtruncato, eius caput lancea præferens insignem peperit de Turcis victoriam. ad cò illos Ducis casus conterrui. Nec partæ gloriæ Lascarus diu superstes fuit. Huic Ioannes Ducas, Ducæ Theodorus Lascari filius subrogatus. Is moriens Ioanni filio principatum, & Michaelē Palæologum tutorem reliquit. qui per occasionem tutelæ, principatum sibi vendicauit. Eodem ferme tēpore, Theodorus Angelus Thesaliæ regno, Rege absente potitus est. At Manfredus Federici expellito filius, ne gratuitum foret parricidium, paternum regnum, per tutelæ speciem, dum Conradus frater regni hæres è Sueuia veniret, occupauit. Conradus quippe fallis Manfredi criminibus irritatus, Campanis, Neapolitanisque bellum intulit. quo bello Neapolis & Capua mœnibus nudata est. Aquinum etiam incendio foeditum. Exin Conradus ipse morbo, seu (quæ suspicio tenuit) veneno fraude Manfredi dato absumptus. Manfredus igitur regnum per vltimum scelus partum pari scelere augere institit. Nucerinis Saracenorum copijs subnixus inuadit Pontificiam ditionem. Ceterum à Pontificio legato Germanicis copijs repressus est. Eccelinus quoque (Azolinum alij vocant) Patauij Tyrannus ob res impiè, nefarieque gestas, ab Alexandro IV. Pont. anathemate

mate noratus poenas luit crudelitatis suæ. Namque à Marino Turriano Mediolanensium Duce fufus, & graui vulnere faucius fugit. Itaque cladis ignominieque impatiens confutum rescidit vulnus, dignaque Tyranno morte decessit. Ciuitates tyrannidis iugo liberatae libertate frui cœpere sub tutela Pontificis. Alexander igitur pacata Italia, ad Hierosolymam recipiendam curas intendit hætis subinde nuncijs excitatus. Meto Tartarorum Rex iam Christianus Haloni fratri Hierosolymitanam expeditionem destinarat. Is Babylone (Baldacam appellant) potitus, Calypham Mahometanæ sectæ Antistitem in suo thesauro destitutum fame necauerat. Iamque vniuersa Perside, ac Mesopotamia subacta, Hierosolymam belli caput petebat. Sed orta inter Venetos, Genuensesque discordia spem præne exploratam sacre vrbs recipienda primò morata est, deinde discussit. Quippe Venetos inter, & Genuenses mercatores controuersia de tēplo, quod in vrbe Ptolemaide cōmune habebāt, exorta, ingens inter duos potentissimos Italiæ populos bellum excitauit, quod cum magno, & ipsorum, & rei Christianæ detrimento, per plures ætates gestum est, adeò ancipiti Marte, varioque belli euentu, vt propiores victis fuerint, qui vicerunt. Byzantina res, vt quæ harum ciuitatum viribus nixa itabat, primam huius discordiæ cladem accepit. Michael quippe Palæologus Genuensi classe subnixus Byzantium ciuibz prodentibus cepit. Et Balduinus Latinus Augustus à Veneta classe nudus desperatis rebus profugit. ita Constantinopolitanum

impe-

imperium redijt ad Græcos, anno serme LX. quàm ad Latinos abierat. Subinde Palæologus Cæsar Venetorum armis fractus labare cœperat, cum Genuenses seu Venetorum odio, seu spe præmiorum laboranti tulerunt opem. Ab his repulsa Veneta vis. imperium Palæologo firmatū. Genuentibus Chios insula merces data. Inde bellum in Syriam transiit. Venetus Ptolemaidem tenebat, Genuentis Tyrū. Proinde quicquid Christianorum in Syria fuit, in duas factiones abiit: & arma quæ in sacrum bellum destinata erant, in ciuile versa, alienissimo quidem tēpore. Halon quippe Metonis Tartari Regis frater (vt suprā dictum est) accisis Turcarum viribus, Syriam receperat, iamq; Hierosolymam barbaris adimere, & Christianis reddere noliebatur. Ceterum dum res, Christianis armis cunctantibus trahitur, Halon Metonis morte ad fraternum regnū reuocatus abscessit.

Inter hæc Manfredus Siciliæ Tyrannus Picenum Saracenis copiis occuparat. Igitur Urbanus IV. Pontifex Fracorum armis, qui ad Syriacū bellū nomen dederant, Saracenos Piceno præcipites agit. Mox Carolum Comitem Andegauensem, eundemque D. Ludouici Regis fratrem ad spem euocat Siculi regni. Dum Carolus expectatur, noua Reip. forma Romæ inchoata est, absente Pontifice. Brancaleo ciuis Bononiensis, Senator Populi Rom. cū sūmo imperio factus. Et regionatim magistratus creari cepti cū potestate vitæ necisq;. Itaque vt Andegauēsis Comes Romā venit, Clemētis IV. Pont. rogatu, senatoriū manus tātis per obiit, quoad

quoad Hierosolymæ, Siciliæque, quo nomine etiā Neapolitana ditio continebatur, Rex est à Pontifice declaratus. Onus ei cum imperio impositum, vt XL. aureorum millia Romanæ sedis quotannis pensitaret. Carolus igitur regni titulo nitens in Manfredum ducit. Ad Beneuentum collatis signis cum hoste confligit. Tyranno victo, cæsoque, regno potitur. Inde Conradinum Germaniæ Regem (is Siciliæ regnum Conradi patris iure ad se trahebat) nouum hostem in Etruria nactus, in insidias mira arte pellexit. Ibi Conradi filius victus, posteaque Neapoli cæsus. ita demum pax Italiæ parata.

Subinde Agabas Tartarorum Rex (Halonis Regis is filius, heresque erat) A Egyptiorum Calypha victo, Hierosolymæ recuperandæ animum adiecit. Ergo litteris ad Pontificem, Christianosque Reges datis, omnium ad sacrum bellum erexit animos. Primus Ludouicus Franciæ Rex in Africam soluit eo consilio, vt Tuneto, quod fraterno Siciliæ regno infestum erat, expugnato, cum suis fraternisque copijs in Syriam pergeret. Læta belli initia. Carthago in fidem accepta. Tunetani Regis vires accisæ. Iamque vrbs circumfessa deditiōnem spectabat; cū fæua in Francorum castris orta lues pium quoque Regem absumpsit. Enituit in eo anceps diuinæ prouidentiae vis. quippe hic exitus in speciem funestus auxit magis, quàm imminuit eius sanctimoniae famam. Funestis regia morte castris Carolus Siciliæ Rex superuenit; qui barbarum Regem malis domitum, stipendiarium fecit, aditu in
Afri-

Africam Etuangelij præconibus patefacto. Porro Gregorius X. Pont. indicto Concilio Lugdunensi, plerosq; Christianorum Principum conciuuit. Adfuerunt frequentes. Nec Palæologus Græcus Imp. defuit, Græciq; Antistites, & Tartarorum proceres nonnulli. Ibi Græci, Palæologo auctore, de Spiritu sancto Latinis assensu, Romanum Pont. communem humani generis parentem agnouerunt. Tartari sacro baptismate expiati. Palæologo Græcum imperiū radiudicatum.

Eadem tempestate Thomas Aquinas, & Bona-uétura, duo duarum familiarum lumina enituère.

RODVLPHVS.

A Christo nato anno M C C L X X.

Rodulphus interim à Germanis proceribus post varia multorum annorum certamina, Cæsar creatus, nihil ferè magis memoria dignum gessit, quam quod Boemiæ Regem bello victum cepit, atque in seruilibus ministerijs habitum in regnum restituit, filia Bona Vincislao eius filio in matrimonium data. Nec defuit Cæsari occasio rei bene gerendæ in Italia. Carolus Siciliæ Rex, idemq; Senator Populi Rom. Romæ omnia ad arbitrium suum administrabat. Itaque Nicolaus III. Pont. ex familia Vrlina cõprimendæ eius arrogantie, Rodulphum Cæseuocat in Italiam: eiq; Etruriæ ad-

R mini-

ministrationem Carolo ademptam tradit. Ceterum cunctante Rodulpho, Nicolaus repentina morte decedit. Pontificem cetera egregium nimis suorum amor inuisum alijs fecit. Et odiū in propinquos eius erupit. Post eius decessum Cardinales Vrſini in vinculis habiti. Vrsus Viterbij prætura deiectus est. Secutus inde Martinus IV. Carolum Siciliæ Regem in gratiam recepit, concessitq; Populo Rom. vt è suo corpore binos crearent Senatores. Palæologum inde Græcum Augustū, qui contra decreta Concilij Lugdunensis Græcos ab Rom. sedis auctoritate discedere passus esset, anathemate perculit. Subinde Petrus Aragoniæ Rex, Ioanne Prochytae olim Domino instigante, Siciliæ regnum velut hereditarium Constantiæ vxoris suæ (ea Manfredogenita erat) vi, aut fraude recuperare statuit. Fraus prior interuenit. Ioanne à Prochyta impulsore, Messanæ, Panormiq; coniuratio facta aduersus Francos. Igitur ipso die Christo resurgenti sacro, Siculi signo vespertini officii dato, ex composito arma capiunt: Francosq; omnes, nullo ætatis, sexusve discrimine, occidione occidunt. Hinc Siculi Vesperæ in prouerbijū abiire: funestę victis, non admodum honestæ victoribus. Protinus Aragoniæ Rex cum ingenti classe Panormū profectus, ingenti totius insulæ concursu Rex Siciliæ salutatur. Inde cum Carolus maritimis, terrestribusq; copijs superior Insulę immineret, Rex Hispanus præfens periculum noua arte discussit, & Carolo ad equestre paucorū certamen Burdegalæ prouocato, elusoq; . Adhęc Rogerius Lorius classis Hispanæ

Præ-

Præfectus Carolum Claudum Caroli Regis filium
iuuenem improuidum haud procul Neapoli ad cer-
tamen elicit, eumque nauali prælio victum cepit,
priusquam pater, qui haud longè aberat, cum regia
classe, adesset. At Martinus Pont. Petrum Arago-
niæ Regem, quòd Siciliam còtra ius fasq; occupas-
set, regio titulo exitum hostem Ecclesiæ iudicauit,
eiusq; res occupandi fecit volentibus potestatem.
Quæ ille contemptim eludens, patrem duorum re-
gnorum, marisque Dominum se appellabat. Sed
Pontificiæ notæ contemptor non diu felix, aut su-
perstes fuit. Philippus Pulcher Rex Franciæ, infe-
sto exercitu in Hispaniam transgressus, Tarraco-
nensibus bellum intulit. Milites omnes velut sacra
militia, crùcibus insignes erât. Nec tantùm in spe-
ciem pium, sed etiam felix bellum fuit. Perpinia-
num finitimaque oppida in fidè accepta. ora ma-
ritima quâ vi, quâ metu subacta. Petrus Rex viri-
bus impar hostem captabat insidijs: sed fraude pa-
tefacta, periculum in auctores vertit. Insidiatores
Hispani insidijs à Franco excepti, cæsiq; Rex ipse
vulneratus irato Deo, haud ita multo pòst extin-
guitur, amisso etiam auito regno, pro aduentitio,
quod nefaria fraude quæsierat.

Exin Honorius IV. ex familia Sabella vir sapien-
tia inclytus aduersus Ferdinandum Siciliæ Re-
gem per legatum bene pugnavit. Vidonem Fel-
trium acie superatum, Flaminia expulit. Rodul-
phus porrò Cæsar, scriba suo in Italiâ misso, ciuita-
tibus Etruriæ venalè proposuit libertatem. Itaque
Lucêses, Florétiniq; empta libertate, magist. atus

sibi, & vexilliferum creauere. At Pisianorum opes, accepta ad Lamellam insulam suprema à Geneuensisibus clade, conciderunt. Pace deinde inter Iacobum Aragoniæ, & Philippum Pulchrum Franciæ Reges facta, Carolus Claudus è custodia dimissus Romam venit. Ibi à Nicolao IV. Pont. diadema, & regni Siculi titulum sumpsit, materiam belli aduersus Hispanum. Eademq; tempestate bellum inter Eduardum Angliæ, Philippumque Franciæ Reges ortum, Christianam rem in Syria funditus perdidit. Calypha Aegyptius simul Tartarorum metu solutus, simul Christianorum Principum fretus discordia, Tripolim, ipsamque Ptolemaidem cepit, diruitque; tectisque ac mœnibus solo æquatis, fundamenta quoque murorum ab imo molitur, ne quod Christianæ rei ac nominis vestigium extaret in Syria. Annus ipse XCI. eius seculi erat, quo eodem anno, ac pæne mense, natalis Deiparæ Virg. domus, deficiente cultu ex Asia in Europam, cælestium ministerio transijt. Quæ primò in Dalmatia, inde quadriennio post in Piceno consedit. AEdi miraculis, & opulentia inclitæ à Laureta syluæ eius, quam insedit, domina, Lauretanæ nomē inditum.

Per idem tempus Ordo seruorum Deiparæ (Seruitas appellant) institutus extremis Rodulphi Cæsaris temporibus, qui cum XIX. imperasset annos, cessit è vita. Per idem quoque tempus extitit B. Clara à Montefalco.

ADVLPHVS.

A Christo nato anno M C C X X.

ADulphus Cæsaris nomen potius, quam Cæsar, Rodulpho sublectus est, eodem ferme tempore, quo Nicolao IV. Cælestinus V. ex Anachoreta Pont. Max. Qui cum tanto oneri ferendo esse sibi non videretur, singulari exemplo summum sacerdotium posuit. Subrogatus ei Bonifacius VIII. qui sancti viri virtutem æumnis exercitam illustravit. A Cælestino Cælestinorum disciplina orta, quæ magnopere eius mors euidentibus nobilitata miraculis auxit. Memorabile deinde Iacobi Siciliæ Regis factum traditur. Hic Alphonfi fratris Aragonense regnum adeptus Sicilam Carolo Regi, & filios obsides reddidit. Ceterum Federicus Iacobi frater certior factus, Siculos extrema pati potius, quam Francorum imperium, paratos, eò cum classe contendit: summiq; incolarum studiis acceptus Rex salutatur. Sed in Sicilia populorum voluntas vim iuris obtinuit; in Flandria vis pro iure fuit. Philippus Pulcher Rex Francus Flandriam partim vi, partim metu per Carolum Valesium fratrem subegit, Flandriæ Comite cum liberis in fidem acceptis. Et Albertus Rodulphi Cæsaris filius Adulphum Cæsarem prælio victum pariter vita exiit, regnoq; cum is regnasset ferme sexennium.

ALBERTVS.

A Christo nato anno MCCC

ALBertus inde Cæsar fuit, cuius principatus initio, ingens ac diuturnus terræ motus concussit Italiam. Quo terrore, & simul imminentibus Orbi cladibus motus Bonifacius Pont. auertendæ diuinæ iræ secularem annum (Iubilæum vocamus) instituit, Apostolorum Petri & Pauli ædes rite adedū, tibus delictorum omnium veniam indulgens. Incidit ea celebritas in ipsum annum MCCC. à Virginis partu. Noui Pontificalis beneficij fama in omnes Orbis Christiani partes perlata incredibile totius Occidentis exciuit sedibus suis molem. S. Antoninus auctor est nullū ferè abijisse diē, quin vrbs Roma CC. peregrinorum millia hospitio exciperet. Venit inter ceteros illustres Viros Carolus Vallesij Comes, Franci Regis frater germanus. Et per idem tempus Hierosolymæ recuperandæ spes affulsit. Cassanus Scythia Persis subactis, Armenijque Regis filia in matrimonium ducta, eius impulsu Christiana sacra suscepit. Victoque AEgyptio Calypha, Damascum, Syriamque suæ ditionis fecerat. Iamque Hierosolymam ipsa petebat; cum subita defectio Persarum eum domum reuocauit. Ergo Oratores ad Bonifacium Pont. & ad Francum Regem destinati, de sacra vrbe communibus viribus recuperanda. Cerrum missus à Pontifice ad Pulchrum Franciæ Regem Apameensis Antistes, nimio ardore animi cuncta turbauit. Nam Francum ad sacram

eram expeditionem impellens, dum precibus miscet minas, adeò Regis accendit iram, ut is atrociter dicto vetaret, quenquam è suo regno Romam ire, aut pecuniam mittere. Hinc iræ exarsere inter Pontificem, Regemque. & per occasionem cum nouis factionum nominibus vetera odia reuouata. Nouę quippe factiones Alborum, Nigrorumq; Pistorij exortæ sunt, ac tota pæne Italia propagatæ. Pro GIBELLINIS Albi, pro GUELPHIS Nigri appellati.

Noua quoque per id tempus Friaticellorum secta extitit, res in speciem pia, reuera flagitiosa, & viduarum, matronarum, virginū, quas ad nocturna sacra pelliciebant, nefaria corruptela. Itaque & à Bonifacio, & ab alijs Romanis Pont. omni ope repressa est. Inter hæc Carolus Valesij Comes Calabriam à Federico Siciliæ Rege occupatam recepit armis: Federicumq; ad leges accipiendas compulit, ut insula contentus continentem Carolo Claudio cederet. Porro Claudius pace parta, Saracenos Nucerinos diuitijs præpollentes magna ex parte ad Christi pellexit fidem. At Bonifacius Pulchro Franciæ Regi iratus, quòd velut sede Apostolica vacante, ad Concilium appellasset; cum anathemate percussū regni iure spoliavit. quæ res in Pontificis caput vertit. Sara Colūna vnus è Romanis proceribus deformatus, atq; eiectus à Pontifice apud Pulchrū erat. Hic igitur Regis instinctu Anagninā, vbi tū erat Pontifex, seruili habitu venit. & noctu à suę factionis hominibus receptus per vltimū nefas Bonificiū Pont. comprehendit, Romamque

perducit in vinculis; vbi ille non multo post tempore mœrore decessit. exitus vtique Pontificali fastigio indignus. Certè Ausonensis Episcopus vir sanctitate inclytus vaticinatus dicitur. Enimuero pestiferum id gaudium Franco Regi futurum. quippe imminere ipsi, soboliq̃ue eius ingentes clades, ac dedecora ab irato Deo, cuius Vicarium tam atroci iniuria deformasset. Prædictionem comprobauit euentus. Tres deinceps eius filij regnum adepti, qui magnis afflicti cladibus sine stirpe perire.

Eadem tempestate illustres doctrina viri Florentiæ præcipuè floruerunt. Accursius iuris ciuilis consultissimus, Dantes Aldigerius Poeta Etruscis carminibus clarus, & Ioānes Villanus historicus nō ignobilis. Horū æqualis Nicephorus Callistus historicus, & Ioannes Scotus fuit acuminē ingenij, & doctrinæ subtilitate nulli secundus.

Benedictus porrò XI. Pontificiam maiestatem graui exemplo sanciendam ratus, Franciæ Regem, Saracenosque nefarij sceleris participes ignominia notatos sacrorum fecit exortes. Ceterum Rex veniam orans in piorum cœtum receptus, eoq; deprecatore, etiam alijs venia data. Subinde Clemēs V. absens Pontifex creatus Cardinalibus Lugdunū excitis, Pontificiam sedem in Franciam transtulit anno eius seculi V. Deo id cordi non fuisse multis prodigijs declaratum ferunt. Super cetera Laterana Basilica sedes Rom. Pont. (incertū quo casu) deflagrauit. At Clemens Sardiniam à Saracenis occupatam Federico Aragonensi Regi concessit vindican-

eandam armis. Eadem tempestate Albertus Cæsar à Ioanne fratris filio, cuius oppidum occuparat, interemptus est anno principatus sui X. subiectus Cæsar Henricus Comes Lucemburgensis. Et Clemens Pont. ultro ei detulit augustalia insignia tradenda Romæ, qui honos ante id tempus est habitus nemini. Ioannes quoque Alberti percussor cum à Pontifice veniam pœnamque petisset, ad Henricum Cæsarem est reiectus. cuius iussu monachorum septo clausus vitam reliquam egit. Et monastica vita dignum tanto parricidio supplicium iudicatum. At Carolus Rex moriens regnum Roberto filio natu minori legauit. Nam Martellus natu maior in Hungaria regnum materno iure debitum quærens vitam amiserat. Carolus autem Martelli filius regnum Hungaricum iure auix adeptus obtinebat.

HENRICVS VII.

A Christo nato anno MCCCX.

HENRICUS VII. Cæsar Romam petens turbauit Italiam, Mattheum, seu Masseum Vicecomitem Gibellinarum partium Principem ab exilio reuocatum, Vicarium suum Mediolani reliquit, Vidone Turriano Guelpho regimine vrbis amoto. Inde ex omnibus pæne Longobardiæ oppidis Guelphos eiecit, Gibellinis restitutis. Itaque Clemens Pontifex veritus ne Cæsar Romam occupa-

ret absente Pontifice; Roberti Neapolitani Regis fidei urbem commendat. Henricus igitur à Legato Pontificis appellatus Augustus, Roberto Regi abrogat regnum. Iamq; Federicus Rex Siciliæ Hérice foederatus Roberto bellum intulerat, totiusque Neapolitani regni fides nutabat; cum Hérice ipse belli auctor Roberto, & Florentinis exitium minitans ad Bonam conuentum Etruriæ oppidum non sine veneni suspitione decessit, anno quàm Cæsar lectus erat, VI. Cum belli concitore bellum extinctum. Subinde in plerisque Longobardiæ ciuitatibus, qui præpollebant opibus, principatum occuparunt. Scaligeri Verona, Passerini Mantua, Carrarij Patauio potiti. Per id tempus Dulcinus cum Margarita coniuge promiscuos ferarum ritu concubitus in Longobardiam inducebat. Iamque sæda pestis, libidinis dulcedine, serpebat latius; & licentiæ Ducem ingentia agmina sequebantur. Igitur scelerata manus à Legato Pontificis armis oppressa. In Duces atrocita edita exempla. Haud pari laude Pulcher Francorum Rex Templarios, eorum opulentia inhians extinxit. Multi auctores sunt falsis Pulchri criminibus Templarios in Francia circumuentos conflagrasse. Regem in illorum opes pene regias inualisse. Ceterum Templariorum Ordo abolitus: prædia Hospitalariis S. Ioannis à Clemēte Pontifice attributa. Qui opibus aucti in insula Rhodo, quàm de Turcis ceperant, sedem posuere. Inde Rhodij equites appellati, qui nunc sunt Melitenses. Sub idem tempus in Lusitania aduersus Saracenos nouus Christi militum

tum Ordo natus, & Templariorum opibus locupletatus.

Veneti porrò, Ferrara dedentibus ciuibus in fidem accepta, nò interdicto solùm, sed etiam grauissimis in negotiatores edictis à Pontifice malè multantur, & à legato Pont. victi Ferrara expelluntur. Tandem malis fessi pacem, veniamq; à Clemente nequicquam petitam Francisci Danduli memorabili patientia impetrarunt. Is quippe collo catena inserta tamdiu ad mensam Pontificis iacuit, donec mitigata eius ira ignominiosam patriæ aboleret notam. Ex eo Canis Dandulo cognomen inditum. Et hæc humilitas illi ad summum in Veneta ciuitate fastigium viam fecit.

Per idem tempus Ludouicus Hutinus Pulchri Regis Franci filius patri successit, qui regnum Nauarræ maternam hereditatem creuerat, Francicæque regni opes auxerat. Ceterùm diuisa Germanorum procerum in Cæsare creando studia diuiserunt imperij vires. Duo erant Cæsares lecti, Ludouicus Bavarix, & Federicus Austriæ Duces. Qui ingentes conciuere turbas.

LVDOVICVS BAVARVS.

A Christo nato anno MCCCXV.

LVdouicus Cæsar cognomento Bauarus, inita cum Matthæo Vicecomite societate, Genuam bello premebat, vt Gibellini exules restituerentur. Obsessi Ioannis XXI. Pont. qui sedem Auenione locauerat, implorare fidem opemque. Igitur Ioannes postquam denunciatio nihil proficiebat, Bauarum,

rum, & Vicesomitum solemnem ignominiam notatos persequi cœpit armis. Interim Fraticelli (hi errore ducti opes, purpuram, dominatum à Sacerdotibus aliena esse docebant) Theologo subnixi Guilielmo Ochamo. Bavarum Cæsarem sui furoris impleverunt, Pontificem, à quo ipsorum hæresis damnata erat, ultro hæresis arguentes. Ille igitur victo, captoque Federico imperij æmulo, Romam venit. Ibi cum in cœtu Populi Rom. Ioanni XXI. Pontificatum nequicquam abrogasset, Petrum Corbarium Franciscanum Pontificem legit, Nicolaus V. est appellatus. Ab eo Bavarus Augustalibus insignibus ornatur. Ceterum captus honos utriusque probro fuit. Pseudopontifex Pisis à Bonifacio Pisano Comite comprehensus in catenis Avenionem ad Pontificem mittitur. & Bavari imperium à Pontifice non probatum.

Per eadem tempora Mattheus Vicecomes Mediolanensem, Passerinus Bonacossus Mantuanum dominatum occupaverunt. Mastinus, & Albertus Scaligeri fratres ex Eccelini Tyranni latrocinio Veronensem tyrannidem obtinuerunt. Caltricius capitali supplicio exemptus à civibus, exacto Vigacione Tyranno, Lucensem tenuit principatum. In Pontificia quoque ditione noui repente Domini exorti. Galeottus Malatesta Arimini, Franciscus Ordelaphus Foroliuij, Manfredus Fauentiae, Polentanus Rauennæ. Ferraria ab Eltenibus occupata, Bononia, pulso Pontificis Legato, in libertatem asserta. Tanti Gallicana mansio Pontifici

fici stetit. Itaque tam tristi nuncio mœstus Ioânes Pont. moritur, maxima auri summa in thesauris relicta. Sunt qui tradant ad XX. talentorum millia fuisse, hoc est, ad ducenties quinquagies centena millia aureorum nostratium.

Per idem tempus Florentini à Castrucio, intestinisque discordijs fatigati sese Carolo Duci Calabriæ, Roberti Neapolitani Regis filio dediderunt. Ludouicus Gonzaga Passerino Bonacosso Mantuæ Domino interfecto, dominatum occupauit. Canis Scaliger Veronæ Dominus, Patauio de Carrarijs in deditiorem accepto, Taruinoque expugnato, moriens Mastinum filium heredem reliquit. At Galeatius Mattheo Vicecomite natus paterno principatu deiectus sub Castrucio mœrens obiit, Azone filio ad spem Mediolanensis principatus relicto. Porro Castrucius Lucæ Dux à Bauaro appellatus. idemque Pifarum & Pistorij Dominus cum de Pistorio triumphans Lucam inisset, à Legato Pontificis anathemate ictus interiit. Eteius filij paternis opibus à Bauaro, cuius causâ Pontificem offenderat, spoliati. Isabella Angliæ Regina Franci Regis fratris sui pecunia, & Alandi Ollandiæ Comitis generi copiis vta, Eduardum II. Angliæ Regem virum suum adulterum cepit, &, quia resipiscere noluit, regno spoliatum in vinculis habuit, Edoardo filio in regnum adscito.

Nec minor in Græcia per id tempus, quàm in Italia rerum est facta conuersio. Andronicus Palæologi filius damnata suorum popularium fide, Tarraconenses aduersus Turcas conduxerat. Qui cum

cùm stipendijs fraudarentur, Athenarum Ducē de-
bellato, Thebas, Athenasque sue ditionis fecere. Et
Andronicus Augusti nepos in imperij consortium
ab auo adscitus, consortis impatiens auum de-
bellatum in ordinem cogit anno principatus L. At
ille amissis mœrore luminibus, mentis oculos a-
peruit. Itaque cùm tonsus in monasterium inclu-
deretur, illam misit plenam moderationis vocem,
Conuertere anima mea in requiem tuam. At per occa-
sionem discordiarum inter auum & nepotem Au-
gustos, Turcarum opes creuere. Othomanus Ar-
toguli Regis filius Prusam Mysiæ caput, magnam-
que Asiæ partem subegit anno eius seculi circiter
XL. Mansit deinceps omnibus Turcarum Regi-
bus cognomen Othomani.

Inter hæc Scaligerorum opes in Italia creuerant
supra quàm finitimis tutum esset. Mastinus Canis
Veronæ, Patauij, Taruisijque Domini filius atque
heres, paternæ ditioni Vicetiam, Brixiam, Bergo-
mum, Parmam, Lucamque adiecerat. Felix, si Ita-
liis rebus secundis modum. Iamque Boemici
auxilijs subnixus, Venetijs imminebat, cùm cõmu-
no periculum finitimos ad societatem belli compu-
lit. Ergo Veneti, Petri Rubri Parmensis egregij
Ducis opera, Patauium, & Taruisiũ, Luchinus Vi-
cecomes (hic Azoni fratris filio in principatu suc-
cesserat) Brixiam, Bergomumque Scaligero adi-
mũt. Victo ita pax data, vt quod quisque cepisset,
retineret; ipse Verona, Vicetia, Parma, Luca, con-
tensus esset. Pacata Italia, Benedictus XI. Pont. Le-
gatum ad componendas res urbanas destinat Ro-
ma m.

nam. Ibiq̃ue Franciscum Petrarcham Poetam nobilissimum in Capitolium triumphali pompa inue-
ctū laureā donari iubet. Inde Luchino Vicecomiti
Gulielmo Gonzagæ, Mastino Scaligero, Obicioni
Estensi principatus ratos facit. At Bauarus Cæsar
gratiam Pontifici relaturus, dominatum à priuatis
in Pontificiæ ditionis oppidis partum pro impera-
toria potestate ratum esse iussit. Viterbij Vica-
nus, Cæsene Sinobaldus, Urbini Feltrinus, Pisauri
Malatesta, Camerini Varanus, alij alibi Princi-
pes extiterunt. Ortum inde bellum inter Florenti-
nos Pisanosque pæne in caput eorum qui arma in-
tulerant, vertit. Valterus Dux Athenarum à Ro-
berto Neapolitano Rege Florētinis auxilio missus
pæne exitio fuit. Nam ad sedandas civiles discor-
dias conseruator Reip. constitutus, dominatū oc-
cupare cœpit. Urbē vtique tyrannide oppressurus
erat, nisi Angelus Acciaiolus Florentinus Antistes
concitatis ad tuendam libertatem ciuibus, Ty-
rannum expulisset. Ceterum multitudo rerum no-
uarum cupida, nobilitatem regimine ciuitatis a-
motam exegit vrbe. Maior subinde regnum Nea-
politaniū discordia agitauit. Robertus Rex Claudi
filius sine virili stirpe moriens Ioānam ex filio ne-
ptem heredem reliquerat. Ea Andreæ Caroli
Hungariæ Regis minori filio desponsa erat: sed no-
uo sponso per insidias interfecto, nupserat Ludo-
uico patrueli suo Tarentini Principis filio. Igitur
Ludouicus Hungariæ Rex infesto exercitu in Itali-
am venit indignā fratris necem vlturus. Regnum
Neapolitanum à Regina, nouoq; Rege destitutum
sine

sine certamine subigit. Verumtamen Clemente VI. Pontifice deprecante, regnum deinde Ioanne Regina ab Hungaro redditum.

At Orchanes Othomano genitus per Andronici Cæsaris fœcordiam Nicæam, ipsamquæ Nicomediæ Bithyniæ caput vi cepit. Nec ita multo post Andronicus cum neglectis medicorum præceptis, vberiore victu, noxijsque cibis vteretur virgente morbo, temeritatem mortem luit, anno quam imperare occeperat XX. Moriens Ioanni (Caloioannem alij appellant) paruo filio regnum legauit addito Catacuzeno tutore.

Eadem tempestate Petrarcha, Liranus, Durandus, Gregorius Ariminensis, Bartolus Iurisconsultorum facile princeps extiterunt.

C A R O L U S I V.

A Christo nato anno MCCCL.

CArolus IV. Boemi Regis filius Cæsar creatus haud indignum se parto titulo præbuit. Inter principatus eius initia, Nicolaus Laurentij (Colarentium appellabant) scriba Pop. Rom. multitudine ad spem libertatis erecta, Tribunitium nomē, ac potestatem imperatoriam inuasit. Inde omnes ferme Italię populos libertatis dulcedine delinitos perpulit, vt pacem ab eo amicitiamque peterent. Ceterum res maiore animo quam consilio mota, vt breui creuerat, facile corruit. VII. mense, quam tribunatum occeperat, vnā ciuitatis Rom. factio.

factionem amplexus, offendit alteram. Igitur cùm ruinæ proximus in lubrico staret, ad Carolum Cæsarem in Germaniam tendit, societatem eius, & amicitiam petens. At ille turbulentos ciues minimè fouendos ratus, Tribunum vinctum ad Clementē Pont. mittit Auenione. Ibi importunus ille vindex libertatis in vinculis habitus: rebus vrbānis cōpositis, Populo Rom. bini Senatores reddit.

Eodem ferme tempore Roma liberata est, & Cōstantinopolis tyrannide oppressa. Catacuzenus Ioannis pueri tutor sub specie tutelæ inuasit imperium; & per annos XVI. pro Imperatore se gessit, peioribus etiam artibus, quàm quæsierat, firmans tyrannidem. Amicitiam quippe affinitatemq; cū Orchane Turcarum Rege iunxit, filia illi in matrimonium collocata, ingenti cum Græciæ malo. Nam Barbaris amicitia cum Græcis inuadendæ Græciæ deinde occasio fuit.

Porro Clemens VI. Pont. rogatu Populi Rom. secularem Iubilæi celebritatem ad quinquagesimū annum reuocauit, egitq; anno eius seculi L. Eā celebritatem deformauit lues, qua non alia scedior ac funestior memoratur. E Scythia in Græciam transgressa, inde Illyricum emensa Italiam peruasit. Triennioque præcipuas funeribus exhausit vrbes, vix centesimo quoque superstite. Diceret Italiam etiam sanctissimo illo tempore ciuilibus bellis deditam pœnas luere temeritatis suæ, Ita lue sequestra, cessatum ab armis est. Inter quæ Clemens Auenionem ab Ioanna Regina Neapolitana emptum Pontificiæ ditionis fecit. Bononiam

niam à Ioanne Vicecomite Luchini fratre àdemptam amisit. At Carolus Cæsar ad Urbem profectus, & à duobus Cardinalibus Innocentij VI. Pont. nomine imperij insignibus ornatus, intacta celsit Italia. Et Cardinalis Carilla Pontificis Legatus quà vi, quà metu recepit, quicquid noui Dynastæ in Piceno, Umbria, & Emilia occupant. Dynastarum conditio varia pro cuiusque meritis fuit. Malatestæ Polentino, Varano, quòd obsequentiores Pontifici fuissent, fiduciaris principatus relictus: Orde-laphi, ceterique bello domiti eiectique: arces opportunis locis excitatæ. Vix dum Pontificia ditio liberata à Tyrannis erat, cum Roma iugum accepit. Franciscus Baroncellus iisdem artibus, quibus Nicolaus Rentius Tribunatu potitus, à Pontifice per Rentium ipsum extinguitur. Sed Rentius fidei datæ immemor, Tyranno sublato, ipse tyrannidem occupauit. Itaque breui alius infensa olim. factione captus necatur. dignus utique qui Tyrannus moreretur. Secundum Rentianam eadem vnicus Populi Rom. Senator creari coeptus, & ad vitandos ambientium motus, peregrinū vrbi Senatorem Innocentius dedit.

Eadem tempestate, & Roma nouæ, & Constantinopolis veteris tyrannidis iugo exempta. Calo Ioannes, Catacuzeno Tyranno Gatalusij Geneuensis ope, operaque exacto, Constantinopolitanum recepit imperium. Eius meriti pretium insulas Lesbum, & Mitylenem Ligur accepit. Ceterum Calo Ioannes cum Bulgaricis armis premeretur, inita cum Turcarum Rege societate, se eius stipen-

stipendiariam fecit. quæ res Græci imperij labes fuit. Amurathes Orchane genitus, Græco Cæsari opē aduersus Bulgaros Turcica fide tulit. Bellum dedita opera trahens, per speciem supplementi ex Asia transportandi, Callipolim, aliaque oppida circa fauces Hellesponti occupat. Bona inde Thraciæ parte potitus, Adrianopolim imperij sedem transfert, anno eius seculi L.

Maiore Germania periculo defuncta est, damno minore. Iudæi consilia inter se agitarant de puteis veneno inficiendis, vt Christianum nomen extinguerent. Quæstione habita conuicti, omnesq; ad vnum combusti. Eadem tempestate consternatio Romæ exorta salutis initium fuit. Populus Rom. peregrini Senatoris pertæsus septem viros constituendæ Reip. causa creauerat. Itaque Urbanus V. Pont. ad res urbanas componendas Romam aliquando venit Catharinæ Senensis sanctissimæ Virginis hortatu. Septemuiris abrogatis; Senatores peregrinos semestres restituit. Urbis regimen penes Banderclios (hodie Capita regionum vocantur) esse voluit. Eodem tempore Carolus Augustus cum vxore & liberis Romam venit, itemque Brigitta Suetiæ Princeps eximie sanctitatis mulier. Ceterum Urbanus urbanis rebus compositis remigravit in Franciam, relatæ in Italiam Romanæ sedis titulum ac decus alteri relinquens. Inauditum inde Florentinorum facinus proditur. Hi Legato Pontificis infensi vexilla complura, vbi aureis litteris inscriptum erat, LIBERTAS, per co-

hortium duces circum Pontificis oppida misere, populos ad defectionem à Pontifice inuitantes. Immane dictu, quàm facile omnes libertatis dulcedo pellexerit. Vniuersæ pæne Tusciæ, Pice-
ni, Flaminia, AEmiliaeque ciuitates atque op-
pida à Pontifice defecere magno Rom. vrbis bo-
no. Gregorius XI. Pont. ratus ea mala ex Pontificis
absentia orta, eiusdem præsentia discuti posse, Ca-
tharinæ & ipse Senensis impulsu tandem remigrat
Romam anno eius seculi LXXVII. Redijt Roma-
na sedes in Italiam LXX. ipso anno, quàm Clemē-
te V. Pont. abierat in Franciam. Pontificis reditus
vrbi, & Pontificiæ ditioni saluti fuit.

Per eadem tempora Casimirus Magnus Poloniæ
Rex sine liberis decedens regnum Ludouico Hun-
gariæ Regi legauit. Ex quo tempore Poloni pere-
grinis Regibus parere cœperunt. At Carolus Au-
gustus XXXII. imperij anno moriens Vincislavum
filium successorem habuit. vir Musarum fautor
(quippe Pragensis Academiæ auctor) & pace ma-
gis quàm bello clarus. Cuius æqualis Carolus V.
Franciæ Rex cognomento Sapiens, fuit, qui bonis
artibus vnicè deditus, consilio magis quàm armis
quæcumque pater amiserat, ab Anglis recepit.

Eadem ætas & doctis viris, & sanctis floruit. In
his Baldus iuris consultissimus idemq; Bartoli au-
ditor, & Gregorij XI. magister, & Ioannes Co-
lumbinus Iesuatorum conditor, Catharinæ Senen-
sis, & ciuis, & æqualis extiterunt.

VINCISLA VS.

A Christo nato anno MCCCLXXX.

VIncislaus Cæsar ob inertiam inane Cæsaris nomen gessit. Eius principatus initium, ingens Christiani Orbis discordia, insigne fecit. Nam per id tempus Fundis Ioanna Regina Neapolitana fauente, Clemens VII. Pseudopont. aduersus Vrbanum VI. à Francis Cardinalibus creatus, rem Christianam distraxit. Francia, & Hispania Clementem, ceteri Vrbanum Pontificem agnoscabant. Per id tempus Iagello Lituaniæ Princeps Christianis sacris initiatus Lituaniam ad Christi fidem adduxit. Vladislao nomen inditum. Qui deinde Poloniæ Rex creatus Lituaniam, Samagiti- am, Russiam regno Polonico adiunxit, & regnum ad posteros in ducentimum ferme annum propagauit. Eius opus Academia Cracouiensis fuit.

Eadem tempestate Veneti, bello Genuensi multis illatis, acceptisque cladibus, in vltimum venere discrimen, quod tandem in Ligurem vertit Petrus Auria Ligusticæ classis Dux, accisis ad Polam per insidias nauali prælio Venetorum viribus, Istriam perpopulatus Venetias ipsas rerum caput inuasit. Iamque Clodia, Metamauco, ceterisque circa urbem locis vi captis, imminebat vrbi, cum Venetus malis victus oratores de pace per æqua, & iniqua componenda, ad hostem misit. Ligur victoria ferox hanc vnam spem pacis ostendebat, si se suaque per-

mitterent victori arbitrio . Creuerunt Veneto , vt fit , ex desperatione , animi , & vltima experiri , quàm indigna pati maluit . Per opportunè Germanus machinator tormenti bellici genus (Bombardæ ab sonitu , & ardore nomen factum) excogitarat , anceps humanis rebus inuētum , Hoc igitur nouo præsidio fretus Venetus cū noua classe occurrit hosti . Et Ligures improuiso malo perculsi , nec minore terrore , quàm strage victi ad Clodiam obsidentur . Tandem fame domiti eandē conditionem à victoribus Venetis acceperūt , quā victis ostenderant , haud leue tēperandæ victoriæ documentū . Cladem pax consecuta est . Haud ita multò post , cū vtriq; bellis , malisq; fatigati essēt , pax inter eos stabilis constituta anno eius seculi circiter LXXX . Hanc pacem noua belli vis excepit . Carolus Dyrrachinus . cognomento paruus , missa Ludouici Regis Hungariæ (erant enim patrui filij) cum Hungaricis copijs in Italiam venerat , ab Vrbanò pont. ad Neapolitani regni spem euocatus . Per summam felicitatem Campania sine certamine potitur . Neapolim faultis acclamationibus receptus , Ioannam Reginam in arce noua obsessam capit . Subinde Ludouicus Andegauensis regia Francorum stirpe natus Clementis Pseudopont. impulsu , cum XXX. equitum millibus Alpes transijt , Ioannæ Regi- næ aduersus Hungaros opem laturus . Serum id auxilium fuit . Vix regni fines ingressus eam exanimatam cognoscit , puluino faucibus intruso . Et Carolus Francum certaminis audum cunctando fre-

do fregit. Dum bellum in Apulia trahitur, Andegauensis (incertum morbo an veneno) decessit. Exercitus amisso Duce dilapsus. Subinde Ludouicus Hungariæ Rex cum maiorem natu filiam Sigismundo Vincislai Cæsaris fratri despondisset, extinguitur. Carolus ergo, regno Neapolitano ingens, accersitu procerum in Hungariam profectus Rex salutatur. Ita Neapolitano Hungaricum regnum adiecit, felicius alterutro regno futurus. Hungariæ Regina Sigismundo genero fauebat. Huius fraude Carolus necatur. Sigismundus Hungarico regno potitur. Pari scelere Ioannes Galeacius Vicecomes Bernabone patruo in custodiam tradito, Mediolanensem principatum occupauit. Inde Antonio Scaligero, & Francisco Carrario inter se bellum gerentibus, Veronam, & Vicetiam Scaligeris, Patauium Carrarijs ademit. quod tamē nō tenuit. Franciscus filius, Venetis adiuantibus paternum principatum breui recepit.

Dum Italia domesticis bellis quatitur, Byzantij ingens inter Principes orta discordia Turcis Græciæ subigendæ locum dedit. Andronicus Caloioannis Augusti filius ob affectatum imperium oculis captus à patre ad Paiazetem Turcarum Regem (Amurathe is genitus erat) confugit. Itaque Constantinopoli Turcicis armis potitus, precarium à Turcis accepit imperium. Caloioannem patrem cum Emmanuele fratre in vinculis habuit. Qui deinde custodia elapsi ad Paiazetem & ipsi confugiunt. Certamen fuit de imperio inter patrem filiumque apud Barbarum Regem. Qui

velut auctionaretur imperium, Emmanueli plus licitâti demum addidit. Caloioanni, & Andronico Augustis inter Ianizaros locus datus. Quin etiâ ipse Emmanuel nouus Augustus in eundem numerum venit. adeò obsoleuerat iam Græci imperij maiestas. Paiazetes porrò his ipsis adiuuantibus, aliquot oppida Phocidis, Peloponnesi, ac Thesaliæ cepit. Nicopolim inde aliasque haud ignobiles Bulgarię vrbes recepit. Exin Vngarię fines vtre, ac vastare institit. Itaque Ioannes Audacis Burgundiæ Ducis filius cum valido exercitu auxilium Sigismundo Hungariæ Regi tulit aduersus Turcas. Ceterum ad Nicopolim ingens clades accepta temeritate Burgundi. Is vt victorię decus suam faceret, priusquam Sigismundus copias suas castris educeret, cum hoste cõfligit. Et audacia infelix fuit. exercitus cæsus à Turcis, Dux ipse captus, C. C. aureorum millibus se redemit. Sigismundus amisso exercitu, cum paucis procerum effusa fuga periculum euasit.

Inter hæc Bonifacius IX. Pont. consilio ætatē superans (XXX. quippe annos natus erat) tandem Pontificiam restituit maiestatem. Namque S. Angeli arce communita, Populo Rom. frænos iniecit, primusque Pontificum Romanos magistratus ad arbitrium suum creauit. Ladislaum Caroli Regis filium in Neapolitanum regnum restituit, debellatis Tyrannis. Et Franci proceres cum vidissent Benedictum Lunam Pseudopontificem de continuando magis, quàm de tollendo dissidio laborare, eum non edictis solum, sed etiam armis

Fran.

Francia exegerunt. Itaque ille in Hispaniam ad natale solum concessit. Ibi à Ferdinando Castulonensi Rege cultus, cui Aragonense regnum caducum adiudicarat. Ex numero Iudicum Vincentius Ferrerius Euangelij prædicator miraculis inclytus fuit, qui nondum Lunam Pseudopontificem esse senserat. Vincenslaus porro Cæsar ingenti pecunia accepta, Galeacium Vicecomitem, Mediolanensium Ducem appellavit anno eius sæculi circiter XC. Per id tempus præerat Mediolanensibus copijs Albericus Agidarius Cuni Comes ab Hispania oriundus, vir bellicis artibus clarus. Is quippe militarem disciplinam longo interuallo reuocarat in Italiam, ut peregrino milite non egeret. Hinc Brachius, & Sfortia egregij bello Duces, hinc Brachianæ, & Sfortianæ cohortes etiam barbaris formidandæ. Hic igitur Albericus Florentinis Pisas obsidentibus arma intulit Galeacij missu. Iamq; omnia suburbana populatus Florentiæ imminebat, cum Paulus Ursinus vnus è præcipuis eius Ducesibus ad Florentinos transijt. Et ipse Albericus à Galeacio ad domesticum bellum est reuocatus. Iacobus quippe Comes Armeniacus Florentinorum auxilio pellectus, Vicecomiti bellum intulerat. Sed Ioannes Vermis Mediolanensium cohortium Dux nobilis aduersus vim arte pugnauit. Alexandriæ inclusit se, dum Francorum impetus resideret. Illi veluti iam debellatum esset, auidè discurrunt ad prædam. At Vermis incautos ac palantes adortus cedit impunè. Comes faucibus in potestatem hostium venit. Hæc victoria mirè Galeacij opes auxit.

Perusia, Luca, Pisa, Bononia, aliaque oppida in eius venere ditionem, vt iam XXX. ferme nobilissimæ Italiæ ciuitates Galeacio Duci parerent.

Per idem tempus Antoniottus Adurnus Dux Genuensium Remp. fessam discordiæ exhaustam sumptibus Carolo VI. Franciæ Regi dedit. anno (vt Augustinus Iustinianus Ep. Nebiensis tradit) MCCCXCVI.

Aderat iam secularis Iubilæi celebritas, quæ Romæ à Bonifacio IX. agitata est anno post Christum natum MCCCC. Non alia ætas inuitatis, & atrocibus Principum casibus fecundior extitit. Carolus II. Nauarræ Rex cum ad excitandam libidinem, aqua, quæ ardens vocatur, corpus suum perfudisset, amictus est. Haud ita multò post à Germaniæ proceribus Vincislao ob eius inertiam, imperium abrogatum. Carolus VI. Franciæ Rex ob insaniam regni gubernaculis amotus.

Paiazetes Rex Turcarum à Tamerlane Tartarorum Rege victus captusque, & in cauea ferrea ad ludibrium reseruatus. Fama est eum, cœnante Tamerlane, emissum catena aurea collo inserta, inter canes cibum sub mensa cepisse. Ad hæc Regi equum consensuro substratum tergum præbuisse. adeò barbarè barbarus Rex à Rege barbaro tractabatur. Hac victoria Tamerlanes domuit quicquid terrarum est à Tanai flumine ad Nilum. Ceterum breui tam horribilis tempestas detonuit. Regnum moriens duobus, tribusve filiis reliquit, quorum discordia paternas opes in immensum auctas dissipauit. Nec maior Paiazetis filiorum concordia extitit. Quatuor
dein.

deinceps fratres inter se infensi infestique regnum
tenuere. Quorum postremus Mahometes stabile,
ac diuturnum obtinuit regnum, & quæ pater in A-
sia amiserat, recepit.

Eadem tempestate Paulus Venerus extitit, &
Chrysoloras Græcas litteras in Italiam reuexit. Nec
ita multò post Latina lingua cùm syluesceret, ex-
coli cœpta.



H O R A T I I

T V R S E L L I N I,

E S O C I E T A T E

I E S V,

E P I T O M Æ

H I S T O R I A R E M M
à Mundo condito

L I B E R X.

R O B E R T V S.

A Christo nato anno M C C C C.

Robertus interim ex Bauariæ Duce Cæsar in-
gentibus Florentinorum promissis oneratus
Galeacio Mediolanensium Duci bellum in-
tulit. Sed collatis ad Benacum (Gardæ lacum ap-
pellant) signis, victoria penes Vicecomitem ste-
tit.

tit. Ceterum haud ita multo post victor impro-
 sa morte extinctus est. Eius liberi partim oppres-
 si, partim eiekti. imperium dissipari coeptum, alijs
 alias vrbes ad se trahentibus. Per idem tempus Vi-
 cecomitum oppressæ opes, & Scaligerorum, Car-
 rariorumque extinctæ. Franciscus Cartarius Guli-
 elmo Scaligero per fraudem extincto, Veronaque
 occupata, Scaligeros delenit. magno illi frausste-
 tit. Breui ipse à Venetis ductu Francisci Gonza-
 gæ victus, Veronaque, Vicetia, Patauio exutus cum
 liberis ac nepotibus necatur. Carrariorum, & Sca-
 ligerorum ruinis Venetæ opes creuere. Et Flo-
 rentini Pisis ad deditionem compulsis, potentio-
 res esse coeperunt. Sigismundus quoque Hungariæ
 Rex, fratre mortuo Boemico auctus est regno.
 Nouum deinde, & anceps exemplum traditur. Su-
 binde Gregorio XII. Pontifici, & Benedicto Lu-
 na, quod schismatis tollendi causa ad colloquium,
 vti promiserant, venire detrectarent; in Concilio
 Pisano Pontificatus est abrogatus. Alexander V.
 subiectus liberalitate insignis. Pauperibus, bonis-
 que viris largiendo nihil pæne sibi reliqui fecit.
 Cuius illa vox se diuitem Episcopum fuisse, pauperem
 Cardinalem, mendicum Pontificem. Is Ladislaum Re-
 gem Pontificiæ ditionis inuasorem sacra ignomi-
 nia notatum Neapolitano regno exuit, Ludouico
 Andegauenfi Comite in spem regni euocato.

Eadem tempestate Canoniorum Regulariū,
 & Benedictinorum disciplina Patauij instaurata.
 Nouusque Sacerdotum Regularium Ordo (Apo-
 stolici dicebantur) B. Laurentij Iustiniani opera
 Venetijs

Venetijs ortus. Robertus Cæsar X. imperij anno
cessit è vita, cùm B. Francisca Romana assiduo
Angeli custodis conspectu insignis Romæ vigeret.

S I G I S M V N D V S.

A Christo nato anno MCCCCX.

Sigismundus ex Rege Hungariæ, & Boemiæ Cæ-
sar pius in paucis, & rei Christianæ salutaris est
habitus. Hoc auctore Ioannes XXII. Pontifex
concordiæ causa Constantiense Concilium indi-
xit. Quo in Concilio Ioannes multis, & grauibus
criminibus Augusto præsentè conuictus, & Ponti-
ficatu deiectus, decretum Concilii comprobauit.
Exinde Gregorius Sigismundi suasu, Pontificatus
insignia deposuit. Quam ob causam Piceni Legatus
constituitur è Pontifice Cardinalis. Tandem Regi-
bus Angliæ, Franciæ, Hispaniæ, Augusti ipsius le-
gatione, ad auctoritatem Concilij reuocatis, Bene-
dicto Lüne Pontificatus nomen abolitum. Ita pace
aliquando Ecclesiæ reddita, Martinus V. Colum-
na omnium consensu Pontifex creatur anno eius
seculi XVII. Qui Germaniæ, Franciæque populis
sedem deferentibus, in Italiam protinus transiit,
dictitans *rectorem nauis in puppi, non in proa esse oportere.*
Ad eum Balthasar Cossa (Ioannes XXII, o-
lim fuerat) Florentiam profectus in numerum Pa-
trum cooptatur, vt eadem ætas duos videret ex Pô-
tificibus Cardinales.

Inter hæc Ladislao Rege in Florentiæ obsidio-

ne nuper extincto. Ioanna Regis soror, atque heres probrosam agebat vitam. Nece contenta cum Brachio Montonio nouo Pontificis hoste arma iunxerat. Ergo Pontifex regnum Ioannæ abrogat, bellumque infert Sfortiæ ductu. Illa necessitate subacta Alphonsum Aragoniæ Regem adoptat, eius opem implorans. Ceterum Alphonsus hostium victor mulieris inconstantiam veritus, maritimi regni arcibus in potestatem redactis, Reginam in ordinem cogit, ipse regno potitur. Igitur Ioanna Alphonso exheredato Ludouicum Andegauensem adoptione filiū adsciscit, qui per eos dies fuerat à Pontifice Rex vtriusque Siciliæ appellatus. Et Philippus Maria Vicecomes paterna ditione recepta ingens, in Pontificis gratiam Andagauensem auxilijs, & classe iuuuit. Itaque debellatis Hispanis, regnum in noui Regis Frâci fidem venit. Subinde Franciscus Sfortia Brachiū acie victum persequens in Aterni fluminis (Piscariam vocant) transitu, fluctuante ab æstu maris amne, abreptus hauritur fluctibus.

Eodem anno Brachius Sfortiæ æmulus à duce Iacobo Caldera ad Aquilam victus, cæsusque est, dux fortis magis, quàm fidelis. Porro Philippus Vicecomes Brixia, Cremona, Parma positus, Genuâ quoque, eiecto Thoma Frigolio Duce, in deditionem acceperat, cum Franciscus Carminiola Dux egregius ab eo trāliit ad Venetos. Et Veneti Florétinis in societatem assumptis, Carminiola Duce ingentes Vicecomiti intulere clades.

Demum

Demum pace facta, Brixia, & Bergomum Veneto cessere.

Eadem tempestate infania Caroli Regis Franci regnum concessit Anglis. Ioannes Burgundiæ Dux aduersus Comitum Armeniaci dominatû à Regina imploratus, Parisijs captis, Regem ipsum in suâ redegerat potestatem. Iamq; regnum omne ad Burgundionem inclinabat, cum is per speciem colloquij fide data, acceptaque à Delphino Regis filio interficitur. Igitur Philippus Ducis filius heresque rei indignitate motus urbem regiam, Regem, Reginaque cum Catharina filia, Henrico Angliæ Regi tradit. Protinus Catharina patre annuente, qui nec regni, nec mentis potes erat, Anglo Regi nubit his legibus, vt ad Regis Franci generum, liberoseve ex Catharina genitos regnû Franciæ, Rege mortuo perueniret. Ita Caroli infani morte Franciæ regnû ab Anglis occupatum anno eius seculi ferme XX. regni tamen ius ac titulus penes Carolum Delphinum mansit.

Per eadem tempora Amurathes Rex Turcarû Thessalonicâ Venetis ademit. A Etoliam per Dynastarum discordiam subegit. Inde etiam Vallahiam (Dacia olim fuit) Seruiam, Bosnam stipendiarias fecit. Interim diuina prouidentia Francicâ rem mira prorsus ratione restituit. Ioanna erat virgo Lotharinga viriles animos gerens: hæc diuinitus instincta, impetratis à Carolo Rege copijs Aureliani oblidionem soluit. Victricia inde arma circumferens circumiecta oppida, & Rhēnos capit. Ceterum in Parisiorum oppugnatione cum
vulnus

vulnus accepisset à Burgundione circumuenta, & ab Anglo Rege cremata est, maiore inferentis, quàm subeuntis supplicium probro. Quippe illa & vixerat secunda integritatis, & innocentiae fama, & moriens facile, ac proclive Regi bellum, ac victoriam tradidit. Itaque Rex pace cum Burgundiae Duce facta, per eum amissas vrbes, oppidaque de Anglis recepit, restitutus in regnum eiusdem ope, cuius opera fuerat deiectus. Sigismundus porrò Augustus ab Eugenio IV. ritè appellatus Francisco Gonzaga Mantuae Domino Marchionis titulum dedit. Ceterum Sigismundo in Germaniam regresso, Philippus Vicecomes nefarium Pontifici bellum pessimis artibus fecit. Confictae sunt ab eo litterae quibus ipse Concilii Basileensis Dux, & Pontificiae ditionis Praefectus constitueretur, Eugenio in ordinem coacto. His litteris Picenum Francisco Sfortia Duce subegit. per Columneses Populum Rom. in Eugenium concitavit. Qui temporì cedendum ratus Florentiam se recepit. Ibi Pontifice auctore Medicei ab exilio reuocati. Cosmus vexillifer creatus. Inde Ioannes Vitellescus Patriarcha Alexandrinus Romam à Pontifice destinatus Columnenses, Sabellosque Gibellinae factionis principes armis domat. Protinus in Campaniam progressus Pontificia oppida recipit.

Inter hæc Ludouico Rege, Reginaque eodem anno sine liberis vita functis, ingens in regno Neapolitano exitit belli moles. Neapolitanorum plerique Rainerio Renato Andegauensi Regis fratri regnum deferebant, id testamento Reginam iussisse

fisse præferentes. Præcipui procerum fauebāt Alphonso. Hic igitur instructa classe Caietam terram, marique acriter oppugnabat, cum Genuensis classis à Vicecomite missa subsidio venit obfessis. Ibi Ligur viribus inferior arte vicit. Regiam nauim subito concursu ictam pæne demersit, & simul magno viuarum calcis numero ante oculos hostium in mare coniecto, Hispanorum animos ingenti terrore perstrinxit. Itaque positis armis in calcis caligine statim est deditio facta. Capti duo Reges Aragonensis, & Nauarrus, procereſq; complures, ac magna Genuensium fama ad Vicecomitem adducti. Ceterum ab eo non vt hostes, sed vt hospites accepti, tandem cum muneribus dimittuntur vltro. Rarum in hoste, & omni æuo memorabile humanitatis exemplū. Verum enim vero Genuenses ea re infensi, Francisco Spinola Duce, excusso Vicecomitis iugo, asserunt se in libertatem. Inter hæc Vicecomitis opera corruptum, Basileense Concilium lasciuire in Pontificem cœperat. Plerique Patrum Pisani, & Constantiensis Concilij memores, rei Christianæ summam arbitriumque à Pontifice ad Concilium transferebant. Ergo Eugenius, ne quod monstrum conuentus ille pareret, Iuliano Cæsarino Legato inde reuocato, Concilium Bononiam, inde Florentiam transfert. Eodemque fortè tempore Sigismundus Augustus decessit anno principatus sui XXVI.

Per idem tempus Maffæus Aegius Poeta; Laurentius Iustinianus, Dionysius Carthusianus, Anto-

toninus Florétinus doctrina pariter, ac sanctimonia clari extiterunt.

ALBERTVS II.

A Christo nato anno MCCCCXL.

ALBertus II. inde Dux Austriæ, Sigismundi gener, heresq; regnorum, Cæsar creatus. Eodẽq; anno Ioannes Palæologus Græcus Imperator cū Patriarcha Constantinopolitano, magnoq; Orientis Antistitem numero Ferrariã ad Eugenium venit. Et Basileẽs conuētus monstrū, quod parturiebat, maturauit. Eugenio Pontificatus abrogatus, & Amadeo Sabaudix Duci (is cum paucis familiaribus studio sanctioris vitæ secesserat) delatus. Felici nomen inditum omine infelici. Quippe Basilea basiliscum peperisse vulgo ferebatur. Subinde Florentino Concilio, Græci Palæologo præsentē, conuicti tandem ad Latinæ Ecclesiæ religionem, Romanique Pontificis auctoritatem summa omnium gentium lætitia, & gratulatione rediere, anno eius seculi circiter XL. Mox Armenij, Indique Concilij auctoritatem secuti in lætitia cumulum accessere. Permissum Græcis, vt suo ritu in baptismo vterentur, fermentatum panem consecrarent, vxores ante sacerdotium ductas haberent. Per idẽ tempus ratio imprimendorum librorum apud Germanos inuenta, magno ingeniorum compendio, bonoque.

Porro ne læta omnia essent, Nicolai cui Piccininus à corporis breuitate nomẽ, Vicẽcomitis Dux Rauennam, Bononiam, ceteramq; AEmiliã Põ-

tifici

tifici ademit, inde Venetorum ditionē inuasit. Ceterū Sfortia Philippi promissis elusus ad Venetos defecit. Et Verona, Vicetiaq; obsidionis periculo liberatis, rem Venetā inclinantem erexit. tātum in illo Duce in vtramque partē momenti fuit. Inter hæc Albertus Cæsar vix expleto biennio regni, vitæque finem fecit. Renatus ingenti Genuensium classe subnixus regnum Neapolitanum sine certamine occupauit. Sed post discessum Ligulicę classis, Alphonsus Aragoniæ Rex Neapolim obsidet, & intromissis per aquæ ductum militibus (vt olim Belisarius) urbē capit. Renatus amisso regno, profugit in patriam. Ita demum Neapolitanum regnum Tarraconensibus celsit anno eius seculi XLII.

FEDERICVS III.

ACHRISTO nato anno MCCCLII.

Federicus III. Cæsar interim creatus. Cuius principatum insignis Hungarorum, ac Polonorum clades nobilitauit. Vladislaus Hungariæ, Poloniæque Rex ad Varnam Mytiæ urbem collatis signis cum Amurathæ confixit. Ac primo impetu Ioannes Hunniates Præfectus Hungarię Turcarum equitatum in fugam verterat. Sed Rex castra hostiū temerè aggressus cecidit cum ingenti suorum clade. Iulianus quoque Cæsarinus Pontificis Legatus, incertum quo loco perijt. Regis caput à ceruicibus abscissū ac tota Græcia circūlatum. Ceterū tristis huius nunciū moerorem Alexandri Ducis E-

Epirotarum (Scanderbechus à Turcis appellatur) virtus absterfit. Is cum ab Amurathe defecisset, paterna ditione recepta, aduersus Turcas secunda prælia multa fecerat. Inde Croiam præcipuam Epiri (quæ nunc Albania est) urbem Amurathe oppugnante defendit, parua manu mirabilia opera edens: & quamdiu vixit Turcarum terror, Epiri propugnator fuit.

Inter hæc Eugenius Pont. cæsum Basileensem cū decretis non posset, disiecit armis, Delphino Caroli Franciæ Regis filio Basileam immisso. Et per id tempus Bononia in Pontificis fidem venit. AEmilia per Legatum recepta. Sfortia Vicecomitis ex hoste gener, ex Piceno Pontificiam ditionem incursans, Piccinini ductu, Alphonsiq; Regis auxilijs Piceno tandem exactus. Hac Eugenius victoria letus decessit, Pontifex doctorum hominum, doctrinæq; fautor in paucis. Leonardum Aretinum, Carolum Poggium, Georgium Trapezuntium, Flauium Blondum historiâ nobilem, secretorum participes habuit. Gymnasia omnia enixè fouit, Romanum in primis, quod omnium disciplinarû magistris instruxit.

Nicolaus V. sublectus, qui doctrinæ, ac virtutis gradibus ad Pontificatus fastigium ascendit, eodem anno Episcopus, Cardinalis, Pontifex creatus. Et Felix Pseudopontifex consensu omnium, & Cæsaris auctoritate victus Pontificalem deposuit ornatum. Igitur ei Cardinali creatæ Germaniæ legatio delata. Per id tempus Veneti Philippo Vicecomite extincto, Laudam, & Placentiâ occupat. Et Sfortia

Sfortia Mediolanensibus infensus defecit ad Venetos. Quorum auxilijs fultus Papiam, ceteraque oppida Mediolanensium vi capit. Quamquam, deserentibus Venetis, Cosmi Medicei pecunia adiutus, Mediolano potitur, & Mediolanensium Dux salutatur. Secutus est annus MCCCCL. Iubilæi celebritate, & Federici Cæsaris cum Leonora coniuge aduentu in urbem, & inauguratione insignis. Augustus Borsum Estensem Mutinæ Ducem appellavit. Ceterum Nicolai V. Pontificatus Constantinopolitana clades insignem fecit. Græci religionem in Concilio Florentino nuper iurciurando firmatam, haud sine leuitate dānarant. Ergo Mahometes Rex Turcarum, Deo Græcis irato, Constantinopolim vi capit, & Constantino Palæologo Imperatore (ut à Constantino ortum cum Constantino deficeret imperium) interfecto, ingētes nobilitatis, ac vulgi edidit strages anno eius seculi LII. Mahometes sede Græci imperij potitus, Imperatorem se dici iussit. Callistus inde III. Pontifex Turcis bellum illaturus nihil nec diuinæ, nec humanæ opis prætermisit. Perpetuis supplicationibus indictis, Vssumcassanum Persarum Regem muneribus in Turcam incitauit. Copias in Hungariam, classem in Græciam destinavit, & apparuit, cæleste auxilium in multiplici victoria. Belgradum nobile Hungariæ oppidum Mahometes C. C. armorum millibus oppugnabat. Igitur Hunniarum, Ioanne Capistrano Christi crucifixi effigiem in hostem inferente, ingentem Turcis intulit cladem. Exercitus omnis, parua

manu fufus, ad XX. millia hoſtium cæſa; Mahometes ipſe vulneratus. Clafſis hoſtilis maxima ex parte capta, atq; demerſa. Bombardæ ad CLX. ademptæ. Caſtra omnis opulentix plena direpta. Porro Ludouici Aquileienſis Patriarchæ ductu clafſis Turcica ad Rhodum victa, ac magna ex parte capta. Aſiæ ora depopulata. Smyrna, Lemnus, Imbrus, aliæque AEgei maris inſulæ receptæ. Viſum caſſanus quoque & de Mahometis filio, & de ipſo Mahomete egregias victorias retulit, quibus amplius CCCC. Turcarum millia deleuit, diuina magis ope victor (vt ipſe in epiſtola ad Pontificem data profeſſus eſt) quàm humana. Ceterum Mahometes Græcorum Dynaſtarum diſcordia inuitatus Corinthum, magnamque Achaix, & Peloponneſi partem ſubegit. Athenas, Atticamque vniuerſam in deditiõnem accepit. Spartam, Thoma & Demetrio Palæologis fratribus decertantibus, occupauit, Thoma expulſo, & Demetrio, qui Turcarum opem implorarat, abducto. Ita Peloponneſus pæne omnis, præter Methonen vrbein, quæ Venetorum fœderatorum erat, in Turcarum ditionem reducta.

Pius II. interim Pontifex creatuſeſt. is Pontificatum à pio bello orſus, Chriſtianos Principes impellere ſtatuit in Turcam. Mahometes quippe Peloponneſo pæne omni ſubacta, iam Epiro imminēbat. Scanderbechus Epiri Princeps periculo motus, iuncta cum Ferdinando Rege Neapolitano amicitia, Neapolim primum ad Regem, inde Romam ad Pontificem venerat.

Ab utroque benignè acceptus, & cum muneribus, ac spe auxiliorum domum remissus. Sed mox domestica bella fuere impedimento, quo minus opem ferret, uti decreuerat, Scanderbecho Pius. Itaque Sigismundum Malatestam Arimini Dynastam armis domat, & Ferdinandum Neapolitanum Regem, ad regnum paternum à Ioanne Renati filio tuendum auxiliis iuuat. Pacata Italia, in Mantuano Concilio Sacrum bellum indicit.

Inter hæc Mahometes Trapezunte, vniuersaque Chalcide potitus, Dauidem Trapezuntium Imperatorem cum omni nobilitate Byzantium velut in triumpho duxerat, ut vnus Turcarum Rex per Latinorum Principum discordiâ, duo imperia Græcorum euerteret. Matthias Hungariæ Rex erat, Hunniatæ genitus, Turcicis victorijs nitens. Hic vel in primis sacri belli socius assumptus. Non alia res magis animos hominum mouit, quàm fama Pontificis, ad sacrum bellum ituri. Ceterum dum Pius Anconæ per autumnum sociorum copias expectat, siue ædio animi, siue cæli intemperie decessit.

Paulus II. Pontifex secutus, sacro bello Matthiam Hungariæ Regem præposuit, qui Venetorum classe, auxilijsque subnixus, magnas Turcis intulit clades. Veneti Peloponnesijs ad defensionem sollicitatis, Spartam, Arcadiam, aliasque regiones in fidem acceperunt. Sed post classis discessum, omnia à Turcis recepta sunt. insuper Lesbos insula Catalusio Liguri, qui fratre interfecto principatum obtinebat, adempta. Paulus inde Pontifex Cardinalibus purpuram insigne dedit. Boršiū Estensem

Ferrariæ Ducem creauit. Georgio Poggebrachio Boemiæ Rege hæresis damnato, Boemicum regnū Matthiæ Hungaro Regi condonauit. Itaque Morauia, Silesia, ceteræq; regiones, & vrbes catholice Hungarum secutæ. Per idem tempus Franciscus à Paula Ordinem Minimorum, Ludouicus XI. Rex Franciæ Ordinem Equitum S. Michaelis instituit.

Xystus inde IV. Pontifex subrogatus antiquam ædis Lateranensis possessionem Canonicis secularibus, qua inde vsq; à Bonifacio VIII. pulsus fuerat, reddidit. Regularibus cœnobium, & templum pacis extruxit. ita controuersia inter eos aliquando sublata. Federicum Feltrium Vrbinate Ducem appellauit, sibiq; affinitate iunxit, eius filia Ioanni Roboreo fratris filio collocata. Franciscus Maria inde genitus, qui ab auunculo Vidone Vbaldo Federici filio adoptatus ad ducatum Vrbinate deinde peruenit.

Inter hæc Mahometes Rex Turcarum Bosnam, Rege debellato, & per summam perfidiam necato, subegit. Bosniæ Regina Romam ad Xystum confugit. Qui societate cū Venetis, & Ferdinando Neapolitano Rege inita, Oliuerij Carafæ Cardinalis ductu, bellū intulit Turcis. Carafa igitur Smyrna capta, minus dāni hostibus, quā terroris attulit. Et domesticum bellum Pontificis curas auertit. Nicolaus Vitellius Tiferni regulus, Laurentii Medicei (Magni Cosmi hic nepos fuit) pecunia adiutus tumultuabatur, finitimos populos ad defectionem trahens. Itaque Pontifex Vitellio per Iulianum Legatum

gatum domito, in Medicen arma vertit. Quem in-
fidiis frustra appetitū, aperto persecutus est bello,
Ferdinando Neapolitano Rege in belli societatem
adscito. Iamque res Florentina inclinabat, cū Lau-
rentij singularis animi magnitudo, prudentiaque
præsens periculum discussit. Neapolim profectus
Regē, ex hoste socium fecit. Mahometes interim
rerum successu ferox Eubœam insulam (Negropo-
tum vocant) & Scodram urbem munitissimam
(vulgo Scutarim appellant) ademit Venetis, Rho-
doque frustra oppugnata in Italiam arma vertit: &
Hydrunte improviso impetu capta, Italiam terro-
re compleuit. Exemplò omnium curæ à domesti-
cis bellis in communem hostē versæ. Verū vbi su-
bita Mahometis mors Italiæ Principes metu soluit,
Hydrus ab Alphonso Calabriæ Duce recepta est.
Per id tempus Veneti, Cypri Rege cum stirpe ex-
tincto, Cyprum insulam, Regina tradente, occupa-
rant.

Inter hæc Xystus Iubilæi celebritatem ad XXV.
annum reuocatam egit, anno eius seculi LX XV.
Quam Ferdinandi Regis Neapolitani aduentus in-
signem fecit. Et eodem Pontifice duo Reges, alter
Daniæ, Suetiæ, Noruegiæ, Gothorum; alter Val-
lachix, & Bosniæ; duo item Duces Saxonix, & Ca-
labriæ voti causa ad Apostolorum limina venire.
Per idem tēpus Iudæi Tridētini in Simone puero
Christiano oēs Christi cruciatus renouarūt. Galea-
tius Maria Dux Mediolani à Ioāne Andrea Lāpra-
gnano, ob iram adempti sibi fundi, est interfectus.
Quæ res Genuenses impulit, vt Auria auctore, ex-

cusso Sfortiarum iugo, se in libertatem vindicarent.

Xysto IV. Pontifice Ioannes Tritemius, Rodolphus Agricola, Ambrosius Calepinus, Angelus Politianus, Io. Iouianus Pontanus, Hieronymus Vida, Sanazarius illustres fuerunt.

Subiectus Xysto Innocentius VIII. Pontifex amicus pacis & otij, sed Aquilanis, qui à Rege Neapolitano defecerant, in fidem acceptis, ingenti se implicuit bello. Ceterum Zizimi Sultani captiuitas eius Pontificatum nobilitauit. Is Mahomete natus erat, & à Baiazete fratre prælio victus ad Rhodiorum Equitum Magistrum confugerat. Itaque Romanam ad Innocentium bellum iam Turcicum meditantem est missus. Ibi honesta custodia habitus. At Baiazetes ut Pontificem sibi conciliaret, sacrosanctam Christi lanceam ei dono misit. Et eodem tempore sanctæ Crucistitulus à Petro Mendoza Cardinali repertus, quo ipso die Ferdinandus, & Elizabetha Hispaniarum Reges, Granata, vrbe per vim potiti, Maurorum in Hispania regnum exciderunt anno circiter DCCL. quàm Saraceni, Iudæiq; aut Christum colere, aut exulare iussi. Subinde, sacræ Inquisitionis officium est institutum. Ob eas res Ferdinando Regi ab Innocentio Catholici cognomen datum. Porro Rex Catholicus Christophori Columbi Genuensis opera nouum Orbem auri fodinis prædiuitem, antiquitati penitus ignotum aperire coepit anno eius seculi circiter XC. Subactæ primùm obuiæ insulæ, inde terra continens, cui Mexico est nomen. Exin Americus Vespucius Floren-

rontinus, Emmanuelis Lusitani Regis missu, Bra-
siliam, noui Orbis partem, lustrauit anno circiter
MD. quæ deinde à Lusitanis paulatim occupata est.
Ab hoc Americæ nomen factum. Memorabiles v-
tique viri, sed memorabiliore, si eos ad lustran-
das ignotas oras, gentesque religio impulisset. Sub-
inde & Innocentius Pont. & Laurentius Mediceus
Italicæ pacis perpetuus custos celsit è vita, Petro fi-
lio relicto nec virtute, nec consilio pari.

Innocentio VIII. rebus humanis exempto sub-
lectus est Alexander VI. non sine ambitus infamia.
Satis constat omnes, qui spe præmiorum illi sus-
gati fuerant, exitiales exitus habuisse. & eius Ponti-
ficatus grauissimo Italiæ bello insignis fuit. Eodem
ferme tempore Innocentio Alexander, Ferdinan-
do Regi Alphonsus filius, & Federico Augusto Ma-
ximilianus item filius successit, cum eius parens
obijisset anno post initum imperium XXXVIII.

Sub idem quoque tempus Iacuppus Vsumcassa-
no genitus impudicæ vxoris fraude oppressus est.
Eius liberis de imperio decertantibus, Ismahel So-
phus sororis filius auitum regnum Persarum recepit.

MAXIMILIANVS.

A Christo nato anno MD.

Maximilianus Cæsar Federico patre non vir-
tute clarior; sed Italiæ funestior fuit. In-
ter

ter principatus initia, Ludouico Sfortia (Moro cognomen erat) qui per tutelæ occasionem, tyrannidem occuparat, Mediolanensium Duce contra ius, fasque appellato, grauissimi belli materiem dedit. Alphonfus Calabriae Dux, mox obitu Ferdinandi Patris, hoc nomine II. Rex Neapolitanus, Ioannis Galeacij pupilli socer generum in paternum principatum restituere moliebatur armis. Morus ergo vt bellum auerteret, Carolum VIII. Franciæ Regem ad Neapolitani regni velut hereditariam possessionem vocat. Et Carolus ingentibus copiis, inuisitatoq; bombardarum apparatu in Italiam transgressus in Etruriam diuertit. Ac Petri Caponis virtutem reueritus Florentinos æquis conditionibus in fidem recipit, salua libertate, quam Petro Mediceo Laurentij filio pulso recuperarant. Eodem tempore Pisani coniuente magis, quàm concedente Carolo, se in libertatem vindicarunt. Rex Romanam profectus ab Alexandro VI. Pontifice amicè accipitur, Zizimoque abducto Neapolim petit.

Inter hæc Alphonfus Rex non magis hostis apparatu, quàm suorum procerum odio exterritus cessit, Ferdinando filio Rege declarato. Qui Francis impar, ne tentato quidem bello, in AEnariam insulam (Ischiam vocant) se recepit. Ergo Carolus victor prius, quàm hostem videret, tam opulento regno sine vlllo certamine potitur. Sed exemplo in Franciam remigrans documento fuit, quanto difficilius sit tueri res, quàm parare. Tā felix victoria omnes ferme Christianos Principes sibi metuentes

in Francum armauit. Haud procul Parma dubio Marte dimicatum est. Rex Francus amisso exercitus robore, ac flore discessit. Itaq; Ferdinãdus Rex quã fauore procerum, quã auxilijs Catholici Regis, Consalui eximij Ducis opera regnũ Neapolitanũ facilius pene, quã amiserat, recepit. Ceterũ, recepto regno, haud diu superstes fuit. Sine liberis moriens Federico patruo regnum legauit. Eodemque tempore, Ludouicus XII. Aurelianensiu Dux Carolo VIII. subrogatus. Hic Catholico Rege in societate belli assumpto, Ludouicum cognomẽto Maurum Mediolani Ducem debellatum capit. Mediolano potitus regnũ Neapolitanũ, Federico Rege tradẽte, recipit. Ceterũ in regni diuisione ex fœdere, ortum inter victores certamen, Hispanos, Gallosq; comisit. Consalius igitur Dux, Frãscisus, regnũ Ferdinãdo Regi Catholico vindicat, ex eo Magnus Dux appellatur. Ita Neapolitanum regnum rediit ad Hispanos anno circiter M D. qui annus Iubilæi celebritate insignis fuit.

Magnus subinde motus Italiam agitanit. Cæsar Borgia Dux Valentinus Francis auxiliis fultus, AEmiliam omnem (præter Bononiam, quæ à Ioãne Bentiuolo Tyranno tenebatur) Flaminiamq; in suam ditionem redegit, dissimulante Alexandro VI. Pontifice, & filij opibus fauẽte. Mox Vidonem Vbaldum Urbini Ducem principatu exuit. Camerino, sublati Varanis potitur. Neque his contentus, Columnensium, Vrsinorum, Caietanorumque oppida, quã vi, quã fraude occupat. Ceterũ Alexandri Pontificis mors eius tyrannidi finem imposuit.

Alex.

Alexandro VI. Pius III. breuissimus Pontifex, Pio Iulius II. subiectus. Qui Borgiam omni ditione ac dignitate spoliatum dimisit. vt qui aut nihil aut Cæsar esse concupierat, quoniam Cæsar esse non poterat, nihil esset. Inde Pontifex Ioanne Bentiuolo exacto, Bononiam recepit. Exin Maximiliano Cæsare, & Franciæ, Hispaniæque Regibus in societatem assumptis, Venetos continentis possessione exutos in Venetiarum angustias compulit. Res captæ inter victores diuisæ, Cæsari Verona, Vicetia, Patauium cum Carnis; Regi Gallo Bergomum, Brixia, Cremona, & Crema; Hispano Trannum, Monopolis, Bariolum (Barlettam vocant) Apuliæ oppida cedere. Pontifici Rauenna, Ariminum, & AEmilia omnis reddita. Per idem tempus Pisani cladibus fracti, arcta oblidione domiti, tandem Florentinorum iugum recipere. Iulius porrò minuendas in Italia Francorum opes ratus, Alfonsum Ferrariæ Ductum ab eorum amicitia auellere cum non posset, bello petit. Mutinam Francisci Gonzagæ ductu capit. Mirandulam suis auspicijs expugnat, haud satis dignum tantis laboribus præmiū. Ceterū ad Rauennam Gasti Fois ductu ingentem accepit à Francis, & à Ferrariensi Duce cladem. Nec incruenta hostibus fuit victoria. ad XX. hominum millia, æquata ferme vtrinque strage, cecidisse traduntur. Et ex Francis Dux ipse Gasti cum nobilitate cæsus. Ex Pontificijs Ioannes Medices Card. Legatus captus. Qui paulo post fuga elapsus, Hispanarum copiarum ope, Florentiæ principatū Medecis restituit. Et Logobardi Hel-

di Heluetijs subnixi copijs, cæsis Fræcorû præfidiis, in pristinû statû redierunt. Ita Mediolanensis possessio Francis adempta, & Maximiliano Ludouici Mauri filio ex auctoritate Cæsaris, & Pontificis redita. Per idê tempus Genua, quæ Francis parebat, à Fregosijs asserta est in libertatem. Bononia pulsâ denuo Bentiuolis, Rauennaquæ à Julio receptæ. Parma, & Placentia ex foedere Pontifici tradita. Inter hæc Veneti omnia ferme, quæ superiore bello amiserant, armis receperunt. Julius II. Pont. Pisapum conuentum Rege Franco auctore institutum Lateranenfi Concilio indicto, actoquæ dissoluit. Paiazetes Naupacto, & Methone potitus, cû Venetis pacem fecit. Ad vltimum filiorum rebellantium bellis implicitus Selimi filij fraude interijt.

Per idem tempus Baptista Mantuanus, Poeta, vt illis temporibus nobilis, floruit.

Leo inde X. Laurentij Medicei filius Pontifex pacis, otijquæ amator, & cultos fuit. Cû Franciscus I. Rex Franciæ, Mediolano recepto, Parmam, Placentiamquæ Pontifici ademisset; Leo cum Franco de pace tranlegit. Pragmaticam sanctionem de sacerdotiis à Franco Rege mandandis, per eam quâ Concordata vocant, aboleuit. Subinde Ferdinandus Rex Catholicus, Nauarra in potestatem redacta, decessit, Carolo nepote ex filia (hæc Philippo Austriaco Flandriæ Comiti nupserrat) herede regnorum relicto. Porro Martinus Lutherus aduersus Rom. Pontificem debacchari in Saxonia, vnde ipse erat, cœpit, Saxonix Duce fauente, & Ignatius Loio-

Loiola, qui deinde Societatis Iesu auctor fuit, sanctimoniae fama florere cepit, Deo nouam piorum hominum cohortem, aduersus impios fidei desertores, parante.

Inter hæc Selimus Paiazete patre, fratribusque extinctis, Turcarum inuasit imperium. Iactata est sermonibus barbara illius vox, *Nihil iucundius eff. in vita. quam sublato proximo meo regnare.* Inde duobus Sultanis debellatis Syriæ, & Aegypti amplissima regna suæ ditionis fecit. Ismaeli quoque Sopho Persarum Regi Taurinium urbem regiam ademit, Iamque Italiæ imminabat, cum cranco absumptus, Solimano filio legat imperium.

Porro Hispania cum ab Austriaco Rege, & Belgis Prætoribus regeretur, magnis motibus agitata est. adeo Hispani peregrina imperia non ferunt. Haud ita multo post Maximilianus Cæsar XXVI. principatus anno cessit è vita.

CAROLVS V.

A Christo nato anno M D X X.

Carolus V. Maximiliani Cæsaris ex Philippo nepos. Cæsar bellica virtute clarus in paucis fuit. Huius ope Leo Pont. Prosperi Columnæ ductu rursus Italia expulit Francos. Mediolanensis principatus Francisco Sfortiæ Mauri filio, Parma, Placentiaque Pontifici ex fœdere restituta, Leo Pontifex siue ex tam læti nunciij gaudio, siue ex veneno in morbum incidit, quo breui est absumptus. Pontifex, nisi fama luxus obstarct, memorabilis, pietate, iustitia, liberalitate insignis, litterarum, lit-
terato-

teratorumque fautor eximius paterno instituto, Gymnasiū Rom. nobilibus Doctoribus vndiq; accitis celebrius fecit. ex doctorū numero Ianus Parrhasius, Augustinus Niphus, & Basilus Chalcondilas Demetrii filius, fuere. Petrum Bēbum, & Iacobum Sadoletum ab Epistolis habuit. Franciscum à Paula in Sanctorum album retulit. Eodem anno, quo Leo, decessit Emmanuel Rex Lusitanæ, Armutia celeberrimo Arabiæ emporio, Indiæque & vltima Orientis ora subacta nobilis.

Adrianus VI. Pont. lectus est absens, cum præflet Hispaniæ. Eius Pontificatum Rhodientis clades funestum fecit. Rhodus quippe dum Christianorum Principū cunctatur auxilia, à Solimano in deditiōnem accepta est anno eius seculi XXII. Inde Rhodiis Equitibus Melita insula assignata. Per idē tēpus Belgradum quoq; Hungariæ propugnaculum amissum. Genua à Cæsariscopijs direpta, pulso Fræci Regis prælidio, in cuius tutela annos octo fuerat, in Hispanorum fidem peruenit. Habitus est vtiq; Adrianus in negotijs lentior tardiorq;. Itaq; celebrata est illa Hieronymi Balbi Hūgari Legati libera in Cardinalium Senatu vox, *Fabius Max. cunctando re Romanā est. ius. in P. B. as. si. me rem Romanā, Chr. st. anawq, perd. iur. uis vid. re.* Egregius cetera Pontifex Adrianus fuit. Eum Alexandrinus Patriarcha per litteras Christi Vicarium agnouit. Obiit cū ingenti opinione sanctitatis, quæ ex eo orta est maxime, quod neminē ex cognatis honoribus, atq; opibus extulit, nolle se ædificare Sion in sanguinibus diclitās. Celebratur etiā sapiens illa eius vox, *Pontifex*

ficiam sedem spinosam esse, iter undique obsitum sentitum. Proinde in eius sepulchro inscriptum. Adrianus Vl. hic fuit, qui nihil sibi infelicius in vita, quam quod imperaret, duxit.

Eadē tēpeltate Lutherana pestis è Saxonia emergens, proxima Danię regna corripuit. Chrīstranus, seu Chrīsternus Rex Danię, Suetię, Noruegię primus Regū, Lutherū secutus ab Orthodoxa religione desciuit. Et documentum ceteris Regibus fuit. Haud ita multo pōst tribus regnis ob crudelitātē exutus à suis, & à successorē vinctus in clathrata cauca ad mortē vsq; habitus dicitur. Subinde Lutherana secta, dissidentibus à Magistro discipulis, in Zuinglianos, & Carlostadianos, Calvinianosque diuisa est.

Clemens VII. Leonis X. patruelis Pontificatum auspicatus est à celebritate Iubilęi, qui in XXV. eius seculi annū incidit. Qui idē annus Francorum clade insignis fuit. Franciscus Rex Frācię dū Papiā obsidet, amisso exercitu, in Cæsarianorū potestātē venit. Inde abductus in Hispaniam, sese filiis traditis, filios vicies cētenis aureorū millibus redemit. Exin Mediolanum à Cæsare receptum est Frāncisco Sfortia in Ordinem coactō. Rhegiū Lepidi Pōtificia demptum. Itaq; Clemēs à Cæsare alienatus ad Frāncos accessit. Eam ob causā cū à Columnēlibus oppugnaretur, eos hostes Ecclesię iudicatōs, dignitate, atque opibus nudat. Pacem demū cū Cæsare hac conditione fecit, vt Lanoia Prorex Neapolitanus Carolū Borboniū Cæsariani exercitus Ducē ab Vrbe auerteret. At ille contempto Lanoię Proregis interdicto, Romam aduolat. Ergo vrbs sine mag-

no certamine capta, direptaque anno eius seculi
XXVII. Borbonius ipse Dux inter primum cer-
tamē cecidit, ne captæ vrbs gaudio frueretur. At
deinde, quò se Pontifex receperat, acriter obsessa.
Ceterū aduētante Lautreco Frāci Regis Duce, Cæ-
sarianæ copiæ cesserunt, pestilentia in vrbe relicta.

Deterior Hungariam per id tempus clades af-
fixit. Ludouicus Hungariæ, & Boemiæ Rex ingē-
ti prælio à Solimano Turcarum Imp. victus, cesus-
que est. Subinde Buda vrbs regia cū magna Hūga-
riæ parte, quā dolo qua vi à Turcīs subacta. Eius
morte Boemiæ & Hungariæ regnū ad Ferdinandū
Caroli Cæsaris germanum, cui Ludouici Regis so-
rot erat nupta, peruenit. Per eadem tempora &
Genua, auctore Andrea Auria, Francorū iugo ex-
cusso, Cæsarem Patronū adoptauit, & Florentia
Mediceis eiectis, recuperauit libertatem. Ceterū
Lautreco cum exercitu Neapolitana obsidione ex-
tincto, pax inter Carolum & Franciscum facta.
Pax etiam inter Cæsarem, & Pontificem ita con-
uenit, vt Alexandro Mediceo Laurentij iunioris fi-
lio Cæsar Margaritam filiam nuptijs iungeret, eiq;
Florentiæ principatū armis recuperaret. Itaq; Cæ-
sar Bononiæ Augustus à Pontifice appellatus,
Florentinis domitis Alexandrum Ducem impo-
suit. Clementis rogatu Mediolanensem ducatum
Francisco Sfortiæ reddidit.

Subinde Solimano ad Viennam cum floren-
tissimo exercitu Augustus occurrit. Itaq; Barbarus
nihil aliud quā perfusis vano timore Germanis ab-
ijt. Ceterū Hæricus VIII. Angliæ Rex in Annæ Bo.

leniꝑ pellicis amoré effusus, cū impetrare nequisset à Cleméte, vt repudiata Catharina coniuge, Boleniā duceret, à Pōtifice defecit; & Lutheri sectā, quā scripto cōfutarat magna ex parte vita cōplexus, vxare catholicos cepit rapinis, & cruciatibus. Clemēs porrò Romanus Pōtī ex ob Rhegium Lepidi Ferrariensi Duci à Cēsare adiudicatū, se ab eius amicitia denuo auertit, & fœdere cū Rege Francorū inito, Catharinā Florentini Ducis sororem germanā Henrico Francisci Regis filio collocauit.

Per eadem tēpora Ferdinandus Cortesius primus post Columbū ad Mexicana regna (vnde & ad Peruana auri fodinis celebrata patefactus aditus) peruenit. Mexicanoꝝ Rege subactō populos Christianis initiauit sacris. A Mexicano, itēq; ab Athiopie Rege Legati ad Clementem Pont. venire, Christi Vicariū cum agnoscētes. At Ariadenus Aenobarbus ex Archipirata Rex Algerij per speciē restituendi Roseti Regis, expulso eius fraude Mulcaste, regnū Tunetanum in Solitmani ditionem redegit.

Paulus III: deinde Pont. factus, quo tempore Hēricus Angliæ Rex publico edicto se Anglicanę Ecclesię caput & eūe, & dici voluit, & cu Rege Angliā à Pōtifice defecit. Ceterū hoc dānum Deus Barbarorum accessione in Orbe nouo sarfit. Itaq; Paulus tres Patriarchales sedes inibi instituit, quib; septenos fērmē contribuit Episcopatus: adeo res Christiana illis locis creuerat. At Hēricus, Thoma Card. Eboracensi, qui tot malorū auctor extiterat, interfecto, Iure in insōtes cœpit, mox imbutus Catholicorū sāguine cœnobiorū, sacrarūq; adiū
inua-

Inuasit opes, sed sacrilegū Regē sacra praeda pauperē fecit. Pontifex ergo illū anathemate percussū regni titulo, ac iure spoliavit. Itaq; breui Rex impius sentire irā diuini Numinis cepit. Boleniā delicias suas adulterij compertā damnatamq; adulteri ipse capite dānavit. Tristem hāc Anglicanæ heresis memoriā latus Tunetanæ victoriæ nūcius absterfit. Carolus Augustus fugato Aenobarbo, Tunetū receperat: & precariū regnū Muleasis reddiderat. Victor inde Romā profectus triūphali pæne excipitur pōpa. Subinde Alexāder Florētiæ Dux à Laurentio Mediceo cognato suo per insidias interfectus, Florentinis speciē quandā libertatis reliquit. subrogatus ei Cosmus Medices Ioannis clarissimi bello Ducis filius cum titulo vexiliiferi. Ceterū is paulatim prouectus principatum vrbs, quem maiores eius obtinuerant, recepit.

Per idem tēpus Frāncisci Sfortiæ mors nouis bellis agitauit Italiā. Franciscus Franciæ Rex Taurino, alijq; Subalpinę regionis vrribus vi expugnatis, exercitum in Italiam tū aduxit, Mediolanum recepturus. At Pontifex apud Niceam Prouinciæ urbem cum Carolo, & Frāncisco collocutus, id bellū auertit. Protinus belli societate cum Cætare, & Venetis inita auctor fuit, vt CC. triremiū classe contracta, Græcię ora bello peteretur. Igitur itū est in Turcas. obuius fuit ad Actiū promontoriū AEnobarbus cum classe Turcica. Victus haud dubiè foret, si nostri aulii essent vincere. Sed Andrea Auria Hispanæ classis Præfecto certamen detrectante, non sine dodecore discessum est.

Per eadē tēpora Margarita Cæsaris filia, olim A-

Alexandri Florentini Ducis vxor Octauio Farnesio
 Pótificis nepoti matrimonio iūcta. Octavius, virili
 Varanorū stirpe extincta, Camerini Dux, creatus.
 Postea tamē Parma & Placētia Petro Aloysio Far-
 nesio date, Camerinū Ecclesiæ redditū, Exin Pe-
 rusini à Pótifice rebellātes domiti. Ascanius Colū-
 na ob cōtumaciā, fastigio deiectus est. Societas Ie-
 su cōdita, Pótificiaq; auctoritate firmata anno eius
 seculi XL. Paucis antè annis alius Regulariū Cleri-
 corū ordo ab Episcopo Theatino (quī deinde Pau-
 lus IV. Pont. fuit) institutus, ab eoq; Theatini ap-
 pellati. similitudo habitus fecit, vt Societatis Iesu
 homines vulgo Theatinorū nomine appellaretur.
 Subinde Cæsar rebus Flandriæ cōpositis, Algerianā
 expeditionē alienissimō tēpore suscepit, frustra re-
 clamāte Pontifice. Itaque classis ventorum vi, flu-
 ctibusq; disiecta. Augustus, irritō incepto, domū
 mutilatū exercitum deportauit inglorius. Cladem
 Algerianā maior Francici belli moles excepit. Rex
 Francus Turcis in belli societatem assumptis, arma
 inferebat Hispaniæ. Et Cæsar Hérico Angliæ Re-
 ge belli socio Aquitaniā inuasit. Verūmeninū uero,
 cruenta illa, & Hispanorū clade insignis ad Cæsa-
 sulā pugna pacē toties à Pontifice frustra expetitā
 inter Hispanum Francumq; peperit. Et pacē Fran-
 cisci Regis mors sequuta.

Inter hæc Germania pænè omnis simul à Cæsare,
 & ab orthodoxa religione defecerāt. Defectionis
 Principes Philippus Landgrauius Hæssiæ, & Fede-
 ricus Saxonū Regulus erāt. Carolus etsi viribus im-
 par, consilio superior extitit. Germanorum velut
 parta victoria triūphantiū feroces impetus cūctā-

do fre-

do fregit. Inde nec opinantes aggressus pari virtute ac felicitate deleuit. Hostium vterque Dux captus. Saxo suffragij iure spoliatus. Germania omnis pacata.

Ingens subinde motus in Italia exortus est. Petrus Aloysius Parmæ Dux, à sicarijs interfectus. & Placētia inter tumultū à Cæsariānis occupata. Qui nūcius Paulo Pontifici ex mœrore mortē attulit. Per idē tempus Franciscus Xaverius è Societate Iesu à Paulo legatus in Indiā, nō modo Indiā, vltimūque Orientis oras, & Molucas, Mauricasq; insulas Christianis excoluit institutis, sed etiā Iaponiā regionē satis amplam in vltimo orbis terræ angulo sitā Euangelio imbuīt primus.

Per eadē tempora Paulus AEmilius, Paulus Iouius, Franciscus Viciardinus historici, Ambrosius Nouedius Poeta floruerunt.

Iulius inde III. Pōt. Iubilæi celebritatē à Paulo indictā egit anno eius seculi L. Armeniæ maioris Patriarchā, qui ad Paulū venerat, de religionis capitibus bene sentientē, muneribus cultū remisit. exin nouus Assyriæ Patriarcha per Legatum à Pontifice petijt, vt Patriarchatus sibi delati auctor fieret. Resatis explorata voti compos factus. Legato creditū, affirmanti Nestorianorū Ecclesias hæresi vacare, quod à Patriarcha quodā, qui trecentis abhinc annis à Pontifice Rō. creatus eō redierat, cōuersi ad Catholicam fidem dicerentur.

Inter hæc bellū inter Hispanos, Gallosq; renouatum. Belli causa fuit Gallicū præsidium ab Octauio Farnesio Parmā introductū. Rursusq; Hispanū præ-

fidium Gallorum ope à Senesibus eiectum. Itaque & ad Parmam, & ad Senas bellatum est. Ad ultimum Henricus Rex Petri Strozij Florentini exulis ductu Eturiam bello premebat. Igitur Cosmus Medices iunctis cum Cesare viribus Io. Iacobum Medicum Meleniani Marchionem Francis opponit. Hoc duce Strozius praelio victus. Sena tandem in ditionem redacta, Cosmoque concessa. ita Senes libertate amissa, iugum accipere anno eius seculi LV. Biennio ante Eduardo VI. Angliae Rege mortuo, regnum ad Mariam Henrici ex iusta vxore filiam peruenerat. Itaque Reginaldus Polus Card. Pontificis Legatus, Regina adnitente, Angliam haeresibus expiata ad auitam religionem reuocare cepit, anno post eius exilium ferme XX. Et Maria Regina Philippo Caesaris filio, vtriusque Siciliae Regi nuptijs iuncta, spe in posterum affirmabat, si aut diuturna vita Reginae, aut Elisabethae Henrici ex Bolenia filiae brevis fuisset.

Marcellus inde II. veteri sanctitate Pontifex à Deo ostensus magis est Romae quam datus. Vix trium hebdomadarum Pontificatum gessit, quo tempore tot tamque illustria Pontificiarum virtutum documenta dedit, ut in plurimos annos desiderium reliquerit sibi.

Paulus IV. inde successit Ordinis Theatinorum conditor, idemque Orthodoxae religionis vindex acerrimus. Multa & praecleara eius instituta etiamnum vigent. ex quo numero illud est, ut Iudaei certis septis inclusi habitent croceis pileis insignes. Ceterum Paulus Pontifex à Cesare abalienatus in Caesarianos sibi suspectos impetum fecit. Itaque M. Antonio Columna fortunis euerso Ioannem Morij

torij Comitem fratris filium Paliani Ducem appellat. Mox accitis è Fràcia auxilijs de Neapolitano bello agitare capit. Igitur Dux Albanus multis Capaniæ oppidis, ac Latio potitus, vrbē obsidet. Inter hæc Pontifex Petri Stroziz ductu amissa magna ex parte recepit, & Guisus Dux valido exercitu Neapolitanū regnū frustrā tentavit. Ceterū nūcius de clade Francorum ad S. Quintinū, vbi Francē nobilitatis flos ceciderat, paxq; inter Cæsare, & Henricum Regem facta, Neapolitano, Romanoq; bello finem imposuit. Pax conuenit anno seculi LVII. qui annus Tiberina inundatione insignis fuit.

Per eadem tempora Carolus V. rerū humanarū pertæsus imperiū Ferdinādo Cæsari fratri, Hispaniæ regnū Philippo filio per manus tradit, cum imperasset annos XXXVIII. ipse in monasteriū S. Iusti secessit, piæ trāquillæq; vitæ auidus, egregio ad posterum exemplo. Imperator omnino virtute, ac felicitate secundus nemini.

FERDINANDVS.

A Christ. nato anno MDLVIII.

Ferdinandus interea Cæsar iā pridē à Germanis proceribus lectus pro Augusto se gerere coepit. At Paulus Pót. fratrum filijs, in quos indulgētior fuerat, ob effusam eorum licentiam insensus, in cætu Cardinaliū eos publicis muneribus exuit, exegitq;, nūquā in gratiā redituros. Inter hæc Christiana religio in India, & Oriente magnis auctibus creuerat. Itaque Paulus Lusitani Regis rogatu, aliquot inibi sedes Episcopales instituit. Ceterum per idē tēpus Angliæ regnū Mariæ Reginæ morte ad Eli-

Isabellam Boleniæ filiam deuolutum est, & Angli ad errores pristinos reuoluti.

Eodem anno Henricus Franciæ Rex pacē cū Philippo Rege, affinitatēq; iunxit, filia enupta. Ceterū nuptialibus ludis, in ludicro certamine lethale vulnus accepit, quod nō magis Regi, quā regno exitio fuit. Calvinus nequior Luthero magistro discipulus nouā, & sanguinariam cōdidit sectā, quæ per vrbes Franciæ serpens, contempta tenera Regū ætate, florentissimū regnum bellis ciuilibus attriuit.

Pius IV. Pontifex Paulo successit. is Ferdinando Cæsari Augustales titulos dedit. in Pauli I V. cognatos grauitè animaduertit. Carolo Carafæ Cardinali fracto gutture spiritus interclusus. Dux Paliani, Alifanus Comes, alijque capite multati. memorabile documentū, nimīā licentiā impunitā nō esse. Ceterū Pij Pontificatū Gerbensis clades funestauit. Classis instructissima Philippi Regis Tripolim Africæ urbē Siculis infestam bello petebat, quæ ad Gerbem insulā dum sedet, per Ducū socordiā à Turcica classe opprimitur, haud minore dāno quā dedecore nominis Christiani. Porro Pius Trident. Conciliū à Paulo III. inchoatum, integratum à Iulio, ab se renouatū absoluit, ingenti rei Christianæ bono. Eodem in Concilio Assyriæ Patriarcha Orthodoxam professus religionem, ad Pontificis auctoritatem redijt.

Per idem tēpus in Francia ab infelici Regis Hærici casu, Christiana res ruere cœpit. Nā cū Francis II. ac deinde Caroli IX. Regum pueritia contemptui esset, Calviniani ingentes excitare motus. Itē Princeps Condens, & Admiralio Franciæ

Duci-

Ducibus, multas vrbes Regi adéptas sua peste op-
pleuerant, atrocissima supplicia Catholicis inferen-
tes, sacraq; omnia populátes. Itaq; Cardinalis Esté-
sis Legatus à Pontifice in Franciam destinatus, ma-
lum serpens paulisper repressit. Inde ad mores ex
Concilij Trident. præceptis, formandos Pij cura
conuerſa. Militia Equitum S. Lazari restituta. No-
uus Equitum Ordo S. Stephano sacer, Cosmo Flo-
rentino Duce auctore, inchoatus. Pij Equites ho-
norarij instituti, Ferdinando Imp. qui annos reg-
navit circiter VIL

M A X I M I L I A N V S II.

À Christo nato anno MDLXV.

MAximilianus II. subinde, Ferdinando patre
iam rerum humanarum fesso, Cæsar creatus est,
& Pontifex eius deinde imperium ratum habuit.
Porro in Francia Calviniani à Catholicis Caroli
Guilij ductu caſi: sed haud ita multo post Guisius à
ſicario interfectus, Theodori Beza Geneſis hæ-
reſiarchæ, vt creditur eſt, inſtinctu. Guilij mortē il-
laudata pax ſecuta, qua cuiq; qua libitum eſſet, re-
ligione, viuendi poteſtas permiſſa. Exin Melita in-
ſula ingentibus copiis à Turcis obſeſſa in vltimum
diſcrimē venerat, cum Garzia Toletano auxilium
ferente, Turcæ fugati, obſidio poſt decimum men-
ſem ſoluta, anni eius ſeculi LXV. quo eodem anno
Pius IV. deceſſit.

Pius exinde V. ſubrogatus, pius vtiq; Pont. & reli-
gionis inprimis acerrimus vindex, diplomate cau-
ne Pontificiæ ditionis oppida alienari, ſas ſtrictiſſi-
Car.

Cardinales oēs Comitij Pōtificijs in eā rem iurēt. Cū Augustanis comitij de religione agendū foret, Maximiliano Augusto denūtiavit, si id passus esset, se illi imperiū abrogaturū. Elisabethæ Anglorum Reginae, Catholicis infestæ anathematis notā inussit, regniq; ius ademit. Ad hæc perfecit vt Carolus IX. Rex Fræciæ Decretū Aurélianēse de libertate religionis aboleret, societate Fræci Regis cū Turcarū Rege dānauit, eā Franciæ labē dictitās. Christianis Principibus aduersus Solimanū Hūgarie imminētē accēsis, Cæsarē pecunia iuuit. Sed cū celeriter barbaris obuiā itum. Itaq; Albalulia vrbs Trāsyluanie nobilis ab hoste capta, est. Seghetū & natura & manu munitissimū expugnatū solerter p̄ tridū Solimani morte cēlata. Eodē tēpore Chios insula Turcarū fraude occupata: Fræcia ab Hugonotis populata, Rex ipse & appetitus infidijs, & aperto bello oppugnatus. Itaq; Rex Fræcus Pij V. auxilijs, & pecunijs subnixus ad Xantonicū collatis signis cū hoste cēfligit. & pij belli felice uētus fuit. Hugonoti cēsi, Princeps Cōdēlis cū procerib. aliquot interfecit. Inde Gaspar Colineus Admiralius Fræciæ exercitu reparato impiū bellū integravit, irato Deo. Hēricus Regis frater Pōtificijs copijs, ac precib⁹ fultus, nobilissimā retulit de nefario hoste victoriam. Fama est inter pugnā cælestiū equitū turmas cōspēctas pro Rege pugnātes, haud dubium Pij precibus à Deo impetratum auxilium.

Dum Fræcia pacatur, Flādria cōcitari ab hæreticis est cēpta. Dux Albanus supplicio de Comite Agamōte, ceterisq; cōiuratis sumpto, incurerat odia multorū. Igitur Princeps Aurātius Saxonis auxilijs,

hij, Anglicanisq; pecunijs inflatus, Flandriâ infestâ non magis armis, quâ Calviniana peste habuit. Zelandiaque, & Ollâdia furto occupatis, proxima quæq; loca tentabat. At Pius V. pecuniâ Regi Catholico ad piû bellû subministrâs, eû admonuit, ut nō nisi salua religione pacē cū perduellibus faceret. Interea Maximilianus Cæsar confessionē Augustanâ à Lutheri discipulis conflatâ, proceribus, & Austriæ nobilitati cōcesserat. Sed Pij Pôtificis denūciatione perterritus nefarium diploma reuocauit, Ferunt Cæsarē dixisse visum sibi, loquente Legato Pôtificis, Pium flagellû intentantem. Sigismundus quoq; Poloniæ Rex decretû de Calvinianis, & Augustanæ sectatorib. tolerâdis, Pio auctore rescidit. Porro Pius Colmû Medicenū Etruriæ Ducē ob singulare studiû religionis titulo aucto Magnû Ducē appellauit; sceptroque, ac diademate insignē fecit. Humiliatorû Ordinem ob lapsos disciplinæ mores, & Antistitum insolentiam extinxit.

Exin Cyprus insula à Selimo Turcarû Rege oppugnari cœpta. Belli itaq; societate inter Pontificē, Hispanum Regē & Venetos inita, ingens classis auxilio obsecsis mittitur. Ceterû certamine dignationis inter Duces orto, dum ad Cretâ sedetur, Cyprus expugnatur à Turcis anno eius seculi LXX. ut Turca sepe nostris discordiis cresceret. Insecuto anno felicius Ioannis Austriaci (is Caroli V. pellice ortus erat) ductu gesta res est. Pugnatum est nauali prælio ad Naupactu Corinthiaci lunus oppidû, Pio certâ à Deo pollicēte victoriâ. & manifestû, inita pugna, cœleste auxilium fuit. Ventus, qui aduersus nostris erat, in hostē versus, hostilis classis victa captaque

ptaque est memorabili ad posteros victoria. Capte triremes ferme CC. Ad XXX. Turcarum milia extincta, sex milia capta. Christianorum captiuorum XV. milia seruitio exempta. Hoc vltimū Pij V. mortaliū opus fuit. Eodem anno Sigismundus Rex Polonię diem obiit, vltimus ē familia Iagellonia, quę regnauerat iam annos prope CC.

Nō facile alla ætas plures homines litteratos effudit, Adrianū Turnebum, P. Victoriū, Petrū Perpinianū, Paulū Manutium, Mariū Conradum, M. Antonium Muretum, Carolum Sigonium, Annibalem Carum, Petrum Angelum Bargeum.

Gregorius XIII. deinde Pontifex summis Patrū studiis lectus: Cuius Pontificatus initia lætiora lætus de Parisiensi Hugonotorū cæde nuncius fecit. Per occasionem nuptialium Regis Navarra, Caluiniani proceres iussu Frāci Regis oppressi, initio cedis factō à Gaspare Colineo Admiralio, qui vulnibus confossus, de fenestra deturbatur in viā. Secuta inde Hugonotorū cuiusq; generis strages. ad LX. milia Parisijs cæsa traduntur. Mongomerius tamen Henrici Regis interfector ex media cæde elapsus Rupellā arcem maritimā occupauit. Subinde vrgente Pontifice, Turcicū bellū cōmunibus viribus renouatum. Ceterū Occhialinus Dux Turcicæ classis in Methonis portum se recepit. Ibi Fabianis artibus cunctādo nostrorum conatus eluxit, victricis classis impetum retardare contentus. Itaq; Veneti belli tædio pacē cum Turca fecere. Eodem ferme tēpore Henricus Frāci Regis frater, Polonię Rex lectus, sed paulò pōst Caroli fratris morte, ad Franciæ regnum reuocatus. Turcū tūc ab Io-

anne Aultriaco haud magno certamine subactum
Mahometem Muleasse genitum Regē recepit. sed
nondum vertente anno Tunetum à Sina Prætorē
Turcarum receptum. Insuper Guleta arx rebus o-
mnibus munitissima, capta deletaque. Interim Po-
loni diuisis suffragiis duos Poloniæ Reges creant,
Maximilianum Cæsarem, & Stephanum Bathoriū
Transiluanix Ducem. Ceterū, cunctante Cæsare,
Transiluanus regnum armis occupat ipso anno hu-
ius sec. LXXV. qui Iubilæi celebritate insignis,
Gregorij liberalitate insignior fuit. Subinde Ma-
ximilianus Cæsar anno principatus sui X. decessit
ambigua fama.

R O D V L P H U S II.

A Christo nato anno MDLXXV.

Rodulphus inde Cæsar, Maximiliani filius, im-
perare cœpit, quo ferme tempore cuncti pænè
Flandriæ populi Hispanorum militum licentia ir-
ritati de Hispaniis pellendis conspirare cœperunt.
Destinatus igitur eo ab Rege Ioannes Austriacus
cum summa potestate. Is ut per æqua & iniqua Flā-
dros ad Regis imperium, auitamque religionem
reuocaret, omnia Hispanorum, peregrinorūq; mi-
litū præsidia dimisit. At illi soluti metu peregrini
militis, Ioannem Austrium ipsum insidijs captant,
ea mente, ut catholici Regis omninò excutiat iu-
gum, adeo præceps est licentia dempto metu. Ad
hæc Matthias Archiduce Austriæ euocato, eius no-
mine ad suā libidinē abutūtur. Itaque Ioannes Au-
strius copiis, quas dimiserat, reuocatis, quā Alexan-
dri

dri Farnesij ductu, quâ suis auspicijs ingentes Flan-
 dris intulit clades. Louanium, bonaque Flandriæ
 pars recepta. Sed Alansonij Ducis (Franci Regi is
 frater erat) in Flandriam aduentus, & intempesti-
 ua Ioannis Austrij mors victoriæ cussum inhibue-
 re. Eodem anno Sebastianus Rex Lusitanix inge-
 tes copias traduxit in Africam, Seriphum Marro-
 chi Regem, ab Emonucho patruo Fesij Rege exu-
 tum regno, in pristinum regnum restitutus. Vix
 aliud bellum funestius Ducibus fuit. tres Reges pa-
 riter vno ferme prælio ceciderunt. Ceterum Alexan-
 der Farnesius Flandriæ præpositus breui lucē rebus
 attulit. Traiectum, urbem nobilissimam expugna-
 tione ac vi in Regis ditionem redegit. mox secun-
 do victoriæ cursu magnā Flandrię partem emēsus,
 Antuerpiā memorabili obsidione, ac malis domi-
 tam recepit. Hæc inter Henrico Lusitanix Rege,
 demortui Sebastiani patruo magno, humanis rebus
 exempto, Philippus Hispaniæ Rex Antonio Pleu-
 dorege debellato, Lusitaniam occupauit anno hu-
 ius seculi LXXX. Ita Lusitania Hispaniæ regno ad-
 iecta, D. circiter anno, quàm inde abrupta fuerat.
 Lusitaniam Africæ, Indiæ, ac Brasiliæ præfecturæ
 velut appendices secutæ. inde etiam Tertiariæ in-
 sulæ, cælis Gallicis auxilijs (hæ quippe solæ Anto-
 nio parebant) receptæ. Inter huius belli initia lues
 ex cæli intemperie in Lusitania primum orta, to-
 tam deinceps peragrauit Europam. Caput præci-
 pue vrgebat, inde arietis nomen morbo factum.
 Inter hæc Stephanus Poloniæ Rex Polociam, no-
 bilem Lituaniæ urbem, compluræque alia oppida
 de Mo-

de Mosco recepit partim suis auspicijs, partim Ioannis Zamoscij, magni Cancellarij ductu; quocirca Ioannes Basilus Moscouiæ Dux cum eodem tempore etiam premeretur à Tartaris, Legatum ad Gregorium Pontificem destinat, omnia pollicēs, si per eum pacem à Rege Polono impetraret. missus eò à Pontifice Antonius Posseuinus è Societate Iesu, qui denique pace conciliata, Mosco auctor esse cœpit, vt depositis Græcorum erroribus rediret ad Rom. Pontificis auctoritatem. at ille, qui obseruantia simulatione ad pacem vsus erat, pace parta obseruantiam Pontificis abiecit, ceterum haud impunè tulit. ex superiorum cladium mœrore homo iræ impotens furere, ac sauire in suos cœpit, quoad ingrauescente morbo interiit.

Per eadem tempora Gregorius Pontifex Henricum Regem Nauarræ Catholicis infestum, anathemate notatum regni iure priuauit. Anni Iuliani rationem felicius, quàm ille Pompiliani correxit, nouo Kalendario edito, quo Pascha ex decreto Nicæni Concilij agitur. Subinde ex Iaponia (qua regio est in ultimo Oriente) tres Regij iuuenes à Christianis Regibus, Dynastisque missi ad Romanum Pontificem venerandum Romam aliquando peruenerunt, anno huius seculi LXXXV. Mors deinde subsecuta Pontificis tam opportuna, vt siue ad illorum aduentum diuinitus reservatū Gregorium, siue nimia lætitia ex illorum aduentu extinctum crederes. Pontifex fuit si quisquam alius egregius, & paterna in omnes nationes charitate nobilis. Argumento sunt collegia tot gentium iu-

uentu tribonis artibus ac moribus instruendæ instituta.

Sublectus exinde Xystus V. is urbem mirificè ornauit, Vaticano Apostoli Petri templo tholum imposuit, opus hoc mirabilius, quòd artem superare credebatur. Ad sexagies cètena aureorum milia in thesauris reliquit. Inter hæc conspiratio Fràcorum procerum olim Gregorio XIII. Pont. pro religione facta, quam ipsi sacrum fœdus vocabât, ingentes turbas conciuuit in Francia. Res eò demum erupit, vt Henricus Rex Francus Guislii Ducem conspirationis principem per insidias interficeret. Protinus Cardinalis Guislius eius frater, iussu Regis necatur. Cardinalis Borbonius, Archiepiscopus Lugdunensis, Dux Nemorensis, alijque eius factionis proceres in custodiam dantur. Quo nuncio consternati Parisienses ab Rege deficiunt. Horum auctoritatem omnis pæne Francia secuta. Hume-næ Dux Prorex constitutus. Catharinam Regis matrem Guislianæ cædis nuncio perculsam exclamasse ferunt, Henrici eadem opera & Guislijs vitam, & sibi regnum ademisse. Vates fuit. Rex spre-ta Xysti Pontificis denūciatione, Romam ad causam dicendam de Cardinalis Guislij cæde eum vocantis, societatem iniit cum Rege Nauarræ, cuius viribus auctus Parisios circumfedere parabat, cum à cœnobita Dominicano perculsus regno, vitæque exiit anno huius seculi LXXXIX. Moriens Regi Nauarræ Franciæ regnum per manus tradit. Ab eo deinde Lutetia acriter obsessa. Ventum erat ad vltimum inopiæ, periculiq; cū Farnesius Dux Parmensis

mensis opportuno aduentu obsidionem soluit, anno X C. qui idem annus Xylti V. Pontificis excessu insignis fuit.

Secutus Vrbanus VII. non magis breuitate Pontificatus, quàm cunctorum desiderio memorandus, XL die, nondum delibato Pontificatu, ereptus maximas mortalium spes ingenti omnium luctu fefellit.

Subrogatus Urbano Gregorius XIV. vir bonus ac pius, sed ferme valetudinarius. Itaque non sufficientibus viribus ad Pontificia munera obeunda, per Cardinalem Sfondratum fratris filium Pontificatum prope annum gessit. quem duo maxima mala fames, ac lues maximè insignem fecere. Satis constat in Italia tertiam mortalium partem quâ fame, quâ lue interisse. Eadem tempestate Nauarrus Diguera Duce Grätianopolim, aliaque sensum Franciæ oppida haud ignobilia Gallicæ nobilitatis accessu in ditionem redegit. Itaq; Comes Sfrondratus Cardinalis frater, missu Pontificis, opem foederatis proceribus aduersus Nauarrum tulit valida Heluetiorum, & Italorum manu. sed in tempestiua Pontificis mors eum nulla re memorabili gesta Romam reuocauit.

Innocentius IX. deinde creatus Pontifex trimestris, sed egregium Pontificatus sui specimen dedit, benignitate ac facilitate omnibus charus, quò etiam eius mors bonis acerbior visa.

Sublectus inde Clemens VIII. antiqua pietate insignis. Per idem tempus noua belli tempestas à Turcis in Croatiam incubuit. Vitiscum oppidum,

regionis caput, aliaque oppida ignobiliora vi expugnata. Iamque Sisacum summa vi oppugnabatur, cum Prætor Croatiae cum appendicibus Hungarorum in barbaros impetum dedit. Qui in fugam auersi in transitu pontis dum ferrum fugiunt, amne perierunt. Haud humana res visa. LX. Turcarum millia fusa, fugataque à non magna Hungarorum manu. Hac victoria Hungari erecti passim arma ceperunt, & Maximiliani Archiducis ductu Nouigradum, compluraque alia oppida recuperarunt. Fuit ille annus tot Turcarum cladibus insignis, ut spes foret omnem Hungariam breui receptum iri. Ceterum infecutus annus spem in solitudinem vertit. Sina Amurathis Turcarum Regis Prætor cum ingenti Turcarum ac Tartarorum exercitu Hungariam ingressus, Strigoniâ obsidione soluit, & Iaurinum Austriæ propugnaculum obsedit. Quod non magis armis, quam auro oppugnatum proditione cepit, ingenti non solum Germaniæ, sed etiam Italiæ terrore illato. Et per idem tempus Alexandro Farnesio Parmensi Duce extincto, Frisia in Belgio à Mauritio Aurantij Principis filio subacta. aliæ quoque vrbes Catholico Regi ademptæ. Et in Francia, Comitatus à nouo Rege creando haud feliciter habita. Dum Rex Catholicus ad filiam, quam daturus erat in matrimonium nouo Regi, regnum Franciæ contra legem Salicam trahit, re infecta discessum est, procerum plerisque alienatis. Et Nauarrus se Catholicum professus, adeo permouit Francicam nobilitatem, ut Rex Franciæ saluaretur. Ex eo Lugdunum, aliæque præcipue regni ciuitates in noui Re-

gis fidem venere. Et Henricus Parisijs proditiōe captis, à Parisiensibus Rex consalutatus ad maximū vrbis templum iit Catholici edens Regis indicia. Itaque Pontifice per Legatum suum exorato, abolita anathematis nota, in integrum restituitur; & Rex Franciæ à Pontifice appellatur.

Hæc inter Carolus Mansfeldius Rodulphi Cesaris auspicijs in Hungaria bellum intulit Turcis, & obseffa Strigonia maximas barbarorum copias ingenti clade prostravit. Ceterū hostium victor morbo extinctus victoriæ fructum aliis reliquit. Strigonia, & Vicegradum à Ioanne Francisco Al-dobrandino Pontificiarum legionum Duce pari virtute, ac felicitate de Turcis recepta. Et huius victoriæ gloria magna ex parte ad Sigismundum Transilvaniæ Principem redundavit. cuius virtute Turcæ ab Hungaria sunt auersi, obtritique. Itaq; Vallachiam, & Moldaviā maximè frugiferas prouincias Turcis ademjit, & victor nitens Sinam ipsam nobilissimum Turcarum Ducem maximis instructum copiis, solo nomine territum in fugam auertit cum ingenti dedecore, ac strage. Ad hæc Lippam, & Litorgium oppida satis munita de Turca recepit. Subinde Agria sedes Episcopalis natura, manuque munitissima, à Mahomete Turcarum Imperatore non tam vi, quàm proditiōe capta est.

Per idem ferè tempus perpetuæ Quadragenarū Horarum supplicationis, quàm Romæ in singulis deinceps templis Clemens VIII. ab initio instituerat, fructus apparuit. Iauarinum à Comite Schuuar-

zenbergio egregio Rodulphi Caesaris duce, parum
 manureceptum est, tanta omnium admiratione,
 ut diu prædicata magis, quàm credita res esset. Eo-
 demque victoriæ cursu complura Hungariæ oppi-
 da in ditionem Caesaris redacta. &, quod ca-
 put est, pax inter Hispaniæ, & Franciæ
 Reges facta, auctore Pon-
 tifice.

Hæc verò Auctorem scribentem mors oppressit.

F I N I S.

